





569

~~Spelling 523~~

Printed in Turkey

2004



p-98
1617

55

662-47

ՃԵՌՔ

Ն՝ ՈՒՎՓԸՅԻՒՂ Դ ԱՂԲԳՒՄԵՏԻ

ԹՐԵԱՆՅ

Ի ՄԻՒԹԱՐԵԱՆ ՈՒՒՏԷՆ

4057
75-7645
9497-57



Ի ԱՆՆԵՏԻԿ

Ի ԳՈՐԾԱՐԱՆԻ ՄԻՒԹԱՐԵԱՆՅ

1845

9(47.925) + 282k

1917

22-7072

ՆԱԲԿ պատկահամբար հանդիսին, յորում
ամ ըստ ամէ պատկին տարևոր վաստակք առա-
քինի և ուսումնասէր Վշակերտելոց Ոսթայե-
լեան Սարժարանիս, պատճառք լեալ են ճա-
ռիցս ըստ կարևորագոյն թուոյ . զոր թերևս
ներողամիտ ոմն առնուցու յանձն վերժանել :

Նհրաժեշտ պարտք պաշտաման խնց էին և
են, որպէս և ամենայն բարեկիրթ սրաի, սոպա-
ւորել ՚ի գեոաթեք կամն՝ իմաստս առաքինութե-
և հայրենասիրութեան . զոր գուն գործեալ եմ
արդեօք հռչակել հրապարակաւ և ՚ի պատկա-
ռելի ժողովի հանդիսականացն, որ ամի ամի հա-
ւաքին՝ ՚ի խրախոյս աղկաղկ հասակին, որպէս
երաշխաւորեն սոքին բանախօսութիւնք : ՎՅԼ
թէ յաջողեալ իցեմ ՚ի նոյն, արդիւնք իրացն
նստցին դատաւոր . իմ անկեղծաւոր խոստովա-
նութիւն այն է միայն և զիւր մտացն խղճի, զի
ջանացեալ եմ ՚ի մտաց հաւանութենէ և ՚ի յօ-
ժարութենէ սրաի :

Ճառքս հեռի էին յիրերաց ժամանակաւ,
վանն այն և սողիւտ նմանութե իմաստիցն ընդ
իրեարս ՚ի ժամուն չէր կարի նշմարելի . որ ՚ի
միահամուռն խմբել ՚ի մի մատեան գուցէ առա-
ւել տաղտուկ մարթիցին ածել :

Յուսամ միայն ներողամիտ գտանել զազ-
 գային դատաւորս այնու և և թ , զի ոմանց 'ի
 բազմնարատիկ հանդիսից ընտանի հայրենասի-
 բութեան առաջին եղէ ես և 'ի բեմէ պերճասո-
 սութեան տալ բարբառ 'ի ջեռուցանել զսիրտ
 որդւոց 'ի նմանողութիւն հարց արժանաւորաց :
 Յուցեալ միանգամայն այսու՝ եթէ հտնազգի
 պատմութիւն , ըստ առաքինական ճոխութեցն ,
 չլերէ նախանձ ընդ օտարս * :

Աթէ մարթիցիմ այնչափ փառաց ակն ունել՝
 զի սոքօք խրատոյս գտայց լեալ 'ի նոյն քաջագու-
 նիցն քան զիս , ոչ կորանօք ինչ շիկնեցայց ընդ
 տկարութիւնս . բերկրեալ 'ի սրտէ եթէ հոյժ
 քաջաց յիմմէ յանդրգնութենէ առին քաջալեր .
 և հայրենիք մեր յանկարծ ծանիցեն զանզգաստ
 ճոխութիւնն ընտանի :

Ա՛ տայր ինձ զի և բազումք ըղձիցս սիւեւոց
 աստ և անդ 'ի ճառան ինքնին յարդիւնս լինէին .
 և մի որր ճմարիտ սիրոյ պնդէք ընդ իրեարս
 զորդիս միոյ մօր : Օտարարէզ կենաց հարց մե-
 լոց այս միակ նահատակութիւն ոռոզեաց ծան-
 րագին քրտամբք . քանզի այսու ուղիղ ելանէ 'ի
 մէնջ խմբակից փառաբանութիւն անուան Տեառն ,
 որով թէ նահատակիցիմք , անթառամելի պա-
 կեսցին և մեր ճակատք , և գտցուք , այնպիսի
 հարց որդիք երախտապէտք :

Ի Ս. ՆԵՐՍԷՍ ՄԵՆՉ

Եթէ երբէք երկիւղ խռովեալ է զիս , ուստուածարեալ Հայրապետ և մեծապատիւ ժողով առաքինեաց , կամ կասկած տարակուսի վարանեալ զմիտս իմ յեւանել իմում յայս ձեր հանդէս սրտկառելի , ոչ ինչ նուազ է և այսօր երկիւղն , որով սիրտ իմ բարախէ . և կասկած տարակուսին , որով շուարին միտք իմ : Եւսօր , յորում աւուր ժախմ առաջի մատուցանել կորովամիտ ակրմբիս զմեծահրաշ առաքինութիւնս զայնպիսւոյ առն , զոր սրարդև անկշռելի շնորհեաց Բստուած հայրենեաց մերոց : Աթէ ոչ հարկ տօնիս , և սէր որդիական բռնադատէր զիս յայս դժուարին ասպարէզ , անշուշտ ընդ մեղադրանօք յանդգնութեան արկանելիք զիս :

Թէ երբէք զաչս մտաց իմոց դարձուցանեմ ՚ի Ներսէս ՚ի Սեծն , անդէն առաջի իմ նկարի ճշգրիտ սրտակեր երկնից , յորոց յընդարձակածաւալ և յամոյի կամարսն հսկայն յաւիտե-

նական ճախր առնու միայնակ : Ըն Վերսիսիւ պատմութեանց մերոց , տուք ինձ համարձակութիւն ասել , այլ և ամենայն ազգաց օտարաց , աղօտանան փառք : Որպէս 'ի ծագել նշուլից արփուոյն խուսափեն յերեսաց նորա ոսկեփայլ աստեղք , այսպէս առ առաքինութեամբքն Վերսիսի այլոցն ամենեցուն ստուերանան հանդէսք քաջութեանց :

Որքերև թուեսցին ոմանց առաւելութեամբ ասացեալ բանքս . այլ աղաչեմ , նկատեցէք միայն 'ի Վերսէս , և այս բանք նուազ թուեսցին ձեզ : Վերսէս յամենայնի վեհ . յամենայնի հրաշալի . և ոչ անձուկ ինչ սրայման կենաց սահմանէ զառաքինութիւնս նորա : Վա զարմա նալի յարքունիս թաղաւորաց , պատկառելի յեկեղեցւոջ Ըստուծոյ . նա սուր 'ի պատերազմունա արդարութեան , և խաղաղարար ապրտամբողական ոգւոցն խառլութեան . նա վահան ապաւինի տառապելոց , և կշտամբիչ անօրէնութեանց . նա անդորրիչ աղքատաց . նա ցուպ կուրաց և կաղաց . նա առողջութիւն հիւանդաց . նա հայր որբոց և յանձանձիչ այրեաց . նա իմաստութեան առաջնորդ , և 'ի խորհրդեան նազնէ միտս օգտակարս ըստ ժամանակի զիողացն պատահելոց . նա կցորդ հոգոց . նա բարձիչ վրշտաց . միտլ բանիւ նա նորոգիչ ընդարձակածաւալ մերոց աշխարհիս . նա՝ և . . . ո՛հ , քսամնին ոսկերք իմ , նա և ողջակէզ անստերիւր առաքի-

նութեան , հանեալ սրտարագ յարիւնաշաղախ
ձեռաց բարեբարեւոյն 'ի նմանէ :

Ս'ի միայն 'ի խուռն առաքինութեց աստի շատ
լոցէ արդեօք 'ի վեր ամբառնալ զմարդ 'ի նուաստ
խառնազանջ ամբոխէն , և մատնանիչ առնել զնա
յերկրի , և սրակազարդ ձեմեցուցանել յերկինս :
Ըստ արդ որպէս չիցէ իրաւացի երկիրդ իմ և վա-
րանումն մտաց , որ զայսպիսուոյ առն կամիմ այսօր
նորոգել զյիշատակ 'ի միտս ձեր . դժուարին
պարտք : Այամիմ զնա տալ օրինակ ճշմարիտ առա-
քինութեան առաքինացան և ուսումնասէր ժո-
ղովոյ պատանեացս , զի 'ի ծովածուի կենցաղիս ,
որում այսուհետև հանդերձեալ են լինել դիմա-
զբաւ , ըստ նմին նկրտեսցին կերպարանել և ըզ-
վարս իւրեանց . 'ի նա յառեսցեն զաչս , զի մի
անձանց անպիտանք , բեռն աշխարհի և նախա-
տինք լոցին հայրենեաց : Ի մի յայս անուռն քանի
բանի մտածութիւնք խոնին 'ի միտս միոյ միոյ
պատկառելի ժողովոյս :

Ըստ լուսաճաճանչ փառս վսեմ անուանս շա-
նան միտք . առ սէր հօր հայրենեաց բարախեն
սիրտք . և որպէս ես նուաստախոհ բանիւք
խնայք հաւասարեցայց խորհրդոց ձերոց . որպէս
թերի տեսութիւնք իմ կշռեսցին ընդ կորո-
վարիք հայեցուածս աչաց մտաց ձերոց : Թող
թէ նոր եռանդն ածել 'ի լանջս ձեր , որ դարի-
րայ է սիրոյ հայրենեաց , և 'ի բոց սեղանոյ նորին
անդադար բարդի ծուխ մեծարանաց այսպիսոյ
առն անդուգականի :

ՄԵՂ դու , դու սէր հայրենեաց , դու որ վառեցեր զմիտս և զխորհուրդս՝ Վերսիսի , դու եկէջ և 'ի սիրտ իմ , զի խորհուրդք նմին արժանաւորք ծնցին 'ի միտս իմ , և կայծակն քո խորհրդական սրբեսցէ զլեզու իմ , զի մի ելցէ 'ի բերանոյ իմմէ անպատշաճ ինչ առաջարկութեան բանիս :

Սակայն մի համարիցիք , ո՛ւ պատկառելի ատեան , եթէ հանդերձեալ իցեմ մի առ մի զամենայն մեծամեծսն՝ Վերսիսի առնել ձեզ յանդիման . կարի իսկ ծանր է քան զիս բանդ , և առ այդ չտիչեմ բաւական . զօրաւորագունից պէտք են առայն գործ մեծ : ՄԵՂ 'ի կարեւորաց անտի սքանչելազործութեանց նորա քանի մի և եթ յիշատակեցից , եթէ ընդաբոյս ձերոյին քաղցրութեամբ չնորհիցէք ինձ զլնաւորեալն ձեր ներող երկայնմտութիւն :

ԶԻՔ ընդ արեգակամբ ինչ յորում զոյգ ընդ բարոյն չիցէ խառն և մասն ինչ վատթարի . մինչ զի և արիին ինքնին , որ կենդանարար է առ մենայն եղականաց , և տիպ բարերարութեան ամենախնամարարչին , թէ ազահէ փոքու իւրք զճառագայթսն , նկուն լինի բնութիւն 'ի ցրտայինն անուանեալ գօտիս . և 'ի շռայլէն առ սակաւ մի , խամբէ և յոգիս ապաստան առնէ առ հասարակ զըոյս , զտունկ , զանասուն և զմարդ 'ի գլխովին յայրեցեալն կամար : ՄԵՂ և այս անասման

խմաստութեանն հաւատալիք, զի 'ի չարէն խրատեալ, և խրախուսեալ միշտ 'ի բարին կոյս, վարձս յաճախազոյնս պատրաստեցէ սիրելեաց իւրոց, և բացցէ ասպարէզ փառաց սիրողաց աշուան իւրոց: Այլ եթէ թերակատար այս բնութիւն անփոփոխելի էր 'ի պայմանի իւրում, երանի՛ արդարև, որոց լուազոյն հասանէր բաժին. այլ եղո՛ւկ, որոց չարին մասին գտանելին հանդիպեալ:

Օայսր յեղշեղուկ փոփոխութեան բուսոյ բարուց մարդկան բազում անգամ և եկեղեցի Վրխատոսի էառ զփորձ: Սերթ արք մեծամեծք առաքինութեամբ և իմաստութեամբ միանգամայն բարգաւաճեն զեկեղեցի. և մերթ 'ի դուրս յարձակեալ 'ի դրանց դժոխոց ամենայն դժպհի մնորութիւնք 'ի խորշս և 'ի բանտս տան հառաչել հարսինն Վրխատոսի. և բազում այն է զի երկոքեան 'ի միասին բարգաւաճին առաքինութի և չարութի, զի առ երկրորդիս հաւատարութեամբ չքնաղազոյն փայլեացեն փառք առաջնոյն: Այս խորհուրդ մեծապէս խրախոյս է և ձեզ, ո՛վ հարք սուրբք, որք արիապէս նահատակիք անխոնջութեամբ 'ի դժուարակոխ աւպարիզի վշտաց:

Վկատեմ սուէպ և յաշխարհիս մերում զայս փոխատութիւն բարուց և չարի: Տեսարան զեղեցիկ, յորժամ արքայք մեր և թագուհիք փառս համարելին խոնարհեցուցանել զփափկա-

վար մարմինն ընդ ծանրակիր բեռամբ, զի նախանձարկու ամպոց 'ի վեր առաքեսցեն զերկնապիշ ախոյեան աստուածաբաշտութեան իւրեանց . սոքա սպասաւորք պաշտօնէից Տեառն, զչրթանց նոցա կախէին . և նոցա ամենայն ակնարկութիւնք պատգամ էին առ սոսա յատուածակոյս կողմանէ : Այս սակայն յետ Տիւնայոյ ընդ նորանշան տեսիլ այդպիսի, դարձուցէք աղաչեմ գամ մի զայս ձեր այսր . և ընդէր Յուսիկ թուն Վրիգորի մեծի, առ որով այսոցիկ սքանչելեաց ականատես եղև Այրարատ, յետ սուղ ինչ ամաց հառաչանօք զգիշերս հանցէ 'ի գլուխ, և արտասուք դառնութեան 'ի ծագկեալ այսոս նորա :

Աւիցուք, աղէ, պատգամաւորին, որ յերկնից թեւածեալ գայ, և բան աւետեաց 'ի բերանի նորա առ նա և առ մեզ . — Ա'ի ևս, մի Յուսիկ, մի վհատիր . ոչ 'ի սպառ խաթարեսցի եկեղեցին Աստուծոյ . յարենէ հարց քոց, յարենէ քուսմէ թէ որդիք երևեցան օտարախորթք, այլ ելցէ այր՝ որ լոյս լիցի աշխարհի : Արդիք քո Պապ և Աթանաղինէ խոտորեցան յուղիղ ճանապարհաց հարց իւրեանց, այլ ելցէ այր՝ որոյ ընթացք անստերիւր յաւետարանական շաղաքն ուղղութեան . նա առաջնորդեսցէ 'ի նոյն և քոյոյ ժողովրդեանդ . յամիտիել ճառագայթից քոց 'ի մուտս՝ առ փոքր մի 'ի ստուերս մնասցեն որդիք քո, լուսաւորեալք 'ի լոյս քո և

'ի լցս հարց քոյ . այլ յարեմտից ծագեացի աստղ նորանչան , որոյ ճառագայթք լուսաւորագոյն քան զարիին : — Ո՛հ , արդարեւ լուսաւորագոյն քան զնախասհօր քո , որ արիի ծագեցաւ սառեքամնս՝ որդւոցս Մարանայ : Ատես Յուսիկ զթոռնեակն իւր զՆերսէս յԱթանազինեաց և 'ի Մամբշանէ : 'ի քեռէ թագաւորին Տիրանայ : Արին առաքինեաց և սրբայազանց խաղայր 'ի փափուկ երակս մանկանն : Մնկալաւ 'ի գիրկս իւր , և իբրև զծերունին Սիմէոն տեսեալ զակնկալութիւն ժողովրդեան իւրոյ , խնդրեաց 'ի Տեառնէ քաղցր արտասուօք : Արիոյց զաչան արդարն , զի մի տեսցէ զխոտորել ժողովրդեան իւրոյ 'ի ճանապարհացն արդարութեան :

Յափշտակեցաւ 'ի բաց և անարասն Ներսէս 'ի տանէ հարց իւրոց , զի մի չարութիւն ինչ շքրջեցէ զխնաստութիւն նորա . և ահա հազիւ 'ի բան հասեալ , հանձարովն իւրով զարմացուցանէր զհամարուեստ զուգակիցսն : Այլ բախտ դասախարակութեան նորա քեզ եհաս , բարեբաստիկդ Աեսարիա . դու յաղթանակ աննկուն արութեանց զիցագինն մերոյ Մարանայ . դու երաշխաւոր սիրոյ հայրենեաց արխագունդ մերոյ նախահարց . դու թէպէտ և ընդ օտար տերամբք , այլ բնկանն քում ոչ զլացար երբէք զտոկոսիս : Արանի սեմոց վարժարանաց քոյ , որ ոչ միայն ախոյեանս ետուն եկեղեցւոյ զսքանչելն Փերմիլիանոս և զճարտարախօսն Մարսեղ

այլովքն հանդերձ, այլ և հարս հայաստանեայց և եկեղեցիոց քո անդրանիկ ձեռաց Ղապեղապետին, և ՚ի մեզ գետահետեաց զաղբիւր անպղտոր վարդապետութեանն: Որ և ցուցանէ ինձ զփառաւոր զսպինն, որով սքանեաց զնա, զի վերք վասն Յիսուսի՝ փառք են, որով սքանեաց զնա ժանտն Յուլիանոս: Ղրգ բարենշան քաղաքին այնմիկ նախանձաւոր հանդիսացաւ Սաղուհիս Ղըրիոյ, յոր զհոգի հարց իւրոց սանդխտեցոյց ինն Սիսիթար. ՚ի սմանէ ելին վարդապետք ճշմարտութեան, ՚ի սմանէ և քաջագօտի երիտասարդացն գումար աստուածային և մարդկային լցեալ իմաստութեամբ, ճգնեսցին նորոգել զխաթարեալ փառս հայրենեաց մերոց: Ղ. յսպէս ուրեմն միշտ ցօղով օտար աստեղաց բարդաւաճեն սարծանք Ղ. յրարատայ:

Ղ. յղարձուցէք աղաչեմ՝ զաչա ձեր ՚ի՝ Վերսէս, որ ՚ի վարժարանս Վեսարիոյ նահատակի. ո՛վ տեսիլ չքնաղ: Սարդապետաց բազմաց սահմանեցաւ իմաստութիւն առ ընդարձակածաւալ հանձար նորա, և յակճիւս կրթեցաւ մեծապանծն Յունաստան ընդ կորովութի մտաց որդւոյն Ղրամայ: Սինչդեռ հայաստան անծանօթ էր բախտին իւրոյ, օտարք երանէին նմա ՚ի՝ Վերսէս: Ղնարատութիւն վարուցն և հանձար իմաստութեան նորա յսպուշ կրթէին զամենեւեան. և ազահ շրթունք կուէին զնասուրբ, անուանէին զնա սրատիւ արքունեաց, զնա

նեցուկ արքունի գահուն , զնա զարդ հայաստանեայց :

Բայլ բարէ . առ ինչ փոխանակ ուղղելոյ 'ի հայրենի գաւառ իւր զընթացսն զկնի քաջակիրթ արգասաւորութեան 'ի հրահանգս աստուածային և մարդկային վարժից , 'ի թագաւորեալն Բիւզանդիոնն ուղղեսցէ զգարչապարսն : — Աջ վայրասար : () րինակ իմն ժրաջանն մեղու յորժամ վտարանդի 'ի հայրենի փեթակէն թափ առեալ ծաղկաց 'ի ծաղիկս մոլորիցի , ոչ թէ զրահեա թափառական շրջիցի , այլ որպէս զի զքաղցր նեկտարն միոյ միոյ 'ի գեղարթիթիթ ծաղկաց անաթ մթերեալ՝ ահաղձուն թիկամբ դառնայցէ 'ի փեթակ անդր ըսուլ զբջիջնսն անուշահամ՝ մեղերբն : Բայսպէս և տեսուցութիւն աստուածային իբրու զձեռանէ կալեալ զԱլերսիսի առաջնորդէր անդր , ուր ուղղութեանցն յաճախեալ էին կարգք . որպէս զի զկարեւոր բարեվայելութիւնսն առեալ ածցէ և 'ի բնիկ գաւառ իւր . ուր չարանախանձն թշնամի բարւոյն յաշաղկոտ աչօքն խոժոռ հայեր 'ի բարեգուշակ արգասաւորութիւն քրտանց անմահն Վրիգորի :

Բնդ 'ի Բիւզանդիոնն գողացաւ զսիրտ նորասարկէշտասուն օրիորդն դուստր իշխանին Բայկոնայ . և 'ի նուիրական օրհնութենէ սրբոյ եկեղեցւոյն պարգևեաց Տէր զբարենշան մանուկն Խահակ : Ահ ընդ յիշատակ անուանն իայտանն սոկերբ իմ , զի քանի՜ ակնկալութիւնք

որդուոյն Մ. քամայ մթերեալ զանձեալ կան յա-
նունն յայն մեծ, յանուն օրհնեալ յՄ. սու-
ծոյ : Այլ ազգաստհմ' աստուածամերձ առա-
քինեաց :

Սակայն յորում վայրի և գտանէր, աչք մտայն
Վերսիսի անթարթ յառեալ էին 'ի հայրենիս
անդր. տեսանէր զաղէտս նորա և հառաչէր : Տե-
սանէր զի արքունիք քրիստոսանուէր թագաւորաց'
իւրոց ազգականաց, շէին ինչ ընդհատ 'ի հէթա-
նոսականացն՝ որջ լեալ նմ' ախտից, և ապաւէն
ամենայն չարութեանց : Վարանակալ հայրա-
սպանութիւնք, աղտեղութիւնք սղծութեանց,
զաղանիքսութիւնք, յայտնի դաւաճանութիւք,
բռնութիւնք, չարութիւն սրաշտպանեալ, առա-
քինութիւն հարստահարեալ. աշխարհն ամե-
նայն առ հասարակ մատնեալ 'ի սլատերազմունս,
դաւառք և քաղաքք յաւերմունս. արիւն, կո-
տորած, աւարառութիւնք, կործանմունք ամե-
նայն ուրեք : Արսէս օտար են արդ կերպարանք
քո յառաջնոց քոյոց կերպարանաց, ո՛ր գաւառ իմ
հայրենի : Մ. ախամբք սղտորն Վրասիայ և
տխրագին էկեղեցին հայաստանեայց ձեռն 'ի
ծնօտի՝ յիշատակեալ զանցեալ գեղ վայելութե-
իւրոց, ընդ այժմու հիգութիւնն ողբայր դաւ-
նապէս, և զաղի արտասուս իւր խառնէր ընդ փրք-
փրալից ջուրս գետոյն : Տաճարք Մ. սուծոյ դա-
տարկացեալք, խորհուրդք ապախտ եղեալք, և
աստուածաբաշտութիւն ընդ լերինս և ընդ ան-
տառս թախառական :

Աննա՛հ Տէր, մուսայար արդեօք զձեռն մեծ
 և զբազուկ բարձր, որով ձօխացուցեր զփառս
 անուան Արդւոյ քո՝ ի գաւառան յայնտակ, մինչ
 դեռ տիեզերք առհասարակ տակաւին թաղեալ
 կային ՚ի խաւար հեթանոսական սպարանայ .
 միթէ վայրասարձր ուղեցին զանդատանս ժա-
 ոանգութեան քո արիւն առաքելոց և առաքե-
 լանման հարց մերոց : Ինայեա, Տէր ոգեսէր, և
 մի՛ ՚ի սպառ ծանրացի՛ ՚ի վերայ ժառանգութեան
 քո վրէժինդիր բազուկ քո :

Այս արդարեւ ոչ մինչև ՚ի սպառ անարգասա-
 ւոր գտանքիրան և արիւն Վրիգորեանց : Այ-
 նուհետև վրիպակարահետ և բազմաշաւիղ մո-
 լորութիւն յանձնէ իսկ տաղտկացեալ, ՚ի ինդիր
 անկանէր առաջնորդի, որ ընդ անքոյթ ձանա-
 պարհ ածցէ զնա յուղիղ սողոտայն : Այս ահա
 ՚ի միջոյ արբունեացն ընտրեցաւ արժանաւոր
 աթոռակալ Վրիգորի : Աերսէս սենեկապետ
 արքային Արշակայ և ՚ի զեղծ յարբունիսն ոչ
 պղծեաց զանարատութիւն վարուց իւրոց : Աեր-
 սէս յինքն ձգէր իմաստութեամբն և վայելու-
 թեամբ զեղոյն զաչս և զմիտս ամենեցուն : Աեր-
 սէս հրամանաւ երկնաւոր զուարթնոյն եպիսկո-
 պոսապետ հայաստանեայց երկրպագի : Այս որ-
 պէս երբեմն զԱ՛ռսէս շնորհք աստուածային
 յարբունեաց անտի Փարաւոնի յափշտակեցին
 կացուցին և առաջնորդ և օրէնսդիր ժողովրդեան
 իւրոց, այսպէս նոյն շնորհք ՚ի ծանրակիր ևս զե-

լու թէնէ՝ Վերսիսիւ կամեցան փրկել զմեզ : Սրախ լեր, եկեղեցի սուրբ, ուրախ լեր . ահա եկն առ քեզ փեսայն քո, որ դարձուցէ զորդիս քո ուծացեալս առ 'ի քէն, 'ի զթալիր ծոց քո մայրէնի :

Յայնժամ միւսանգամ դարձ արար Վերսէս 'ի Վեսարիա . այլ որպէս այլազգ քան զառաջին նուագան : Արկինք և երկիր զմիմեամբք ել և ելս առնէին 'ի պատուել զնա . առաջին նախարարք և ոստանիկք աշխարհին թուցեալ յաջմէ և յահեկէ շքեղ յաղթանակ բոլորէն զնովաւ : Հոգին, որպէս երբեմն 'ի Յորդանան, ազանակերպ երևութիւն ցուցանէ ամենեցուն զսիրելի զաւակն ընտրեալ . և սիւնն լուսոյ հաւատարիմ առնէ թէ նոր զոմն Սովսէս առաքեաց Մատուած առ ժողովուրդ իւր ազատել զնա յեզիպտական մոլորութեանցն, և յաւետարանական մարզան տաւաղել իբրև զՏօտս զառանց անմեղաց :

Ղոխացեալ աստուածապարզև շնորհիւն զայ հայրս մեր առ մեզ : Հնպա, զի յապաղէք, որդիք Սորգոմնայ . արիք ելէք ընդ առաջ հօրն ձերոյ, ընդ առաջ ընտրելոյն Մատուծոյ . որ ձոխագոյն ևս քան զամենայն դիւցազունս ձեր բարձեալ բերէ ձեզ աւար անկապտելի . ոչ արիւնասներկ դափնեօք, այլ լուսով զարդարեալ շնորհաց Մարտիրոսոյն : Առ արդարև երազագոյն ևս քան զբանս իմ յամենայն սահմանացն հայոց թա-

դաւորաւն հանդերձ դիմեն ընդ առաջ Վերսիսի : Այստայն բլուրք , և ծուփ 'ի ծուփ կայտակին ալիք Ափրատայ և Արասխայ 'ի տեսիլ նորահրաշ առուն : Անձկացան դաշտք ամբոխ բազմութեանն . սողոտայք ընդ որս անցանէր ծաղկապաճոյճ և տերեւախիթ զարդարեալ ծափ ըզծափի հարկանէին . և ժողովուրդն իբրու այն թէ միւսանգամ գտեալ զփրկիչ իւրեանց ազաղակէին : — ()ըհնեալ Տէր , օրհնեալ որ գաս յանուն Տեառն . դո՛ւ փառք հայաստանեայց , դո՛ւ պարծանք ժողովրդեան քո , դո՛ւ անտուեր ճառագայթ նախնոց քում Արիզորի : Անոյն բերան զՎերսէս կարգային , և արձագանդք հրապարակաց և ճանապարհաց զՎերսէս հնչեցուցանէին : ()ը բարենշան օր մտին Վերսիսի 'ի հայաստան քահանայապետական գեղեցիկ սրատմուռնաւն . օր բազմախորհուրդ , որ աւետարերէղև ոչ միայն այնր ժամու , այլ և երանութեց մերոց , առ որս ժամանեցին նշխարք մնացուածոց գեղեցիկ և բազմաճոխ ժամանակին , զերծեալք յալէկոճ նաւարեկութենէ դարուց :

Ամուտ Վերսէս յեկեղեցին ԱՅ . ով տեսիլ ազետայի : Այնչ ընդհատ էր տեսարանն այն , քան զոր երբեմն նկարէր յաչա Յուդայի բազմադէտն Արուսաղէմ : Ատես զսրբութիւնն աւերեալս , զսեղանն աղտեղեալ , զդրունն այրեցեալ , թուփ առ թուփ բուսեալ 'ի սրահն իբրև յանտառի և զվարագորածիզսն խաթարեալս . : Աւերակ

վսեմ մեծագործ շինուածոյ . և նորոգութիւնն արժանաւոր հանձարոյ մեծախորհուրդ ճարտարապետիս : Ատես՝ Աերսէս . և ոչ ինչ վճատեցաւ ողին աննուաճելի . սակայն հնչեցին երկայն հառաչանք : Ախորհեցաւ խորհուրդ իւր արժանի և կատարեաց . զի որ ինչ վասն Ա՛յ էր խորհել նմա և կատարել ընդ մի համար էին . յորում և ազդողագոյնս տպաւորեալ էր Ա՛ստուած զաննըկուն պատկեր իւրոց ամենակարող կամաց :

Այ որպէս բժիշկ ճարտար զի դարման ազդոյ ախտիցն պատրաստեսցէ , հնարի նախ ճշգրիտ գտակաւ ՚ի վերայ հասանել զժնդակութեան ախտին , այսպէս և Աերսէս քննէ մի առ մի զվիրաւորութիւնս եկեղեցւոյն հայաստանեայց : Ա՛յլ աստանօր աղաչեմ , առ վայր մի ելցուք ընդ Աերսիսի , ընթացուք ընդ ճանապարհն՝ ընդ որ նայն ընթանայ : Քա՛բէ , ոչ ժուժկալէն աչք ՚ի տեսիլ աղէտիցն . աստ կիսակենդան որ մասնեալ յանդութ ժանիս քաղցու՝ այլազունեալ տարածեալ իբրև զգի անկենդան , և հազիւ ՚ի դանդաղ կախոյց աչացն տայ նշան զնշխարեալ կենդանութեանն : Ա՛նդ այլ որ ողի ՚ի բռին մաքառի ընդ վայրենի գազանաց . այլ անոք անօդնական , եղճկ , կուր անաբարտ անկանի սպառում ճիրանացն . այլուր անթաղ սպիտակ ոսկերոտի գուշակէ զտարազ զբաւելոյն ՚ի կենաց ՚ի տժգոյն մահուանէ : Արպէս հանդուրժէր սիրան հայրենի յայս աղէկէզ երևոյթ : Օ որ

զիս նորա առ ախտակիր ցաւոյ մարմնոյ հալածէր
անդ թու թիւն ժամանակին արտաքոյ քաղաքա-
ժողով միաբանութեան . անդ զրկեալ 'ի կարե-
կից օգնականութենէ համարուն զուգակցաց ,
անդ օտար 'ի խրախուսանաց քրիստոսական առ-
տուածսաշտութեանս՝ մասն և տուր լինէին տա-
ռապետքն 'ի կարիս մարմնոյ և 'ի ժանիս զազա-
նաց : Առ առաջնորդեցեր ռաից նորա , զու տես-
չութիւն աստուածային , որ սահմանեալ էիր զնա
վարդապետ ճշմարիտ մարդասիրութեան :

Արտասուեաց Աերսէս ընդ աղէտսն . և արտա-
սուք նր արգասաւոր բարեաց եղէն աշխարհիս մե-
րոյ : Աիմեաց յԱշտիշատ . անուն լի յիշատակօր
բազմօք , և 'ի հնչիւն նորա արձագանգս թնդե-
ցուցանեն արևելք և արևմուտք . անդ փառք մն-
լորութեան մերոյ . անդ զիւտ կորստեան աշխար-
հիս : Անդր աշխարհատրճ ձուլիք հաւանութի
'ի մի միաբանեաց զեպիսկոպոսունս և զիշխանս
առ հասարակ . անդուտ սկիզբն էառ և կրկին
նորօգութիւն աշխարհիս մերոյ : Առ զի առաւել
քան զամենեսեան սիրէր Աերսէս զաղքատս և
զտառապետս , և ակն ածէր 'ի վերայ նոցա ,
որոց և Տէրն ինքնին զառաջին երանութիւնն ե-
րանեաց 'ի գերաշխարհիկ լեռնէն , զերախայրիս
հայրազութ ինամոցն առ նոսա առատաձեռ-
նեաց : Այն զի 'ի նոսա նկատէր զվասն իւր աղ-
քատացեալն Յիսուս . և զորոց 'ի գիրկս նոցա
առատաձեռնէր , աներկեան ակնկալութեամբ

անն ունէր առնուլ զտոկոսիս յերկնաւոր զան-
 ձարանաց : Բնկալաւ նա . և միւսանդամ առ ձեզ
 պարգևաբաշխէ , որք նախանձաւորք էք նորին
 առաքինութեանց : Յնծացէք , ախտաժէտք և
 ցաւազնեալք , սրբեցէք այսուհետեւ զերկայն
 արտասուս ձեր յաչաց ձերոց . ահա Մերսէս
 ձեզ 'ի հայր և 'ի մխիթար և 'ի յարկ ապաւինի
 'ի դառն կարիս ձեր : Այւ անդէն 'ի վեր կան-
 զնէին աղքատանոցք , և տեղի սննդեան որբոց
 և այրեաց և ծերոց . և բորոտք և ուրկունք ժո-
 ղովէին 'ի պատրաստեալ տեղիս խրաբանելիք
 գտանել դարմանս 'ի զթոցն Մերսիսի : Այւ որ
 տակաւ մի յառաջ անտերունչք լքանէին 'ի լե-
 րինս և յանտառս , արգ իբրու տիրազուխ իշ-
 խանք հարկս ոռճկաց ընդունին 'ի գիւղից և
 յանդատանաց . և ոչ որ , ոչ որ յառուրս Մեր-
 սիսի թափառէր 'ի մուրոյն տառապանս . և աղ-
 քատք և հիւանդք քաղցր անուամբն հայրակոչ
 լինէին նմա :

Բնդէր չիցեմ ես բառական տպաւորագոյն
 խօսիւք և ազդողագոյն դարձուածովք բանից
 առաջի նկարել ձեզ զլայնածաւալ միտան Մեր-
 սիսի . զանչափելի ընդարձակութիւն սրտին .
 զանխոնջելի բրտունսն . զնա՝ որ 'ի վերայ հայրե-
 նեաց եդ զանձն 'ի գլխովին : Բնարկեաց , և
 ահա յարեան կանգնեցան եկեղեցիք , արժա-
 նաւոր տաճարք փառացն Բսառծոյ . հայրա-
 պետանոցք՝ դարձրայք պատգամաց Տեառն . եղ-

բայրանոցք և մե՛նաստանք՝ ապաւէն տարաշխարհիկ առարկնութեանց : Արանի քեզ, հայաստան աշխարհ, զերկնից դու արդ բերես 'ի քեզ զնաննութիւն . մանաւանդ թէ նախանձ իսկ արկանես երկնից զունդագունդ հրեշտակակրօն մարդկաւդ, որ արիաբար զերկնաչու ճանապարհն նախ կոխեալ, տան և քեզ խրատոյս զի մեւ ընդ նոյն յառազատ երկնաւոր փեսային :

Այլ մի, ո՛վ հարբ իմ, այնչափ օճանա բարեաց մթերեաց յաշխարհ մեր, զոր զարբ բազումք տակաւին չժամանեցին ածել 'ի բազմիմաստն Աբրովէ : Աւելեթէ ոչ փախտական ժամանակն խուճապէր զիս, կամէի զմի մի 'ի բարեխնամ անտեսութեցն՝ Աերսիտի 'ի կշիռ արկանել ընդ քրանախատակ տեսչութիւնս զիշերաջան կենցաղագիտաց . և թէ ոչ յամօթ առնել, այլ զօնեայ յապուշ կրթել զնոսս, որ պանծացեալ են յանձինս իւրեանց : Այլ զինչ զարմանք . որ ընդ Մատուծոյ միացեալ իցէ, չիք ինչ նմա խափանարար . 'ի բարձրութիւն Մատուծոյ ժամանէ : Բարձրութիւն, հողեղէն մտաց անկռելի : — Մյուհետեւ չէր որ օտար 'ի հայաստան . և որ յեղիցն և կամ 'ի մտից արեւո ժամանէր 'ի սահմանս մեր, ոչ թէ իբրև օտարոտի որ, այլ իբրև եղբայր համասնունդ ողջունէր յամենեցունց : Աւ հայաստան հանդիստ լինէր օտարաց, և հիւրընկալ վանատուր պանդխտացեւոց . և այս ամենայն երկանցն՝ Աերսիտի արգասիք :

7191
 75-7665

Որպէս 'ի ծագել արիւոյն , և 'ի ցորանալ և 'ի ծառալել երփներանգ ճառագայթից 'նր գազանք գիշերայինք զօղեալ թագչին յորջս իւրեանց , և բնութին առ հասարակ իբրև 'ի մեռելոց վերակենցաղի , և ամենայն ինչ առնու միասանգամ զգեղ վայելչութեան իւրոյ , զոր զողացեալ էր տիրագոյնն սեառ գիշեր , այսպէս յերևել Վերսիսի կերպարանափոխ եղև ամենայն հայատտան : Վայժակնացայտ աչօքն հայեցաւ միանգամ 'ի տիրացեալ յախտս և 'ի չարութիւնս , և 'ի հայեցուածոց նորա զարհուրեալ անհետ եղին : Սպազաւորք և իշխանք զսէգ պարանոցս իւրեանց խոնարհեցուցին ընդ լծով հզօր հրամանաց նորա :

Եւ որ զամենայն աւուրս , զամենայն ժամս իւր նուիրեալ էր յօգուտ գաւառին իւրոյ , չէր ապաբէն 'ի մոռացօնս արկեալ և զանձնն . զոր խաչեալ էր ընդ Վրիստոսի , թաղակից արարեալ նմին , և սպանեալ մեղացն : Տաճար իւր և սեղան զօրհանապաղ օտարաց էր և հիւրոց . և զհանդերձան և զկերակուր հասարակէր ընդ աղքատաց : Այլ լուծ էս աստանօր զերկայն աղօթակացութիւնս նորա , լուծ զճգանան , զճոմն , պահութիւնս , զգեանախշտութիւնս , և զտանաւոր տքնութիւնն գիշերայինս : Հանգիստ , զիւրութիւն , զբօսանք անուանք էին ատելիք յականջս նորա . և զիւրութիւն համարէր զփոփոխութիւն միայն նեղութեանցն : Հիւանդանոցք տաճարք էին նմա զբօսանաց . և ձեռօքն , որ զրե-

Թէ զսանձ աշխարհին 'ի բռին ունէին, ոչ անարժան համարէր սպասաւորութիւն մատուցանել ախտացելոյն . ինքնին իւր ձեռօք լուանայր զնոսա, օծանէր, սպտէր, և ինքեան ձեռօք ջամբէր նոցա զիւրաքանչիւր կերակրիին : Եւ անարատ դստերք սքանչելոյն Եւ ինկէնտի սաւլայեցոյ, դուք նմանօրինակ առաքինութեամբ հիացուցանէք արդ զՎասղղիա, նա զԱլբրուէ ողջոյն . և 'ի ձեր նմանողութիւն Թեակոխէն փափուկ օրիորդք . ոչ հիասթիւք և դուք, օրդիք Հայկայ, և նախանձաւորք կրթեալիք այսպիսի սիրելի առաքինութեանց մեծախորհուրդ հօրն ձերոյ :

Եւ եթէ ախտ ուրուք 'ի բժշկական հնարիցն հանդիպէր ապստամբ, նշանագործ սքանչելեօքն սարգէէր այնպիսոյն զանակնկալ առողջութին :

Եւ բազում անգամ յափշտակէր 'ի ձեռաց անողորմ մահուան զանգութ աւարս նորա :

Եւ ոչ զմարմնոց միայն, այլ և զհոգեոց դարմանէր նա զախտս . զորս անոյշ իւղով հայրական քաղցր խրատուն, և զորս ահարկու յանդիմանութեանն երկաթով բուժէր 'ի Թարախացեալ վիրաց հոգւոյն : Թէ առաքինութի, ըստ նախնոց ուրումն Եւ մատասիրի, յափշտակէր զսիրտ ամենեցուն եթէ առնոյր կերպարանս և ընդ ախամբ անկանէր, որպէս չյափշտակեացէ զսիրտ առաքինի ունկնդրացս Եւ երսէս, որ արդարև ինքնին առաքինութիւն էր Թաղուցեալ ընդ մարմնաւոր կերպարանօք :

Սակայն զայս ամենայն տակաւին ոչ շատ համարի կորովաբիբն՝ Աերսէս յանխախտա նորոգութիւն աշխարհիս մերոյ : Ամենայն բարեկարգութիւնք զազփաղփուն եղիցին, եթէ ոչ ՚ի հոգւոջ կանդաղեալ իցեն. և վասն այսորիկ խորհուրդ խորհի կարևոր քան զամենայն. և ամենայն ուրեք բացան վարժոցք խիտ առ խիտ, խորարմատ սերմանել ՚ի մատաղ սիրտ մանկուոյն զսերմանս առաքինութեան, և ճշմարիտ խնաստութեամբ զարգացուցանել զմիտս նոցա. և ոչ վրիպեցաւ ՚ի խորհուրդս իւր : Ի նորա ջանիցն այսօր և մեք վայելեմք յարգասիս :

Աերսիսի խորհրդոցն բարգաւաճեցին զեղեցիկ արդիւնք ՚ի Սեսրոպ ՚ի հրաշալին, յորոյ ընդ հայրենասիրութեան՝ բորբոքեալ յազնուախորհուրդ լանջս և կայծակնն ուսումնասիրութեան, այնպիսի ճոխացոյց զմեզ սարգևօք, որ ոչ անցանեն : Աթէ փառք են տիեզերակալութեանց՝ շիջանին. եթէ շինուածք հոյակապ՝ կործանեցին. եթէ իշխանութիւնք՝ քակտեցին. զահոյք արքունիք՝ ոչ կացցեն յակաստանի : Այլ խնաստութեան չիք փոփոխութիւն. խնաստութիւն յաղթող է բռնութեան ժամանակաց, զի ազգակից է Աստուծոյ : Այլ և դուք ինքնին հաւատարիմ ևս երաշխաւոր էք ճշմարտութեան բանիս, որ ոչ միայն երկիւղած աւանդապահք էք անկապտելի զանձուց խնաստութեան՝ ժառանգելոց ՚ի մեծամեծար հարց

ձերոց, այլ և քրտնաջան և ոգեսպարա աշխատ
լինիք ՚ի հրահանգել զբարեբաստիկ մանկախի
ժամանակիս ՚ի բարեկարգ վարժարանս ձեր :
Ո՛հ, փառք ձեր անանցանելի եղիցին առաջի
Աստուծոյ և մարդկան :

Այսպէս զամենայն բարեվայելութիւնս
կարգաց հրաւիրեալ Վերսէս յաշխարհ մեր, կա-
ցոյց և վերակացուս ՚ի վերայ և տեսուչս արս ըն-
տիրս, աշակերտեալս իւրոց առաքինութեանց,
զի մի ինչ ժպրհեսցի ստնանել զեղեցիկ կար-
գացն անսանձելին չարութիւն : Այլ որպէս հաս-
ընտիր սերմանեալ յերկրի, թէ ոչ ինքնին մշա-
կին խնամք հսկեսցեն ՚ի վերայ՝ խել զգաղձն,
կակղել զերկիրն, զի զխոնաւութիւն ցօղոց և ան-
ձրեաց երկնից յինքն ձգեսցէ, խամբի վաղվա-
ղակի և արուզանայ, այսպէս և Վերսէս ինքնին
անձամբ շրջեր ընդ ամենայն լայնատարած գա-
ւառս ընդարձակ իշխանութեան իւրոյ՝ յանձան-
ձել զվշտացեալն, յանդիմանել զստահակն,
խրատել զմոլորեալս : Սերթ ՚ի Աստուրական
աշխարհէն զիմէր ՚ի Ա իրս, և մերթ ՚ի Սիսա-
կեանցն լերանց ՚ի թևս սիրոյն թռանէր ՚ի ցան-
կալի գաւառ իւր Այկեղեաց. և այնպէս ամե-
նայն ուրեք ծաղկեցուցանէր զկրօնս աստուած-
սբաշտութեան, և զհանձար իմաստութեան ա-
ռուել քան յաւուրս հարց իւրոց :

Սիրտ Վերսիսի ասանջական էր նմի, որ օգուտ
ածէր հայրենեայն. և հայրենիք ոչ գեղեցիկ

կարգօք և եթ բարեվայելութիւն առնուն բարգաւաճ, այլ և սաշտարանութեամբ 'ի յարձակմանց թշնամեաց: Այլ Վերսէս ոչ միայն բզմ անգամ 'ի դասս պատերազմողաց զլայնատարած կորովիւ լանջս իւր թուամբ կանգնեաց ընդդէմ հրոսակաց յարձակելոց 'ի վերայ սահմանաց հայրենեացն, մինչդեռ արութեամբ զսուսերն պողովատիկ շողացուցանէր 'ի ձեռին, այլ և յորժամ իտան իտաղաղաբար անկաւ նմա 'ի Տեառնէ, բաժին ժառանգութեան, արիագոյն ևս զիմագրաւ լինէր բանակաց և բազում այն էր զի ինքնին միայնակ յաչս դնէր զբիւրաւորս թշնամեաց:

Արշակ ահա զօձիս սրատառեալ հասանէ առոտս սրբոյ հայրապետիս և էր չմարթիցիմ աստանօր թէ ոչ խորամանկել, գոնեայ լուել զճշմարտութիւն: Վանդի նա ինքն այնուհետեւ 'ի իտաղաղուէ և 'ի բարգաւաճմանս տեսեալ զաշխարհն՝ անմիտ յանդգնութեամբ, որպէս բնաւորեալ է միշտ անմտութիւն 'ի յաճողակս յանդուգն գոլ, և վատասիրտ 'ի ձախողակս, զայրացոյց զԱպղենտիանոս քաջն և բանակք յունականք լի բարկութիւն առաթուր հարեալ զարիւնաշաղախ զիականն Տրդատայ զեղբօր նորին իսկ Արշակայ 'ի հրապարակս Վիւզանդիոնի, զոր վրէժխնդիր ցասումն կայսեր եհան սրատարազ անխորհուրդ յանդգնութեանն, զիմեն 'ի սահմանս հայոց և Արտոգոս քաջն սպարապետ նոցա, որ միայնակ 'ի կշիւ գայր բանակաց բազմաց: Առաքինութիւն անվէհեր 'ի

դժուարինս , մանաւանդ թէ 'ի վտանգս առաւել արիական , ոչ ինչ վճատեցաւ ընդ գոյժն . անվըրդով ետ սրատասխանի արքային : — Այս միայնակ յառնեմ ահա ակոյեանն ազրախումբ բանակաց թնամեաց . այլ դու , ո՛հ , կարի ստերիւրեցար 'ի ճանապարհայն արդարութեան . հայեաց միանգամ յանձն քո . տես մի՛ գուցէ ընդ երկրաւորիս՝ երկնաւոր արքային թափեցի ցասումն 'ի գլուխ քո :

Այ այնպէս աչազեղն աղաւնեակ շիւղ 'ի բերանի աւետարէր գտաւ հաշտութեան Աստուծոյ ընդ նաւակոծ աշխարհիս առ երկրորդ հայր մարդկութեանս , յորժամ 'ի խոնարհել արիւննւոյն հեզիկ թեւածեալ թռանէր զտապանաւն , որ զուռնչ կենդանութեան աշխարհիս յինքեան բովանդակէր , որչափ տեսիլ՝ Արքայի ամօքեաց զցասումն բանակաց , որ լի էին համայնաջինջ ըսպառնալեօք , և զուարթացոյց աւետեօք խաղաղութեան զհայաստան ժողովուրդ : (Թուլացան բազուկք զայրագինք , և կ'թոտեցան ծունկք հարկանել զմնացուած ճանապարհին . և լ'կեողոս իբրու այն թէ չնորհս 'ի՛ Արքայիս ընկալեալ , այնպէս մեծարէր զնա : Ա՛վ Տէր , նշոյլ լուսոյն , զոր և 'ի մահկանացու կենցաղումն նշողես 'ի ճակատ սիրելեաց քոց , բռնի յախշտակէ զմեծարանս աշխարհի :

Անգուստ դիմեաց՝ Արքայս և առաջի ցասուցելոյն Ա՛ղաւնախանութի : Այլ խաբիմ արդեօք .

միթէ ոչ Վերսէս գայր ամբէլ զսիրտ ար-
 քային . սակայն ես այլ ընդ այլոյ իմն նշմարեմ .
 սա ճգնի իմն յինքն յանկուցանել զմիտս նորա .
 և ընդ հաշտու թէն պարգևէ նմա և զգրաւական
 սիրոյ բարեկամութեան զՏիրիթ և զՎնէլ Վ. Մ.
 մի Վնէլ, ո՛հ, մի երազեր 'ի ծոց սիրելեաց քոյ,
 'ի ծաղկանկար ափունան Վրասխայ . 'ի սիրա նո-
 ցա դարանակալ է նախանձ, և ոչ ինայեցէ յա-
 րև գեղեցկիդ . և ընդ երվներանգ ծաղկօք օձ
 դաւաճան թաքուցեալ կայ . մի արդեօք արիւն
 քո անպարտ անէծս ցաւագինս հեղուցու 'ի վե-
 լոյ սիրելոյ գաւառին քո : Վ. ահա դուք վկայ
 բանիցս ճշմարտութեան, դուք դրանիկք արքային
 Վրչակայ, դուք ինքնին լուայք զսաստ յանդիմաւ
 նութեանցն Վերսիսի, յորժամ խափանեալ ըզ-
 պաշտօն առաւօտու աղօթիցն 'ի տաճարէ վրէժ-
 իւրնդիրն Վստուծոյ ստեալ 'ի խորանն արքայի :
 Վբրև զկայծակունս թռեան բանք 'ի շրթանց հայ-
 րապետին 'ի կշտամբանս անօրէն սպանութեանն
 Վնէլայ : (Թ)ուէր իմն եթէ Ս'ուսէս դիմեալ
 յաստուածատեսին Վորեբայ բազմարուեստ
 գաւազանաւն սպառնայր եզիպտական բնառո-
 ըին : Վ. չարութիւն ափ 'ի բերան եղև առաջի
 անարատ առաքինութեան :

Վ. մեկնեցաւ Վերսէս յերեսաց արիւնուռչտ
 արքային, յորոյ ձեռնն ծխէր անպարտ արիւն
 իւրոյ ազգատոհմին : Վ. յայնմ հետէ կողոպ-
 տեցաւ կարևորագոյն զարդ, մանաւանդ թէ

ամբութիւն հաստատութեան արքունեացն Մ. ք. շակայ . և Սամուէլը նոր թաւալեալ առ սեղանով Քարձրելոյն՝ ողբայր ՚ի վերայ թաղաւորին և ՚ի վերայ աշխարհին միանդամայն, իբրև բարձառ առաջնորդն խնաստութեան ՚ի տաճարէ խորհրդեան իրաց աշխարհիս, որ աղէտք ոչ պատեցին զքեզ, աշխարհ հայաստանեայց . և երաշխաւոր եղեր անցերկուանալի առ աշխարհ ամենայն, թէ քան զճաճանչ թաղին՝ լոյսն խնաստութեան գեղանշոյլ փայլէ ՚ի կենդանութիւն ազգաց : Հուր, սուր և գերութիւն յօտարաց և յորդուոց քոց կեղեքէին զքեզ . և անմտութիւն եհանն պտտարագ ՚ի բազին կամաց անձին զինչ պիտութե՛ն զամենայն բարեվայելուչ յօրինուածութիւնս : Մ. յլ ոչ ՚ի սպառ անտես արար զքեզ՝ Սերսէս, և ցուցառ քեզ՝ իբրև զհայր բազմագութ և իբրև զմայր աղէխորով . : Մ. յարիւնաշաղախս յաւուրն յայնմիկ, յորում սպաժաման վրէժինդրութիւն ընդ կառափն հաներ զգերունս զօրջացելոցն ՚ի վատանունն Մ. ք. շակաւան, զիսկեաց ժամանեաց Սերսէս թափել ՚ի ժանեաց մարդախոշոչ սուսերաց զանմեզսակիր պտուղն յանցանաց, և իւրով հայրական օրհնութիւն սրբեալ զնոսա, աւանացոյց զԱրթան փոխանակ ժանտագործ ձեռակերտին Մ. ք. շակայ :

Մ. քանզի Սերսէս ախտից և եթ լինէր ծանրացասումն, և ոչ պահէր ընդ ումք ոխս, անմարթ էր հայրենասէր սրափն լինել անկա-

բեկիր 'ի վիշտս հայրենեաց : Արշակ յամենայն կողմանց 'ի նեղ անկեալ միւսանգամ սարաւինի 'ի գորովալիր սիրտ՝ Աերսիսի . և ոչ [Թէ իբրև զ] աւուղ կշտամբանս լւէր 'ի գերեզմանակուրն Սամուէլէ , այլ մանաւանդ սրտանա վիրաւնութեանն : Վերահրաջ օրինակ անոխակալ սրտի :

Այլ մի գու , տէր մեր և հայր , մի անձնամասն լինիցիս 'ի ձեռս սոխոաց հայրենեաց քոց : Ինդ բազում աշխարհաց 'ի կշիռ գայ անձն քո . ահա թունալից հերեսիտալտութի , օձ չար , դարանակալ է առ դրունան Սաղէսի : Արդարև և Աերսէս զգայ իմն յանձին զվտանգ դաւաճանութեան բանասարկութն . անցուցեալ 'ի Ասագ զկրկին ողի իւր , կանգնէ զնա իւր փոխանակ 'ի յանձանձանս որդւոցն , և արտասուօք միւսանգամ բաժանեալ 'ի զրկաց նոցա , հաստատէ զերեսն 'ի Արտանդուպօլիս : Հիացան լերինք և անտառք , որ տարածեցան արահետ ոտից՝ Աերսիսի , ընդ անխոնջելի հայրենասիրութիւն առնն Ասուծոյ :

Արդարև հերեսիտալտութի , որ խիթայր 'ի հաստոյր հարուածոցն՝ Աերսիսի , որոգայթս լարէ կենաց նորա . և Սաղէս անպատկառ յատուածայնոցն և 'ի մարդկայնոց օրինաց՝ մահ հրամայէ կրկնակի նուիրական անձին նորա : Օայս մի նուագ շնորհս մատուցանեմ երկդիմի տեսութեանց խորամանկ քաղաքալարութեան , որ սայթաքեալ զհրաման արքայի , խորհեցաւ

առ ժամանակ մի հեռացուցանել զնա 'ի բարկացայտ աչաց նորա :

Այլ բարէ , և տարերք դաշնակից դտան օխերիմ թնամեաց քոց , ո՛վ ազգ հայկածին : Յարեաւ հողմ դառնաշունչ , ջրակարկառ կուտա կին փրփրադէզ լերինք , սրատառեցան առազաստք , խորտակեցան կայմք , թռեան առազաստակաւք , նենդաւոր ժայռք սպառնան անխորշէլի նաւակօծութի : Ա՛յլ զուարթունք երկնաւորք , ո՛վ հրեշտակք սահապանք եկեղեցւոյն Հայոց , փութացարուք հասէք 'ի թիկունս . մի , մի զուցէ նեցուկ ամբութեան նորին ծովամոյն կուր անկցի ձկանց : Այդո՛ւկ , անլուր է ծով , խուլ են հողմք . ահա վայրենի ալիք բախեն զլաստափայան , ահա ճնշեն կապարանք կցորդութեանն , ահա խորտակեցաւ նաւն : Այլ մի երկնչիք . աշխարհօրէն ազօթք քո , ո՛վ Արար , զերծուցին զհայր մեր 'ի ճիրանաց զազանացեալ ալեաց : Այլ նա 'ի ցամաք : Սակայն թէ խնայեաց 'ի նա ծով , անողութի սով սպառնայ կենաց նորա յանմարդի և յաբառած կղզեկին :

Ա՛յլ բնաւ , մի երբէք . որոյ ոչ չքաւորէ ձեռն 'ի հրաշալիս , որ հրամայեաց ծառոյն սարեկաց բերել զխոյն պտուղ , և մորենւոյն հրով տերևել ծաղկել , և օդոյն զքաղցրութիւն հացին կերակրոյ 'ի վերուստ ցօղել , և զՆոյնն 'ի մէջ ամեհի կոհակաց հիւր առաքեաց դժօխորովայն կիտին , եցոյց և աստանոր զզօրութիւն բազկի իւ-

րոյ : Այս որ երբեմն սպառնային կենաց նորա ալիք , ահա արդ 'ի վերայ ծուփ 'ի ծուփ մկանանց խրեանց ընծայարեքք լինին նմա ձկանց , և ամենահնար դաւազան աղօթից նորա 'ի խիստ վիմէ գետս գնացուցանէր անուշահամ ջուրոյ :

Անդ 'ի կղզեկին մնաց կենդանի , զի խորհրդազգած եղիցի ծածուկ խորհրդոցն Աստուծոյ . և տեսող աղետալի կենդանագրութեան սպազայ ժամանակաց : Ահ , քանիցս անդամ հառաչեաց և արտասուեաց 'ի վերայ քո , դաւառ հարցն իմոց . նկատեալ զառաջին գեղ վայելութեան քո առ հաւասարութեամբ յետին բազմաղէտ հիզութեանդ : Այսչեաց արդարն անոխակալ անցուցանել 'ի քէն զբաժակն ցասման : Այլ աւանդ անօրէնութիւնք քո ծանրացան քան զաղօթս նորա : Այս այս քանի դարբ են , զի վրէժխնդիր արդարոյն շղթայք գերութե՛ն կապուտակեալ սնդկն զձեռս և զոտս քո :

Սակայն էր կայք , զի յապաղէք , որդիք օտարախորթք . մոռացայք զհայր ձեր , որ զայս ամիս ինն մատնեալ կայ 'ի տառապանս : Այս փոխանակ ձեր կշռեաց զկեանան , դուք անտես առնէք զնա . զպատիւ դաւառին . զփառս պետութեան ձերոյ : Ահ , թէպէտ և պաշտօնեայ եմ խաղաղութե՛ն , և նկարագիր հաշտարար խաչին 'ի վերայ ձակատու իմոց , այլ ներեցէք արդար ցասմանս . ներեցէք հայբասէր և հայրենասէր սրտիս , եթէ ուրախութեամբ նկատիցեմ զի վրէժխնդիր սու-

սերք մեր շողան 'ի սահմանս Հոնաց, և նետք թուանին արդարութեան 'ի լայնալիճ՝ աղեղանց մերոց :

Կարճատէ ինձ ժամս . այլ աղաչեմ՝ փոքր մի ևս չնորհեցէք ինձ զերկայնամիտ ունկնդրութի ձեր . քանզի նշուլագեղ միջօրեաց փառաց հօրն իմց 'ի ճաճանչ գեղոյն զմայլեցուցանէ զմիտս իմ : Իբրև 'ի կամարաց երկնից ակնարկեաց ամենա- կալ յօնիւքն յերկիր 'ի խոնարհ, որ 'ի բռին ունի զբախտ տիեզերաց, շանթահար ելոյժ Ա աղէս զվրէժ անօրէնութեանցն, և բարձաւ 'ի միջոց . և դարձաւ միւսանդամ խաղաղութիւն յեկեղեցին Վրխատտի : Աւահա հրաւիրէ քաջն արանց (Վեոդոս և զհայրս մեր՝ Վերսէս 'ի կարգս հայրապետաց սրբոց, զորս խմբեաց 'ի թագաւորեալն իւր Վիւզանդիոն՝ տալ զդատակնիք հոգեմարանն Վակեդոնի : Աւ նա պերճագոյն զարդ հանդիսին, և հզօր ակոյեանն ճշմարտութեանն . խրախոյս եղև միանգամայն և յաղթանակ եկեղեցւոյն սրբոց :

Այլ աւանդ . մինչդեռ հարբն մերով ակոյեանն յաղթութեան կանգնէր եկեղեցի սուրբ ընդդէմ՝ զբանց դժոխոց, երթային և վատթարէին իրք աշխարհիս մերոց : Կորհրդակորոյս թագաւորն մեր հեծէր 'ի տխուր շղթայս գերութեան : Կաւաճանն Վերութան առ ոտն հարեալ նախ զուխարն սրբութեան, կեղեքէր և զծոցն մայրենի . և զգիտկունս համազգեաց կամէր առնել սրատուան

դան անարժան ոտիցն ելանել ամբառնալ 'ի դաճն արքունի : Եւ ո՞ ժուժկալեսցէ անթաց աչօք անցանել ընդ էջս սրատնութեանց աւուրցն : Սիրտ որ մերժէ զօրէնս Ղարձրելոցն , և ոչ միոյ առաքինութեան չէ նա ասոյնջական :

Եւ ահա 'ի տազնապողական ժամուն յանկարծ հրեշտակ խաղաղութեան եհասա Վերսէս 'ի Հայաստան , և թագ արքայութեան 'ի ձեռին նորա . և զինի հետոց նորա լուսաճաճանն խաղաղութիւն և փառք աստուածսբաշտութեան : Ըհա քեզ , ժողովուրդ լքեալ , ահա քեզ միւսան զամ հայր քո առեալ կենդանութիւն 'ի բիւրս սրատիկ մահուց . ահա զայ դարձուցանել առ քեզ զգեղ արքայական փառաց քոց . առեալ ածէ և զվայեղագեղ որդի թագաւորաց քոց՝ ժառանգ հայրենի դահուն . ահա Պապ , ո՞վ անուն չարազուշակ , ահա Պապ թագազարդ , որ ընդ հայրենի զաւազանաւն անդորր արասցէ տառապանաց քոց :

Ըյլ տակայն խիթամ , կտակած ահաւոր , խիթամ թէ բարձեալ իցեն 'ի քէն , ո՞վ երկիր բազմայիշատակ , աւուրք բարութեան : Օ ի որսէս զհեղեղատ սպառնալից , որ զլեալ ցասմամբ 'ի զլիտոց լերանց թաւալէ ընդ պղտոր ալեացն մայրիս , վէմն , զհիւղ և զամենայն ակնկալութիւնս շինականին , այսպէս զիմեն 'ի Հայս բանակք Պարսից . և արքայք սահմանակիցք նիղակակից նոցա : Ըմենայն ուրեք թողուն հետս աւերակաց ,

կործանմանց և մահուց . և Մերուժան հասեալ
 գայր ընդ նոսա զայրացմամբ, զոր սուլորեալ է ազ-
 դել զօրաւորագոյնն 'ի կիրս փառասիրութիւն ,
 'ի խնդիր արքայական թագին : Սակայն ահա ըն-
 թեւո՞ւմ 'ի վերայ կամարաց երկնից զանդաւ-
 նալի վճիռն ահաւոր . զի և ոչ գերեզմանն դազա-
 նակուր դիականն գտցէ նա 'ի հայս :

Խրատոյս առին դիւցազունք Մ. յրարատայ , որ-
 զիք քաջութեան 'ի հայր իւրեանց՝ Ա. երսէս : Մ. մ-
 բարձ նա 'ի վեր զբազուկս իւր , օրհնեաց զա-
 խոյանարձակ գունդան . և յօրհնէն իւրում ցորա-
 նային յաչացն կայծակունք յաղթութեան : Ա. յ-
 որպէս երբեմն 'ի բազմախորհուրդ անսպասին
 խրատուսէին ընդդէմ՝ չարաթոյն մահուան , ո-
 լոց 'ի նշանակն սղնձի ժամանակն հայեցուածք ,
 այսպէս և արիագունդ բանակք մեր յառեալ
 զաչս 'ի խաչատարած բազուկն՝ Ա. երսիսի 'ի վե-
 րայ՝ Ա. օրատականն լերին , լեառն նախանձաւոր
 փառաց լերինն Սատիղիմայ , յաչս դնէին զհրա-
 բորբօր ցասումն պարսկադէն ատրուշանացն :

Մ. յլ զինչ իցէ առ այդչափ ամբօխ՝ ջոկատ մի
 փոքրիկ : Առ Տէր , դու որ երբեմն առաքեցեր
 զօրավիգն առ քաջազօր ախոյեան քո զհրեշտակ
 քո յերկնից՝ զյաղթութեանն աւետարեք , և զօ-
 րացուցեր զսակաւաթիւ բանակս քո ընդդէմ՝ լե-
 գէ՛ննախումբ գնդիցն Մ. նախօրայ , դու և այժմ՝
 առաքեա օգնական 'ի բարձանց յարբունեաց քոց ,
 զի մի խաչն արօտի քո անկցի գէշ արեանարբու

վնճմանկաց գայլոց : Սակայն հուպ առ մեզ է՝ Վերսսէս , զնա սպարգեւեաց մեզ տէր փոխանակ զնդից հրեշտակաց , և ում այլ սպասեալ մնամք : Այլ Վերսսէս լուսաւոր կերպարանօքն 'ի մէջ շողալոյ սուսերաց և թռուցից նետից , ուղղէր զնետս մեր 'ի սիրտ ոսոխաց մերոց , և մեզ վահան լինէր փրկու թեան ընդդէմ զինուց նոցա : Հայեցարուք ազաչեմ , հայեցարուք գամ մի յարիւնտոզ դաշտան Չիրաւայ . լի են դիակամքք սարանելոց . այլ 'ի միջի այնչափ դիականց չիք որ , չիք ուրեք , յորում նշմարիցի կնիք օրհնութեանն Վերսսիս . ամենեքեան թշնամիք Մատուծոյ , ամենեքեան ոխերիմք եկեղեցւոյն Վրիստոսի : () րն այն օր խնդութեան եղև համօրէն հայաստանեայց . իբրու յօրհասական մահուանէն ճողովրեալք , ամենեքեան զուրախութեան ողջոյնն աւետարուրէին իրերաց . և ծուխք գոհաբանական աղօթից յերկինս 'ի վեր որորտապտոյտ ծառանային :

Ինձ աստանօր արտասուելի է յեղ յեղուկ բախտ մարդկային : Ինդէր ոչ , ում մահկանացու , չնորհեցաւ քեզ կալ մնալ անխոփոխ 'ի բարեոջն : Անծապէս ըղձալի էր աստ վախճան աւանել բաւնիս , և մի միւսանգամ կեղեքել զթերաբոյժ վերս սրտի հայրենասէր ակմբիս : Սակայն ոչ այնպէս . սպասկեր վսեմական առաքինութեան հօրս մերոց նշողէր թերակատար . և մեք զրկէաք 'ի կարևորագոյն խրատուէն՝ եթէ աշխարհ բարերարաց իւրոց ոչ միայն սպերախտ , այլ և չարահատոյց

է գրեթէ միշտ, որպէս զի պայծառագոյն ևս ան-
թառամ ճակատք առաքինեացն պճնեսցին յա-
ւերժական սրահօք յերանաւետ դաւատն :

Եւսղաղութիւն որսերիմ է միշտ բնութեան
մերոյ . մինչ զի և ծովածաւալ իմաստութիւն ոչ
կարաց կալ յակաստանի ընդդէմ դաւաճանու-
թեանց խաղաղութեան : Երբև խաղաղութիւն
վանեաց շուրջանակի 'ի տահմանաց աշխարհիս
մերոյ զէգէոնս թշնամեաց, թշնամի այլ յա-
րեաւ 'ի միջի մերում, ընդ որում դժուարագոյն
էր մարան, և կասկածաւոր յաղթութիւն : Եւստն
չար, որ զպատմութիւն ազգի մարդկան տխրե-
ցոյց միանգամ նաւակոծ պատժով, և երկրորդ
անգամ հրացան բարկութեամբ, և 'ի Սատաիմ
հեղեղս արեան գնացոյց զբիւրաւորացն Եւրպե-
լի, նոյն ինքն խիստ սպառնալեօք սպրդեցաւ ե-
մուտ և յարբունիսն Պասպայ : Հովիւ ինսամակա-
լու հօտին ոչ այնպէս ընդդէմ ոգորի գայլոց, որ-
պէս մարտնէր Երեսէս հալածել 'ի բաց զախան
փնատակար : Եւս աւանդ, չարութիւն դարանա-
կալ եղև արգարոյն :

Երեւա, Տէր, եթէ յանդգնի բանս քան ըզ-
պայման : Ենդէր միշտ առաքինութի առ մահկա-
նացուս անվրիպելի դէտնպատակի կանգնեալ կայ
դժպհի սլաքացն չարութեան : Եւս որ 'ի զօրաւոր
պատերազմին գտաւ յաղթող, 'ի ժանգահար ան-
պարտ շղթայս խաւարչուտ բանտին սնդեալ կայ
'ի Սեմիիս չարայաչաղ նենգութեամբ : Եւս զա-

նարատ դուստրն՝ Յուդայ յանպարտակիր մահուան հետև
 նէ հաղիւ յախշտակէ ինքնին ձեռն Մանակալին
 զլեզու մանկան տղայոյ եղեալ պարզախօս : Սա-
 կայն, ո՛հ Տէր, զՂերսէս զերանին բանք 'ի
 շրթունս իմ ընդ եղեւնն ահաւոր : Սի՛թէ, տկա
 բանայցէ, Տէր, ձեռն քո, որ յեզխարտական բռու-
 նաւորէն նորահրաշ ազատեցեր զսրգիս քո, և 'ի
 ժանեաց անձողապրելի մահուն կորզեցեր զմար-
 գարէն քո 'ի Քաբէլոն, հովանի լինել և արդ
 քոյոյ նահատակիս : Քաց զզինարանս ցասման քո .
 թռիցեն 'ի կապարձից արդարութեան քո վրէժ-
 խընդիր սլաքք քո, թօթախեցին հրացայտ կայ-
 ծակունք ցասման քո 'ի գլուխն չարեացատարտ .
 հան ընդ կառավին անօրինին դքէն չարութեանն :

Սակայն արդարն, որ ճշգրտեաց յանձին զվը-
 սեմ պատիկեր Վողգոթայ, կամակար մատուցա-
 նէր զանձն պատարագ քաւութեան 'ի վերայ քո,
 ո՛վ աշխարհ սպառում : Այլ մինչդեռ թոյնն նեն-
 գաւոր ընդ երակն խաղայր, նուաղ ձայնիւ, Սի,
 Տէր, մի անէծս, այլ օրհնութիւնս հեղուցուս 'ի
 վերայ գաւառիս իմոյ, 'ի գլուխ ոտիսայ իմոյ :
 Մ՛հ, զեղեցիկ վրէժինդրութիւն, զօր Վողգո-
 թա միայն վարդապետէ : Այլ արիւն պաղի յե-
 բակս իմ : Այսպէս ուրեմն որբացուցեր անձամբ
 զանձն 'ի հօրէ քումնէ . զայս ուրեմն հատուցա-
 նես տրիտուր բարեբարին քում, աշխարհ սպե-
 բախտ : Մ՛հ, հայր, թէ ոչ դուցեն յերկրի վարձք
 արժանաւոր առաքինութեանց քոյ, իցեն ար-

զեօք յերկինս : Այլ թուեաւ 'Աբրահամ' ի ծոց սիրելւոյն իւրոյ :

Համբաւ կարեւրէր ճիշ երարձ գառնագինս , և ամենայն սահմանք Հայոց կտուն նմա արձագանդս ողբոց : Այլ ձեր տխուր լուծիւն , և հեծութիւնք հառաչանաց և արդ խակ երաշխաւոր են անգլխա կորստեան և համաշխարհական թրշուտութեան մերոյ : Օ ի յաւուր յորում կափոյց 'Աբրահամ' զաչն յարեւ , ստախ , ի նմին աւուր լեւի եղեն տիրապին շախնք և շառաչնք շղթայից գերութեան մերոյ : Այլ որպէս քաւեսցի անօրէնութիւնս այս ի մէնջ , և որպէս սրբեսցին այս նախատինք յաւերժական ի ճակատուց մերոյ :

Այլ , ոգի բարեմտաց ապերախտութեան , որ տիրացեալ էս ի սիրտ օրդւոցն Մ. յրարատայ . ուր են արդ գոնեայ շիրխն , նկարքն , արձանք և անդրիք անդուգականի հօրս , գոնեայ անաղան մեծարանօք սարաշաւանաց հաշտեցուցանել ընդ մեզ զստուերս նորա : Մանչ , լուծիւն համբ տիրեալ է ամենայն ուրեք . և հայրենիք մեր զանան մեզ և զարձագանդս մեծի այսր անուան : Թերեւս յայնժամ ի պատկերաց 'Աբրահամ' ստայր կայծակն նոր բորբոքել ի սիրտ ձեր զայն բոց հայրենատիրութեան , որում վարդապետ եղև նա մեզ , և տխար անթերի : — 'Աբրահամ' , պատկառելի ժողով , թերեւս տարաժամ այսմ ի մոյ ցարման . և ո՞ սայր ինձ լեւի աւնել զիդն

սրտի խնց ամենայն հայ սրերոյն . և զձեզ, որ հաւատարիմ ժառանգ գտայք հայրականաց առաքինութեանց, զձեզ տալ նոցին օրինակ նմանողութեան :

Եւ արդ առ ձեզ դարձցին բանք իմ, ո՛վ պատանիք, սրտատրոփ ակնկալութիւն եկեղեցւոյն Վրիստոսի, և յոյս հայրենեաց և ծնողաց ձերոց . արկէք միանգամ զհայեցուածս ձեր ՚ի սրտ կերն, զոր նկարեցի այսօր յաչս ձեր, թէպէտ ազօտագոյն գունովք . այլ ինքնին իրացն արդիւնք կարի ազդողական են ՚ի սիրտ բարեզգաց : Տեսէք, թէ յոր աղէտս թշուառութեան արկանէ անսանձելի չարութիւն ախտից զանձն և զհայրենիս գլխովին . առ աթուր կոխէ զսրտառուչ սրտոս ծնողասէր երախտազիտութեան . ծաղր առնէ զաստուածաշնորհ կնիք սրբանուէր քահանայութեան . և կերպարանեալ երկրորդ անգամ ՚ի սատանայակիր կերպարանս Յուդայի, ոչ միայն զքաղցր համբոյրն՝ զնշանակ սիրոյ սրտակցորդ բարեկամութե՛ն . դարձուցանէ ՚ի խածուած չարութոյն օձի, այլ և նովին անպարիշտ սեղանակապուտ շրթամբքն սղծէ զահաւոր խորհուրդն սրբութեան . զայս ամենայն տեսարան ահաւոր յանդիման առնեն ձեզ պատմութիւնք ժամանակացն Վերսիսի, որ և ինքն արդարն չարաժանի Էօթնագլուխ զազանին անկառ սրտարագ :

Գարձուցէք արդ զհայեցուածսդ և ՚ի միւս

կողմն . ակտէք զՎերսէս զՏայր Տայրենեաց մե-
րոց , զփառս եկեղեցւոյն Մատուծոյ , և զփառա-
ւոր 'ի զարդս երկնից : Այցեն քաղցր անուանքս
այսորիկ 'ի լուր ականջաց ձերոց . ոչ արօրեն
սիրտք ձերնասխանձաւորք առարինու թեանց Տօրն
ձերոյ . միթէ ոչ արծարծեցաւ տակաւին 'ի ընծս
ձեր Տօւր Տայրենասիրու թեան : (Թէ այդպէս ի-
ցէ , ապա կերարանակից լիցին կեանք ձեր կե-
նայն Վերսիսի . պինդ յուշի կապեցէք զՏա-
մազգի զիմաստնոյն զբանն անտուանալի . “ Ար-
խարոյ անձին բարի ոչ է , այլում բարի լինել ոչ
ունի . , ” նորոգութեան Տայրենեաց սկիզբն ա-
րարէք յանձանց ձերոց : Մ. յս ամբ են գրեթէ
Տնդեակք , յորս Տանապազօր լուայք զայն միայն՝
որ կարեւոր և օգտակար է ձեզ : Տրահանգք ոչ
նուաղեցան , խրատք ոչ խնայեցան , յորդորք ան-
նախանձ յաճախեցան առ ձեզ : Վերք զձեռս ձեր
'ի վերայ ընծաց ձերոց , և տուք վկայութիւն
ճշմարտութեան բանիցս : Մտա ուրեմն ձեզ մնաց
այսուհետև զընկալեալ սերմանցն Տատուցանել
զպտուղ . երանի ձեզ , երանի Տայրենեաց մերոց ,
եթէ զՏարխրատպատիկն Տատուցանիցէք :

Յանկալի զարդ է Տատակիդ ձերոյ մեծարոյ և
դիւրանաց Տլութիւն երիցագունից , և քաղցր
նշոյլ Տամեստութեան ցողացեալ 'ի կերարանաց
և յամենայն ընթացից ձերոց : Մակեցէք յան-
ձանց , 'ի բաց ընկեցէք զգեանաբարչ մտածու-
թիւնս . տուք զսիրտ ձեր յառաջնորդութիւն

զեղանշոյն առաքինութեան, որ հանդիսագիր է և միանգամայն մրցանակ ամենայն վատուկոց բարեաց: Վիք սանձ, ո՛վ պատանիք, դիք սանձ յարձակմանց բնութեան. ուղիղ արարէք զչարժմունս, զհայեցուածս, զխորհուրդս, և զախորժակս սրտի ձերոյ: Տգաւարեցի 'ի սրտի ձերում, ո՛հ, անջինջ տալաւորեցի անունն: Վսուսի. ո՛վ քաղցր անուն, որ և զամենայն դաւնութիւն վշտաց քաղցրացուցանէ, և 'ի միջոց հնոցի տառապանաց ձայն յնծութեան 'ի վեր առաքէ: Յառեցարուք ընդ երկինս, ո՛հ զեղեցիութիւն անկշռելի. յայն անզուգական զեղեցիութիւն յաւերժից հրաւիրեալ էք: Վնկառոյց լերուք 'ի կատար լերին ճշմարիտ փառաց, անդուստ մերձ են երկինք. այլ փառք են պսակք զովութեանցն, զոր բոլորեն ոչ վարկաբարազի արք, այլ ընտիր առաքինիք:

Հնապա, մի յամօթ լիցին, որ սիրեցին զձեզ հայրաբար. մի 'ի սնտախ քրտունքն, զոր աննախանձ հեղին վասն ձեր: Որչափ հունձք բազմազուարճ ակնկալութեանց բովանդակին 'ի ձեզ, եթէ ոչ յետսամիտ խորհրդով աստիտ առնիցէք զզեղեցիկ սերմանս կրկնակի ճշմարտութեցն, զոր ցարդ սիրտ 'ի բերան ճգնեցաք արկանել 'ի սիրտ և 'ի միտս ձեր:

Ո՛վ հայրապետ սուրբ, դու ճոխութիւն և անմահական փառք մեր, սոքէ 'ի բարձանց յերկնաւոր աթոռոյդ դարձո առ մեզ 'ի խոնարհ զհայ-

բազում աչք քո . կաթեցո 'ի սիրտ պատանեացս
այսոցիկ զչիթս առաքինութեանց քոց , զի նկըր-
տեսցին յայսմ հետէ , յանձին տպաւորել զվեւեմ
օրինակ աստուածսիրութեան և հայրենասիրու-
թեան քո . կրկին այսոցիկ առաքինութիւնք քե-
հրաչս գործեցին յաշխարհին որ միակ իղձ էր
քոց սրտիդ : Սիրտ քո անսիրտիս է և յերկինս .
կարողութիւն քո առ անթուղ Մանահին արդ
ևս զօրաւորագոյն : (Ս)է կրկին այդ առաքինու-
թիւնք ջահաւորեսցին քե և առաջի դողգոջուն
բայրտիտից սոցա , աւուրք քո՝ լուսաւոր աւուրք
բարեաց հայաստանեայց զարթիցեն 'ի խաւա-
րային լուծենէ ժամանակաց , և նորասբանչ
լուսոյն խայտասցի միւսանգամ Մարարատ յուշ
ածեալ զամեն երանութե : Հայրապետ սուրբ ,
մեծ են արդարեւ եղերունք մեր . այլ վրէժխըն-
դիր ոխութիւն չէ ասանջական երանաւէտ օ-
թեանայն երկնից : Մոռա , տէր մեր և հայր ,
մոռա զապերախտութիւնս հարց մերոց : Վջե-
օրհնութիւն քո 'ի գլուխ նոցին զաւակացս , 'ի
գլուխ սոցա : ()րհնութիւն քո երաշխաւոր է
մեզ և առհաւատչեայ ամենայն բարեմասնու-
թեանց : Մյս տրիտուր քոց միայն սեպհական
է առաքինութեանց :

Այ դու , հայր , դու արժանաւոր գահագլուխ
սրատկառելի ակրմբիս , դու , առ որով զարթեաւ
միւսանգամ հոգին Աերսիսի , և դու զանարգա-
մեծար աչք քո դարձո և այսօր առ որդիս քո . դու

յանձնեցեր հայրագութ սրտիւ 'ի խնամն և յաշարուրջ հոգս մեր զսոսա . և հաս արդ ժամն զի դարձուսցուք առ քեզ զաւանդ սիրոյ քո : Այսոյս մի այսպիսի ունիմք , և թէ չիցեն կարի յանդրգնութեան բանքս , թէ չնորհեսցես մեզ զարժանին մեր արիտուր՝ զբաղցր ժպիտ հայրենի զիմացդ :

Վիտեմ թէ զովութեան տանեկի յարգաւորութեանն չեմ արժանաւոր , այլ ներեազեղեցիկ յանդգնութեանս թէ համարձակեցայց ասել , և թէ և ոչ յանդիմանութեան քանքարաւ թագոյց մատնչին . սակայն թէ դու և զայս յետին նուազ կարկառեսցես զբազուկսդ հայրենի , իջցէ 'ի վերայ սոցա ցօղն օրհնութեան , և արգասաւորեսցին ոչ տանապատիկ միայն , այլ և հարիւրաւոր :

ՍՐՀԱԿ ՀԱՅՐԱԳԵՏ

Բնոր այն չիք ինչ երկբայութիւն , ո՛ր աստուածապատիւ Հայրապետ և իմաստնախումբ հաճառ , եթէ կարի գովելի է գեղեցիկ իմաստութիւնն , որով արք ճարտարմտութեամբ հոյակապ առին սովորութիւն հռչակել զանուանան , որ փառք եղեն իւրաքանչիւր ժամանակաց , և օճան բիւրապատիկ բարեաց ազգացն սպառնեաց : Որպէս զի անմահ պահեալ զնոցին յիշատակ , և առարինութեանց նոցին անեղծ մնացէ պատկեր ՚ի սիրտ հիացելոցն ՚ի նոսա : Բայու գովելի սովորութեամբ և իմ դարձուցեալ միանգամ զաչս ՚ի տաճար համազգի փառաց , մինչդեռ աւագ որերօք պարծէր , արդ կարի իսկ արտանդինն Բարարատ , իբրու հսկայ վիթխարի յինքն բովանդակ զբաւեաց զաչս իմ Խասհակ մեծն : Բայ մի միայնակ ախոյեան սպառնալեաց ամենաճախ դարուց , զազգ մի ողջոյն ձուլէ ՚ի նորանշան հալոց սիրոյն իւրոյ . ՚ի մերկ լանջն անմե

ղութեան ընդունի զտայրասուր նեաս աշխարհակործան ակտից . ընդ քիրան զայ և ընդ ապաժոյժ 'ի բարերարել չարարարաց իւրոց և թշնամեաց : Ս'վ առաքինութիւն , կնիք անջնջելի վարժարանին Վրիտտոսի : Օ հաց բանին բրդէ քաղցու նոցա , և զջուր սիրոյն մատուակէ 'ի պատք նոցին . ոչ եթէ 'ի կուտել ինչ կայծակունս հրոյ 'ի զլուխ նոցա , այլ մանաւանդ զլազմաբեղուն ջերմութիւն սիրոյն 'ի կենդանարար դարման ոգւոց նոցին , և 'ի սնունդ բանականին . 'ի զայրացեալ ամբոց կողոպտէ զվրէժ երկնից : Մտուն նորա լծորդեալ է ընդ ամենայն բարեյարդար պաշտամունս եկեղեցեաց մերոց . անուն նորա անմեկին է յամենայն իմաստութեանց վարժարանաց մերոց : Մքք այսպիսիք և 'ի վատթարանալ անգամ իրաց մերոց , որպիսի իսկ են արդ , աւանդ , իրացն հաւաստիք , խրախոյս իմն ազդեն յոգիս ճշմարիտ զաւակացս նոցուն , և 'ի նոցին փառս մեծապանծս շրջեցուցանեն զմեզ , և չտան թոյլ ապախտ առնել զհայրենին մեր ազնուականութիւն :

Մնձ բարեբախտութիւն մեծ այն է՝ զի հասանէ խօսել յատենի արանց , որոց չէ հնչումն աննրշանական փառք հայաստանեայց :

Մ. յԼ բաբէ . եթէ ամենահմուտ պատմաբանն մեր խոհեմ ձերունին , ձոխն բանիւք և հարուստ իմաստիւք , անճնապահ լինէր չերկրորդել զատենական բանն Սահակայ , որպէս զի մի

մուսլ ինչ արդեօք շտապախօս զըջան, կամ բանից կնատութեան ստուեր ՚ի համարձակախօս ճառս նորա արկանիցէ, ես որպէս հաւատարեցայց առաջարկութեանս մեծի նիազ ՚ի բանէ, և յիմաստից աղքատ : Եւն արդեօք որք երկընչիցին՝ մի գուցէ աւերազանց բանիւք գոխութեց զկեղտ անուն սուտակասպասի յանձն ձգեսցեն . ես ազատ եմ արդարեւ ՚ի կասկածանաց աստի, զի մարդէլուզութիւն ոչ ժամանէ մինչև ցրամբան գողանալ զխուլ և զցուրտ ականջս մահու : Գարձեալ զի անաչառ էջք ճմարտասպատում վիպաց քաջ իսկ զանզուդական առաքինութեանց մեծի հօրս կռուեն զարդարազատ տրիտուր ներբողենին : Սակայն իմ մանաւանդ այն է երկիր թէ յետ այնպիսի ճառից ելեալ ՚ի բեմ այսր, տկարախոհ իմաստիւք և կնատ բանիւք արիական առաքինութեանցն ազաբէն ՚ի վերայ ածից ստուեր նաեմամիտ :

Վորք մի ևս և իրաւախոհ վհատութիւն ասի ՚ի բերան առնէր զիս . այլ ակնկալու աչք ձեր, այլ շնչասպառ լուծիւն ակմբիդ, այլ խուռն հաւաքումն ներողամտացդ հակառակ իսկ յաչաղանաց ռիւերիմ հողմոց*, մի մի քաջալէր են : Եւ յոյս մի մեծ այն է ինձ, զի մեծութիւն առնն, զորոյ ձգնեցայց առնուլ այսօր ՚ի հանդէս

* Յաւուր բանախօսութեանն շնչմուք վայրենի հողմոց կասկածաւոր առնէին զծովաչու ճանապարհ :

զնաշխարհիկ առաքինութիւնս , ինքնին պժ և
կորով ազգեսցէ 'ի բանս . և սէր հայրենի որ
շարժէ զշրթունս իմ , և հրաբորբօք տօշորեալ
է 'ի վսեմ լանջս ձեր , անտաղտուկ սահեցուցէ
զկարճառօտ ժամս : Ընկն ունիք ներբողենի հօրն
ձերոյ : Ընա ձեզ Սահակ , և բովանդակի ամե-
նայն ներբող 'ի վսեմ անունն յայն :

ԳԻՏԵՄ ճարտար , զի ամենեքին զուք , ո՛
վսեմախոհ ատեան , որք պատուէք զճառս իմ ձե-
րով ներողամիտ ունկնդրութեամբ , ճմարխտ
ազնուականութիւն զառաքինութիւն միայն հաւ-
շուիք . և երկրորդ այնմ զամենայն օճանս ծնրն-
դեան : Սակայն թէ զուգակից գտցի և ազնուա-
կանութիւն խանձարրոց ընդ ոգւոցն անարատ
ճօխութեան , և զձեր և զաշխարհի միանգամայն
յինքն զբաւեսցէ արդեօք զզարմանաց հայե-
ցուած : Ընյն զի 'ի սիրտ այդպիսի բնաւորական
իմն և գողցես անջան առաքինութիւն է մեծա-
խոհութիւն հողւոյն , և զգայուն իմաստիցն վսե-
մութիւն : Բանզի բազում այն է՝ զի անմեկնելի
սպասաւորք հանդիպին սորա ազնուական արեան
և մեծաշուք խանձարրոց : Սահակ հայրենեօք և
մայրենեօք ծնունդ չքեղ , և արիւն դիւցազն յե-
րակս նորա երկնային և երկրաւոր քաջազանց .
չնորհք և բնութիւն ել և ելա առնելին 'ի գեղա-
պատշաճ՝ յօրինեւ զմանուկն : Ոչ բաբախեն
սիրտք ձեր 'ի լուր անուանցն Գրիգորի , Սրթա-

նայ, Յուսիան և Վերսիսի, ահա զսոսա կոչէ Սահակ իւր հարս. զսոսա նախահարս իւր. սուքս վարժապետք նմին վարուց սրբութեան. սորս մանրագնին զիտութեանց նմա ուսուցիչք: Եւ անձնահայտեանի առաքինեաց և ծայրացելոց իմաստութեամբ յիշատակ առնել պահլաւիկ տոհմին, յորմէ առեալ զԾնունդ իւր, և թագաւորաց հեթանոսաց անուամբս այսու էր պատկառելի: Վանդի արփիանշոյլ փառք բրիստոսակիր նահատակելոց հարցն՝ մնայլ արկանեն զաշխարհածուփ փառօք զարմին:

Յառանին վարժարան հրեշտակակրօն վարուց հայրենի վարդապետութեամբն գործոց քան թէ բանից կրթեալ ՚ի կատարեալ վարժս բրիստոսակեաց առաքինութեանց, ելանէր այնուհետե ՚ի խնդիր բազմախոյզ զիտութեց ՚ի յունական վարժոցս բարեբաստիկն Վիզանդիոնի, յորմէ բազմահոյլ արգասիք բարեաց ընդ ժամանակս ժամանակս առատացան առ մեզ: Եւ յայնժամ ընդ իշխանական ծիրանեօք կայսերաց կայր սպաստան իմաստութիւնն վարանդի: Վանդի իմաստութիւն դարանակալ գահոյից Մենակալին, ոչ միայն զարդ է ճոխաճեմ գեղանշոյլ թագին, այլ և անվկանդ հաստատութիւն իշխանական բարձրութեանն, որպէս գեղեցիկս բարբառեցաւ ոմն ՚ի մերոց ճարտարախօս սպամաբանից: Եւ այսպէս անշուշտ միայնացեալ յինքեան, ծածուկ ՚ի խուզողական ալաց ամբօրին գեղազար-

դեաց Սահակ զսիրան պերճ՝ առաքինու թեամբք ,
 և անխաբէլի մթերք դանձուց անատերիւր իմաս-
 տու թեան ճիտացուցին զմիտս նորա . ճշգրտեալ
 յանձին զանտղիւտ նկարագիր առն կատարելոյ :
 Այլ յայնմ հետէ շէին թագուտ 'ի նմանէ ամ-
 բաժածուկ ճոխութիւն իմաստից շտեմարանեալք
 յամբարտաւանն յունաստան . յանձնատարնձ
 սէզն պարսկաստան . և 'ի ծովածաւալ դիւանս
 Մտրուոյ : Այլ յերաւի . քան զի պատրաստէր զնա
 Տէր գործի ձեռին իւրոյ 'ի լուսն մեծամեծ
 խորհրդոյ իւրոյ :

Վանձք բարեւաւու թեան սրտի և մտաց իբրու
 ժառանգութեամբ իմն սեփականեալ թուին 'ի
 յայանի ինչ ազգատոհմի սիրելոյ երկնից . և որ-
 պէս որ դժուարաբիրան ճոխութեանց տեարք
 իցեն ցանկան ժառանգակալ պայազատս թողուլ
 զկնի իւրեանց , այսպէս զողցես և ազգ մեր առ
 հասարակ ցանկայր զՍահակ հայր տեսանել
 բերկրեալ որդւովք , զի մի ցամաքեսցի արիւնն ,
 որ ոռոգեաց զերկիր մեր , և դրախտ աստուածայ-
 ին ծաղկեցոյց 'ի նմա : Այլ բազում պարկեշտա-
 սուն օրիորդաց Հայոց տրուիւր սիրտ , մինչև զազ-
 նուագոյնն բարեմասնութեամբ հոգւոյն և մար-
 մնոյն ընտրեալ Տէր և յանձնեաց նմա . այն՝ որ
 զկին պատշաճեցուցանէ առն իւրոյ . և եկեղե-
 ցատուր օրհնութեան պարգևեցաւ սրտուղ դրա-
 տրիկ մի , ոչ զիտեմ հոգւոյն եթէ մարմնու ա-
 ռաւել զեղապաճոյճ . որ հրաշափառ դիւցազանց

տահմանեցաւ մայր ծածուկ խորհրդովք երկնաւոր տեսչութեան :

Տաղտկացաւ Խառհակ յաշխարհալար կենաց . քան զի այր որ զաշխարհական իրօք դայցէ՝ գործի անսրատկան է ՚ի կատարումն մեծամեծայն Մատուծոյ : Սակայն ասրազին տեսանեմք ես զնա առ սեղանով Մանահին : Եւ առ որ հազիւ թէ դարձուցանէր զաչան աշխարհ , ոչ թաքցէր նա յամենատես աչաց երկնից : Եւ որպէս ՚ի սրտի զին Վեթսեմանի երկնային ոմն զուարթուն . և փոխանակ մխիթարութեան աղիտորմ ևս տանջէր մարգարէ, առեսիլ ողին Սահակայ : Վառ արդարեւ արժանաւորագոյն սրտակեր այնորիկ , որ ՚ի խորհրդական սրտախզին տեսեալ զեղերունս մեր , ՚ի խաչին աղօթէր անօխակալս ՚ի վերայ որոց առաւելագոյն սրտաւորութեանց գտան արժանի : Ս՛լ արիտուր ՚ի վեր քան զհասողութիւն մահացու մտաց :

Ետես և Խառհակ առ սեղանովն , յորում նոյն Տէր օր ըստ օրէ սրտարագի անարիւն՝ զաղէաս մեր . հառաչեաց և լռեաց : Եւ այնուհետեւ արիագոյն ևս տայր զանձն ՚ի ձգունս ինքնաչարչար տանջանաց և մշտամոռնչ աղօթից , զի զվրէժինդիր կայծակունս նետից մթերեալս ՚ի վերոյ զլսոց մերոց ՚ի բաց փարատեսցէ ՚ի մէնջ : Եւ զանձին առաքինութիւնս կանոն աշակերտելոց եղեալ , առնոյր ընդ իւր արս համակամն , որ զախ և զգիշեր ՚ի վերայ աշխարհիս նահատա-

կեալ՝ յանձանձրոյթ աղօթս բողոքէին զաւուրս ,
զեօթնեակս և զամիսս , հրեշտակային անդադար
փառաբանութեանցն լեալ արդեամբք նախան-
ձաւորք :

Այլի տիրազին լայր աթոռն հայրապետա-
կան : Այլ դանդաղիս հարսն սիրասուն կարկա-
ռել զամօթխած ձեռն քո առ փեսայդ տիրա-
հրաւեր . դու միայն իղձ , ցանկութիւն և անձուկ
սրտին Սահակայ : Աթէ առաքինութիւնք հարց
սորա գողացան զսիրտ քո , սա նոցին նաննող , և
աղօթիցն մնասմբ առաւելեալ քան զնոսս : Այ-
րութիւն սրտի խնդրես յառնել զիմազրաւ քոյոց
ոտխաց . ահա քեզ Սահակ , զոր ոչ սրակուցանեն
ոչ սպառնալիք դժոխոց ոչ մարդէլուզութիւնք
երկրի : Ամաստութիւն մտաց դաստիարակել զոր-
դիս քո ՚ի դժուարընկալ ուսումն քաղցր կրօնիս
Վրիտասի . ահա քեզ Սահակ , որոյ վարժարան
վարուց հիացումն է հրեշտակաց , և մարդկան
խրախոյս ՚ի լաւագունիցն թեակոխութի , նոյն և
յանդիմանութի : Հեզութիւն բարոյից ժողովել
միւսանգամ զսարտուցեարն առ ՚ի քէն . ահա
քեզ Սահակ արժանի աշակերտ վսեմ վարդա-
պետին , որ զանձն հեզութեան և խոնարհու-
թեան զնէր տիպար , զրաւական անդորր խաղա-
ղութեան : Օ ի այլ ևս յերկարեմ . Սահակ ժո-
ղովող որսացելոցն ՚ի թշնամոյն . նաւահանդիստ
ալէկոծելոց ՚ի ծովածուփ կենցաղումն . օգնական
վաստակելոց յասարեղ երկնաւոր նահատակու-

Թեան . յորդորեցուցիչ վճատելոց 'ի դժուարա-
յաղթ պատերազմունս քրիստոսամարտ սոսխաց :

Ս՛Տ , ընդէր ոչ շնորհեցաւ ինձ լեզու ազգու և
բան ճարտար նկարել կենդանի առաջի ձեր , ո՛վ
հայրասէր ահումբ , զամենայն օճանս բարեաց
հօրն ձերոյ : Վու ընդ իմ , դու ծերունիդ Վոր-
նոյ , դու էջ 'ի կաճառ այսր , և կայծակնաբուխ
բանիւք շողացոյ յատենիս զնշոյլս առաքինու-
Թեանցն Սահակայ : Արանի առեմ աչաց քոց ,
որ տեսին զզուարթ շրթանցն ժպտումն . երանի
ահանջացդ , որ զհայրական բարբառն զուարճու-
Թեան լուան 'ի նմանէ : Այլ քեզ մանաւանդ
երանի , հայաստան աշխարհ , որ 'ի շնորհաձիր
առաքինութիւնսն վայելեցեր Սահակայ . քան-
զի որ 'ի սկզբան հաճեցաւ զանկերպարան վիճն
կենդանաբեր զուարճացուցանել երկոքումբք լու-
սաւորօք , զարդարեաց և զքեզ երկոքումբք անշի-
ջանելի լուսաւորօքն Սահակաւ և Սերտպաւ .
ամոլք գեղեցկաձեմ , նախանձարկուք երկնից :
Ղափեցաւ նոցա ճոխացուցին զքեզ ճոխութիւնք ,
որ ոչ քոյ էին : Օ արմացաւ արդեօք Այրարատ՝
զի անակնկալս ամբարեկն 'ի գոգ նորա աւարք
օտարութիւք , զոր ոչ ճանաչէր , և որոց անանցա-
նելի է ժառանգութիւն :

Թոյլ սուք ինձ ապա , ո՛վ ստեան արդարակը-
շիւ , Թոյլ սուք լսելի առնել ընդ ծագս երկրի
զանկապտելի փառսն Սահակայ : Շ լանայ աշ-
խարհ ընդ զիւցազունս իւր : Սուր իցէ նորա-

անսիլ այրն , որ յառուրս մեր յապուշ կրթեաց
 զազգս , և համբաւ նորա ծագաց 'ի ծագս տիե-
 ղերաց : — Յալիս յիշատակաց դարուց խառնե-
 ցաւ և նա : Հիացուցանեն արդեօք զականջս բով-
 բիւնք աշխարհակալ զինուց . խտտղէն զաչս շո-
 ղիւնք յաղթական սուսերաց և փաղփիւնք դափ-
 նեզարդ գրոշակաց ծուփ 'ի ծուփ ծածաներոց
 ուրախութեամբ ընդ օդս . այլ առանց ինչ վա-
 րանաց համարձակիմ ասել ես թէ վեհ ինձ խա-
 զաղաւէտ խնաստութիւն Սահակայ քան զամե-
 նայն աշխարհակալութիւնս և զյաղթանակսն Մ-
 ղերոսանդրի : Յանձուկ սահմանաց անտի ուր
 զծագումն իւր առնու նուաստն Ստրիմոնէ մինչև
 'ի սէզն Վանդէս բաղմարերան չափեաց նա սահ-
 ման ընթացից բանակաց իւրոց . առաջի նորա
 արհաւիրք , և զինի հետք արիւնտուղ : Չէր զօ-
 րութիւն որ ընդդէմ կայր բռնութեան նորա , և
 ոչ ամուր դժուարակախ խափան օտից նորա :
 Յարեար և դու , հայրենասէրդ Սահէ , կալ
 թումբ ամբարտակի ընդդէմ յօխորտ հոսանաց
 բանակաց նորա , որ աւերակս սրտունային և զե-
 ղապաճոյճ քոյոյ դաւառիդ : ՄԵՆ աւանդ . ար-
 գարև սէր հայրենի կարի առաւել էր 'ի քեզ ,
 բայց առ հաւասարութիւն մեծի խորհրդոցդ ոյժ
 զօրութեանդ կարի ստորին : Սակայն ուրախ ըր-
 տրիտուր փառաց ոչ յաջողութեան գործոց , այլ
 խորհրդոցն կըռի ազնուամտութեան : Այս ո՛ր
 մահացուաց իշխեսցէ կալ հակառակ հզօր բաղկի

վերին տեսչութեան . նա ինքն կալեալ զձեռանէ իւրոյ յաղթականին առաջնորդէր յաղթութեց 'ի յաղթութիւնս . մինչդի նուազ էին պատերազմուէր նորա քան զյաղթանական : Ղանասպարհը հորդէին առաջի նորա . ովկիան արահետ տարածանէր ընդ սախւք նորին . և զրուէր ծաղկապսակ քաղաքաց 'ի կայթս սախից և 'ի ծախս ձեռաց փեռեկէին առաջի ընթացից նորա :

Ըստ այս ամենայն փառք , այս ամենայն յաղթութիւնք արդ ուր իցեն : — Տխուր լուծիւն ամենաճախ դարուց ծանրացեալ նստեալ կայ 'ի վերայ , և ոչ հետս ինչ թոյլ տայ նշմարել : Սակայն աշխարհակալութիւնք Սահակայ . . . սհ , Սահակ կացեալ առ սեանն լայնատարած և մուսլ հանդերձերոց ձայն ետ և կանգնեաց ախոյեանս ընդդէմ խաւարամած սահմանաց տղի տութեան . լոյս իմաստից ցոլացաւ 'ի հանձարոյ նորա , և առին բարգաւաճմանս ազգք , և խոսրանացեալ աւերակք զարդ շքեղութեան : Ըստ ուրեմն ցորչափ ծագեսցէ արև 'ի կամարս իւր , անթառամ եղիցին փառքն Սահակայ : Սանաւանդ թէ անդր քան զժամանակս մինչև ցյաւխտեանսն ձգտի իմաստութեանն սահման . անձուկ են նմա տիեզերք , անձուկ ժամանակք , զոր չափէ արբին :

Ըստ մի գուցէ մեղադիր ինչ որ ինձ լինիցի , իբրու այն թէ խորամանկիցեմ զլատտակս այլոց 'ի գովել զիմ վեհազն : Վխտեմ և ես եթէ անմահն Սերովլոյ ամենայն ձգամբքն մասնէր

զանձն բազմախառտակ բրտանց 'ի բարդաւաճանս
մերասեր դպրութեան, յալինչ ոչ խնայէր զի
զլոյս խնաստութեան ծագեացէ 'ի հայաստան :
ԲՆ աղէ, ընդէր 'ի դերեւս ելանէին իղձք նորա
յառաջ քան զամբառնալ Խաւհակայ յաթուռն
հայրապետական . ընդէր իբրու յազբիւր անդր
անտպառելի լուսոյ առ նա դիմէր Սեփորովայ Զա-
հարել զիտաարն համատարած . ընդէր հան-
զիտա տաժանական բրտանցն յուսայր գտանել
'ի Սահակ : Վրանդի ոչ ինչ ընդհատ 'ի նմանէ,
նա՛ առաւել իսկ քան զնա, փափայրող էր ցանկա-
լի զանձունս և Խաւհակ : Ս անն այնորիկ Խա-
հակ խորհրդական նմին . Խաւհակ նմին խրա-
խուսիչ . Խաւհակ վաստակակից նորա : Վրան
յինէն մուրացածոց գովութիւն . թէ ախորժէք,
պատրաստեաց Սեփորովայ զատաղձ շինութեանն,
և խնաստուն ճարտարապետն Խաւհակ անխան-
ջելի ճգամբքն նորակերտեաց զեկեղեցին հայոց .
բարձրակառոյց յորինեաց 'ի վերայ ազասն Սա-
սեաց զտաճարն խնաստութեան : Ըճագործ հրա-
շարիք հնչեցին 'ի հայախօս բերանոց . ընդարձա-
կեցաւ յաղթութիւնս եկեղեցւոյն Վրխատոսի .
և ճոխացար աւարօք խնաստութեան ազգաց :

Եւ զիւցազունք մերոց աշխարհիս ճոխացու-
ցին զմեզ յառ և յապուր ազգաց օտարաց, և
ոխերիմ վահանք քաջազանց պճճնէին զօրսն պա-
լատանց նոցա : ԲՆ զինչ հաւասարութիւն ընդ
նոցա և ընդ Սահակայ աւարառութիւնսն : Սա-

Հակայ աւարտութիւնք ցարդ շքեղազարդեն զգաւտ մեր . նորա աւարօքն ճոխացեալ են ազ- նուագոյն գանձարանք մեր՝ ամբարանոցք մատե- նից մերոց . նորա աւարօքն ճոխացեալ էք դուք , ո՛վ ահումք խնասանոց . նորա աւարք են ճոխու- թիւնք մտաց ձերոց . ո՛հ , և սիրտք ձեր աւարք նորա են , կողպուլա շքեղ . սիրտք որ զՏարկ երախ- տագիտութեան հարկանեն միշտ առ նա . և մի- թէ արտիիւնք սրտից ձերոց ՚ի լուր անտանա մե- ծի շիցեն երաշխաւոր ճշմարտութեան բանիս :

Իբրև նորաբանչ գանձուքս ճոխացոյց Սահակ զՏայաստան , կոչէր առ ինքն յաշխարհաձոյլ ժողով և զամենայն տեսուչա եկեղեցւոյն Հայոց , և այն ոչ միանգամ , զի սրտառուչ խրախուսանօքն և զնոսա նախանձաւորս յարդորեացէ անանցա- նելի ճոխութեանցն : Այլ խորագնին աչօքն մանր նկատեալ զՏնարս իրացն , ՚ի բաց տանէր ՚ի սե- զանոյն սրբութե ոչ միայն զորս անձաշահքն էին ստատւածատուր , այլ և արտաքին խնաստութենն : Անդնեալ խիտ առ խիտ վարժոցս յերկրի մե- րում , յորմէ վտարանդի է արդ , աւանդ , ամենայն խնաստութիւն , սրատուհաս ՚ի վերայ կատեր՝ որոց հեղգանայցեն առարկել անդր զորդիս ՚ի կիրթս խնաստութեանն :

Աթէ անատերիւր զՏեստ հարց ձերոց կոխելիք , ոչ արդեօք լուին արդ բեմք ձեր , ո՛վ որդիք Հայ- կայ . կամ չար քան զլուութիւն զօղանջէին . ոչ և զրունք իրաւարար ստենիցդ փակէին , և սար-

դիտտայնք 'ի նմա անկանելին . ոչ հոյլ բարե-
նչան մանկուոյն նքթէք 'ի սուլու խմատից , և
հողմոց հոսելին մեծամեծ ակնկալութիք աշխար-
հիդ Հայոց : Իցէ թէ արդ , թէ և անադան ,
ապաշաւէիք ընդ զարտուղի գնացսն : Բքի լան-
ջաց և մեծ խորհրդոց հաւատալիք են առանց
վհատութեան դառնալ ընդ կրոնին 'ի զիւս
արահետ ճանապարհին :

Սակայն դուք ոչ նմին առաքինութեան հօրն
ձերոյ ժառանգորդ էք , դուք , ս խմատաւեր ա-
կումբ , դուք որ զնորին շաղաց երթայք զհետ ,
դուք որ զհայրականացն գուն գործէք պահել
անշիջանելի զջահ փառաց . դուք , որ ոչ միայն
առեալ 'ի ձեռս որպէս զնա՝ զղէն բանին , 'ի
բաց ընդոտաուցանէք 'ի փարախէն Վրխատուի
գնենդաւոր գողսն , այլ և քաղցր հնչեցուցեալ
զսրինդ վարդապետութեանն ճգնիք ընդ միով
տաւաղել դրօշակաւ զվայրախասնեալ հօսն
Վրխատուի . որ ճգնիք ծաղկազարդ յօրինել
և անթառամ պահել զանուշահոտ բուրաստանն
ոռոզեալ արեամբ Վրիգորեանց , և վարդապետու-
թեամբ նոցին կազդուրեալ . որ 'ի միում ձեռին
առեալ զատուածաղիւր պատգամն , միւսոյն 'ի
հանդիսարան խմատութեան հրաւիրէք զորդիս
Հայկայ , զակնկալութիւնս նորոգութեան կոր-
ծանմանս մերոյ : Իրախուսեցէք յապարիզին
ձերում , փառք ուղեկից են ձեզ , և ճանապարհ
փառաց առաջնորդէ յանմահութիւն . յոսկե-

զէն զրունս տաճարին խնստու թեան ընդ հօրն
ձերոյ և ձեր քանդակեալ են անուանք :

Սուղ է ինձ ժամն անցանել մի առ մի զամե-
նայն դժուարաբիրան նահատակութեամբք , զոր
յանձն առնոյր Սահակ 'ի վերայ իւրոց համազ-
դեաց : Այ յիշեմ զդժուարընթաց ճանապար-
հորութիւնս նորա բազում անգամ մինչև յար-
քայանխտն Տիւբոն . յորմէ ոչ դառնայր , և թէ
ոչ խազաղութիւն և օճանս բարեաց բարձեալ
բերէր ժողովրդեան իւրում : Բանք բերանոյ նո-
րա պատկառելի էին և առաջի արքայից հեթա-
նոսաց . բանիւ նորա պարզեցաւ արին հա-
մազասոյ սպարապետ քաջայն Հայոց . բանիւ
նորանախարարք խախտեալք յիւրաքանչիւր պա-
տուոյ՝ անցանէին միւսանգամ 'ի բարձն հայրե-
նի . բանիւ նորա արարք և կալուածք նահապե-
տութեանց հաստատելին միւսանգամ . բանիւ նո-
րա և յ'նչուշն բերդէ , ս'հ անուն չարագուշակ ,
դառնայր երկրորդ անգամ յաթոռն արբունի
քաջագին Արտուր : Վիտէք ապարէն , խնստուն
կաճառ , զի ըստ խուժագուժ հեթանոսական
սովորութեանցն յիշել անգամ զանուն բերդին
առաջի արքայից արքայի զվնասարտ յանցաւո-
րութիւն էր . և զրեթէ անհնարաւոր շնորհք 'ի
բերդէ անտի ազատել զայր վնասարտ , թող
թէ միւսանգամ վերամբառնալ յաթոռ արքայ-
ութեան զվնասակար իրաց արբունի : Եւ լոյսն
երկնային սպաւորեալ 'ի ճակատ Սահակայ կա-

ցուցանէր զնա սպտկառելի ազգաց և մեծարու
Թագաւորաց :

Սակայն , եղևկ , վաստակք նորա մերձ ընդ
մերձ 'ի դերևս ելանէին . խախտէր , սպառնայր
կործանել զկնի երազավախճան աւուրց Արտ-
րովայ չբեղազարդ գահն արշակունի . գեղայար-
դար յօրինուածութիւնք յաշխարհէս մերմէ զօ-
ղէին Թաքէին 'ի փապարս քարանձաւաց . և 'ի
նախարարակոյտ ազատաց այլ որ այլուր հանդէպ
երեսացն դիմէր 'ի վայրս անմարդիս : Ալ զայն
ժամ պատեհ գտեալ նենգաւոր կրակապաշտու-
Թիւն դարանէր յարամի մտանել յեկեղեցին
Վրիտտոսի , և առնուլ յաւարի զամենայն բա-
րեւայելլութիւնս նորա : Այսպէս դիւրախօփօխ
իցէ բախտ քո , տառապեալ գաւառ հարցն իմոց .
ամք սակաւք են զի ամենայն վայելլութեամբք
ճոխանայիր , նախանձ արկանելիր մերձաւորաց
քոց և հեռաւորաց . և այժմ' աւաղելի օտարաց
և ընտանեաց . և սպառնալիք արհաւիրաց կա-
խեալ կան 'ի վերայ զլսոյ քո :

Բազմիմաստ հառաչանօք դարձաւ հայեցաւ
Իսահակ 'ի տառապանս աշխարհին . սրատես
հայրապետն իրազգաց եղև դաւաճան խորաման-
գութեանն , իմացաւ և զհնարոն : Վիմեաց զոյդ
ընդ Թոռանցն հանդերձ գործակցաւն բարեաց
Ս'եսրոպաւ 'ի Վիւզանդիոն կոյս . զազգակից
նախարարս յունական կողման համագունդ ար-
ծուեացն (Ուէոդոսի 'ի Թիկունս կոչել օգնակա-

նութեան ընդդէմ հաւատադրուժ ստիսին, Սա-
կայն ցասունն Միկնակալին խնդրէր զոհ հաշ-
տարար. և ուշ նպատակի երկնաթռիչ սլաքաց
դու ևս դու, արիդ Սարգան. ազգատոհմ նուխ-
րական Մտուծոյ: Ամանն ստրատելատի, զոր
կապէր (Ս)էտոյս զմիջով նորա, հրեշտակերամ
զնդաց մանաւանդ կարգեաց զնա զօրավար: Զօղ
վարդագոյն քոյոյ արեան, քաջդ, այն միայն ցարդ
յերկիր հայաստանեայց ուռձացոյց զաստուա-
ծահրաման պտուղն բարեպաշտութեան: Ի
քում արեան շտեմարանեալ կան տակաւին մե-
ծամեծ օձանք բարեաց աշխարհիս. և տեսցեն
անշուշտ զաւակք մեր և թոռունք: ՄԱԼ դու ա-
րիդ, ոհ, իբրև զգունատեալ շուշան դեռարող-
բոջ անկանիս առաջի անագորոյն սուսերաց կրա-
կապաշտից. և լայնատարած և անշարժ դիակն
քո սրբանուէր պահպանութեամբ թագուցանէ
զգահն արքունի: Մտումինն ոսկերք ձեր, ով
հայրասէր ժողով. այլ, աւանդ, ճշգրտապատում
յիշատակարանք աղիտագոյն ևս տեսարանս կեն-
դանագրեն առաջի աչաց մերոց:

Սակայն դու, հայր, որոյ յանդիման բացան
դպրութիւնք աստուածային տեսչութեան, յու-
րում մտոն աստուածային դրոշմեալ է զվճիռ
կործանման զահուն արքունի, ով վճիռ կարի
անաչառ. դու էր այդպէս ընդ քիրան զաս և ընդ
սպաժոյժ միւսանգամ ՚ի մի հաւաքել զխախ-
տեալ վայելութիւնս փառացն Մարարատայ:

Լ՛Տա ազատ որեարն ցան և ցիր ընդ լերինս և
 ընդ մայրոս . ոամկին կապուտակեալ բազուկք
 յանիրաւ շղթայից գերութեան . վոհմակք
 պարսկախումբ բանակաց յախշտակէն զգառինան
 Վրիստոսի . ծուխք ատրուշանաց ծառացեալ
 յամոց , տարածանին ունին զամենայն երեսս
 երկնից զի մի կաթեցէ ցօղ երկնատուր պար-
 զեաց 'ի լերինս և 'ի դաշտս մեր . և յուսան դու-
 տակաւին զայդպիսի գաւառ 'ի վեր առնուլ միւս .
 անգամ 'ի վատթարութէ անտի , և միւսանգամ
 շքեղազարդել . անհ , ներեա յանդգնութեանս ,
 հայր , մի արդեօք յանբեր ասրաւաժս հոսեցին
 ծանրագին քրտունք քո : Ե սեմս արհամարհեալ
 նա զամենայն վճատութիւն , ընդդէմ իմն ճա-
 կատագրին , թէ տացի ինձ համարձակութիւն
 ասել , հնարի ոգորել : — Ղզանք կնիք են , ասէ ,
 իմոյ ճակատուս . յաջողութիւն գործոց պարգևք
 ձեռաց Մենակալին . ցորչափ շունչ իցէ յըւրն-
 դունս իմ'եղից զանձն իմ 'ի վերայ իմոյ համազ-
 գեաց , 'ի վերայ զաւակաց իմոյ : Ե 'ի մահկա-
 նացուաց իշխեսցէ 'ի վեր առնուլ զնսեմ և բզ-
 թանձր առազատտ ապառնի դարուց և զհան-
 դերձեալն նկատել : Վուժկալեսցէ սիրան հայ-
 բնի տեսանել զհոյս զաւակաց մատնեալս յանձ-
 կութիւնս և զձեռս 'ի գիրկն հանգուցանել :
 Ե՛հ , քաւ յինէն վատութիւն այդպիսի . յեալն
 տուր և առ շնոյ իմոյ , և վերջին կաթիլ արեան
 նուիրական է իմոյ զաւակաց :

Այլ հաւատացիք, որ ուղղատես ատեան . արգարե ոչ 'ի դերևս ելին սիրայորդոր ճգանք ծերունոյն, զոր ոչ երկբայիմ նորոգիչ կոչել կործանման մերոյ աշխարհիս : Այս այնպէս 'ի ձայն քաղցր սրնդի հովուին դրդին հօտք ոչխարաց յաղն ցանկալի, որպէս յակնարկութիւն Ասհակայ 'ի մի խմբեցան ազատք և անազատք, աւագն և ռամիկ . և անդէն 'ի վերայ աւերակաց ատրուշանաց ելին կանգնեցան միւսանդամ մեծափառագոյն ևս եկեղեցիք Աստուծոյ . սարսկազեն խաժամուժ մոզաց և մոզպետաց վարեցան հեռի 'ի սահմանաց մերոց, և փոխանակ աղխարոյզ հմայից նոցա՝ քաղցրաձայն հնչէին երկնապլիշ գմբէթք, հանդիստ փառաց Ամահին :

Հնապա, որդիք Այրարատայ . զի կայք, էր յապաղէք . արիք 'ի վեր, կայթս տուք ցնծութեան . ահա ասիկ հայրն ձեր, ահա Վսահակ . 'ի միում ձեռաց նորա նշողէ ճաճանչ արքունի թագին, որում անձկացեալ տեհչայիք . 'ի միւսումն սրատկառելի նշանն խաղաղութեան և հեղութեան : Վայ նա սարգեւել ձեզ զկորուսեալ շքեղութիւն փառաց ձերոց . հեղուլ 'ի սիրտ ձեր զքաղցրութիւն ներողութեան, և զյոյս ողորմութեանց Վարձրելոյն : Այլ ճանաչիցէք . ահա առոյգ սրտանին Արտաշէս, որդի բարեացապարսն Առանչապհոյ ձերոյ արքայի . որ երբեմն բացեալ զկորստական զանձս իւր՝ անկողոպտելի զանձուք իմաստից ճոխացուցանէր զձեզ . ահա

եւանէ նա 'ի զահն հայրենի, զի ընդ հովանեաւ
համազգի գաւազանին առցէ վերստին աշխարհ
ձեր զգեղ վայելութեան աստուածաբարտ և
խմստուն կարգաց : Այլ ընդ փոյթ դարձցին
առ ձեզ և գովելի ասպատակքն՝ որ 'ի ծագաց երկ-
րի շնաշխարհիկ ճոխութեամբ օտար աստեղաց
մեծացուցեն զձեզ :

Այլ սակայն զինչ տեսանեմ ես . զի է զի 'ի
մույլ խաւարի 'ի խորհուրդ ակմբին աւազ
որեարն հայոց . և ծերունի ոմն ծաղկեալ ալեօք,
գեղեցիկ կերպարանօք, հայեցուած հանդարտ,
աչք բոցատիպ, և ողի իմն 'ի նոսա . արութիւն
կորովի անսովոր հասակին . և կարկառէ զձեռան
'ի միջի անդ ակմբին : Այլ ընդ ջր երբէք մար-
թեր ընդ միտոն անցանել, եթէ տաղտկացեալ
որեարն յիւրմէ արբայէ յետ վեցամեաց խաղա-
զաւէտ թագաւորութեան՝ խորհուրդ վատ խոր-
հի մասնատու լինել նմա ազգաց օտարաց, և օտա-
րտի տեարս կանգնել 'ի վերայ իւր՝ որոց բոյս
բարուց դրացի է զազանականին . ո՛վ նկուն
մտայն :

Այլ խորհրդակորոյսք, չածէք զմտաւ թէ
յառաջ քան զամն սակաւս յոր տառապանս պա-
րաւանդեալ կայիք . դուք ինքնին աչօք ձերովք
տեսէք զյափշտակութիւն ընչից ձերոց և հայ-
րենատուր արարոց . զխախտումն ամենայն յօրի-
նուածութեանց . 'ի վտանգ մտանեալ ամօթ իրած
պարկեշտութիւն դատերաց ձերոց . ուստիք ցա-

կանեալք . առաջատար սրբութեան յաւարի աւեալ . և զուսիս աւուրս կենաց ձերոց հաղի տառապանօք շահեալ 'ի դժուարս լերանց :

Մ. յԼ բ' րէ , 'ի զուր վաստակի Սահակ , վայրապար ճգնի իմաստուն և խորատես բանիւք հաւանեցուցանել զարդարութի իմաստազիրի աստեղին : Մ. ճնասարանձք Պարսից յակճիոս կան ընդ համարձակասիօս քաջարանութիւն առնն ուժգնասարտի . իսկ քրիստոսադաւան նախարարակոյտն ինուն զականջս 'ի լուր աւետարանասիօս բանից հօրն իւրեանց : Աոյս ընդդիմասիօս և սոցա յորդորական զբանս իւր առնէր իմաստուն ծերունին . նորս սարգեօք և պատուով մեծարեն , և սորս ընկեցիկ յաստուածահրաման աթոռոյն զնա կացուցանեն : Ո՛վ կուրութիւն անհասանելի :

Յիրաւի են հառաչանք ձեր ընդ յանցաւորութիւնն , որում չէք փնաստապարտ : Սակայն ընդէր այրադունին երեսք ձեր . ոչ զայս բնաւորեալ է հատուցանել աշխարհ իւրոց բարերարաց . ոչ ընդ արեանն , աւանդ , և զբախտ Աերսիսի ժառանգեաց Սահակ : Ո՛չ դուք իսկ անձամբ ձերով կնիք ճշմարտութեան էք բանիցս : Մ. յԷջափ քրանաջան երկանց ձերոց զինչ տրիտուր ընդունիք : — Մ. տեղութիւն , զրպարտութի , նախանձ : Սակայն մի ինչ վհատիցիք . քանզի ախտք իրերաց հակառակամարտք , որ և ոչ մարթին գողցես կալ 'ի միասին , անմեկինք են յառաքինու-

Թե՛նէ, և որպէս ստուեր գեղեցկախառնեալ ընդ լուսոյ, ներեցէք Թէ յիշեցուցանեմ ձեզ բան սովորական, ակնախափող իմն կենդանութիւն սրարգէւէ տեսարանաց նկարչին, այսպէս և Թըշնամանք ախափցն՝ ձերոց սոխաց՝ զառաքինութե՛ն ձերոց ազդողագոյնս տան զՏաւաստիս :

Օրպարտութիւն սրեաց զժանիս իւր և ընդդէմ Սահակայ յատենի արքայից արքայի, և ՚ի յանցանս գրեցաւ նան՝ զի աւետարանագիր կարգաց գտեալ գեղեցիկ օրինապահ ոչինչ չարախօսէր զՄրտաշէս առ Հեթանոսս : Առ որպէս ժայռ ՚ի ծովու անստանելի ՚ի բարկացայտ ալեաց, այսպէս և Սահակ ոչ ինչ երեսս ոչ առնէր ոչ սպառնալեաց և ոչ հրատուրող բանից արքային և սրալատականաց նորա . և հայրենասէր առաքինութեանն հօր քո, ո՛վ աշխարհ տպաչնորհ, յատենի սոխաց քոց կշռեցաւ վարձ տխուր բանտարգելութիւն :

Մտրդով կերպարանօք իբրև իմն յարբունիս զիմէր ծերունին ՚ի բանտ անդր . մանաւանդ Թէ յորդորագոյնս ՚ի բանտն քան յարբունիս . որքան զի ՚ի սմա դարանակալ զօղեալ կայր առաքինութեանց նորա . և այն սրակ անկապտելի այնոցիկ : Մյսպէս ընդ հակառակս իմն հային սուրբք յամենայն երկրեղէնս : — Ղոնչեցին ժանգաճար ծինիք, փակեցաւ դանդաղաշարժ դուռնն . լուծի ընդարձակ շուջանակի . և Սահակ արքայազն հայրապետն հայոց միայնակ ՚ի խաւարչուտ զընդանին : . . .

Մ.ՅԼ խարխմբ, նա չէ միայնակ . նշոյլ անմեղում թեանն 'ի ճակատ նորա . առարինում թիւնք նորա ընդ նմն շուրջանակի . ընդ նմն բարերարութիւնքն, զոր շոպլեաց նա քեզ, հայաստանն ժողովուրդ . և դու զայս նմին հատուցեր արիտուր : — Մ.րժանի էիր դու, ո՛վ հայր, արժանի լուսազոյն բախտի, եթէ բախտք երկրաւորք իցեն ինչ :

Աղան զձեզ, ատեան հայրասեր, կալան արհաւիրք, և ցուրտ արամութիւն երկաթի ձեռօքն ճնչէ զսիրտ ձեր : Ա. կարի յիրաւունս . ցայսօր և հայաստանն ամօթապարտ ընդ եղեւընն՝ նաաի մտայոյզ 'ի վերայ հանգերձեւոյ : Մ. յաւափ ինչ ահա կարող են աղմուկք կրից :

Աթէ պատմութիւն անողորելի դատաւոր արքայից և ժողովրդոյ, անաչառ մատակարար պարտաւանաց և գովութեանց, աստուածութիւն իմն անխաբելի, յորոյ աչաց չիք յանցաւորութիւն, թէպէտ և մեծապատիւ, որ մարթիցի թաքչել, և ոչ առարինութի, թէպէտ և ամայի, որ մարթի մնալ անձանօթ . եթէ պատմութիւն չիք պահեալ մեզ զաղետալի յիշատակ իրացս, սըրբանուէր իմն առազատիւ ծածկէի և ես զամօթ հարցն մերոյ, ինայէի և յարդարացի հառաչանա ձեր :

Մ.ՅԼ սակայն որ 'ի բարձանց երկնից անթարթունի զաչան 'ի վերայ մահկանացուաց, և ոչ երբէք լքանէ զարդար, և մերձ ընդ մերձ զաննկուն

նահատակաց իւրոց բոլորէ զձակաստ անթառամ պասկօք, փեռեկեաց, որպէս երբեմն 'ի Սեմփիա, զերկաթապատ դրունա բանտին . խորտակեաց յտից և 'ի բազկաց զժանգալից զանիրաւ շղթայսն, ած կացոյց զնահատակ իւր առաջի բռանց երկրի : Այս որպէս գալարաձև որոտաձայն կայծակն բարկութեամբ շանթահարէ զչոռոզ գլուխ բարձրաբերձ լերանց, այսպէս և բանք բերանոյն Սահակայ յատենի անդ հեթանոսականաց զգաղաղացուցին զհայհոյիչ լեզուս մեծաւ մեծաց աշխարհի :

Աներկիւղ արութիւն սրտի, աստուածութիւնն վեհ նկարագիր, միշտ իսկ բռնի սպաբէն սահանջէ և յոտիտաց անդամ իւրոց զհարկ մեծարանաց : Այս իշխեաց և Սևակ ժխտել զնոյն անվեհեր արութեան Սահակայ, որ շքեղազարդ միւսանգամ դարձ առնէր յաշխարհ մեր . և ոչ այնչափ ճոխացեալ գայր արքայատուր սարգևօք 'ի շինութիւն աշխարհին, որչափ անտխակալ առաքինութեամբն զարդարեալ 'ի շինութիւն եկեղեցւոյն Քրիստոսի : Քանզի թէպէտ և յինքեան խաղաղացեալ նստեալ կայր, այլ անյիշաչար կամօքն ոչ յաչողէր զմտունդ վարդապետութեան, յորոց քաղցեալ և փափաբէին այնմ : Արդսպառ 'ի պատուոյ աթոռոյն, այլ ոչ 'ի վաստակոցն . զի Սահակ ոչ վասն պատուոյն յաթոռանդր ձկտէր վարդապետութեանն, այլ զի վաստակեսցի, այլ զի բարերարեսցէ մարդկանն :

Այր վասն իսկ զդժուարութիւնս ճանապարհաց յաջ դնէր . յատենի թաղաւորաց աներկիւղ համարձակախօսէր . յիշխանուէ՛ ոչ ակն ածէր 'ի յանդիմանելն . և մեծապատիւ մեծարէր զառաքինութիւն թէպէտ և ընդ գերանօք շինականին . և զամենայն մանկտի Հայոց , կրկնապատիկ երանի հասակին յայնմ ժամու , և զամենայն մանկտի Հայոց իբրու զծնունդս աղէաց իւրոց այնպէս խնամէր . զորս 'ի բնիկ յաշխարհին , զորս ընդ օտար աստեղօք նախանձաւորս վնուէր բարեաց :

Ղարձեալ ուխտ եկեղեցւոյն , դարձեալ խմբի նախարարակոյտն առ ոտս ծերունոյն , Սահայն որչափ այլատարազ քան զառաջինն : Սէղանս յանձն առնուն , աղերս սրտառուչ արկանեն նմա , զի յաթող հարց իւրոց , յաթող իւր անցցէ բազմեսցի վերստին : Աթէ արքայականին կնքեալ իցէ կործանումն զահու , մի գուցէ և հայրապետականն ընդ նովին անկցի ճակատազրաւ : — Բարէ , վսեմ յաղթանակ առաքինութեան : — Իսկ առաքինին , որպէս յառաջումն , նոյնպէս և յերկրորդումն միօրինակ անյողողող , միօրինակ անվրդով , միօրինակ քաղցր : Այլ յայնժամ , ո՛հ , յայնմ ժամու տաղաւորագոյնս ետ հաւաստիս զառնութեան ոգւոցն մեծանձնական ներերովն : Վանգի ներողութիւնս առաւել ևս բնաւորեալ է տալ զյարացոյց զօրութեմնայ , որով և գերէ իսկ զսիրտս , քան զնուա-

տամիան վրէժխնդրութի, որ և զսիրելիան սարտուցանէ : Սինչ զի և աստուածութիւնն ինքնին՝ վրէժխնդիրն արդարակշիռ , եթէ միտն արհաւիրս անհնարինս ածէ զմեօք , միւստն զսիրտս մեր յինքն գրաւէ :

Արդեաւ զձեռնն՝ առ որս փարէին զճնդովք նորա . Այ առ ատել ինչ , ասէ , քաւ յինէն , քաւ ՚ի քրիստոսական նկարագրէն , որ տպաւորեալ է յանձին իմում , եղեռն այդպիսի . այլ բազմազատակ ծերութիւն ՚ի դժուարամարտ ժամանակիս չէ բաւական ելանել յասպարէզ ընդդէմ ստիպաց եկեղեցւոյն . Քրիստոսի . անչ , ընդէր չմարթիցիմ զայս մի անգամ յանձն առնուլ զինդիր ձեր : . . Աստուծոց . և թերաբաց եցոյց նոցա զահաւոր տեսիլն , որ որպէս այժմ զատեանս ամէնիմաստ , այսպէս և զաղաչաւորսն յայնժամ յարտասուս հարկանէր : Այլ նոքա մեղադարտք . դուք զնոցին մեղանացն , աւանդ , զայսչափ ամն անպարտ լուծանէք զվրէժ . անհասանելի դատաստանաց Տեառն այսպէս սահմանեալ :

Այ այնչափ զրկեալքն ՚ի հայրական իննամոց Սահակաց , որչափ նա ինքն ծերունին յոգի հարեալ էր ոչ եթէ վասն ծանրակիր հիւանդութեանն որ սպառնայր սուգ անմիթար համօրէն աշխարհին , այլ մանաւանդ վասն հանդերձեւոց տառապանաց զաւակացն : Օ ՚ի արդարեւ վշտանային անգամք մարմնոյն , այլ սիրան սիրապա-

տար , այլ միտք զուարթուն 'ի զեղաղուարձ վայրնս Մ. յրարատայ , զաւան լի յիշատակօք , բաժանեալ էին ընդ Մ. սուած և ընդ Հայրենիս իւր . և զՀայրական օրհնութիւնն կուտեալ 'ի սիրեցեալ զուինս Ս. արդանայ , յորում բազմապատիկ ակնկալութիւնք հանդուցեալ կային , կափոյց զաւան յերկրաւորաց աստի , զի բացել առ երկնայիննս , և տարաւ ընդ իւր զիղձս մեր յաթոռ Մ. անահին :

Եկեաց արդեօք կարի շատ բնութե . եկեաց արդեօք Սահակ կարի շատ փառաց . այլ աւանդ , կարի նուազ հայրենեաց : Մ. արքինութիւնք նորա նորոգութի էին աշխարհին , և բանալի աստուածապարզե գանձուց 'ի ձեռին նորա : Մ. Հ. օր արխ բազին , որ գունատեալ ետես զզուարթածաղիկ դէմն հօրն իմոյ . սակայն ոչ , ոչ յետին անուանեցաւ նմա օրն . արդարեւ մահկանացու ծնեալ , այլ անմահ էթող իւր յիշատակ . և ցորչափ բաբախեսցեն հայ սիրտք , անանց կացցեն փառք Սահակայ :

Գամբանն սգահ կափոյց զմասնն երկրաւոր , այլ կենդանի է ողին 'ի միջի մերում . դուք նորին մտայն և կամաց ասպնջական , դուք ժառանգորդք նորա ոգւոյն : Ս. զու , Հայր , զահագլուխ սատկառելի ակրմբխ , ոչ դուք իմաստախումբ ատեան , աջակիցք հօրս մերոյ , ոչ դուք յարեայք փոխանակ ճշմարիտ հովուաց պայազատք նոյին առարքնութեանց . աւանդասպահք

զանձուց նոցա : Ոչ զանխարեղի սրտիկեր նոցին
 նկարէք ճշգրիտ յանձինս ձեր : Տեսանեմ շուրջ
 զձեօք , որպէս և յայնժամ , չքնաղ սրտակ ու
 սուսնասէր մանկուց . որոց արդեամբք քան թէ
 բանիւ վարդապետ բազմեալք կրկնակի առա-
 քինութեանց սրտի և մտաց , խոստանայք աւուրս
 բարեաց տառապելոց մերոց հայրենեաց : Փառք
 ձեր առաջինք՝ երտջիտաւոր են ապազայիցն . և
 որպէս յայնժամ , անշուշտ և այժմ սրբեսցէ
 տիտւրն Մ. յրարատ 'ի ծնօտից իւրոց զազի ար-
 տասուս՝ միսիթարեալ 'ի ժառանգորդսն առաքի-
 նութեան և իմաստութեան իւրոց զիւցազանց :

Ի ՍՈՒՐԲՆ ՄԵՍԲՈՊ

ԹԻՊԷՏ և ընդ օտար աստեղօք, ո՛վ աստուածարեալ Հայրապետ, և կաճառ իմաստնախումբ Արդապետաց, թէպէտ և պանդուխտ ընդ օտարոտի աստեղօք և ՚ի մէջ պլախօս ժողովըրդոց և օտարաձայն ազգաց նժդեհացեալ, սակայն ՚ի լանջս իմ բարախէ սիրտ հայրենասէր սակայն ՚ի սրտի իմում, ո՛հ ներեցի թերևս աւերազանց յանդգնութեանս, սակայն ՚ի սրտի իմում արծարծուն է այն հուր, որ զծերունի հայրն մեր ՚ի սերաստական խանձարրոցն ած ձգեաց և յածեցոյց ընդ ոլորտս տիեզերաց, մինչև հասուցեալ հանգոյց ՚ի խաղաղաւէտ յայս ծոց և ՚ի դաստակերտ նախանձելի՝ ՚ի Ղուստր Ալկիանու : Արանի՛ աչաց նորա, զի տեսին զյիշատակարանս, ո՛վ տխուր յիշատակ, զյիշատակարանս հարց մերոց . և այն յիշատակարանք չէին անձայն ՚ի լսելիս մտաց նորա . այն յիշատակարանք անցելոց փառայն Արարատայ խրախուսեցին զնա կանգնել անանցանելի յիշատակ ա-

ուաջի երկնից և երկրի, նախանձարիւ խրոխտ
պետութեանց, Ալիանի ոտիցն, որ կոխեցին
դերկիր, որ բարձրաբազուկ հանդիսից Մանահին
և մահացուաց լեալ երբեմն ասպարէզ, արդ
աւանդ, ոտնհար յամենեցունց, և ոչ ուղեոր որ
յանձն առնու գոնեայ վեր 'ի վերոյ աչս արկա-
նել 'ի նա. այլ ասպնջական եղև ջայլեմանց և
որդւոց համբարուաց, և հառաչանք ազնուամխտ
զաւակաց իւրոց:

Բայլ ես թէպէտ և վտարանդի յափանց եղե-
մական խոխոջանացն, անդր 'ի թևս սիրոյն թու-
նիմ, ուր կեցին հարբ իմ, ուր հարբ իմ զսիւղ
կենաց շնչեցին. անհ, արտասուալից աչօք համ-
բուրել ցանկայի անդէն զիտշին, ուր կոխեցին
երկնաչու դարչապարբ նոցա: Աայց եթէ ան-
հետազօտելի կամք երկնից զլացան մեզ զայս,
գոնեայ թոյլ տացի ինձ խտարացի արձադանդաց,
ուսուցանել զանուանս հարցն իմոց: Այլ մինչ
լուծի գերեզմանական կալեալ ունի զաշխարհս
մեր, կամ թէ աղխատրոյզ և եթ բարբառովք
պղծաշուրթն ժողովրդոց պղծին սրբանուէր ու-
կերբ խաղաղացելոց հարցն մերոց, հնչեացէ Այլ-
րոպէ զանուանս նոցա, զի նախանձ օտարոտեաց
թերևս 'ի սիրտ որդւոցն վառեացէ զրոյն հայ-
րասէր, որ առ յաչաղանաց ժամնակիս, բա-
րէ, թուի շիջեալ 'ի սպառ. և նոյլ փառաց նո-
ցա լուսաորեացեն զմեզ նախանձաւորութեամբ
նոցին առաքինութեանց:

Ս ան այսորիկ յաւուրս յայսմիկ, յորում ժողովն պատկառելի միաբանեալ է խորհել զօճանաբարեաց ազգիս մերոյ, և խրախուսել զերկչոտ զարչապարս բարենշան մանկաւոյն ընթանալ ընդ հետս հարց առաքինեաց, 'ի ճահ թուեցաւ ինձ զանատերիւր օրինակ մեծախոհ առաքինութեց զմեծին Մեսրոպաց ամէլ 'ի հանդէս առաջի անմնռացիոտ ակմբիս. զառաքինութիս առնս աւագի, որ 'ի զլիտլին նուիրեալ էր զանճն 'ի սէր հայրենեաց. որ զամենայն ինչ առ նովաւ երկրորդ համարէր. և ուղիղ զիտեալ յուշնապատակին յերկրէ յերկինս հրաւիրեաց զորդինն Հայկայ. մանաւանդ թէ զերկինս յերկիր խնարհեցոյց զաստուածաբարբառ ձայնն հնչեցուցեալ ընդ ծագս հայաստանեաց. և զաստուածատունի զրախան փափկութեան միւսանգամ բազմալատուակ քրրտամբն արդասաւորեալ 'ի զաւառս մեր, երաց զսրորէափակ զրունս նորին առաջի արտրեւոցս անդուստ, և սնկեաց մերձ առ միմեանս զճառկենաց և զճառ զիտութեան, յետս ընդդէմ դարձուցեալ զաստուածահրամանն պատուիրանն իւրով անխոնջական երկնատարած բազկօքն:

Եւ ո՞ ժիտեացէ զի առ 'ի յաճախել զօրինակս առաքինի կենցաղալարութեան չիցէ օճան մեծ յիշատակել ստեպ զնոսին 'ի ժողովս, և մեծացուցանել փառօք, որով և այլք 'ի նոցին խրախուսեցին նմանութիւն: Կնէ՛ճք յաչաղկոտ լութեան, որ ազիս և դռնափակս արկանէ ա-

գահ շրթանց հայ որերոյն 'ի գովութիւն հարց առաքինեաց : Բայ պատճառք են , որով շիջեալ սէր հայրենի 'ի սիրտ որդւոց , անբող եղերց մեծագործութեանց հարցն , ոչ որ 'ի նմանութի հայրենականացն նկրտի առաքինութեանց , և քաղցրանան ամենեցուն օտարտաի լուծք , և արհամարհեալ զնախաբարբառ խօսս աստուածաշարժ շրթանցն , օտարաձայն բառիւք իմաստս սիրեն յօղել խուժաղուժս : Ի բարենշան աւուրն մինչդեռ քաջք շուրջ բողոքէին զԲայրատաւ , և կամար երկնաւոր հաշտութեանն շքեղազարդէր զսէգ զամբարտաւան գլուխ նորին , յայնժամ լերինք և անտառք հնչէին զանուանս դիւցազանց մերոց , և երգոյն Բայրատայ արձագանգս տային բամբռուէք Վողթան :

Բայ արդ 'ի ձէնջ հայրենիք մեր ակն ունին վերստին նորոգութեան . դուք վարժապետք առաքինի կենաց , դուք բորբոքիչք սրբազան հրոյն հայրենասիրութեան : Տուք ինձ խրախոյս ձերով երկայնամիտ ունկնդրութեամբդ լինել իւիք սպաւաւոր մեծի և կարեւորագունի գործոյս , որ զբաւեալ ունի զձեզ բովանդակ : Ի նոյն դիտաւորութիւն ահա և ես համարձակիմ 'ի սուղ բանս իմ առաջի առնել պատկառելի ժողովոյս զանհամեմատ առաքինութիւնսն Սեբորայ : Ալ եթէ ճարտարախօս դարձուածովք բանիս , և կամ ճախարակեալ ողորկութեամբ յանդգնեալ 'ի հանդիսիս , այլ ծանուցեալ զմեծութիւն առաջար-

կութեանն , և նորին բարձրութեամբն յուսամ
ոչ մնալ 'ի սպառ զեանաբարչ :

Ըն ամենատես , որ 'ի բարձանց երկնից նկա-
տէ զամենայն . ձեռնն ամենաբաւական , որ տա-
կաւ վարէ զամենայն ստեղծականս 'ի կատարումն
խորհրդոց իւրոց , և զամենայն աստ 'ի խնարհ
ծածուկ խորհրդովք 'ի լաւ անդր բարեկարգէ
երկրածնացս , 'ի Հացեկաց աւանի տարօնական
զաւառին լեւիւ արար զառաջին ճիշ անախական
հասակին Ս'երոպայ , որդի առն Ս'արզանայ :
Ինք երանութեանց արժանաւոր հայր , անզու-
գական այսպիսւոյ որդւոյ : Ընդ ծնաւ Ս'երոպ ,
որ առաջին բարգաւաճեաց զինի մարդազրաւն
հեղեղաց . յայնմ աշխարհի , ուր ծաղկեցին ա-
ռաւելապէս սաշտամունք զոհից և օրինաց ,
մինչդեռ տակաւին չէր ծաղեալ լոյս կենազոր-
ծակ արփւոյն տիեզերաց , և ծուխ դիւամուլ սաշ-
տամանց սպառեալ կալեալ ունէր զերեսս երկնից .
անդ և յետ այնորիկ առաքելաջան հայրապետ
մեր զայսախումբ բանական հալածեալ , կան-
գնէին զառաջինն զնշանս դիւ ասատ խաջին . անդ
ամբառնային օղաձեւ՝ զազաթունք աստուածա-
նուէր տաճարաց . անդ և Ս'արժոցաց երբեմն
փթթէին իրբև զծաղկալից բուրաստանս յա-
ճախութիւնք :

Ըն զաւառ բացաւ տեսարան հանդիսից ա-
ռաքինութեան Ս'երոպայ , ստգարէզ յազթա-

նակի նորա : Արոյ կանխեալ բան զհասակն՝ տայր զանձն անխոնջ յուսումն իմաստից : Աչ որպէս զայն անմիտ մանկաին , որ ահամայ և բռնադատութեամբ ընթանան ընդ՝ ճանապարհ իմաստութեան , այլ ըստ օրինակի նոցա , որ ՚ի միտ առեալ զկարևորութի նոցին , և զիտեն թէ մահկանացուք չեն ծնեալ զի վատանուն կեցցեն յաշխարհի և անկարեկիր իջցեն ՚ի գերեզման . և վասն այնորիկ տակաւին թոթովախօս տղայական լեզուան զհեղին զԿորի և զՊարսիկ հիացուցանէր ՚ի նոցին բարբառ :

Վասնզի արփիափայլ շառաւիղ լուսատուիս մերոյ՝ Վերսէս՝ հայրաբար յանձանձէր յայնժամ զամենայն ընդարձակութիւն մերոց հայրենեաց , աննիազ էր յամենայն օճանաց աստուածապաշտ կարգաց , և բարդաւաճ կենցաղօգուտ վայելչութեամբք : Կունն միայն՝ Վերսիսի ՚ի վերայ ժամանակին շատ է տալ ձեզ զպատկեր ամենայն բարեմասնութեանց դարուն :

Հայաստան ճոխացեալ էր յայնժամ բազմապատիկ մեծապայծառ շինուածովք , ուր օթեանէին ապիկար ալիք . ուր դարմանէին և ծածկէին հանդերձիւ որբք և այրիացեալք . ուր մանկութիւն վարժէր յարուեստս մեծահանձար զիտութեանց . ուր յափշտակեալ ՚ի միջոյ տղանց ռամիկ մանկաին կրթէր լինել պիտանի հայրենեաց , և մի բեռն նմին և հառաչանք . ուր փութածան վաստակէր ճարտարութիւն ձեռաց , որ

յառաջագոյն անգործ էին և կամ 'ի մոյր և և թբազմահար : Անդ և Ս'եսրոպ վարժեալ 'ի կարևորն , սցնուհետև դիմէր առ օտս սրբոյ հայրապետին , 'ի հանդէս մեծագործ առաքինու թեանց , լինել անդէն տեսող նոցին և նմանող :

Այլ աւանդ ցառոցս . ոչ կարեմ սանձել աստանոր զարդարակշիռ արտասուս . զի յիշատակեալ զհայրապետս մեծ , և ոչ կարեմ չիշատակել զմեծեղեոն անօրէնութիւն արքունեաց ժամանակին : Աս որ արքունիք սուրբ իցեն յեղերանց : Ար ոչ ըստ արժանի ծանուցեալ զորդեսէր ճգունս մեծի հայրապետիս , հայրազրաւ նենդութեամբ 'ի սուգ գերարտօսրալից թախծութեան նատոյց զորդիացեալն նմին զազգ Արամայ :

Այնուհետև 'ի կափուցանել աչաց փեսաւիրին 'ի լուսոյ արփւոյն՝ անկանէին սարգիոստայնք յառազաստ փեսային Վրիտոսի . լռէին օրհնութեանցն Ատուծոյ ձայնք . շիջանէին լապտերք նորա , որ վեմն ճեմ առնու 'ի մէջ բոցաւն ճանչանչ ճրագարանաց . կողոպուտ 'ի փառաց իւրոց խորանն սրբանուէր , և զանցեալ գնացեալ զգեղ վայելութեան յուշ արկանէր անձկալից հառաչանօր :

Այլ մի ինչ վճաաիք , ո՛վ կաճառ հայրենասիրաց , զի տեսչութիւնն աստուածային զՍ'եսրոպ սահմանեալ էր նորոյ տաճարիս կրկին Օրբաբաբէլ . զնա սահմանեալ էր նորոգիչ խաթարելոյ և վատթարելոյ համօրէն տանս աքա-

նազեան . և յայն սակս առաջնորդեաց նմա ընդ
ամենայն պայմանս կենաց , զի աչօք խակ խւրովք
տեսցէ , և անձամբ առնուցու զփորձ տղիտու թե
մանկանց . անօգուտ քրտանց պաշտօնէից Մստու
ծոյ . անդիտական չարութեան զօրականին . ան
կիրթ քաղաքականութեան գործակալաց արքու
նեաց :

Եւ զինչ : — Ի դրանէ հայրապետանոցին
յափշտակէն արքունիք զՍեւրոպ . և զիւան չո
րից և հնգից թագաւորաց մերոց նովաւ բար
գաւաճէր : Մնոց 'ի հսոյ տեսող լինէր դժուա
րաբոյժ աղէտիցն , եթէ քան զկորով մարմնոյ
ամբու թիւն են արքունի գահոյից վարժք հան
ձարոյ . և իմաստութեանն աչալուրջ հսկողու
թիւն աննուաճելի ևս է քան զպատուար լանջաց
սպառազէն բանակաց : Իմանայր և զհնարն , և
շտեմարանէր յընդարձակ զանձարան սրտին :
Արպէս իմն սերմն ասոք ընդ խաւարային հողովն
ծածկի առ ժամանակ մի , զի 'ի դէպ ժամուն
չուայլեսցէ մշակին զցանկացեալ տոհմականն :

Եւ անդուն աշխոյժք և բարեհամբոյր բարբ
նորին և փառաց զօրականին ոչ եղէն անբաժին .
իբրև զհայր սիրէին զնա , և իբրև առաջնորդ
յաղթութեան բիւրաւորք ցանկային զնիզակնու
րա հովանի 'ի վերայ բանակաց իւրեանց :

Սակայն այլ խորհուրդք սահմանեալ էին յեր
կնից 'ի վերայ Սեւրոպայ : Մնհասանելի կամք
Բարձրեղցն , որ յարքունեաց 'ի բանակ զօրա

կանին , և 'ի խմբից դասուց ձգէին զնա յարքունիս , 'ի մեծ ևս ինչ և 'ի կարևորագոյն առաջնորդէին նմին :

Սերմն աւետարանին արկեալ յերկիր Հայոց և ուղղեալ արեամբ նահատակաց , խամբանայր տակաւ . և անօրէն օրէնք հեթանոսութեանս առ սակաւ սակաւ զօրանային ունէին զոլորտս Հայաստանեայց : Այլ էր արդեօք ակնկալութիւն բարւոյ 'ի բազմայոյզ պատերազմաց պարսկախումբ , յոյն և հայ բանակաց , որ հոսանս ընտանի և օտար արեանս գետահեռէին ընդ հայաստանս 'ի չարաժամ աւուրսն :

ՄԵՂ զու Տէր , դու՛ որ թուես զամենայն հերս զլոյց մերոյ , և ոչ անկանի և ոչ մի 'ի հերաց մերոց առանց կամաց քոց , ոչ տեսանիցէ ամենահայեաց ակն քո՛ զի սպականեն զայգի քո խող անտառի և երէ վայրի : Այլ որ զարգաւանս դու թիւն առեալ 'ի գանձուց քոց բաշխես մարգարտախայլ ցօղոյ առաւօտուն և խաղաղաւետ անձրեոյ երեկոյի ամարայնոյն , որպէս զի պրճնեացի շուշան և փեարովք զարդարեացի երամն օղաճեմ . դու՛ որ զբիրաւոր հրեշտակս պաշտօնեայս կարգեցեր անքննելի կամաց քոց , միթէ անտէս առնիցես զմարդ , զոր ըստ պատկերի քում կերպարանեցեր . զերկիր , ոյր փոշի յարարչագործ ձեռին քում կենդանացաւ :

ՄԵՂ մի , ով ունկնդիրք : Միբարձէք զաչս ձեր յերկինս . որ զյոյս խարսխեալ է յստուած՝

ոչ 'ի դերև ելանեն ակնկալութիւնք նորա : Ս'ի
ինչ խոսկեսցիք , եթէ տեսանիցէք զի Ս'եսրովս
և յարքունեաց 'ի բաց մեկուսանայցէ . յոր և եթ
կառուցեալ էր յայնժամ զակն վատթարեալ
դահ արքունի : Այս զիսորդ ոչ խուճապեսցէ ար-
դարն 'ի միջոյ անօրինաց և 'ի դարանակալ նոցին
չարութենէ , որ առաքինութեանցն մանաւանդ ,
քան թէ կենաց նորին տպառնային :

Այս արդարև յանկարծ իմն առ ոտն հարկանէ
զամենայն սրտիւ արքունեաց , և զսրտուական
կամար զինուորութեանն . արհամարհէ զփառս
աշխարհի , և զմթերս արծաթոյ , փողի փայլուն ,
և զիմէ . . . Այս յո՞ զիմեսցէ : — (Թ)երևս միւսան-
գամ 'ի հայրապետանոցն 'ի կիրթ քրտնաջան
վաստակոց : (Թ)երևս առ սեամս իմնատնոց օտար
աշխարհաց 'ի յագուրդ անյագելի ցանկութեն
իմնատից :

Այլ նա առաւելագունի իմիք տենչիւ վառեալ
է . այլ նա զիմէ 'ի խորչս ուրեք լերանց զհրեշ-
տակակրօն կարգաց բուռն հարեալ . անդ մերկա-
ցեալ յամենայն աշխարհայնոց , արկանէ զանձն
յանդունդս , ո՞վ ընդարձակութեն , յանդունդս
աստուածային տեսութեանց , որ ոչ ափամբք
սահմանի , և ոչ խորութիւն նորա չափի :

Այդ 'ի սէր ապաշխարութեան համեմէր զխո-
տաբուտ խոշոր կերակրիկն . անդ հանապազա-
տարած ձեռք նորա յերկինս ամբարձեալ մաղ-
թէին իջուցանել 'ի վերուստ զառատաձիր սար-

գևս երկնից ՚ի վերայ համայն հայաստանեաց :
 Մեղանօր բազում անգամ մինչդեռ թագաւորէր
 զիշեր ընդ ամենայն , և բովանդակ տիեզերք
 թաղեալ կային ՚ի քուն թանձրութեան , ձայն
 հառաչանայն Սեբրուպայ լուծանէր զաշխարհա-
 կալ լութիւնն . և աչք նորա կրկին մշնջենա-
 բուխ գետք ուղղանէին զյատակս քարանձաւին :
 Վանդի արտմութիւն էր նմա և անարկաս ցաւք
 սրտի վասն եղբարց իւրոց և ազգականաց . որոց
 այլանդակութեանցն ինքնին իսկ լեալ էր տխուր
 սկանաւեստ յամենայն բախտ աշխարհակարդ
 կենաց , ընդ որս առաջնորդեաց նմա տեսչու-
 թին աստուածային : Այցոյց նմա զայն ամենայն .
 եղ զամենակարող ձեռնն ՚ի վերայ ամենահան-
 ճար ճակատուն , և ասէր : — Տեսեր . ահա աս-
 պարէզ առաքինութեան քո . ընթա և մի վճա-
 տեսցիս . փոփոխեսցին իրացն կերպարանք :

Արպէս ՚ի խաւարի ուրեք եթէ յանկարծ ընդ
 անձուկ ծերպ ինչ նշոյլ ճառագայթից արիւոյն
 ճայթռիցի , շացուցանէ զաչս հայելեացն ՚ի նա ,
 այսպէս և արփիտիայլ վարուցն Սեբրուպայ ընդ
 համայն աշխարհս ցորացեալ նշոյլ , ոչ միայն զլսող-
 սրն ամբողջացանէր , այլ և առեալ ձգէր բազմա-
 ժողալ խումբս ՚ի նորին նմանութիւն : Աւ ահա
 զունդք ցանկացողաց աշակերտութեան նորա
 հատանեն անցանեն ընդ լերինս և ընդ դաշտս ,
 և զմիայնարան առնն Մի քաղաքացուցանեն :

Սերձենայր այնուհետեւ ժամն ցանկալի վե-

բաճնութեան մերոյ, զոր 'ի յաւիտենից սահմանեալ էին կամք Քարձրելոյն 'ի դպրութիւնս աննահանջելի հրամանաց իւրոց: Վանգի որպէս 'ի բարեզուարձագոյն ժամանակ զարնայնոյ ծածկի արեւ ընդ ակօք, զի յառաւօտուն վարդազեղ սրայծառութիւն վայելչագոյն ևս զուարթացուցէ զտիեզերս, այսպէս և Մեսրոպ 'ի խաւարեմիայնանոցին ընդ հոյլս աշակերտացն զիմէ 'ի մերձաւոր գաւառսն քարոզ բանին Մատուծոյ:

Վզգողագոյնս նշմարեմէս 'ի նմա զօրինակ տիրագործ քարոզութեանն, որ մերթ առեալ զաշակերտսն զիմէր մեկուսանայր յանապատուրէք, զի 'ի միայնական ճգնութեանն մաքրեալ զնոսա 'ի թերութեանց աղցաւոր կենցաղոյս, և առատազեղ լցեալ շնորհօք՝ պատկանաւոր ևս գործի յարդարեսցէ զնոսա բանին Մատուծոյ: Եւ մերթ 'ի դէմն աշակերտացն՝ աշխարհախումբ ազգաց վարդապետեր դբրիստոսակարդ առաքիւնութեանցն հանդէս 'ի լայնածաւալ հրապարակի դաշտաց 'ի մէջ խոնելոյ ժողովրդոց: Օայս 'ի Տեառնէ իւրմէ վարդապետեալ՝ սահման անձին զնէր Մեսրոպ մինչև ցլունչն յետին: Եւ առաջին ունկնդիր բանիս նորոյ վարդապետիս, դու ինքն եղեր, սլ գաւառդ Վողթան, դարձուցեալ զվաստակաբեկ լսելիսդ յառասպելախօս երգեցկաց 'ի լուր աստուածախօս պատգամացն:

Ղգնէր անխոնջելի մշակն յարդասաւորութի տեսանական գրախօսին. այլ աւանդ, նենգաւոր

էր երկիրն . և արբեալ ստէպ զքիրան նորա ոչ արգասաւորէր և ոչ զերեսնաւորն . զի հոգեշունչ հրամանացն սպտգամք տակաւին կնքեալ էին սամկին :

Սէրն յուզէր 'ի միտս նորա խորհուրդս անլուրս : Տեսանէր զանձին անբաւականութիւն , այլ ոչ վճատէր . և ցանկայր կատարել դործ , զոր ոչ եղծցեն արկածք աշխարհի . և ոչ լուսցեն դարք համերք . և ոչ ճմլեսցէ դժուարաբեւն ծանրութիւն ժամանակին : Աւարդարեւ զոր սէր կանգնէ ոչ բնաւ եղծանի . անմահ է կենդանութիւն սիրոյն . անրնկճելի զօրութիւն սիրոյն : Բռնութիւնք աշխարհակալաց , խռովութիւնք ժողովրդոց , հարուածք ամաց ոչ ժամանեն ինչ ստնանել նմա : Այս նորա փայլէ առաջի ազգաց . բոց նորա ջեռուցանէ զցուրտ աճիւնս զերեզմանաց . ձայն նորա հնչէ անդադար առաջի աթուռոյն Բստուծոյ :

Վործանին քաղաքք . քակին թագաւորութիւք . աստ Սեմիեայ խառն 'ի խուռն շեղջակուտեալ բեկորք քանդակադործ վիմաց . անդ 'ի մոխրոց զառամելոյն հռովմայ յառնէ նոր փիւնիկ . կիտականդուն սիւնք հեղիոպօլեայ՝ յաղթանակք տկարութեան մարդկան՝ յամօթ առնեն զամբարտաւանութիւն մահացուաց . Վարբեդոն նախանձաւորն այն դշխոյին տիեզերաց , խշտի է աւազակաց : Բայլ զոր կանգնէ սէր Բնմահին , նկուն առնէ զհոլովումն դարուց , և 'ի միջոյ ա-

լէծութի մըրկաց ժամանակին գոռոզս ամբառնայ
զգլուխ իւր . վասն զի մասն Մատուծոյ սրտա-
պանէ նմին : Մ. յս սէր ոչ կշռէ զգօրութիւն ան-
ձին . ոչ հայի 'ի վհատեցուցիչ տկարութի մարդ-
կային . այլ ոյժ առնու յամենազօր յուսոյն , զոր
խարսխեալ է Մատուած : Ղուք ինձ երաշխաւոր
երկոտասան բոկոտն ձկնորսք , որ 'ի բոց սիրոյն
նորահրաշ ձուլեցիք զկռամիւ աշխարհ , եղեալ
զայն տեսիլ արժանի աչաց հրեշտակաց և նորին
խկ Վարձրելոյն :

Յոյս և սէր իբրու կրկին թեք թաուցանեն
զՄեսրովայ առ Սահակ . տեսանէ անդէն զի ժո-
ղով եպիսկոպոսաց աշխարհին միաբանեալ են
նովին հոգւով առ սրբոյ հայրապետին 'ի հնարս
հայթայթ անաց նորոգութե աշխարհիս : Ղուք
մտաց նկարեալ էին 'ի պատկառելի ճակատս ա-
լեորացն : Սերկանայ նոցա Մեսրովայ զանակըն-
կալ խորհուրդն , որ յուզէր 'ի միտս իւր : Մ.
ինդի սրտին գնային արտասուք ընդ խորչս այտից
ծերունեացն . թեատարած օրհնութիւնք հօտե-
ին 'ի գլուխ նորա : Ղու նա խրախուսեալ 'ի կրկնա-
կի քաջալերութեանց յերկնայնոյն , զոր զգայր
'ի զործարան սրտին , և 'ի յորդեսէր բերանոյ
հայրապետացն , արիաբար տայր զանձն 'ի կատա-
րումն մեծի խորհրդոյն :

Մ. յլ մերկացիր արդ , դու ո՛վ մեծդ , մերկա-
ցիր զգրգլեակ միայնանոցիդ . առ զքեզ զհանդեր-
ձըն՝ զոր պատրաստեաց քեզ Տէր 'ի սկզբանէ

յաւխտեանց . արկ զանձամբ զսրատմութեանն , զոր
հիւսեցին քեզ ձեռք հրեշտակաց . ահա ժողով
հայրապետացն կապեն 'ի զլուխ քո զխոյր քահա-
նայութեան :

Եստանօր յաչս իմ 'նկարի 'նա իբրև զերիւկարն
աշխարհանոց խորհրդական մատենից , որ յաչս
դնէ զամենայն վտանգս : Շնորհք աստուածային
ազուցին ընծաց 'նորա զօրութիւն գերմարդկայ-
ին , որով անսխայի ճանապարհք փշալից շաղաց
դիւրագնալի սողոտայք հարթեցան ոտից 'նորա :
Օ գեցեալ զբահ ընդ սարանոցսն՝ ոչ ընկձէին
զարութիւն ոգւոյն վհատեցուցիչ խորհուրդք
մարդկան : Արոտայր աստուածաբեր սրատգամօքն
'ի դաշտս , և դախր հատաներ անժուժկալ հող-
ւոյն 'ի տես թափառելոց ժողովրդոց : Եւ ընդ
ամբակօքն զբազմածուփ փոշի աշխարհական մըրը
կաց վտարանդի հողմոց մատնէր : Եւ համարհէր
զնետս հակառակորդաց և զսլաքս այսպանողաց .
և ոչ դառնայր յերկաթոյ բռնակալաց աշխարհի :
Շողասցին 'ի վերայ 'նորա աղեղն և սուսեր , և
շարժին վահանի և նիզակի , 'նա սաստկութիւն
բռնութեան սիրոյն 'նուաձէ զամենայն : Ի հե-
ռաստանէ առնու զհօտ սրատերազմի ռիտրմաց
իւրոց՝ չարութեան և տգիտութեան . զամենայն
վայր հեռաւոր և մերձաւոր տեսարան առնէ
իւրոց առաքինութեանց . անդ ուր առաւել են
անձկութիւնք և սէտք կարեւորագունի ուժոյ ,
'նա վաճ վաճ կարդաց , և անդր վազս առնու փռն-

չեւրով . անձկացան սահմանք Հայոց ընթացից նորա : Այս որոյ առաւելագունի բարեաց չիցէ ակնկալութիւն 'ի գեղեցկայանդուն խմանալի երկվարէ աստի :

Ըստ բարէ , Ստորովս զԷրինս և զգաշտոս հատեալ , ուղիսց յորձանաց հրաման տուեալ , արտաքոյ հայրենի սահմանաց վտարանդի թափառի : Սրպէս անդ ուրեմն օրինատուր խորայելեան բանակացն թագչէր 'ի փայլակնացայտ և 'ի խաւարային գագաթն Վորեբայ յաչաց յակութեան զաւակին , այսպէս և նորս այս Սովսէս ուծացեալ 'ի հայրենեացն , զօձան բարեաց աղզին իւրոյ կրէր միշտ 'ի միտն . և զամենայն ճիգն երկարութեան ճանապարհաց և բոլորման անսուաղ ամնոց թեթև համարէր :

Հայեր խոնարհ աջօք յանձն և տեսանէր տրկարութիւն յինքեան . և 'ի զօրաւորագունից ձեռն օգնականութեան խնդրէր : Առաջեցան քաղաքք այցելութեանց նորա , կարճեցան երկարութիւնք ճանապարհաց անվաստակ ընթացից նորա . այլ նա ամենայն ուրեք ձեռնթափ 'ի մարդկանէ . ոչ որ ոչ ուրեք հասու բարձրութե խորհրդոց նորա : Սակայն ոչ վհատէր ողին վէհագն . և որ յայլոցն յուսայր գտանել , զնա ինքն պատրաստեալ էր ըստուած գտակ և մատակարար անհատանելի գանձուցն երկնաւորաց :

Այս ահա յուսահատ 'ի մարդկային ձեռնատուութեանէ , այլ ոչ 'ի կարող ձեռանէ Վարձրե-

լոյն : Այլ յետ կատարելոյ զոր իւրն էր ըստ կարգաց աստուածատուր խոհեմութե , այնուհետև առ նա ինքն Վարձրեալն ապաստան առնէր 'ի գիշերաջան աղօթման զցանկալին իւր . և վեհ քան զառաջինն՝ երկրորդս Սոլսէս զբարինս աստուածախօս տախտակին 'ի հրեշտակային ձեռաց գտանէր յարդարեալ :

Ընամհ Մատուած , այսպէս ուրեմն սիրելի ենք քեզ յարկբ որդւոցն հայկաց քան զյակոբեան զաւակին : Յախշտակեալ 'ի նոցանէ զերկնսպարգև շնորհ , հրաշափառապէս ժառանգեցուցեր օտարացելոցս մեզ : Այլ ապա , ով ողի անլուգական , էջ անկապտելի աստուածաշնորհ աւարադ , էջ առ ժողովուրդ քո , որ ոչ միայն իբրև զառաջինն ոչ անկուշեաց զառաջնորդ իւր , այլ մանաւանդ հայրապետն , վաստակակիցն քո Սահակ , ուխտիւ եկեղեցւոյն , և թագաւորն , արդարև հայր ժողովրդոց իւրոց , ընդ նախարարագունդ աւագանւոյն զան քեզ ընդ առաջ բազում օթեանօք արտաքոյ քաղաքին :

Ըհ , արդարև գեղեցիկ են ոտք աւետարանչիդ համբաւոյն խաղաղութեան . և գէմք միոյ միոյ համաշխարհիկ որերոյն զնոյն ահա բազմնապատիկ հաստատեն . և կայթք ուրախութեան ծագաց 'ի ծագս հայ խօսից :

Արանի քեզ հայոց աշխարհ , երանի որում հետ ընդ հետ ծագեն նորագործ արեգակունք : Ըյն օր ոչ ստորև ինչ է քան զամենայն աւուրս

փառաց քոյ . այն դէպ շքեղազարդ յօրինէ զէջս պատմութեան քո : Իցէ թէ յաճախէին վէպք այսպիսիք , և ոչ բերկրալից ձայնիս յաջորդէին արտասուալից հառաչանք :

Ըէ ինձ հարկ յուշարկանել Էրազատես ակրմբիս , զի չև լուեալ 'ի միտ էառ եթէ պատճառք ուրախութեան հանուրց զիւտքն էին նշանազրաց մերոց : Բնուհետեւ բացան զանձք արքունեաց 'ի ծախս անթիւ վարժարանաց . և Ս ռամ շապուհ նոր ժողովրդոց յանկարծ գտեալ թագաւոր հայկենասիրութեանն աշխարհակալութիւնորօրինակ հանդէս առնէր հայ առատամտութիւն : Ս աղարշապատ՝ ոչ ևս երկրորդ համբաւատեննն Ղ զէքսանդրիոյ , և նախանձաւոր եղեալ գոռոզ մայրսքաղաքին Ղ թենացւոց , առաւել քան զուսմիկն իմաստասիրաց ծածանէին 'ի շաւիղս սրղոտայից նորա հոյէք : Ս շէղ մանկունք վարդապետացեալք 'ի ձեռն քաջի վարդապետիս , ծովացուցին զերկիրս Հայոց զիտութիւն Տեառն :

Սէր ոչ յաչաղէ , սէր ճարտար է 'ի հնարս հայթայթանաց . և ահա զիւթական իմն զօրութեամբ իւրով յարոյց սէր յեղակարծում յամենայն գաւառս մեր վարժոցս անհամարս : Հապա , մանկախի բարեմոյն , զիմեցէք յանբոյթ փարախ անդր , զոր սիրաբորբոք հովիւն բանայ առաջի ձեր : Ս վ ագէտք աստուածային ճանապարհացն , ընթացարուք 'ի վարժարանն Ս Եսրուպայ , զոր փոխանակ զրանց երկնից բանայ առաջի ձեր :

Եւ անձկանային վարժարանք առ հաւասարութիւն յանկացողաց աշակերտութեան նորին :

Կորատես ծերունին սուր դիտեաց զդարանս բանասրկուն , և նորագործ ճարտարմտութիւն շքեղազարդեաց զերկինս՝ աւար ձօխ յափշտակեալ ՚ի ժանեաց սանդարապետին : Օ ի զոր կանգնեացն Սերոպ ոչ այնչափ վարժարանք էին դպրութեանց , որչափ հանդիսարանք աստուածազդեցիկ առաքինութեանց : Ընդ դիւաց յամօթ լինելին նենդութիւնք . անդ հոգւոցն ախտից բուժելին հիւանդութիւնք . անդ խնաստազրկ տղիտութեւ բանային աչք ՚ի լոյս տիրապարդե . անդ կաղացելոցն ՚ի ճանապարհի Տեառն ուղղելին շաւիղք . անդ դիւապատիր երկչոտացն զօրանային զարշապարք յերկնահանդէս ատարելիւն : Եւ զի մի մի թուիցեմ . այսպէս ահա այցելութիւն երկնաւոր անձանօթ ճանապարհաւ առաջնորդեաց սիրելոցն իւրոյ բղխել մեզ անակրնկալ և մշտնջենահոս աղբիւրս բարեաց : Օ ի թէ ոչ սխալեմ , Սերոպայ շնորհք են՝ եթէ յայսօր ոչ խնարհեցաւ ընդ լծով օրինաց դիւապատիր արաբացոցն ազատ գլուխն Սասեաց : Ս՛հ , քո , հայր , քո տուրք են և այս , զի այսօր խնովք փանաքի բայիւք ժողովս այս պատկառելի քոյոցդ ունկնդիր լինի առաքինութեանց :

Ուսան այնուհետև լերինք և դաշտք զՏեսս ընթացիցն Սերոպայ . չափեաց քայլիւքն զընդարձակ սահմանս հայաստանեայց , և ոչ մնաց

խորշագոյն տեղի ամայի , անայցելու 'ի նմանէ :
 Վիմէր յանդարման տեղիս Վողթան , և 'ի սա-
 տանայական գերութենէն 'ի հնազանդութիւն
 Վրիստոսի մատուցանէր զգաւառն : Անդուստ
 'ի բնագաւառ իւր սլանայր 'ի Տարօն . և անդ
 վանականօք զաշխարհն ընդր : Արշաւէր 'ի կող-
 մանս Սարաց և զխեցրեկագոյն և զխախարա-
 ձայն լեզու աշխարհին պարզախօսս հռետորա-
 բանս կրթեալ աստուածատուր իմաստութեանն
 ծնունդս կացուցանէր : Ի Տաշիրս զխիստ պարա-
 նոց գաւառին ընդ փոքրոցի լծով աւետարանին
 հլուացուցանէ : Վարդամանայլք իւրեանց տե-
 բամբն ինքնամատոյց աշակերտին կենսապարզե-
 վարդապետութեանն : Անդուստ վարդէ ընդ ա-
 փափայս սիւնական աշխարհին , և զգազանամիտ
 և զճիւղաղբարոյ մարդիկ զգծնացուցանէ այն-
 պէս , զի և 'ի վայրենեաց անտի տեսուչս կարգէ
 բարեհամբոյրս և աստուածիմաստս . և ջահն
 իմաստութեան երկայն ժամանակօք անշիջանելի
 պահեցաւ 'ի բարեբաստիկ գաւառին :

Այս ոչ գմբէթք և եթ եկեղեցեաց տային ար-
 ձագանգս վարդապետութեան նորա , կամ միայն
 որմք վարժոցաց հնչէին 'ի բանից նորա , այլ և 'ի
 վերայ ձոնչաձայն ծխնեաց փեռեկէին զբունք
 բանդից առաջի Սէրոպայ : Այս զամենայն նը-
 ւագս այցելութեանն 'ի տիրագին վայրս անդր
 կողոպուտ շքեղ ածէր արտաքս ընդ ինքեան՝ զա-
 պաշաւանս զգաստացերոց որդոց , զգրաւական
 բարդաւաճանաց աղգին :

Յտարուէն թշուառութեց աստացելայն մարմնով մերձենայր ճարտար բժիշկն հողւոց, և զըթուան երկնաչու ճանապարհի նոցա կազմեալ սանդուխս՝ զերկրածինն դասակիցս խմբէր զուարթնոց :

Չեռք նորա սրբեցին զաղի արտասուս բիւրաւորաց որբոց և այրեաց՝ պատառեցին զմութհակս անիրաւութե . ուղղիչք եղէն մոլորելոց, կանգնիչք անկելոց, և առաջնորդք կարգաց աստուածպաշտութեան : Առ ուր ոչ ժամանէր անձամբ, անդ շնորհազիր ճառիքն և զգացուցիչ թղթովքն եռանդն հողւոր բորբոքէր առ ամենեսեան . ամենայն ուրեք ածէր զխաղաղաւէտ անունն : Յիսուսի, զոր յանձին կրէր :

Այլ առաքինութեան և սիրոյն Ստորոպայ անձուկ էին սահմանք Հայոց . բացան առաջինորա և հիւսիսականացն կողմանք իբերացւոց և Ղըուանից . զորս և քան թէ դպրութեանց, աստուածախօս պատգամացն յարդարէր աշակերտս : Այսպէս զՀայս, զԱիրս, զՂըուանս, զԱրս և որ ինչ միանգամ բարբարոսական ծրնունդք, միով աստուածաբարբառ պատգամօքն մի ազգ կապէր, և փառաբանիչս միոյ Աստուծոյ յօրինէր : “Այրկիր որ համբաւոյն անգամ օտար էր աստուածագործ սքանչելեաց, վաղվաղակի ամենայն իրացն եղելոց խելամուտ լինէր . քանզի անկարծ ուրեմն օրէնստոսոյց Սովսէս մարգարէական դասուն, և յառաջադէմն Պաւղոս բո-

վանդակ առաքելական գնդովն , հանդերձ աշխարհակեցոյց աւետարանաւն Վրիստոսի հայաբարբառք հայերէնախօսք գտան ։

[Թուի ինձ նկատել աստանօր զ]՝ Եսրոպ ըստ վեւեմ նկարագրի սրբոց մատենիցն կացեալ յեզերս սահմանաց երկրի , և կարկառեալ զբազուկսն ընդդէմ ամեհի ալեաց խուժադուժ և այսակիր սովորութեանց , և ասիցէ : — Մտաւսիկ սահմանքո . մի անցցեն ընդ այդ ալիքքո . այտի և այսր սրբութեան և խաղաղութեան թագաւորութիւն :

Վ. յԼ բաբէ , յորոյ առաջի հարթէին առապարք , որ գնալի ոտից իւրոց յարդարէր զբարկասաստ խոխոջանս գետոց , որ ընդ պարիսպս և ընդ բերդս դժուարամատոյցս թափ անցանէր , և օտար աշխարհաց աստուածապարզ և այցելութեն լինէր աւետարեք , յիւրոց որդւոցն անիրաւ նախանձ և չարաժամ կասկածանք ուժացուցանէին զնա :

Վանդի մարդագաւ քաղաքաւարութիւն , որ զամենայն ինչ սրբանուէր երկրորդ համարի խորամանկ խորհրդոց իւրոց , յերկուս պատառեալ էր զբաժին սահմանաց մերոց : Արիցցէ օրն այն , յորում շնչեաց տարտարոս զայս խորհուրդ փնասակար հայրենեաց մերոց ՚ի խորհրդարան արքունեացն բիւզանդիոյ . յայնմ աւուր խախտեցան ամենայն բարեկարգութիւնք մեր , և յօրէ անտի լսելի եղեն հառաչանք ողւոյն սրահապանի մերոյ աշխարհիս :

ՄԼ որ ձգտեցան ծագաց 'ի ծագս աշխարհի, յաղթական եղև բազմահանձար հնարագիտութեամբն և յայսմ հանդիսի : Այլ ընդ որ ազբախումբն բանակբ անձնագեղն Պարսից ոչ իշխելին անցանել անպատուհաս, սա անզօր անպատասպար անցեալ ընդ դժուարամուտ պահան, զյաղթողական ընթացս իւր ուղղէր մինչև 'ի սէղն Ռիզանդիոն, ուր նախ քան զնա կանխեալ էր համբաւ առաքինութեանց նորա : Այլ անդանօր անակնկալ իմն փառաւորէր զնա Տէր յաչաղկոտ ձեռօք նախանձօրդաց նորին, մինչև զարձ առնէր միւսանդամ 'ի խումբ զաւակայն, և կաթամբ վարդապետութեանն աճեցուցանէր զնոսա 'ի չափ հասակի կտտարմանն Վրիստոսի :

Այլ իմ իմիբ յետ այսորիկ ակն ունիցի լեւել ժողովս պատկառելի : ՄԵՐ՝ որ աւետարանական երկամբն հայր եղև ազգաց . որ 'ի վարժարանս իմաստութեան իւրոյ աշակերտս զարգացոյց այնպիսիս, որ ոչ զայն ևեթ դար նախանձելի յօրինեցին ազգաց, այլ և ցայժմ պարծանք են դպրութեանց մերոց և զարդ եկեղեցեաց . որ ծովացոյց զաշխարհս բարեկարգ հանդիսիւք, և ծաղկեցոյց զհամօրէն զաւառս մեր և զօտարաց յաճախութեամբ հրեշտակակրօն օրհնեղուաց Մատթոյ . որ զառաջին շքեղ սայծառութիւն եկեղեցեաց դարձոյց վերստին 'ի նոսա . որ հայր եղև արքունեաց և դայեակ ժողովրդոյ :

Մշուշտ զմտաւ ածիցէք, եթէ այնուհետև

արժանապէս 'ի պտղոյ այգւոյն վայելեացէ մշակն քրտնաջան . և փառք, որ անմեկին ստուեր են առաքինութե՛ն, չքեղազարդեալ իցեն զնա սուտուոյ ինչ անուամբ . և կամ հայրապետական խորիւն : Այլ խարիք , քանզի նա որում պատուոյ անուն այն էր՝ կոչել հայր աշխարհին , իբրև ետես զերկիրս լցեալ ցօղոյն օրհնութեան , արհամարհեալ միւսանգամ զամենայն իշխանակիր ցանկութիւն , փարէր զամենակեցոյց խաչիւն պարծանաց , և լեռնակեաց ծակախիթ եղեալ վշտակեաց ձգամբքն սրատրաստէր զանձն աննախանձելի փառաց : Վանզի լու ևս համարէր պարծել խոնարհ տկարութեամբն , զի զօրասցի 'ի նմա Վրիտառ . և այսպէս նախ քան զմահն 'ի մեռելութիւն զանձն իւր կրթէր :

Ահ , քանիցս արդեօք հառաչեաց անդէն 'ի միայնութեանն 'ի վերայ կործանելոյ զահուն արքունի 'ի խորհրդակորոյս ոտնհարութենէ նոցա , որոց նեցուկ արժան էր լինել այնմ : Այլէր արդեօք զազգի ազգի առատաձեռնութիւնան Առաքնապետոյ 'ի բարգաւաճանս աշխարհին անթիւ վարժարանօք և վարժելոյք , գեղապաճոյճ տաճարօք և իմաստուն պաշտօնէիւք , և ողորմելի արտասուէր ընդ վայրագ ասերախտութիւնն , զոր հատուցանելին հայ որեարն արեան նորին և ազգականութեան : Այլ առ չժուժալ բարեզգաց սրաին ընարէր իւր ընկեր զմիայնութիւն , զի մի տեսցէ զազէտն , որ ընդ հուպ սպառնայ .

ին ամենայն բարեւառութեանց , զոր անկեալ
ինքնին , և բարգաւաճեցին ուսուցեալ 'ի բազմա-
բեզուն քրտանց նորա , և 'ի ջերմութենէ սիրոյն
կենդանացեալ :

Եւ ոչ եթէ սպարտասեալ ինչ 'ի բազմալա-
տակ աշխատութեանցն և կամ տաղաւիցեալ
'ի դժուարաբեռն սպասաւորութենէն ինդրէր
անդորր : Քանզի գործք վկայք են հաւատարիմ
ծածուկ մտացն խորհրդոց . զի ուր պէտք ինչ
եկեղեցեաց կողմն զնա , դիմէր անձանձիր ծե-
րունին , և կարգէր զամենայն , և յորդաւատ
վարդապետութեամբն զպատուք ժողովրդեանն
բուժէր : Հովիւ զուարթուն՝ եթէ յանկարծ
մերձ առ սահմանա տեառնաւանդ հօտին նշմարէր
հետս ապահանարար դայրոյ , ահեղասաստ ձայ-
նիւն 'ի բարձանց անտի հեռի 'ի փարախէն հա-
լածա կան տանէր զնենգաւորն :

Եւ չգիտեմ որպէս ընթացք բանիս ածին
ձգեցին զմեզ յայս վայր խօսիցս , զոր ոչ արդեօք
կամէի յուշարկանել հայրենասէր ահմբխս : Քան
զի զայնու ժամաւ հասանէր առ Սեւրոպ գուժ-
կան աղետալից մահազեկոյց ժամուն , որ սպա-
նայր որբս թողուլ զորդիս (ժարդոմաց 'ի գորո-
վալիւր հօրէն իւրեանց : Յայնժամ Սեւրոպ ար-
տասուք յաչան՝ թողոյր բնանէր զցանկալին իւր
միայնանոց , և սրացեալ ժամանէր առ վաստա-
կակից իւր , առ տեսանող հողոյն ահամբ ամե-
նայն աղետից մերոց , ժողովել զյետին տուր և

առ չնչոյ նորա , կախուցանել զորբասեր աշուն մտերիմ ձեռօքն :

Այնուհետև ոչ ժուժկալէր սիրան հայրենի ընդդէմ դառնալ սրաղատախառն հառաչանայ որբացելոց զաւակացն . յանձն առնոյր առ ժամանակ մի ունել զգահն այրիացեալ , և զորբութեանն աղէտից հայրական խնամօքն ոչ թոյլ տայր առնուլ զչափ :

Այլ աւանդ սակաւ ժամանակեայ մխիթարութեանն . ոչ ինչ ընդհատ խիստ հարուածք ստորաստէին նոցա : Աւարինին քան զամենայն աւարինացեալս իւրոց ժամանակին , ցանկայր այնուհետև սրակին արդարութե . բոլորէր զիւրեզնոյս զաւակացն , սրակ շքեղազարդ . և ճարտարախօս արտասուօքն օրէնս զնէր նոցա զիւր վարսն , և յանձն տունէր խնամոց նոցա զվաստակս իւր :

Այլ , ապա , ել յերկնաշու կառս քո եթէ այդչափ տաղտկալի իցէ քեզ այսուհետև յարկ մահկանացու : Օւարթունք երկնից ոչ ևս ժոյժ ունին մնալ անբաժին 'ի քոյին երգակցութեդ : Ատեղք նախանձեալ ընդ երկիր , յորում դու սանդխտացեալ կաս , լքանեն զկապուտակ կամարն բարձրածիր , և մինչև առ քեզ իջանեն 'ի խոնարհ : Այսն լուսոյ՝ կարապետ դարսեան արքային , ահա ցոլանայ 'ի վերայ զլիսոյ քո . սին լուսոյն հրաւեր գայ և առաջնորդ յերկիրն աւետեաց սիրեցելոց զաւակիդ : Այսպէս 'ի չու յաղչ

Թահանն ելանէ հայրս մեր բազմել յայն աթոռ , զոր կազմեցին առաքինաջան վաստակք նորա :

Ինձ աւերորդ է յիշեցուցանել ձեզ զհոգևոց-հանութիւնս , զհառաչալից արտասուս հայրասէր զաւակացն . զի ձայնք աղիողորմ ողբոց նոցա մինչև ցայսօր արձագանգս արձակեն 'ի սիրտս մեր : Տեսանէին զառաջեալ զսրբասուն մարմինն , և տեսին հրեշտակային երկնապարզ և նշուլիքն շքեղացեալ . աչք առ ցանկալին իւր Վրիստոս , հանապազատարած ձեռք յերկինս կարկառեալ , այլ բերանն աղիսեալ 'ի քաջալեր խրախուսանաց . այլ լեզուն անշարժ 'ի բարւոյն յորդորանս . լաւակամ և բարեխորհուրդ բանք լռեալ աննորոգելի :

Մրդար են ցաւքդ , անզուգական վարդապետի սիրասրատար աշակերտք . այլ 'ի վեր դարձուցէք միանգամ , դարձուցէք յերկինս զաչս ձեր , և քաջալերեցարուք : Մնդ առ աղբերն բարեաց նրա տեալ միթէ սպախտ առնիցէ զձեզ : Ար ընդ աղցեօք գերեալ , և այնպէս յանձանձեր , այժմ յախտաւորացս մերկացեալ միթէ անտէս առնիցէ զձեզ :

Վա ձեզ յանձնեաց սրահել անշէջ զհօրն սրբանուէր , զոր ինքնին բորբոքեաց ընդ ոլորտս հայաստանեաց : Հնպա , զործակից լերուք քրը տանց նորա : Հետս լուսաւոր եթող ձեր առաջի , ընթացարուք ընդ այն , և տաճար անանցական փառաց միջանակ լիցի ճանապարհիդ ձերոյ :

Արդարեւ ընթացան նորա ընդ հետս հարց իւրեանց, հայրական առաքինութեանցն արժանաւոր ժառանգորդք. և յերն իւրեանց մեզ յանձն արարին զայն հուր անշիջանելի սրբանուէր առաքինութեանց: Արկածք աւաղելի քանդեցին յաշխարհիս մերում զտաճարս երկնային շողոյս, այլ դանդաղամեծ սրահեալ կայր ՚ի սիրտ Սիսիթարայ, մինչև նշոյլք երկնաւոր ճառագայթեալ միւսանգամ ՚ի վերայ՝ արծարծեցան բոցքն սրբազան: Իսկ այժմ դուք ինքնին, ո՞ սրտեալուելի ահումք, դուք ինքնին սպասաւորք էք և սրահապանք լուսոյն խնայողութեան:

Հնազանդ, վարժապետք առաքինիք, ժրացարուք յայսնուիրական սրաշտօն նախանձելի. ժրացարուք, ահա հոյք մանկուոյ, ակնկալութիւն հայրենեաց մերոց կախեալ կան զչրթանց ձերոց:

Վիտեմ զի դժուարաբիրան է սպասաւորութիւնդ. զիտեմ զի ծանր են վաստակքդ. այլ դարձուցէք միանգամ զաչս ՚ի մրցանակն, որ մնայ ձեզ: Ընչք զմտաւ՝ զի ձեօք միւսանգամ զգեղ իւր առնուցու զանձամք այրիացեալն հայաստան: Յուշ լիցին ձեզ՝ եթէ գործ ձեր գործ է արանց զիւցազնականաց: Սուր աչօք զիտեցէք անդր քան զհօծութիւն խաւարային դարուց, և տեսանէք զի այնու անցանիցէք ՚ի կարգս Սահակեանց և Սեւրոպեանց և նոցին աշակերտերոց:

Այս են տիպք կերպարանաց զաւակացն Սիսիթարայ. ո՞հ մի օտարախորթ եղիցուք օրդիք:

Եւ իցուք մեծախոհք իբրև զհարս մեր, և այնու խոյտասցին ցուրտ ոսկերք նոցա 'ի ստուերամանձ տապաննն : Թէ յանկարծ անցեալ Սեւրոպ հառաչանօք ընդ ամենայն աւերակս հայրենեաց մերոց, այսր ասաւինեսցի, ակնահաճոց տեսիլ ժողովոյս ժպիտ զուարթութեան ծաւալեսցէ 'ի բազմամեաց խորշոմն ճակատուն : Եթէ օրինակ հարց այսպիսեաց ոչ խրախուսեսցեն զմեզ, ահ, լուռ է ասպա առաքինութիւն 'ի սիրտս մեր, և ոչ հայրենասէր տրոփիւնք բարախեն ընդ լանջիւք մերովք :

Եւ յս խմաստք ահա և զիս զյետինս 'ի Թիւս որդւոց քոց, ո՛վ հայր դահազլուխ սգատկառելի ակմբիս, այս խմաստք խրախուսեսցին և զիս զայս ամն երիս 'ի հանդիսի ասպարիզիս : Վիտեմ զի արդիւնք արգասեացն նուազ են յոյժ քան զիղձս իմ, և քան զակնկարութիւնս զուակասէր ծնողիդ . այլ իջցէ առատաձիր օրհնութիւն քո յիմ վերայ և 'ի վերայ իմոց անխոնջելի գործակցաց, իջցէ և 'ի վերայ մանկաւոյս, և այնուհետև հարիւրաւոր արդիւնս ժողովեսցես 'ի շտեմարանս քո :

I have the honor to acknowledge the receipt of your letter of the 10th inst. in relation to the matter of the ...
 and in reply to inform you that the same has been forwarded to the proper authorities for their consideration.
 I am, Sir, very respectfully,
 Your obedient servant,
 J. M. ...

ՄԻԻԹԱՐ ԱՐԿԱՆՆԵՐ

Արար ինձ մեծամեծս հզօրն * :

ՅԱՌԵԱԼ, միանգամ զաչա մտացն 'ի ճանապարհս աստուածային տեսչութեան, այլ ընդ այլոց և օտար ամենեւին գտանիցեմք զայն 'ի ճանապարհաց մարդկան : Ի զորժ ինչ մեծ ընտրել զազնուական ծնունդ, զօրութիւն ուժոց և բանի, շքեղութիւն 'ի խտտղել զաչա, համառօտ ասել օճանս պատշաճաւորս 'ի կատարումն առաջադրութեանն, այս ամենայն ոչ են արտաբոց հասողութեան մտաց մարդկան, մանաւանդ կանոնք են անհրաժեշտ բազմախորձ խոհեմութե աշխարհիս :

Եւ զոչինչն ընտրել, և նորօք յամօթ առնել զէսն, զՎանիէլ մանուկ սակաւօրեայ դատաւոր դատողացն Երայէլի ծերունեաց հաստատել, զՎողիւթ խաղալի տալ մանկան տղայոց, տալ զօրութիւն բազկացն Յայելայ ընդդէմ

զօրավարի հազարաւորացն քանանացւոց, զՆո-
ղեփեռն առ ոտս կնոջ թաւալել, այսորիկ Մս-
տուծոյք են, և արտաքոյ արդարև չափաւոր հա-
սողութեան մտաց մերոց:

Օ այս ահա ճշգրտիւ ցուցցէ մեզ և հանդէս
կենացն Սիսիթարայ, զոր ետ Տէր Հրէից 'ի
գայթակղութիւն և Հեթանոսաց յիմարութի-
սակայն յաչս երկաքանչիւրոյն իսկ Մստուծոյ
զօրութիւն: Օ ի արար ինձ մեծամեծս Հզօրն:

Ակեղեցին Հայոց՝ որ 'ի սկզբան ոռոգեալ ա-
տոք քրտամբք առաքելոց և առաքելանման հարց
Վրիգորեանց, Աերսիսեանց և Սահակեանց՝
ծաղկէր իբրև զգրախտ Մստուծոյ. և 'ի հոտ
անուշութեան նորա յարևելից և յարևմտից
անուշանային ազգք: Աս մինչդեռ Հերոնիմոս՝
մեծն այն՝ այլ յայլմէ եղեալ ընդ տխեղծ կեր-
պարանս եկեղեցւոյն աղէկէզ հառաչէր, յայնմ
ժամու անթառամ ծաղիկք փթթէին 'ի գրախ-
տին, զոր տնկեաց Մստուած յԱղեմ ընդ ա-
րևելս:

Մյլ բարէ, անցին գնացին աւուրքն այն երա-
նութեանց, 'ի դարս մոռացութեանց ընկղմե-
ցան. և 'ի յետին և 'ի մերձաւոր մեզ ժամա-
նակս, աւա՛ղ, զի մասնեալ այն աստուածատունկ
պարտէզ 'ի ձեռս ապականարար մշակաց, խա-
թարեալ էր չար ևս քան զանասպատ ամայի: Աս
չէր իսկ Արուսաղէմ առաւել ողբոց արժանաւոր
քան զեկեղեցին Հայոց յայնժամ:

Կանոնք և օրէնք՝ ամուր սրտանէջք եկեղեցւոյ ընդդէմ ապականարար անկարգութեան, կործանեալ կային. սղծեալ նուէրք և սրտաբազբ ՚ի զօշաբաղութենէ պաշտօնէից և ՚ի սնտախ սրտաամանց ժողովրդեան. բեմք լուեալ ՚ի վարդապետութէ ուղղութեանց : Բմենայն ինչ վեր ՚ի վայր, ամ բարեկարգութիւնք զեղծք, և օր լստ օրէ ՚ի շարագոյնն միտագոյն : Բք երկրին ապականեալ, շիջեալ ճրագունք Յակովբայ. ՚ի տիղմն հրապարակաց թաւալէին, ողորմ տեսիլ, քարինք տաճարին Բստուծոյ : Եւ եթէ ոչ ամենազօր բազուկ Բարձրեղոյն թումբ հակառակ դնէր ապականարար այտոցիկ հեղեղաց, արդ Բռաջինն և Սերջինն շարթէր զաշտանակն քո, ո՛վ եկեղեցի հայոց, և յաւուրս յայսմիկ և ոչ հետք քրտանցն Վրիգորի նշմարէին յերկրի :

Եւ կանգնեաց Բստուած արդարեւ, կանգնեաց ամբարտակ հզօր ընդդէմ ամենայն ապականարար հեղեղացս. կանգնեաց, այլ արտաքոյ ամենայն ակնկալութեան մարդկան : Աուսանք միայն երկու՝ անձանօթք ՚ի մարդկանէ, նորա միայն խորհրդազգածք խորոցն Բստուծոյ : Տեսանեն նորա զՍիսիթար այսմ ամենայնի նորոգիչ. նոր Օորաբաբէլ դիւրիչ երկնաչու ճանապարհին վերին Երուսաղէմի, և կանգնող զխորձանեալ յարկան Սիոնի : Յիրաւի ապա վարդապետեալ ՚ի Աուսեն, գոչէ Սիսիթար որդեգիր նորին Բրար ընդ իս մեծամեծս հզօրն :

ՄԼ զի սակաւ ինչ իրազգած լիցուք խորհրդոց կանոց Քարձրեղոյն 'ի մեծամեծան, զոր արար ընդ Միսիթար, ներեցէք, ո՛վ Հարբ, և յանձն առէք յառել ընդ իս զսրազոյն և սքան զիմն զաչս մտաց ձերոց: Յառել նախ 'ի մեծամեծս վշտայն, յորս կամեցաւ Տէր ընտիր կացուցանել զսիրելի ծառայն իւր, և սրատկանաւոր նորոք 'ի կամս խորհրդոց իւրոց: Եւ սպաս 'ի մեծամեծս փառայն, յոր բարձրացոյց զնա Տէր 'ի վեր քան զհասողութիւն մարդկային մտաց. Օ ի արար ինձ մեծամեծս Հզօրն: Օ մեծամեծս վշտայն, զոր յանձն առ Միսիթար վանն առաւելութե՛ սիրոյն իւրոց առ Մատուած, և առ Էղբարսն ըստ մարմնոց: Եւ զմեծամեծ փառան, զոր Մատուած սրատրատեաց նմա յերկրի և յերկինս, վանն առաւելութեան սիրոց իւրոց առ հաւատարիմ ծառայն իւր: Օ փառաւորիչս իմ փառաւորեցից:

ՄԵ առաջարկութի՛ բանի ծանր է արդարեւ, ծանր յոյժ քան զտկարութիւնս իմ: ՄԼ զի զհօրն առաքինութիւնս առաջի սիրապատար որդւոյն կայ ինձ մերկանալ, զայն բարեբախտութիւն մեծ համարիմ անձին, զի և վա ընդ դրունս բանիս մտեալ, տեսանեմ ահա զայր այր՝ զի փութանն յառաջ քան զիս. և իբրու ամենայն բանիս նախածանօթ՝ բարձրացուցանեն զովութիւնք զիմն Միսիթար, զիմ հայրն զբուստելի:

ՄԶ ահա և անտօլոր կացուրդ տօնիս զգոյն

ինձ գուշակէ . ոչ և զանցերկուանայլի հաւատախօսի
սիրոյ ձերոյ , սլ չարք , և 'ի վէմն կենդանատիպ
դրոշմեալ* նկատեմ յանդխման , յորում ընդ ճըշ-
գրիտ վսեմամիտ պատկերի հօրն ձերոյ , որդւոցդ
փայլէ հայրասէր առաքինութիւն : Երբու զի ոչ
այլով օրինակաւ կարացեալ ձեր արտայայտել
զհանդէս սիրոյն , զճարտարութիւն չնաշխարհիկ
զարուեստաւորին սատար 'ի ձեռին առէք զսիրոյ
ձերոյ և զերախտազիտութեան հաւատախօս ան-
ջընջելի ուսուցանել ապառնի ժամանակաց :

Սակայն դու , արուեստաւորդ ճարտարագործ ,
զինչ կարծիցես առ իւրաքանչիւր հարուած քան
դակող զրջիդ ձգգրտել : — Այ , ոչ զպատկեր
Մխիթարայ , ոչ . զի ձգգրիտ պատկեր Մխիթա-
րայ սօքա են . սօքա որդիքս նորա , որ զանձինս
'ի նորայն պատշաճեցուցեալ տիպ ազնուական
խորհրդովք՝ յողթականք ամենայն խափանա-
րարաց , 'ի մի կէտ դիտաւորութեան զանձինս
ուղղեն . դիտաւորութիւն վեհ՝ սոցին և հօր նո-
ցին արժանաւոր . վառեալք նովին խորհրդովք ,
որով հայր նոցա նահատակեցաւ յերկրի . եր-
կրորդ զանձն համարեալ առ սիրոյն Ըստուծոյ :
Օինչ սպա քանդակեսցես դու մտադրութեամբ
արուեստիդ : — Այ ինչ այլ , բայց հանել 'ի տես
սլաց զաննիւթական սէր որդւոցն 'ի պատկեր

* Եւսուրսն յայնտիկ կանգնեցաւ 'ի համբարանոցի մա-
տենից վանաց սրբոյն Ղազարու վիմատաշ գեղապատշաճ
պատկեր Մխիթարայ :

անդր հօրն : Սանաւանդ թէ ես և ոչ խակ ան-
ջատել կարեմ զերկոսին զգոսա 'ի միմեանց :

Բայ ներեցէք յանդգնութեանս իմում, սվ
հարբ, եթէ 'ի ստորև մնասցեն բանք իմ, քան
զառաւելութիւն սիրոյ ձերոյ . գոնեայ գտայց
արժանաւորի իրիք փափաքող . և երկայնամիտ
լողութեամբ արգասատել աղաչեմ եռանդան
հայրագորով սրտիս :

Բ. Ե. դու, հայր, դու որ լսես 'ի բարձանց
երկնից զթոթովել հայրասէր շրթանց որդւոյ քո
'ի քոյին ներբող, դու կաց ինձ առննթեր, և
թելադրեա բանս պատշաճաւորս 'ի շրթունս իմ,
զի մի անարժանութեամբ բանիս, նկնաձև ե-
րևեցուցից զգերաստիճան բարձրութիւն առա-
քինութեանց քոց :

Օրն 2 իցէ յաշխարհի, որով մեծ համարի
ոք յաչ մարդկան, և որով մեծամեծ գործոց
յիշատակարանս թողուն յետնոց : Բնուչտ . ծը-
նունդ ազնուական . ազգաբանութիւն անուամբք
գիւցազանց ճոխ . ընչից և պատուոյ յաճախու-
թիւն : Բնդ այս ոչ որ յերկուանայ : Բայց զա-
ռաքինոյս Սիսիթարայ բան ճառեալ, չեն ինձ
պէտք զնախահարցն նորա, կամ զայնպիսի գան-
ձուց և զբարեմանութեանց ճառել ձեզ որ ար-
տաքոյ իցէ սրտի նորա : Բռաքինութիւնք ար-
դարոց գանձք են նոցա, ամրապահեալք 'ի ներքս
'ի խորս սրտից նոցա անտես յերկրաւոր աչաց .

և անմահ՝ համբաւ քաջութեան նոցա :

Նմանեան Սիսիթարայ ոչ մեծութիւք սպաս հարկանեն , ոչ ազնուականութեանն շքեղութի զխանձարուքս նորա սրտէ : զի և ազգովիմք իսկ անկեալ էին ՚ի պերճութենէ ազնուականութե բնոյն իւրեանց որդիք հայկայ : Սակայն ծնանի ընդ նմա առաքինութիւն նոր վերածնիչ համօրէն ազգին արամեան : Ի ծնողացն էառ միայն զճոխութի անմեղութե . յերկրէ անտի իւրմէ , և ոչ քիլ մի ժառանգեաց , յորմէ օտար և սանդուխտ լինելոց էր նորոյ ազգատոհմիս այս նախահայր :

Նոր էր և օրինակ դաստիարակութեան նորա : Ոչ շրջեցաւ ՚ի սեանս զպրոցաց , զի և չէին իսկ : Ոչ կանխեաց առ զրունս վարդապետաց , յորոց և ամացի էր հայաստան : Բայց սակայն վարժ դտաւ յայն ամենայն ուսմունս աստուածիմացս , յորոց խորթացեալ էր ամենեկին ողորմ ժամանակն այն խաւարամած . որում և սրտրաստէր Մտուած զայս մանուկ սքանչելի արեգակն անմուտ : Եւ այս է ճինաղ ճարտարութիւն աստուածային արուեստգիտութեանն . որ դիտէ և ՚ի քարանց յարուցանել որդիս Մբրահամու . և զպղինձ անարգ կանգնէ նշանակ փրկութեան ժողովրդեան իւրոյ ՚ի խածանող օձիցն մահազոյժ թիւնից :

Եւ զի յամենայն ուսուցաց աստուածայնոց վարդապետիմք , եթէ յոր ընտրէ զօր Մտուած ,

'ի նոյն և զկարևորսն սրարգևէ նմին զօժանդա-
կութիւնս , ահա և մանուկն Միսիթար 'ի ար-
խեղծ հասակին յանձին բերէ զհաւաստիս այնր
ամենայնի վշտաց , զոր ընդ ամենայն կեանս իւր
վշտանալոց էր յառաւել սիրոյն իւրոյ . որովք և
պատրաստէր Մատուած ընտիր կացուցանել զծա-
ռայն իւր 'ի բոլս կամաց իւրոց . և յառաջ քան
զճանաչելն զաշխարհ , հրաժարէր յաշխարհէ . . .

Հանգստի , ուր . . . ուր զխմեալ էս միայ-
նակ մանուկ ապիկար : Այլ երկեցուցանեն գբեզ
միայնութիւն լերինդ , յոր ընթանաս . ոչ զողա-
ցուցանեն զանընկճելի սիրտ քո սպառնալիք գա-
զանաց վայրենեաց , որով լի են վայրբդ . զու-
ռնչս առնես արհաւրաց զիշերայնոց , որ բնաւո-
րապէս երկիւղալի են ամենայն մանկան . ոչ
ձմէն զաղիս քո գութք ծնողաց , սէր ազգակա-
նաց , խնամք բարեկամաց :

Այլ վայրստար է մեզ ճիզն՝ հասանել զկնի
ընթացից մանկանն : Այլ ոչ միոյ բանի երեսո նա
ոչ առնէ . սրանայ 'ի խորշ մի լերին՝ նախանձա-
ւոր ընթացից առաջնոյն նորս այս կարապետ ա-
րեգականն արդարութեան , ճգնել ըստ նմա 'ի
լերին անդ վշտաչարչար կենօք : Այսու թերա-
բաց ցուցին և էթ մեզ կամք աստուածային , յոր
պատրաստէին զՄիսիթար . վասն որոյ վերստին
ածեն զնա 'ի զիրկն մայրենի , որ զօրն ցերեկ 'ի
խնդիր էր սիրելի որդւոյն զանձանօթ արձա-
զանգս առեալ իւր ընկեր :

Իբրև որ ըստ օրէ աճէր հասակաւ , և ոչ տեսանէր տակաւին զբանակս վշտացն , որ պատրաստէին 'ի յառաջատեսութենէն Վրաստանոյ մենաւ մարտել ընդ նան , զի յայտնի լինիցի անվհէր առաքինութիւն արի նահատակին , ինքնին անձին դահլիճ լինէր և տանջանարան : Տակաւին չառեալ խի զհամն մտոյ և զինոց և պողոց , որոց հետամուտ է աղկաղկ հասակն , հասակն միգուղ , յամենայնէ 'ի սոցանէ հատանէր զանձն կամակար . մինչ զի և դժնդակ ատար խօթութեանց , ոչ հաւանեցուցին զնա անցանել զօրինօք ժուժկալութեանն , զոր եղեալ էր ընդ անձին , մինչև զապաշխարութիւնն փոխանակեալ առաքինութիւն հնազանդութեան , իրատուք առաջնորդաց հոգւոյն՝ մեծազոյն ևս ապաշխարութեամբ՝ լուծանէր երբեմն զօրէնս պահոցն խտութեան :

Վ. Եւ սիրան աստուածասէր ոչ ասէր շատ յայն վշտաչարչար ձգուան , յոր այլք 'ի ձգնողաց 'ի կատարած ձգնութեանցն արդեօք ժամանէին , զտկարացեալ զնուաճեալ մարմինն անաշխատ սանձիւ հնազանդեցուցեալ : Աորահնար տանջանարանս պատրաստէր փափուկ անդամոցն հրաշարիս այս պատանի : Օտուի երկաթասլատ 'ի վերայ մերկ մարմնոյն , զայն ոչ բաւական տանջանս համարէր խոշտանգել զմարմինն անբաժ 'ի մեղաց . վասն որոյ արկանէր զանձամբ շաղկիս կաշեաց երկաթի տատասկօք լցեալ խոշաձն 'ի

Թիկանց , և խաչածե յառաջոյ յերկոցունց կողմանց :

Սակայն ներեա համարձակութե հարցուածոյս , հայր իմ . այդ մարմին , զոր տանջեսոց այսպիսի անողորմ խատուութեամբ եղև երբէք մարմին մեղաց . իցէ բնաւ գործի լեալ անիրաւութե դա՛ զոր այդպէս խիստ պատուհասեսս արդարութեանն գործեօք . ապստամբեաց ինչ մարմինդ ընդդէմ հոգւոյ , զի այդպիսի դառն զինուք վառիս հակառակ :

Եւ թերևս եռանդն անխորձ մանկութեան ՚ի սկզբան դարձին առ Եստուած լեալ իբրև զբուռն հեղեղ յանկարծերևեաց , և փութով անդէն դադարեսցէ : Եւ եթէ նուաձեսցի առաջին այն վառումն սիրոյ , և շիջցին աշխոյժք ստանեկութեան , աւուրք անցելոց ճգանց յիշատակք միայն եղիցին ՚ի մնացեալ աւուրս կենացն . մանաւանդ թէ զուցէ և դիւրութեան իսկ անձին լիցի երբէք ՚ի խնդիր յառաւել խտամբերութենէն խորտակեալ հոգւոյն :

() ն անդր . Սխիթար ոչ երբէք հեռացաւ Եստուծոյ , զի դարձցի առ Եստուած : Սխիթար անմեկին երբէք ՚ի հնոցէ անտի ճմարիտ սիրոյն՝ օր ըստ օրէ ՚ի հաւասարութիւն ջերմութեան նորին նկրտէր : Սխիթար և ՚ի մանկութեան տիսն ոչ թեթև խորհրդովք շարժեցաւ երբէք : Սինչ զի ամենայն գործք նորա և խորհուրդք զխոսկին օտար էին ՚ի տխեղծ հասակէն :

Մին զի և ոչ ինքն էր որ գործէրն , այլ զարանեալն 'ի նմա 'ի մանկութենէն շնորհն աստուածային , որ օր ըստ օրէ պատշաճեցուցանէր զնա 'ի կատարումն խորհրդոյն իւրոց :

Վանզի որպէս խմաստուն ճարտարապետ , որ ցանկացի զանուն փառաց իւրոց յաղծական առնել ամենաճախ նախանձու ժամանակաց , 'ի վէմն՝ զոր պատրաստեալ է 'ի մեծագործ շինուածին իւրում ամրացուցանել 'ի կարևորագոյն ինչ տեղոջ 'ի տես ամենայն աչաց հայեցողաց՝ ոչ ինչ խնայէ 'ի հարուածն , մինչև ճշգրտեսցէ զնա ըստ պատկերի կերպարանացն , զոր 'ի միտն իւր՝ 'ի մեծաց ճարտարութեանցն հնարագէտ՝ նկարեալ իցէ , այսպէս կանխադիտութիւնն աստուածային աշխատէր 'ի Մխիթար 'ի մեծ ինչ գործ պատրաստեալ զնա կամաց իւրոց :

Մերթ թողոր մերձենալ 'ի նա սխերիմ թընամեայն բարեաց . մերթ հարուածք դառն կըշտամբանաց յանողորմ մարդկանէ 'ի կեղեքել զսիրան , զոր ոչինչ կարող էր մեկնել 'ի սիրոյն Վնի . մերթ վտարանդութիւն յերկրէ յերկիր հալածական յերեսաց չարայաչաղ թշնամեաց ամբ բարոց : Մյամ ամենայնի և նա ինքն Մխիթար վերահասու ամենայն ստուգութեամբ , զսոյն ասրա վարդապետէր աշակերտաց իւրոց զամենայն ժամանակս կենացն : Մեզ բաժին ել յՍտուծոյ վիշտս կրել . առակ նշառակի եղաք ընդ առաքելական գնդին նոցին խմբակիցքս՝ ա-

մենայն աշխարհի : Ի կարգս տեսչութեանն Մատուծոյ , սակեր , սահմանեալ են յաշխարհիս ոմանց վիշտք , և փառք այլոց . մեր բաժին վիշտք են . այլք փառաւորեալք և մեք անարգք . բայց այս ոչ արտաքոյ կամաց խորհրդոցն Մատուծոյ . սպա քան զամենայն փառս սիրելի են ինձ վիշտք զի զինչ քաղցր , զինչ փառաւոր քան զկամեն Մատուծոյ :

Եւ ոչ միայն զայստօիկ խմատս պինդ ունէր 'ի միտն 'ի տղայութենէն ցմահ , այլ և արդեամբք խկ ցուցանէր : . . Ո՛վ աղէկիզեալք սրախ նորին աշակերտք , որ զթացեալ 'ի վիշտս հօրն ձերոյ , զոր 'ի կամացն Մատուծոյ կրէր , խնայէիք 'ի բազմաչարչար մարմինն , և խափանել ջանայիք և զկամաւորն տանջանաց , դուք ինքնին լերուք վկայք հաստատութեան բանիցս խնոց : Օ՛ր և ահա ոմն արիւնազանդ խորազան 'ի հայրագորով ձեռն , ցուցանէ զգողօնն՝ զոր բարձեալ է գաղտ 'ի մահճաց հիւանդութեանն Մխիթարայ . այլ դք զերկաթի զտատասկալից Կօստան թաքուցանէ . միւսն զխարազնն , որով տանջէր զմարմինն՝ արդէն հասեալ 'ի դրոճս մահու 'ի դառն խտտութենէ դժուարին հիւանդութեանց :

Մյա 'ի Մխիթար եռանդն ճգնողական ոչ մանկական իղձ էր վաղանցուկ : Մյլ որպէս նահատակ առաքինի ոչ 'ի փափկութիւնս մասնեալ զանձն , և ակն ունիցի սպա յաստարիզի մըր-

ցուածն զբարբին յաղթանակին առնուլ . այլ ցանկ 'ի վշտամբերուծէ , հանապաղ 'ի ճգունաց վշտաց պատրաստէ զանձն փառաց մրցանակին , Լ. յսպէս և արի նահատակս առաքինուծեանց յառոյգ հասակէն կուռ վառեալ զանձն 'ի համբերուծիւնս ճգանց , բազում սթակօք յաղթուծեան շքեղացոյց զբրանալատակ ճակատն . և ջախեաց զգլուխ որոգայթաղիւր թշնամոյն , որ հրապուրանօք աչաց սոլօր է խարդաւանեւ զերկիւղածս Տեան :

Լ. յլ յաղթուծի արտաքին թշնամոյ , յաղթուծիւն 'ի վաղանցուկ և 'ի սակաւատե պատերազմի , այս ամենայն գործ է դիւրաձեռնարկելի : Սակայն յաղթել ներքին թշնամոյ , սակայն յաղթական հանդիսանալ յերկայն սպտերազմի անխոնջ մրցուծեամբ , հաւասարեն աննուաձելի արուծեան առաքինի նահատակին : Վիտէք խկ , առաքինի ունկնդիրք , զխնդրդ զժուարին պատերազմ է ձանձրուծեանն մրցուծիւն , որ բունեալ 'ի մեզ , 'ի մէնջ առնուղծազումն իւր , և 'ի ներքս անդր 'ի մեզ զաղց ապականարար թիւնիցն արկեալ , օր ըստ օրէ կրծէ զպնդուծիւն ողւոյն թուլոյուցանել զնա :

Սիսիթար վերառեալ յաստիճան սարկաւազուծեան անզբօս ևս մտօք սաշտել զսիրելին սրտի իւրոյ , զգիշերս 'ի փոխ առնոյր յերկարել զկարճուծիւն տուրնջեան 'ի կրթուծիւն անձին ստտուածուոյց բանիւք հարց սրբոյ , և զախս

'ի դատտիրարակուժիւն մանկանց , և 'ի բարոզու-
 թիւն բանին Մատուծոյ և ուղիղ վարդապետու-
 թեան հաւատոյ 'ի տունս տունս առանձին , և
 առաջի ժողովոց : ՄԽԼ բա՛բէ , զի արդ փակեալ
 կայ իբր 'ի բանտի , կապեալ խիստ ևս կապա-
 նօք քան զսարիս երկաթիս : ՄԿՏանգիտտ սպ-
 սարապունն յընթերցուածս բանից զրոց սրբոց ,
 և անխնայ ոտնհարութի առողջութեան մար-
 մնոյն 'ի վաստակս մշակութեան անդաստանաց
 Քարձրելոյն , ածեն արիւն յորդ յաչն , և խիստ
 ցաւօք կուրացուցանեն զնա 'ի սպառ 'ի տեսու-
 թենէ :

Սակայն 'ի հոյս վշտացելոց բարեկամայն զան-
 ընկճելին և եթ տեսանեմ զՍխիթար , որ զո-
 ղորմ արտասուս մօրն արգահատեալ ցամաքե-
 ցուցանէ , և զլքեալ բարեկամս և զազգականսն
 'ի կամակցութիւնն Մատուծոյ քաջալերէ : ՄԽԼ
 աւա՛ղ , զի թուի իմն եթէ զայս միանգամ ահա
 նկուն լեալ և նա 'ի ծանրութենէ խստութեան
 երկայն սպտերազմիս , տեղի տայ ամօթսպարտ
 յասպարիզէն . և ձանձրացեալ ոգի նորա և ոչ
 'ի սպառ ժուժկալեալ մրցանակի համբերութե ,
 խնդրէ 'ի Տեառնէ ազատել զանձն 'ի ծանրա-
 տաղտուկ նեղութենէ անտի : ՄԿ այս թերևս
 վեր 'ի վերոյ հայեցողաց ոչ զուգական թուեսցի
 ընդ անմեղկելի առաքինութեն , զորոյ ցարդ Սխի-
 թար եցոյց յանձին զհաւատտիս : ՄԽԼ խաբխիք .
 խնդրէ արգարև , խնդրէ լոյս աչացն . այլ այն

չափ միայն, զի կարող լիցի գտանել զգրուճա տանն Տեառն, յորում առաւել սիրէ Մխիթար ընդ աղբ գալ, քան բնականալ 'ի յարկս մեղաւորաց :

Իսկ որ փորձել և եթ կամէր զճառայն իւր, և զգործս սքանչելեաց իւրոց փառաւոր առնել յաչս մեղաւորաց, նա որ տղմնիւ եբաց զաչս կուրին, ակնարկեաց միայն, և ահա փարատեցաւ 'ի նմանէ ստուերամաճ խաւարն մթութե : Եւ դարձաւ միւսանգամ Մխիթար 'ի սիրելին իւր միայնանոց, անդ ուր պատրաստեաց նմա Մտուած նորոց նահատակութեան ասպարէզ զժուարընթաց :

Մաքակաս 'ի ժամ հասարակաց աղօթից, անխոնջ 'ի քրանաջան վաստակս, անընկճելի մշակն առաքինութեան կրթէր հանապազ զանճն 'ի տեսական և 'ի գործնական առաքինութիւնս 'ի հանդարտութեան անդ : Եւ 'ի ժամն՝ որք յաւերանային նմա, պարասէր անձանձրոյթ յայն ինչ, որով առաւել ևս արծարծէր սէր անձային 'ի սրտի նորա : Եւ իբրև զժիր մեղու 'ի մարգայ ծաղկափթիթ բանից հոգւոյն սրբոց քաղէր մեղր անուշութեան 'ի պարարումն ոգւոց իւրոց, և որոց ունկնդիր հոգեբուխ բանից նորա լինէին : Եւ յառաւել զեղմանէ եռանդանն կազմէր պատրաստէր 'ի բերան մանկանց երգս փառաբանողականս մեծութեանց Մարձրեղոյն և փառաց Տիրամօրն . յաւելոյր 'ի նոյն՝ կշռել 'ի չափ ոսկոյ

և զգիրսն Մուսկայ 'ի դիւրութիւն կրթութեան տհաս հասակին :

Մ. Եւ թշնամին ոխերիմ, որ յաչաղկոտ աչօքն տեսանէր զհանդերձեալ օգուտսն մեծամեծս 'ի խրամակարկատ եկեղեցւոյն Մատուծոյ, փորձի հնարի լքուցանել զՄխիթար, և պատերազմ դժուարամարտ բանայ նմա առաջի : Վիտէք իւրաքանչիւր, ո՛վ հարբ, սրպէս դժուարին ցաւ է կորուսանել զերկս բազմամեայ քրտանց . կորուսանել 'ի միում վայրկենի, յանդէտս ամենեւին . և կորուսանել առ չարութեան մախացող նախանձոտաց : Այլ ընդէր ոչ 'ի խոր լուծեան իցէ ինձ օրէն թաղել այսուհետև զյառաջադիմութիւն բանիս . զի և նախատինս մեծ առնիցէ քրիստոնեայ անուան, թող թէ կրօնաւորելոցն յաշխարհէ, առաջարկութի ճառելեացս : Մ. Եւ զի հրաւիրեալ եմ յայս բեմք զմեծութիւն առաքինութեանցն Մխիթարայ յանդիման կացուցանել, հայրա աներկմիտ յառաջ խաղացուք :

Այլ Մխիթար 'ի մենաստանէ 'ի քաղաք անդր 'ի մխիթարութի վշտացելոց, և 'ի վարդապետութի արքայութե երկնից . զի զհուր սիրոյն, զոր բորբոքեալ էին շնորհք աստուածային 'ի հոգւոջ նորա, արկցէ և 'ի հոգիս մարդկանն, նովին հրով խարուկել զոլորտս աշխարհաց : Մ. Եւ ահա արեղայ ոմն, անուամբ ևեթ արեղայ, չգիտեմ յորպիւոյ այսոյ վարեալ, իբրև զգուռիս ապականարար

մեծազին վաստակոց սարու անուշարար մեղուաց, մտանէր գաղտ 'ի սենեակ անդր Սիսիթարայ . և յախշտակող ձեռօքն աւազակաբար ժողովէր զամենայն զերկասիրութիւնս նորա . և միահաղոյն յաճիւն դատեցաւ :

Եւ ժպիրհ յանդգնութիւն : Չգտաւ և ոչ ձեռն մի գթած արգելուլ զապառումն 'ի նախանձոտ չարութենէ անտի : Եւ անհաճ ըստուած, և որպիսի առաքինութիւն արիասցի բնաւ յայս մարտ դժնդակ : Եւ զի, ո՛վ անմահ հրեշտակք, իջէք յատեղաց երկնից, իջէք ձեռն տալ նահատակիս զի յոյժ ահաւոր է յարձակումնն :

Եւ արդարև զազփաղփուն առաքինութիւն, որ ոչ ըստուած խորարմատ ամրացեալ իցէ, ոչ կացցէ յակաստանի :

Եւ յիս — Եւ զի, ասէ Սիսիթար, 'ի փառաբանութիւն էին ըստուծոյ, քարոզք 'ի վարդապետութի գթուարին ճանապարհի առաքինութեց, տաղք 'ի վարժս մանկուոյն հրեշտակաց լինել ձայնակից . և եթէ այսպէս առաւել ևս փառաւորի փառաւորեալն, օրհնեալ է Տէր : Եւ թէ փնասուք առաքինութեան իմոյ շահեղոց իցեն այլք, ոչ ինչ օգուտ է ինձ եթէ զաշխարհ ամենայն շահեցայց, և զանձն տուժեցից : Արեւան միանգամ, կարող է տալ և միւսանգամ, եթէ կամք նորա իցեն, եթէ փառք անուան իւրոց այնպէս սրահանջեցեն : Եւ անտարտուժ և զուարթամիտ համբերութիւն մեծ ևս փառք են նմա,

յորոյ ընծայեալ եմ զանձն 'ի պատարագ բողո-
րանուէր , քան զգարձ աշխարհաց բազմաց :

Եւսաց զայս , և 'ի խիստ ևս պատերազմի քան
զՅովւայն , զնորայն առաքինացաւ համբերու-
թիւն առաքինի նահատակն . և փոխանակ լու-
տանացն՝ շնորհակալ լինէր շարարարին , իբրև
օժանդակ նովն և մարտուսոցց յասպարիզի ճրգ-
նութեան : Վանզի և զայնպիսիսն մտերմագոյն
'ի բարեկամս իւր սովորեալ էր կոչել Սխիթար
զամենայն զկեանս իւր . և խողովակս անուանէր
զնոսա շնորհաց Վարձրելոյն :

Եւ ահա զայսպիսի համբերութեան եթող
մեզ հայրս մեր զհաւաստիս , ո՛վ հարք սուրբք ,
հետևողք անստերիւր հետոց նորա : Վամբա-
սէին զնա . այլ նա՝ ներեսցուք , ասէր , զայս նո-
ցա տկար վրէժխնդրութիւն : Եւն նոցա թերևս
իրաւունք . այլ մեզ անշուշտ փառք մեծ : Սիրես-
ցուք զնոսա , և ստասցուք զնոսա առ Եստուած .
յայնժամ նորին եղիցին մեր իրաւարարք : Եկե-
ղեցին հիմնացեալ է 'ի վերայ խաչի , մեզ չէ օ-
րէն յայլոյ հիման վերայ շինել : Եւթօթեսցուք
վասն հալածչացն մերոց . սովին պարտիմք մար-
տընչել ընդ նոսա , և այսու ասրեցուցանել զան-
ձինս 'ի հարուածոց նոցա : Եւյսպէս ոչ միայն
ուսանէր սուրբ լինել , այլ և յաւուր միում թո-
ղուլ և բազմութիւն սուրբ զաւակաց : Օղոս
տեսին աւուրք անցեալք , և հիացան . զորս և մեք
իսկ աչօք մերովք տեսանեմք . մեզ երանի , թէ և

նախանձաւորք նոցայոցն գտցուք շաւղաց :

Սակայն տեսանեմ ես զՍիսիթար անկեալ լքեալ . և անտրտում երեսք նորա 'ի թուխ տիրութեան համակեալ . հեծութիւն 'ի բերանի , և արտասուաց ծով 'ի սրտին : ԸՅԼ առ ինչ : — Ընինչ . քանզի անյագ վաճառականն աւետարանական դանձուն չգտանէր զոք կատարեալ վարդապետ առաքինութեանց , որոց արդէն իսկ ամբարեալ էին ճոխութիւնք 'ի սրտի նորա :

Արանի ծաղկէնկար ափանցն , որ ասպնջական եղէն նորա : Յիշէին արդեօք նախանձաւոր կատարուտակ ալիք Սեանայ զօրն զայն , յորում 'ի վերայ ծիծաղախիտ ալեացն Ըղթամարայ՝ սքանչելոցն Վրիզորի նոր զօրավիգն իջանէր յերկնից Վշտոյն եթերաց Ըստուածորդւոյն 'ի զրկի . և աստ ահա 'ի նորա Ըեթէլ էջ վերստին Տիրամայրն 'ի քաջալերս իրախուսանաց որդեգրեցելումն իւրոյ :

Ատես գորովալից սիրան մայրենի յերկնից 'ի վերուստ զսիրապատար որդւոյն զթարկացումն սրտին , լուա զհեծութիւնս հառաչանացն զի մնջէր իբրև տատրակ միայնացեալ , և ոչ ժոժեաց անտես առնել : Ի գանձարանաց երկնից զգեղատաճոյճ զգեստուն զարդ արկ գանձամբ , որ ճչգրիտ գուշակէր զառաւելութիւն շնորհացն , զոր գայր առատացուցանել 'ի հոգւոյն Սիսիթարայ : Իջանեն յերկնից և երկու երկնաքաղաքացի կուսանք ընդ նմա . սրտատեցան եր-

կինք , և առատազեղ ալիք լուսոյ կարապետ լինին [Թեթևընթաց գարշապարաց Վշտոյին երկնից : Աջ առ Սխիթար , մինչ նա տարածանէր զաղէտս սրտին անմուռնչ միայնակ 'ի տաճար փառաց Վարձրելոյն . էջ և հեզիկ բարբառով մատուցեալ մայրաբար քաջալերել զնա , իւրովք իսկ աստուածամերձ սուրբ ձեռօքն , փնջովք վարդից և շուշանաց , սրբէ զարտասուս յաչաց նորա . Աղիցին , ասէ , եղիցին քեզ , Սխիթար , խնդրուածք քո : Այլ խնդրուածք Սխիթարայ էին կատարուին կամաց Առսին 'ի վերայ իւր :

Հեղեղաբար առին յայնժամ զսիրտ Սխիթարայ խաղաղաւետ հոսանք երկնաւոր քաջալերութեանն : Այնուհետև իբրև եղջերու ծարաւ 'ի խնդիր ականակիտ վտակաց , յամենայն հանգամանա ճգնէր կատարել զկամս սիրեցելոյ Սօրն իւրոյ . ճգնէր 'ի զլուխ հանել զառաջարկութիւն մեծի գործոյն , զոր տպաւորեաց 'ի սիրտ նորա ինքնին իսկ Տիրամայրն : Օ 'ի հաստատութիւն Աւխտիս , երկնաւոր անտեսութենս գործ անսովոր , արգասիք են կամաց Տիրամօր : Վախանձելի՛ ազգատոհմ , որդիացեալք այսպիսւոյ Սօր :

Արդ 'ի ձայնն կուսական ազգէր իմն 'ի սիրտ Սխիթարայ , հօր նորոյ գրոհիս , հրաւէր երկնաւոր : Այլ յերկրէ քումմէ , և եկ յերկիր , զոր ցուցից քեզ : Այլ յայն հրաւէր սուրբ արհամարհեաց Սխիթար զսէր հայրենեաց , արհամար-

Հեաց զգումթ ծնողաց , առ ոտն եհար զյոյս երկրաւոր մեծամեծ փառաց . յաչս եղ զամենայն սպառնալիս վշտաց : Այր զի բոկոտն ընդ առապարս . էր զի հիւանդաբայլ յերկայն ճանապարհս . անդ ամայի մնացեալ յանմարդի եւ 'ի զազանաբնակ լերինս . աստ հետեւակ ընթացիւք 'ի միջոյ աւաղակաբարոյ մարդկան զիմէր 'ի կէտն , յոր յերկնիցն հրաւիրեցաւ :

Այլ ընդ բազում վիշտս եւ ընդ բազում աշխատութիւնս անցանէր , որոց չէ իսկ անտեղեակ մի մի յունկնդրաց աստի խնց . եւ ոչ կամիմ յիշատակել երկայն բանիւք , զի կարճատէ ինձ ժամն : Օ երկայն վարդապետութիւնն 'ի քաղաքս քաղաքս . զգարձ բազմաց հետտեւոց յեկեղեցւոյն Վրիստոսի , եւ զբազմագոյն մեղաւորաց . զհալածական փախուստ յերեսաց ծարաւեաց արեան նորա . զքրտնաջան վաստակս ձեռացն 'ի հայթայթանս աւուրն սպարենի : Օ այս ամենայն եւ զսոցին նմանն զանց առնեմ յիշատակել , ընդ որս անցեալ անլտանդ , հասանէ խաղաղութիւն 'ի Սութոն Պեղոպոնեսեայ :

Ըստ թուէր զի վախճան առեալ վշտացն , ծայր այնուհետեւ արձակէր արեւ փառաց նորա : Բնդունելութիւն սիրալիր լինի նմա 'ի քաղաքին յայնմիկ յանձանօթից . մեծամեծք վայրացն բարեկամութեան նորա նախանձաւորք , եւ յանինչ աղքատութենէ հիմնարկէ եւ կառուցանէ մենաստան զեղեցիկ եւ շքեղ եկեղեցի , զորոյ

զնաւակատեացն հանդէս ոչ միայն փառօք շքեղացուցանէ ուխտն եկեղեցւոյ , այլ և գոռոզ պետութիւն վայրացն :

Օրնչ քան զայս բերկրարար նմա , որ զամենայն կեանս իւր 'ի խնդիր և եթէ քեր սոցա : Վասն զի տեսանէր թէ այսու միայն ճանապարհաւ առաւել ևս , և մշտնջենաւորապէս ծաւալեացին փառք անուանն Մատուծոյ : Միսիթար հայր քաջազօտի որդւոց , կացեալ 'ի միջի նոցա հրձուէր 'ի նոսա : Հրձուէր՝ զի յայնմ հետէ բազմապատիկ օգտութեամբ պտղաբերեացին հեղեղք բրտանց իւրոց , զորս գնացոյց , և ճգունք հալածանայն և տառապանաց , զորս վշտացաւ : Այլ ընդ քարոզութեան ուղիղ հաւատոց՝ յոսս որդւոց իւրոց և համբաւ անուանն ընթանայր ընդ ծագս հայաստան խօսից :

Սակայն չէր տակաւին ժամանեալ Միսիթար 'ի գլուխ ասպարիզի դժուարամարտ իւրոց նահատակութեանն : Այլ արդեօք դառնագոյն հանդիպեցաւ նմա քան զամենայն կեանս իւր այն վայրկեան մահահրաւէր , յորում հարկ եղև նմա թողուլ զկառուցեալն իւր զտաճար Տեառն . թողուլ զմենաստանն , սքանչելեօք իմն յոչնչէ 'ի վեր երևեալ . թողուլ , ահ , թողուլ և զոմանս յորդւոցն իւրոց մատն և տուր 'ի սպառնալիս անողորմ երկաթոյ բարբարոսաց , և անջատել մեկնել 'ի նոցանէ :

Արպէս մշակ օգտաճարաւ 'ի տես անտառաւ

մնլ և փշալից անդատտանի զարդասաւորութիւն
 երկրին գուշակեալ, սրբէ զփուշն և զդաղձ .
 մաքրէ՛ի բիւրաբեղուն հողոյն զխտութիւն քա-
 րանց . և քան թէ արօրօք՝ մանաւանդ քրտանցն
 առաւելութեամբ, կակղացուցանէ զերկիրն . բա-
 ժանէ՛ի բազում ածուս ըստ մտադրութեան ա-
 րուեստին իւրոյ . և ըստ տեսակաց տեսակաց սեր-
 մանցն և ծառոց՝ հմուտ ձեռօքն առատացուցա-
 նէ և կամ ազահէ զսարարտացուցիչ աղբն . և
 շուրջ զփափկիկ շառաւիղօքն բաժակեալ մատ-
 ուակէ մայրաբար զհիւթն աճեցական ըստ իւ-
 րաքանչիւր պիտոյից : Այլ զկնի պսոցիկ բազմօ-
 րինակ վաստակոց, յուսով մեծաւ սպասէ ժա-
 մուն առատութեան բերոցն՝ ի տրիտուր աշխա-
 տութեանն և փութոյն, զոր աննախանձ կամօք
 ետ ՚ի փոխ բազմաբեղուն անդոյն : Այլ ահա
 յանկարծ ամոլ թանձրախիտ մթերեալ մեծաւ
 սպառնալեօք խուճապեցուցանէ զլոյս տունջեան
 ՚ի տիեզերաց . ահեղաձայն գոռան որտամունք .
 ճայթին հրալից փայլատակունք . կատաղին մըր-
 բիկք . հողմք սաստկաբախք ՚ի յաւիտենական
 հիմանցն զերինս սասանեցուցանեն . և հո՞՞քա-
 րինք կարկառի զլետին աւերածն սպառնան ա-
 ծել աշխարհի : Աղկեղի մշակն վաստակաբեկ
 տեսեալ զողորմ կոտորած ձեռատունկ ար-
 դեանցն իւրոց՝ իբրև զգիտիունս առոյգ երիտա-
 սարդաց և օրիորդաց, աղիողորմ արտասուօք ըզ-
 հերսն ցեաէ և ճողէ զմօրուս :

Մ. յսպէս և առաւել քան զտպաւորութիւն օրինակիս զմարդատունկ զբախան իւր զէզապաւ ճոյճ՝ բռնադատի լքանել Սիսիթար յահեղատատ սպառնալիս մահազոյժ սպառերազմաց, և ելանել ՚ի ըստափայտ մի շնչին ընդ սակաւուց ոմանց ՚ի սիրասուն որդւոցն :

Մ. Տ, որդեակք իմ, յեկեղեցւոջ առաջի սեղանոց Տիրամօրն խօսէր առ իւրնն . ահ, որդեակք իմ, իմոց դժուարին երկանցս ծնունդք սիրասուն . ոհ բռնադատիմ ահա մեկնել . . . անջատել առ ՚ի ձէնջ . և որպիսի անջատումն դժուարին : Վաջ սպառաղէնք Վրիստոսի, կուռ վառեաք յայս մարդոց զինուորութեան, քակելոց էին զամուրս սատանայի . ՚ի զինարանաց իւրոց հանեալ զազոզազոյն զէնան տարտարտազէն թշնամին, մարտ յուսահատութեան յարուցանել ՚ի վերայ մեր . այլ մի, մի վհատիք . ահա Մայր մեր ամենեցուն, ահա ՚ի մայրենի ինտան նորատունեմ զձեզ ապաստան . . . Վհ հեղձուցին արտատուք զբանս նորա :

Մ. յ անողորմ ալիք, այս քանիցս մենչէք ընդ ռախք նորա, և ահաւոր ստուերածս սպառնայք ածել առկայծեալ յուսոյ եկեղեցւոյն հայոց :

Սակայն տեսչութիւն վերին, որ ոչ կամեր ընկղմել զծառայն իւր ՚ի սաստիութենէ փորձանաց, յաջողակ հողմով առաջնորդէ խարխուլ նաւուն այսր ՚ի խաղաղաւէտ նաւահանդիստ քաղաքիս : Սնձ աւելորդ է այսուհետև մի առ մի

անցանել ընդ կիրս վշտաց նորա , յերեսաց աղ-
քատու թեան , վտանգաւոր հիւանդութեանց ,
յաւազակաց , 'ի ծովէ , 'ի գետոց . զի ըստ ամե-
նայն հաւաստեաց ճշգրտագոյնս սրտաձեցաւ
առ հայրս մեր առաքելականն . վիշտս 'ի ծովէ ,
վիշտս 'ի գետոց , վիշտս յաւազակաց , վիշտս 'ի
սուտ եղբարց : Այւ աւանդ , զի յետինս այս մե-
ծամեծ վիրաց թողոյր սպիտ յընդարձակ սիրտ
Ս'խիթարայ :

Այւ որպէս գշինութիւն երկրորդի տաճարին
Մատուծոյ , այսպէս միով ձեռամբն զվահան
սրտապանութեանն զանձամբ առեալ Ս'խիթար ,
և միւսովն վաստակէր 'ի շինութիւն մենաստա-
նիս : Այսր , յորում բնակեալս եմք արդ ,
հարբ սուրբք , խաղաղաւէտ կենօք , բարձրացան
որմունքն դժուարին քրտամբք :

() ր բարեպատեհ օրն այն , երանի ժամուն
այնմիկ , յորում կոխեաց Ս'խիթար յայս կրղ-
զեակ անդորր՝ սրտրաստեալ մեզ ամուր սպա-
ւէն 'ի մրրկածուփ վշտաց : Մ'հ , կոխեմք զօր ա-
մենայն զհետան , ուր կոխեցին անվատտակ ոտք
նորա յառաքինութե ճանապարհին . երթեալ
յեկեղեցին հեծութեան նորա արձագանդք տա-
կալին լեկի լինին յահանջս հարազատ որդւոց
նորա . ընդ սրահս և ընդ սենեակս ստուերք նո-
րա սաղրեն սրտակառանս աշակերտերցս խբոց :

Բայց ահա դարձեալ դառնաշունչ ծուխ նա-
խանձու բարդեալ զիզաղէզ , կամի խաւար ըս-

տուերամանձ ածել զգաստակերտիւս Սիսիթարայ : — Ա՛հ, հայր, ներեա յանդուզն հարցուածոյս, ներեա համարձակութեան որդւոյս . սակայն տուր ինձ իրաւունս : — Ա՛ր այնչափ գեղանշոյլ կաղմեցեր զգաստակերաս քո զայս սքանչելագործ, մինչև շացուցանել զաչս հայեցողացն 'ի նոյն : Օ ինձրդ և դու այնչափ փայլեցեր արտաքոյ զգեղ վայելչութե՛ք քո, ո՛վ դրախտ աստուածատունկ, մինչև նախանձաբեկ լինել ընդ քեզ ամենեցուն, և դիւաց դաշնաւոր զմարդիկ առնուլ խախտել զքեզ յարմատոյ :

Ա՛յլ մի վճատիք, առսքինի ունկնդիրք, զի այս ուխտս Սիսիթարայ տպաւորագոյնս յոյժ բերէ յանձին զօրինակ պետրոսեան նաւուն, յորմէ Քրիստոս բանս յախտենական կենաց վարդապետէ ժողովրդեան իւրոյ : Արտամունք, շանթիք, սպառնալիք կայծականց, մըրիկք, վեր 'ի վայր լինին երկինք և երկիր, և լեռնակարկառ անք փրփրացեալ բերանանան կլանել զնա, այլ նա սիզաձեւ 'ի ծայրս ակեացն՝ յաղթական փութորկաց ամենայն ժամանակաց, ուղիղ զեկավարի յուշ նպատակի հանդերձերոյ աշխարհին :

Այլ կամ թէ որպէս քաջ նկարիչ ճարտարութեամբ արուեստին, զի զգեղ վայելչութեան նկարուցն իւրոյ 'ի մի հայեցուած տացէ յաչս տեսողաց, խառնէ ընդ լուսանկար տեսլեանց և զստուեր իրաւարամանձ . այսպէս և ճարտարապետն ամենայնի Մտուած 'ի ձախողակս յայանի

կացուցանէ, զանընկճելի առարինու թիւն իւրոյ նահատակաց : Օ ի թէ, և ոչ ամպ յաչաղկոտ զողացի երբեմն յաչաց մերոյ զտկեղարս ճաննչս արիւոյն, ոչ այնչափ ՚ի վերադարձ նորին ՚ի նշոյլս ճառագայթից նորս հեշտանամք :

Սակայն զի է, զի պէկոծ ծուխք խորհրդոց տեսանին ՚ի միշտ իսկ անդորրաւէտ ճակատ անդր Սիսիթարայ : Սիթէ խիտ սու խիտ թանձրութիւնք ամբաստանութեանցն անհարկանիցեն ՚ի նա . կամ թէ զինուցն տկարութիւն ՚ի պաշտպանութի անձին երկեղունկս արկանէ, յարի նահատակն չմտանել յատարէզ հանդիսին : Այլ խարխիք . զի ՚ի մերկ լանջս անմեղին չիք զօրաւորագոյն զինուորութիւն քան զանմեղութիւնն ինքնին : Այս զինչ այն հառաչանք Սիսիթարայ : — Օ անտերունչ անգաստանն ՚ի մշակն երկնաւոր յանձն առնէ հսկել ՚ի փշմանէ ապահանարար հիւսիսոյ : Հաղարսպէան՝ ՚ի Տիրուհին անդր զտանն իննամնն վտտահանայ, զի ինքնին լիցի այցելու ՚ի հեռանալն իւրում :

Օ այս արարեալ, և ահա ամբաստանեալն Սիսիթար ՚ի մեծն Հռոմ . այլ ՚ի Հռոմ խորհրդակից փոխանորդին Վրխատտի, զլիտոյն եկեղեցոյ : — Բարէ, զինչ նոր օրէնք իցեն այս : — Աստուծոյ անտեսութիւն է հակառակ խորհրդոց աշխարհի : Այսպէս կամեցաւ նա, և այսպէս ոչ միայն զարդարութիւն ծառային իւրոյ, այլ և զխնատութիւնն յայանի արար աշխարհի :

Օ այն խնամատու թիւն , որ զողորջիս իւր փրկեաց
'ի ցաւոյ , և եցոյց նմա զարքայութիւն Մատու-
ծոյ , և 'ի դարանակարաց նորա զգուշացաւ : Այ-
լիցէն փառք մեծագոյն քան զայն , զի քարչեալ
յատեանն փնատապարտ , փոխանակ դատելոյ՝
դատաւոր նստցի 'ի նմին ատենի . և զնմանէ կա-
խեալ իցէն ոչ միոյ կամ երկուց բաղդ , այլ
բախան , ներեցէք ինձ ասել , այլ բախան եկե-
ղեցոյն Մատուծոյ , այլ յառաջադիմութիւն
ուղղափառ վարդապետութեանն 'ի Ժողովս այ-
լախոհից :

Մտ ահա՛ յետ բազմապատիկ վշտացն սկիզբն
առնուն մեծամեծք փառացն , զոր արար Տէր ընդ
նմա . Օ ի արար ինձ մեծամեծս հզօրն : Մ. Մ
մանաւանդ թէ անմեկին ևն 'ի Մխիթար վիշտքն
'ի փառաց : Օ ի եթէ զօրավար քաջ՝ առաքինա-
ցեալ 'ի դժոխամարտ սրատերազմի զյաղթութեն
սրակ փառաց բոլորէ 'ի զլուխ , ո՞ քան զՄխի-
թար 'ի դժուարին մրցութեանց ել բնաւ յաղ-
թական :

Բայց ծայրագոյն փառացն Մխիթարաց այն
է , զի կանգնեաց զայս շքեղ մենաստան , որ միշտ
խիկ տեսարան եղիցի և հիացուցիչ աշխարհի :
Որմունք չեն ամբութի նորա , և շինուած վայե-
լուչ ոչ է շքեղութիւն նորին : Հաստատեաց օ-
րէնս աստուածիմաց կարգաց կրօնաւորականաց ,
և նորօք ամբացոյց զհիմունս սորա : Այլ զի ընդ
դունն տղխութեան Էմուտ սասանաց աւար

առնուլ զեկեղեցի , հիմնարկեաց վարժարան
ուսմանց : Այս պատրիկ են ահա ամութիւնք և
չքեղութիւնք մեր . որոց և ցանկայր առաւել
հայրս մեր լինել մեզ ժառանգորդս , և նախան-
ձաւոր աւանդապահս : Վանդի գիտե՛ր քաջ եթէ
չրթունք քահանային աւանդակիրք սարտին լի-
նել աստուածապարզ և գիտութեանց , և վարք
բարեկիր՝ վարժոց առաքինութեանց :

Այս վասն այն խակ ամենայն հոգոց իւրոց կա-
րեորագոյն զգաստխարակութիւն աշակերտելոցն
իւրոց համբակաց կալեալ միշտ , առ իւրաքան-
չիւր յառաջադէմ քայլախօխնոցս , ցնծայր սիր-
տըն հայրենի , տեսեալ զի գործօնեայք խորհր-
դոց իւրոց ՚ի փառս անուան Տեառն որ ըստ օրէ-
բազմանան յօրհնութեց Վարձրելոցն : Այս մի-
թէ , ո՞վ հարք , միթէ չիցեն նորս յառաջա-
տես իմաստուն անտեսութեան արգասիք և այն
չնորհ մեծ սարգեւեալ ՚ի բարերար ձեռանէ
Տեառն ՚ի միթարութիւն տառապելոց ազգիս ,
որում մեք ինքնին , շնորհք Վարձրելոցն , մեք
ինքնին եղեաք ականատեսք :

Աւրախ լեր , եկեղեցի սուրբ , զի նոր փայլ
առնուն փառք քս և յերկիրս , որ ընդ անհաւատ
բարբարոսացն հեծեն երկաթի լծով : Յայտ
հեռէ , որ ՚ի խորչս և ՚ի սոյզս թաքչէր փառք ու-
զիդ վարդապետութե՛ն Վ՛օի քս , բարձր ՚ի գլուխ
սարձեացի ՚ի մէջ խաժանին անհաւատից , և
քան զանհաւատսն չարագունից մոռացելոց զկը-

նիքն սրբութեան՝ որում նուիրեցան . որ և ան-
զազար կեղեքեն պատառեն զսիրտդ մայրենի :
Ուրախ լեր յերկնից և դու , հայր հաւատոց մե-
րոց Վրիզօրիէ , և դուք ուրախ լերուք հայրա-
պետք սուրբք , որ զՏեաս վաստակոց նորա կո-
խեալ , 'ի զարդ և 'ի շքեղութիւն եկեղեցւոյն
Մատուծոյ՝ ոչ խնայեցէք 'ի քիրան և յարիւն :
Մ'հա նորա այս մշակ աւետարանին արծարծանէ
զերկս բրտանց ձերոց , և գեղ վայելութեան
վերստին զարձ առնէ 'ի սեղանս ձեր և 'ի մատ-
րունս :

Մեքն միայնակ միոց քաղաքի հազիւ թէ լինէր
բաւական . ահա գեղեցիկ ոտք աւետարանչայն
խաղաղութեան որդւոյն նորա ընթանան ընդ
ամենայն ոլորտս հայաստան ժողովրդոց : Այլ ուր
ոչ ժամանեն ոտք , տպագրէ գիրս ոգեշահս .
զնոսա անդր հասուցանէ : Մանկանց տայ 'ի
ձեռս զուսումն բրիտաննէական կարգաց . պատա-
նեաց զարուեստ քերականութեւ բնիկ հայ խօ-
սից , յորմէ օտարացեալ էր խորթացեալ ժամա-
նակն . զարգացելոց խնաստասիրութեան դասս
վարդապետէ . վարդապետաց զխորս խնաստից
զրոց սրբոց 'ի վեր հանէ , և ուղիղ հաւատոց
վարդապետութեան խելամուտս զնոսա կացու-
ցանէ : Այլ ուր երբեմն ծերք , սոնալեմ ստել ,
և վարդապետք ինքնին զլիսովին չցիտէին բա-
յայտել զկարեւորագոյնան 'ի մասանց հաւա-
տոցս , արդ մանկունք զխորհուրդս բրիտաննէական

բարեպաշտութեան թափանչութիւն : Յամենայն ձեռք
մտտեանք նորա յածին , և ամենայն բերան
յօրհնութիւն նորա լուծանին : Այլ բաճանայա-
պետք ինքնին օրհնութեան նամակօքն 'ի բարձր
զահայից իւրեանց քաջալերեն զնա՝ խրախոյս առ-
նուլ յառաջարկեալ գործն օգտակար :

Այլիսկոպտք և մեծանուն վարդապետք առ
ոստ անկեալ Սիսիթարայ , ընդ գրօչակառ նորա
ժախն զինքեանս զինուորել : Աժուարին ուղեռ-
ութեանց մասնեն այլք զանձինս 'ի տես առնն
հրաշարոյ : Ամենայն ուրեք համբառ նորա , յամ-
բերանս գովեստ նորա . միայն 'ի բերանոյն Սիսի-
թարայ անձին անարգութե լսելի լինին ստգտանք :
Վանդի զակնն յառեալ 'ի նպատակ անդր սի-
րոյն իւրոյ , 'ի տիպն յայն , յորոյ 'ի տէրունա-
կան բերանոյն հրաւիրեցաք 'ի նմանողութիւն .
Աղերուք կատարեալք , որպէս և հայրն ձեր երկ-
նաւոր կատարեալ է : Յայն զաչնս յառեալ զա-
մենայն ինչ յաշխարհի անհամեմատ տեսանէր .
զամենայն՝ ոչինչ առ նորա հաւասարութիւն , և
զանձն զլիտովին ընդ այլում ամենայնի . զամե-
նայն ինչ երկրաւոր անարժան սրաին իւրոյ :

Ասան որոյ և այնպիսի հիմնացոյց զուխտս ,
զի յամենայն ժամ փառաւորի 'ի սմա անուն
Մատուծոյ . և աստուածային խնաստութեանքն
իւրով , զայն ինչ՝ յոր սուսեւրապէս ամբարհա-
ւաճեն միտք մարդկային , սրբեալ յամենայն
երկրաքարչ թերութեցն՝ ջահ առաջի փառայն

Մտուծոյ վառեաց յեկեղեցւոջն Հայոց , զչի-
ջեան զգիտութեանց զամբար :

Եւ եթէ ըստ աստուածային անուտ պատ-
գամանցն Տէր փառաւորէ զՀայր 'ի վերայ ծննդոց ,
ոչ և որդւոցն Սիսիթարայ փառք յաճախեացեն
զփառս հօրն : Յորոց է որ բովանդակ քա-
ղաքաց նոր քարոզի առաքեալ . է զոր քահանայ-
ապետք Հռովմայ հայրապետական խորինն
պճ'նեն . զկէսս համբաւատենչ ճեմարանք զի-
տութեանց Եւրոպայ կցորդ ունել փափաքեն
միաբանութեան իւրեանց . ոմանց հաւատան ըզ-
գաստիարակութի մանկանց զյոյսն պայծառու-
թեան եկեղեցւոյ . այլք հրաւիրին 'ի զլսաւոր
գահս փառաց : Եւ այս ամենայն չիցեն փառք
Սիսիթարայ առ 'ի յերկնից կշռեալ փոխանակ
տառապանացն բազմաց , զորս վշտացաւ առ սէր
փառացն Մտուծոյ :

Ո՛վ Տէր , ոչ են բաւական աչք երկրածին
հայել 'ի դարութիւն տեսչութեանցն քոց , թէ-
պէտ և իղձք որդւոյ ձկտեսցին 'ի խաւարային
աւուրս ապագայց , և տեսանել և զայլ ամենայն
փառան , զոր պատրաստեալ են և յերկրի աննա-
խանձ կամք քո նորատեսիլ այսմ'նահատակիս :
Օ՛ի որպէս անասճման էր չափ սիրոյն , որով
զբեզն սիրէր , անասճման ապաքեն և փոխա-
րէնքն պատրաստեալք առ 'ի քէն առաքինութեց
նորին :

Օ՛ այս ահա փառս չնորհեաց Տէր Սիսիթա-

բայ 'ի յերկրի, զոր արդ երկնաւոր փառօքն փառաւորէ. և այսմ փառաց նորին՝ մեք եղաք աւանդապահք: Այլ եթէ որդիք եմք հօրն արժանիք, պարտիմք նախանձաւոր լինել փառացն նորա. և լինիմք, եթէ ընդ հետս նորա 'ի նոյն կէտ ընթանայցեմք:

Այլ դու, հայր, դու, որ տեսանես զեռանդն սիրոյ որդւոցդ քոց, տեսանես զի ոչ վեր 'ի վերոյ զաչս մեր յառեալ եմք 'ի քեզ ճշգրտել զմեզ ըստ քեզ, տալ լրումն ամենայն խորհրդոցդ քոց 'ի փառաւորել զաստուածսկետութե մեծվայելչութի ուղիղ վարդապետութեամբ: Տեսանես զի ըստ քոյոյ օրինակիդ ոմն յորդւոցդ չանխայէ զանձն 'ի դժուարին ճանապարհորդութեանց վասն փառացն Աստուծոյ. ոմն վասն ուղիղ վարդապետութեան ընդ դաւաղանօք հեծէ անմարդեաց. ոմն յաքսորս 'ի տես վայելչութեան փառաց տանն Աստուծոյ հառաչէ առ բարեւրական գետովք. ոմն աշտարակ կացեալ հզօր ընդդէմ ուժոյ բռնութե թշնամեաց քոց, մանաւանդ թէ թշնամեաց Աստուծոյ քո, նպատակ անխախտելի արձանանայ յիսերիմ մեքենայից, որ զյետին աւերած սպառնան դաստակերտիդ քո. և ոմն, ո՛հ, ընդ միտ ածեալ և ոչ կարեմ ժուժել արտասուացս. և ոմն, քոյին ճշմարիտ պատկեր, նախանձաւոր քոյոյ հայրականացդ առաքինութեց, յորոյ ընդ ցպոմն երջանկանալ յուսայ ընդ երկար հօտս քո փոքրիկ. . . . ա՛հ, ողորմ հառա-

չեմ՝ ընդ հառաչանաց նորա, որ այս երբեակ ամբ
են՝ զի հեծէ՛ի ցաւագին անկողնոց զայնն ուղիղ
առ քեզ զխաւորեալ: Ա՛հ, դու հայր, դու որ
տեսանես զայս ամենայն, դու այժմ առաւել ևս
կարող ես օգնել որդւոցդ, դարձո միանգամ յեր-
կնից զհայրական այս քո՛ի վերայ տառապելոցս
որդւոց քոց: Տես զի շուրջանակի սաշարեալ են
զմեօք արհաւիրք, և դժոխք բացեալ զբերանս
խրեանց սպառնան կրանել զմեզ:

Մեք իրագէտք մերոցս թերութեանց, ոչ հա-
մարձակիմք համբառնալ զայս յաթոռ Վշիտցին
երկնից, որ կամեցաւ հաստատել զայս միաբա-
նութիւն, և յանձն առ կոչել զանուն իւր՝ի
վերայ մեր. այլ դու, հայր, անցո՛ի մէնջ զամօթ-
երեսաց մերոց, և լսելի արա մեզ զայն ձայն
բազըր. — Մի երկնչիք. կացէք հաստատուն ՚ի
սպառուիրանին, որ աւանդեցան ձեզ. և ձեռք
Տիրամօրն ոչ վերասցին ՚ի ձէնջ:

ՄԻՒԹՒՆՐ ԵՐԻՆՆԵՅՐ

ԲԱՐՁՐԵԱԼՆ , ո՛ր աստուածապատիւ Տէր և
 խնստազարդ կաճառ , Բարձրեալն , որ 'ի բռին
 ունի զամենայն , 'ի տիեզերակալ վճէն 'ի դուքս
 էաճ զէակքս առ հասարակ միով քաղցր շարժ-
 մամբ յօնիցն , և իբրև զգնտակս խաղալկաց ու-
 տոյց յամենակալ ձեռացն զլայնատարած գունաս
 յանսահման դատարկութեան , և եցոյց նոցա
 ճանապարհս անստերիւր 'ի գեղեցկայարմար բա-
 րեկարգութիւն համայն տիեզերաց . և ձայնիւ
 բարբառոյն վայելչագեղ պատրաստեաց զայս
 ընդարձակատարր բնակարանս պատուականա-
 գունիս արարածոց իւրոց գեղեցկապար ընթա-
 ցիւք մանուածաւալ առուակաց , չքնաղագեղ
 նկարուք անուշահոտ ծաղկանց , մեծատարած
 ծմակային հովանեաւ բարձրաձողկ գոռոզ ան-
 տառաց , աշխոյժ օդապարօք , վսեմ , վիթխարի ,
 երագընթաց և բիւրապիտի չորքոտանեօք , և
 գունազոյն զուղակացն զանազանութեամբք . զայս
 ամենայն միով ակնարկութեամբն կատարեաց :

Բայց թէ յերկրածնաց զոր մեծամեծ խորհրդոց իւրոց ընտրեաց երբէք սպասաւոր, ընդ կորզան ճգանց կամեցաւ անցուցանել նախ զնա, և իբրու այն թէ քրտամբք վաստակարէկ ճակատուն պատրաստեալ զատաղճն, և թէ ներէք ինձ այսպէս ասել, ապա կառոյց զչինուածն ամբարտաւան, զոր կամեցաւ նշանակ կացուցանել զարուց ժամանակաց 'ի ծովահանդոյն արէտանջ յախտենիս :

Մանաւանդ թէ և ինքն իսկ ամենաբաւական բնութիւն, յորժամ էջ յերկնից՝ ծածկեալ ընդ մերակերպ պատկերաւ զմեծի փրկագործութեան կատարել խորհուրդ, հրաժարեցաւ յարքայական թագէն, զոր երախտադէտ ամբոխ ժողովրդոց մեծարանօք մատուցանէին առ նա . քանզի 'ի խնդիր էր փշեղինին, որում և կամակար մատոյց զատուածային ճակատն : Ղգանց առաւելութիւնք կշիռ են մեծութեան գործոց :

Բայց, և թէ շնորհեսցէ ինձ ատեանս պատկառելի ներողամիտ ունկնդրութիւն, 'ի սոյն վարդապետութիւն աշակերտեսցեն զմեզ և բազմաւաստակ կեանք Սիսիթարայ :

Վանզի հաճեցաւ Մանաւանդն իւրովքն ազդողադոյնս տալաւորել 'ի մեզ զայս ճշմարտութիւն, ընդ ժամանակս ժամանակս ցուցեալ մեզ զնոսա քաջալերութեամբ տարացոյց 'ի դժուարակոխ ասպարիզի կենցաղոյս : Արպէս զի և թէ յանկարծողք 'ի կեանս ազգաւոր անպարտակիր հանդիպես .

ցի անձկութեանց , մի վճատեսցի . այլ մանաւանդ առաւել ևս առեալ խրախոյս , 'ի միտ առցէ թէ գուցէ ոչ վարկաբարազի ինչ բուռն հարեալ իցէ կատարել գործ :

Ասիր ապա , սլ մարդ , զի 'ի մեծամեծս մեծամեծ վաստակոց պէտք են , քրտանց , հառաչանաց և ողեսպառ վշտաց . եթէ կամիցիս թողուլ յերկրի հետս լուսաւոր , կամ գործ , որ յաղթական իցէ նախանձու սխերիմ ժամանակին :

Մանաւանդ դու , աշակերտ Մխիթարայ , հայեաց միանգամ 'ի նախահայրն ք . տես և 'ի միտ առ թէ որպէս եկեաց նա , որպէս յաջողեցաւ 'ի գործն մեծ և կարևոր : Մեծ՝ զի արտաքոյ էր մարդկային կարողութեան : Վարևոր՝ զի առանց այնր օտարախորթեալ այժմ 'ի խաւարումս միջ տգիտութեան , թերևս և 'ի բազմաշաւիղ մանուածոյ ոլորս մոլորութեան դանդաշէիր :

Կեանք Մխիթարայ նուիրեցան միայն յայս գործ մեծ և կարևոր . կեանք Մխիթարայ լի եղէն մեծամեծ տառապանօք՝ և վասն այն մեծ է արդարև գործած Մխիթարայ և հրաշալի . մեծ է և անուռն Մխիթարայ և անմահական յերկինս 'ի քնարս հրեշտակաց , յերկրի 'ի բերան համայն տիեզերաց :

Այս որպէս հնչին արձագանգաց 'ի հարկանէն առնէ սրատասխանի , հազիւ հնչեցեալ ա-

նուն Միսիթարայ , և յամենայն սիրտս սրատկառելի ժողովոյս ձայն տան մեծարանք , բանք հիացման , հեծութիւնք հառաչանաց : Այս օրիցէ յանդուգնն այն , որ այնչափ ինչ իշխեսցէ համարել զանձն , զի ճախարակեալ բանիւք և կուտական իմնատիւ փառս և շքեղութիւն յաւելուէ համարիցի յանուն այսպիսի , յանուն Միսիթարայ :

Այլ ես՝ թէ յանդգնիմ երևել այսօր՝ի հրապարակիս , յորում ճարտարագոյնք բան զիս և պերճախօսք՝ի բեմէ աստի ունկնդրութեամբդ ձերով պատուեցան , ձերոյ ներողամտութեանդ հաւաստիք են : Այս ինձ չեն կորանաց բանք խոտովան լինել անկեղծաւոր լրջմտութեամբ զկարի յոյժ նուաստութիւն իմ բան զառաջարկութիւն բանիս :

Օր և ոչ արդեօք համարձակէի յանձն առնուլ , ո՞վ իմաստաճեմ ժողով , եթէ օտար որ էիք դուք յայնմանէ որ ինչ էքդ : Այս ակն ունիմ զի նոյն ինքն ներողամտութիւն ձեր՝ անշուշտ լրումն ածեալ անսպաճոյճ՝ իմոց բանից , նուաստախոհ բանիւք ոչ ստուերածս ինչ արկից մեծամեծար առաքինութեանց նախահօրս մերոյ : Այս ոչ կասկածեմ թէ սպարիցէ զիս մնտի ակրն կարութիւն . քանզի ներողամտութիւն անմեկին է՝ի ճշմարիտ իմաստութենէ :

Այսինքն շէր ինձ ծանօթ առեանա , որ զազնուա-
կանութիւն մարդոյ յառաքինութեանցն չափեւ և
ոչ ՚ի ծննդէնէն , համարձակէի այժմ առաջի առ-
նել առանց երկիւղի վրիպելոյ զմեծատոհմ ազ-
նուականութի նախահարց Սիսիթարայ : Օհ
՚ի սկիզբն մետասաներորդի դարուն աաղակա-
ցեալ յարիւնուուչա դարանակալութեանց հա-
զարացւոց և սկիւթացւոց , որ յաւեր յանա-
պատ դարձուցանելին զգեղեցկանիստ տուն Հայ-
կայ , ընդ Սենեքերիմայ արքայի մեծահամբաւ
աշխարհին՝ ասպուրականի ուտանիկք դաւառին
դիմեցին ՚ի խաղաղաւէան Սերաստիա , ընդ հո-
վանեաւ քրիստոսազօր կայսերաց Վաստանդու-
արօրի անվրդով կենօք քրիստոսական առաքինու-
թեանցն պատկառ կալ :

Ընդ ՚ի Սերաստիա յազնուական շառաւիղաց
անտի ՚ի կատարած կոյս եօթնևտասներորդի
դարուն եբաց Սիսիթար զաչան ՚ի լոյս արփեն-
ւոյն . ոչ յուրախութիւն միայն համօրէն ազ-
գատոհմին , որ մշտամուռնչ պաղատանօք զնորս
Սամուէլ խնդրէր յԵստուծոյ : Իրաւամբ . քան
զի նեցուկ տան և ազգատոհմին համարին զա-
ւակք արու , զոր ցայնվայր շէր հաճեցեալ Տէր
չնորհել նոցա . զի անազան շնորհն ցանկալի ևս
եղիցի :

Եւ այս մանուկ ոչ միայն համօրէն տանն
զբաւ եղև ուրախութեան , այլ և ամենայն ա-

բամեան զուակաց : Օ այս ճշգրիտ գուշակեաց
 և անուամբն , զոր յառուր նուիրելոց սպասուո-
 րութեան սեղանոց Տեառն առնոյր զանձամբ՝ զոլ
 Մխիթար տառապելոցս 'ի ստուերամիսձ վայրս
 բազմամուլար տգիտութեան :

Պարտ էր ինձ աստանօր առաջի առնել ձեզ
 զՄխիթար՝ զի բազմալատատակ և անխոնջելի
 բազկօքն բրէ և հարթէ զառապարս դժուարա-
 կոխ սառուցեալս յաստուածային սիրոյն , և տա-
 բածէ ոտից որդւոց Մքամայ արահետ պողոտայս
 'ի բերկրալից տաճար ճշմարիտ խմաստութեան :
 Պարտ էր ինձ նկարել ձեզ զպատկառելի ժողով
 ալեացն , որ մի զմիտլ ելևելս առնելին քաղցրա-
 ցուցանել զչրթունս նորա հոգեբուխ բանիւք
 աստուածայնոց մատենից տալ կերակուր քաղցե-
 լոցն թորգովեանց : Աերեցէք ինձ գոչել աստա-
 նօր . վեհ ինձ Մխիթար , որ զլրութիւն անու-
 շից բովանդակէր 'ի շրթունան՝ քան զհրաշալին
 Պղատոն . զայն , յորոյ յերկբացիկ դրունս բե-
 րանոյն մեղրածին որդնն սակաւաբեռն թի-
 կամբն զհոյզս մթերէր անուշից . որպէս հաճոյ
 թուեցաւ ասել յունական ջերմ երևակայու-
 թեան : Պարտ էր ինձ նկարել ձեզ զՄխիթար
 զի յաղթական բազկօքն յերկրէ յերկինս երկ-
 նաչու սանդուխս կանգնէ յեկեղեցւոջ հայաս-
 տանեայց , որպէս զի տարազրեալքս յերկրաւո-
 րէն յերկնաւօրն զիւրահուպ եղիցուք զբախտ :

Մ. յ. ԲՈՒՐԷ , յառաջ քան զփառսն զայն ան-

սրտիւր և մնանջենաւոր, ո՞րչափ քրտանց սարս Է նմա համբերել. ո՞րչափ խոչընդակաց լինել յաղթականն . քանի աւուրս ցաւոց անցուցանել. սակայն մի կանխեսցուք մթագնել ամբով զնշոյրս գեղաճաղիկ մանկութեան նորա :

Նոողք Սխիթարաց երկնաւորաւն առաւել քան թէ երկրաւոր լցեալ ճոխութեամբք, զայն եղին կէտ նպատակի դաստիարակութեան որդւոյն խրեանց, զի մանուկն աճեսցէ յերկիւզն Մատուծոյ, որ սկիզբն է ամենայն խմաստութեւ, Առ առաւել քան զճնողսն զնոյն ջան 'ի մտի եղեալ նորա՝ 'ի վեր երևեցոյց կանխահաս երախայրիս աստուածային սիրոյն : Առ 'ի դեռահասակ թոթովխօս բերանոյն լսելի լինելն բանք աստուածազգեցիկք, զոր ոչ միայն 'ի յիշողականին, այլ և 'ի սրտին տպաւորեալ սրահէր մանուկն հնգամեաց :

Առ իբրև այն ինչ ընդ փշալից և ընդ դժուարակոխ ճանապարհս անցանէր նախակրթութեց, վարդս բուսուցանէր անուշահոտս, և բոլորէր սրակս քաղցրանուագ երգոց 'ի գլուխ Աշխարհն երկնից, զոր 'ի տխեղծ հասակէն ընտրեաց իւր մայր և խնամակալ :

Ի մանուկն հրաշալի անմեկին էին ջանք ուսմանց յանխոնջ նահատակութենէ առաքինաւ ջան վաստակոց : Առ ոչ միայն հեռացեալ մեկուսանայր 'ի մանկական խողարկաց, այլ և իբրև զայր կատարեալ նահատակէր յասպարիզի բրիս-

տոտական խմնատու թեանն : Այլ զմարմինն , որ
անձանօթ էր տակաւին սպստամբ շարժմանց ա-
պականելոյ բնութեան , ճշդէր խիտտ խարաղ-
նազգեցութեամբ , 'ի սպառ հրաժարեալ 'ի մնոյ
և 'ի զինուոյ 'ի տասնամեայ հասակէն :

Թերեւս հիանայք , հարք սուրբք , եթէ զիարդ
'ի սիրտ փափուկ այդչափ արիութիւն : Այլ զի-
տէք խկ զի ոչ եթէ առժամեան մանկական ե-
ռանդեան դիւրանցուկ իղձք իցեն այսորիկ . այլ
զամենայն կեանն ոչ մեկնեցաւ 'ի խաչէն , յո-
րում 'ի մկրտութեանն աւուր խաչակից բւեռե-
ցաւ սիրեցելոյն իւրոյ Հիսուսի :

Ընցէք , աղաչեմ , վայր մի մտօք 'ի Մերիա .
տեսէք զի ահա ոմն մերձենայ առ նա դազտագո-
ղի : Ա'ի է նա 'ի մտերիմ բարեկամացն՝ որ ածէ
նմա շապիկս մարկեայ , և խաչք երկաթազամ
'ի լանջաց և 'ի թիկանց . զի զկարծր այծեայսն ,
զոր 'ի մանկութենէ կրէր յանձին , թեթե տան
ջանս համարեալ այնուհետև անմեղսակիր ան-
զամոցն , զերկաթազամն զայն արկանէր զան-
ձամբ . և 'ի խորս սրտին անմուռնչ բարբառով
զոչէր հանասպազ : Այլ Հիսուս , փեսայ երկնա-
ւոր , զրեցից երկաթով զսուրբ անունքո 'ի վե-
րայ մարմնոյ իմոյ , և 'ի վերայ ոսկերաց իմոց քան-
զակեցից արիւնաշաղախ տառիւք զյաղթութիւնս
քո . զի քե միայն պարծի անձն իմ :

Ինձ դանդաղելի է աստանօր յիշատակել զիա-
րազանաբախութիւնն զիշերականս , երկաւուրբք

զանձաշակ ծոմնաբահու թիմն , զծարաւի զեօթ-
նեական :

Մ. յւ բանէ , եթէ յանկարծ ընկճեցի մար-
մինն ահար յանսովոր խտամբերու թեանց , զինչ
եկեղեցի Վրխատոսի , զինչ լինիցին փառք քո 'ի
վայրսն , յորս երբեմն նախաժաման փայլէր լոյս քո .
յորս թագաւորք յարքայական զահոյից քարոզք
լինէին ծագաց ցծագս երկրի նորասքանչ փառաց
քոյ . յորմէ ժողովեցին զուարթունք զկանխա-
հաս շուշանն ծիրանեփայլ յառաջին զարդ ա-
մայի զբախտին երկնաւորի : Սակայն մի ինչ խոռ-
վեսջիք , ընդ նմա է ձեռն Տեառն , որ այսպէս
զբրխտոսական նահատակս կրթէր յընտանի
սպատերազմին , զի արխագոյն ևս հանդիսացի 'ի
փորձ օտարայն և դժուարագունից :

Իբրև այն ինչ մարթացաւ քայլափոխ քանի
մի առնել ինքնին , եցոյց թէ յոր վայր ուղղիցին
այն ընթացք , որ յաւուր միում զընթացս բազ-
մաց ուղղելոց էին յերկինս : Մ. յւ և յայնժամ
զոյզ նմին եցոյց Տէր , թէ յառաջ քան զայն ա-
մենայն մեծամեծս , ընդ փորձ ծանունց վշտաց
անցուցանելոց էր զծառայն իւր : Այս ահա երաշ-
խաւոր արտասուքն , որ ընդ փափուկ ճնօտս ման-
կանն իջանէին , և մայրակոչ բարբառն , որ
զմեծակայ լերինս Սեբաստիոյ հուկցուցանէր .
յորում 'ի ձերպս ուրեք զօղեալ Սիսիթար՝
սպասեալ մնայր աստուածապարզև հացկանն
ընդ Յովհաննու Սկրտի : Իսկ մայրն տառա-

պեալ սիրտ 'ի բերան 'ի խնդիր էր հեաոց որդւոյն : Աւ ուր թափառական շրջիս , կին դու . զնա ընդ ճանապարհն՝ որ հանէ յերկինս , և անդ գտցես զ]]խիթար :

]]խիթար 'ի տխեղծ հասակէն անմեկին էր 'ի տաճարէ Տեառն հրեշտակաց երգակից . սուղ էին նմա երկարութիւնք տուրնջեան , այլ և զգիշերս ողջոյն ընդ աիւս խառնէր . յաղօթս տեսանէին զնա աստեղք երեկոյին , յաղօթս վարդագոյն արշարոյս առաւօտուն . որով և քան զհասակն կանխեալ ժամանեալ ըղձիցն , ցանկայր փութայր հրաժարել յաշխարհական զբաղանաց , զի միայն զմիայնակ սիրելին խնդրեսցէ , զնա կալցի , մի անջատեսցի 'ի նմանէ :

Իսկ ծնողքն , թէպէտ և միամօր էր զաւակն , թէպէտ ակնկալութիւն համօրէն ազգատոհմին , ոչ խափանեցին զյօժարութիւն որդւոյն , ցանկացան նովաւ ընդ երկնից առաքել բարեկամութիւն , և այնու ազատեցաւ երկիրս Հայոց 'ի վտանգէ կալոյ մնալոյ տակաւին 'ի խաւարի տգիտութեան : Վնա , սպա , փութա Կիսիթար 'ի մենարանդ , անդ գուն գործեա նուաստացուցանել զանձն , զի այն իսկ է սքանչելի ճարտարութիւն միանալոյ ընդ Մատուծոյ , որպէս զի 'ի ծոցոյ նորա ծագեսցես մեզ արեգակն լուսատու :

]] այնպէս եղջերու փութայ առ ափն վտակին , ոչ այնպէս առու ականակիտ կոծեալ 'ի սայրս քարաժայռից ճեպրնթաց սրանայ արծաթա-

վայլ՝ թախառական ընդ դաշտս 'ի խնդիր մեծի
 հինառուրցն ուլկիանու խառնել ընդ վսեմ ալիս
 նորա և խողաղանալ անդէն, որպէս Ս'խիթար
 'ի ծանրատաղտուկ զբօսանաց աշխարհի զիմէ 'ի
 միայնանոց որբոյ՝ Աշանի Արաչին, ապաւինել 'ի
 զիրկս Ս'օր իւրոյ, որում և զմեզ գրեաց բարե-
 բաստիկ որդիս :

Աշանի աստուածանուէր մենաստանին, որ
 ասպարէզ տարածեցաւ անպարտելի առաքինու-
 թեանց նորա : Ս' տայր ինձ բան 'ի բերան և
 հանձար բաւական նկարագրել ձեզ զՍ'խիթար,
 որ մերթ ընդ ծովահանդոյն մատենից ընդ խորան
 նաւարկեալ, և աստուածաշունչ խնաստիք ա-
 կաղձեալ զմիտն, վարդապետ նստէր ճշմար-
 տութեան 'ի դեռաբոյս հասակին՝ ժողովրդոց և
 ուխտի մանկանց : Ս'երթ զսեամն մաշէր վար-
 դապետաց ժամանակին յուսումն զխտութեանց՝
 յաչաւ դեալ զամենայն ճիգն դժուարաբառնալի-
 այլաւանդ, զինորին իսկ վարդապետք օտարացեալ
 էին յայնմանէ : Ս'երթ ուղիղ վարուց վարժա-
 պետս խնդրեալ՝ հետի և բոկազնաց, անինչ և
 հիւանդաբայլ զէրինս հատանէր և զգաշտս,
 զցայգ զրտաբէկ և զտիւ տանջեալ սօթակէզ :

Ս'արտեան ընդ նմա տարերբ, գետք և ծով-
 մարտեան ընդ նմա դժուարակիր հիւանդու-
 թիւնք . մարտեաւ ընդ նմա և ինքն իսկ բան-
 սարկուն ինքնաղխմաբար աղտեղի և հայհոյա-
 կան խորհրդովք : Այլ նա իբրև զմարտիկ առա-

քինի ընդ քիրան եկեալ և ընդ ապաժոյժ 'ի վերայ փառաց Տեան՝ և յաղթական ամենայն զխմանարտութեանց հակառակորդաց, յերկնից 'ի վերուստ ընդունէր զբարբինն մրցանակին:

Ինչ երկար անմարթ էր մնալ 'ի խաւարի զերահրաշ ոգւոյն Ս'իսիթարայ, որ զամենայն տեսողս 'ի հիացումն կրթէր: Եպիսկոպոսք և վարդապետք ժամանակին յաղշտակէին զնա յիրերաց յիւրեանց աշակերտութիւն: Ընծկութիւն ժամուս խափան արկանէ ինձ յղատակել աստանօր զչարս անուանց Վ ազարայ, Ս'իբայելի, Ս'ելքիսեթայ և Բէտիքի զեպիսկոպոսաց, և զվարդապետացն Յովսէփայ և Վրիզորոյ: Ետ զովուրդք 'ի բեմէ վարդապետութեան ցանկային ունել զնա իւրեանց վարդապետ և առաջնորդ, և խուճապեցուցանէին յաստիճանն սրբութե: ԲՆԼ դու, Տէր, որ ըստ կամաց խորհրդոց քոց անօրինես զամենայն, և յամենազօր բռին ունիս զզէպս իրաց աշխարհի, յայլ ինչ սահմանեալ էիր զՍ'իսիթար:

Որ անդ 'ի վանս սրբոյ Ղըանին հնգետատանամեաց նուիրէր զանձն սպասաւոր սեղանոյն. զինի ամաց հնգից կոչեաց զնա Տէր յահաւոր աստիճան սրբոյ քահանայութեան, և յետ երկոց ամաց առնոյր զպատիւ վարդապետութեան, որ 'ի սարկաւազութենէն սկսեալ էր ուսուցիչ լինել ամենեցուն ճանապարհին երկնից: ԲՆյուհեակ համարձակադոյն ևս յաստարեզ մտանէր

արին Սիսիթար . որոյ հասակ թիկնաւէտ , ճակատ ընդարձակ մեծամեծ խորհրդոյ օթեան , աչք աշխոյժ և հանդարտահայեաց՝ ընդարձակ սրտին պատկեր անխաբելի , կերպարանք զուարթ , ձայն արի , և բարբ քաղցունք , կապէր զամենեսին ՚ի սէր իւր՝ հագիւ միանգամ ակն արկեալ ՚ի նա :

Այլ վայր մի աղաչեմ յետս ընդ կրունկն դառնալ ընդ իս , և տեսանել զգոռարին ճանապարհորդութիւնն , զոր յանձն առնոյր ՚ի Սեբաստիոյ յԱջմիածին . անդուստ ՚ի Սեան . հակիրճ՝ հատանել՝ գողցես յամենայն վանս հայաստանեայց . արհամարհեալ զդարանակալ վտանգս անհարթութեան օդոյ , զսպառնալիս գետոց և աւազակաց , զարկածս դժոխքներ հիւանդութեանց : Այս առ ինչ : — Ի խնդիր վարդապետի հոգեոր կենաց : Այլ բարէ , և ոչ գտանէր :

Ո՛հ , միւսանգամ ակն ունին քեզ այդ ճանապարհք , մշակ անխոնջելի . սակայն ոչ իբրև աշակերտի , այլ պարեալքն ՚ի բանէն առատաբաշխ մատուակ աստուածային ճոխութեանց յուսան ընդունել զքեզ :

Օ այս անձուկ սրտին յաւուր միում , օր բիւր երանութեանց արժանաւոր , հառաչանօք և հորդահոսան արտասուօք սիռէր ՚ի Սեան առաջի Տիրամօրն առ սեղանով Անահայն : Այս որչափ ՚ի դժուարագոյն ճգունս պատրաստէր Քարձ-

րեան զնահատակ իւր , այնչափ կարևորագոյն ձեռն օգնականութի կարկառեաց նմա ՚ի յերկնից : Այլ ոչ որպէս երբեմն ՚ի Վարելոն առ տեսանող իւր զոմն ՚ի զուարթնոց , այլ նոյն ինքն զՎայրն յղէր առ Սիսիթար կուսանօք երկու Կողացաւ յաստուածաբնակ տաճարին լոյս երկնաւոր , և հեզիկ բարբառ մայրենի . — Օ ինչ ինդրեա , հնչէ առ Սիսիթար : — Բայնբարբառ է առաւելութիւն զեղման սրտին :

Սինչև միսանգամ Վշխոյն երկնից ինքնին շարժեաց զվարդագոյն շրթունան , և իբրև զբազցրաձայն տախիլ խրախուսեաց զնա : — Օ ինչ կամիս . ինդրեա և տացի քեզ : — Չիք սահման պայմանի . որչափ իցէ կարողութիւն մօր Վմենակալին , ահա առաջի քո . ընտրեա զինչ և կամեսցիս : Այլ արդարև ընտրեաց Սիսիթար զարժանին : — Իմ միտք չափաւոր են . կամք նմին զուգակից . քեզ , որոյ անսահման է կարողութի , յանձն առնեմ զպէտս իմ . դու գիտես զոր պիտոյն է , և դու կարող ես տնօրինել զարժանն . ապա զայն կամիմ , զոր դու կամիս : — Այլ ընկալաւ պատասխանի . — Այլիցի քեզ , զոր ինդրեցերդ :

Սհ պատասխանի քաղցր , պատասխանի առհաւատչեաց ամենայն երանութեանց մերոց : Հնպա զօրացիր Սիսիթար , մի ինչ վհատիցիս : Արժապետ կամիս վարուց սրբութեան . և դու լիցիս վարժապետ անստերիւր առաքինութեան . դու ինքն սուրբ լիցիս և աշակերտս բազում

սրբացուցես : Տրտմեցուցանէ՞ զքեզ այն՝ զի վայրափատին է՝ ազգդ , և 'ի կործանել միտազոյն . եղիցի քեզ . դու նեցուկ լիցիս նորուն ամուլթն :
 Սհատեցուցանէ՞ զքեզ տգիտութիւն ժողովրդոց . եղիցի քեզ . դու հայր եղիցիս հարանց և վարդապետ վարդապետաց ասպաշխարութեան :
 Սարդիոստայնք անկեալ իցեն յեկեղեցւոջ հայաստանեայց . եղիցի քեզ . դու ինքն իբրև զհարսն զեղեցիկ զարդու զարդարեսցես զնա . դու ինքն փեսաւէրս անարատս սպարաստեսցես փեսային Վրիտտոսի :

ՍՎ հարք , լցաւ յայնմ աւուր Սիսիթար անպատում ինդութեամբ , զի զձեզ , ո՛վ տեսիլ բազմազուարթ , զձեզ 'ի միտս իւր տեսանէր . զվաստակս ձեր յայգւոջ Տեառն նկարէր յաչ և ուրախ լինէր : Ի նմին աւուր կանգնեցան անշարժելի սիւնք այսր շինուածոց , որ արհամարհէ զսպառնալիս դարուց բռնակալաց : Ի նմին աւուր դղրդեցան և դժոխք . քանզի 'ի միտ առին , եթէ զազնուագոյն աւար նորին կողոպտեսցէ Սիսիթար յանիրաւ ժանեացն :

Եւ վասն այնորիկ դժուարագոյն մարտս յարոյց այնուհետև 'ի վերայ , որ մարդատեացն էր 'ի սկզբանէ : Վարանակալ եղև կենացն , այլ մահահատ հանդերձք ոչ ինչ ազդեցին նմա . հազ փնասակար , և ոչ տկարացոյց զթեան կենդանութեանն . եհար զնա կուրութեամբ : Եւ յութերևս բռնաւորագոյն քան զամենայն սպառ-

բազմունան : Այն աչք որ միշտ յարարածս զարարին տեսեալ անհատ փառարանութի առաքէին . այն աչք որ ՚ի գերաշխարհիկ տեսիլս ակնկառոյց լեալ էին , տեսիլ բնութեան աներևոյթ եղև ՚ի սպառ յաչաց անտի : Այլ ընդէր փակին , Տէր , աչք Ա՛խիթարայ , և բաց են այն աչք՝ որ արժանաւոր են յաւիտենից խաւարին . այն աչք՝ որ թշնամանեն զմեծվայելութի փառաց քոյ , և զգեղեցիկ զայն քոյոց ամենաճարտար մատանցդ գործած վարեն յանարժանս :

Այլ Ա՛խիթար ոչինչ վհատի . և գոյժ լալոյ և ցաւոյ տանն համօրէն հազիւ ընդ ականջն բաղխին : Այրասպար ՚ի խիստ ցաւոյ տանջին անդամքն , մինչ զի գողանալ ՚ի նմանէ և զքուն . վայրասպար արտեանունքն բորբոքին անհանդուրժելի ցաւովք : Ազդողագոյն ևս նշողէ մտայն լոյս . որով ոչ միայն զանտեսանելիսն տեսանէր աչօք հաւատոց , այլ և շօշաիւր իմն ձեռօքն իբրև զեղեալքս . ունէր ՚ի մտի անջնջելի զխոստմունս Տիրամօրն , և ՚ի կուրութեան անդ իւրում երգէր զփառս նորա : Այլ որպէս հաւատայրն , ընդունէր միւսանդամ զլոյսն աչաց , որ բանալոց էր զաչս բազմաց խաւարելոց ՚ի յաւիտենական լուսոյն :

Ի գերևս եղևն և այս մեքենաւորութիւնք բանտարկուին : Ասկայն նա անխոնջելի ՚ի մարտս իւր : Վանդի նա լաւ ևս քան զմեզ ճանաչէ՝ եթէ որչափ ծանրագնի իցեմք : Այլ վասն այնորիկ մի

Համարիցիք թէ մինչև ցայս վայր իցեն դաւաճանութիւնք նորա . թէ մինչև ց յատակն արբեալ իցէ Սխիթար զբաժակն դառնութեան վշտաց : Սէծ ևս նահատակութիւնք կան նորա առաջի :

Տեսաք զփորձ վշտաց Սխիթարայ , որով Հանդէս արար աստուածային սիրոյն : Ըս սէր Ըստուծոյ նուիրէր զմարտութի մարմնոյն , և տանջէր զնա խիստ խոշտանդանօք . առ սիրոյ նորին յաչս զնէր զամենայն անձկութիւնս դժուարին ճանապարհորդութեանց . զանձուկ սէր սրտին ցուցանէր 'ի համբերատար հիւանդութիւնն . զսէր Ըստուծոյ քարոզէին աներկիւզ բանք նորա անդ 'ի Վիպրոս ընդդէմ հայհոյիչ բերանաց աստուածամարտիցն : Ըս յս ամենայն դժուարին առաքինութիւնք , սակայն ոչ օտարոտի և նորագործ : Գժուարին այն՝ զհանձար մտաց նուիրել Ըստուծոյ , զայն՝ որոյ վասն ոչ մարդիկ միայն մահկանացու , աւանդ , այլ և գերազոյնն արարածոց Ըստուծոյ ըմբոստացեալ զնաց վտարանդի յերեսաց Տեառն :

Սակայն Սխիթար ոչ սրովլէական և եթ վառեալ էր բոցով սիրոյն , այլ և քերովլէից հանդոյն՝ հանգիստ լեալ էր Գարձրելոյն . արկ պատուանդան ոտից նորին ինքնանուէր զայն , զոր յառատաբաշխ սրբղևացն Ըստուծոյ ընկալեալ էր : Գիտեմ զի վաղ քան զիս կանխեցիք ժամանեցիք դուք 'ի սենեակ Սխիթարայ յիւր սիրելի վանս՝ Աշանին սրբոյ . տեսարան անթառամ փառաց նորա :

Գարձ առնէ 'ի հոգեկեցոյց քարոզութենէ 'ի լուծիւն սենեկին , խնդրէ Սխիթար զմատեանն և զվարդապետութիւնս բանին Մատուծոյ , զոր մթերեալ էր ինքնին յանդատանայ աստուածաշունչ տառից և սրբոց հարց' յուղութիւն վարուց բարեաց և 'ի զգաստութիւն մանկաւոյն յերկիւղն Մատուծոյ : Մտալողով մտօր ծանեաւ եթէ բարխատեաց նախանձ , որ զկեղեքիչ ժանիսն սրէ ընդդէմ ամենայնի , որ լաւագոյն իցէ յաշխարհի , յախշտակեալ է զայն ամենայն : Եւ ծուխ անօրէնութեան կալեալ զաչս Դառուկայ ուրումն՝ անուամբ և եթ կրօնաւորելոյ , յանդուգն լրբութեամբ մատչի առ նա անսրատկառն և քրքիջ դիւական արձակէ : — Եւ 'ի հուր ետու զամենայն , զի փախիցէ հոգին :

Քստմնեցոյց հայհոյութիւն զՍխիթար , այլ ոչ եբաց բերան : Սվ արիութիւն անուարտելի : Եւ այնու արիութեամբ զնորոյ ազգատոհմիս ժառանգեաց զհայրապետութիւնս Քարէ առաքինութեանն . կատարող աստուածահրամանս պատուիրանին չարհամարհելոյ զեղբայրն , այլ մանաւանդ սիրելոյ զչարարարն և ոռնելոյ զնոսա 'ի լաւագոյն բարեկամաց համարի . և ոչ զգոյն դիմացն այլսոխտեաց . և զսէր եղբայրական առաւել և ս այնուհետեւ շուայլեաց 'ի նա :

Մյլ աւանդ , մեծի խմիբ ցանկայր Սխիթար , որ 'ի միում նուազի ջրասոյղ կորստեամբ ամե-

նայն երկասիրութեանց իւրոց առ Սեւիտաւ 'ի զարնանազայրն Սեւա շահեալ էր զիւեանս սիրելոյն իւրոց () ոչնանու վարդապետի , և միւս անգամ յանուանեալ Վարմիր վանսն Վարնոյ աւար ճոխ , զոր տկարացան պատճառաբանութիւնքն , համբերութիւն նորա յափշտակէր 'ի հաղբից մնորութեան զՎրիզոր եպիսկոպոս բարեկամ իւր և ճշմարտութեան՝ իբրև լուջ զէմն ցուցանէր բռնցի կոփահարութեանց նորա : Եւ սոքիկ սովորական յաղթանակք էին Սիսիթարայ , յաղթանակ պերճ . որում ականատես եղև և կղզեակն՝ տեղի քառասնօրեայ զգուշութեան կասկածաւորելոց 'ի ժանտախտէ՝ մերձաւոր մեզ . մինչ դեռ ընդ վրէժինդրութեան՝ հաց տայր թշնամոյն իւրոյ և հանդերձ յօտար միայնութեանն . և զբոց սիրոյ ճշմարտութեան՝ փոխանակ կայծականց հրոյ՝ կուտէր 'ի սրտինորա : Եւ աւանդ , զայս նուազ վրիպեցաւ 'ի ցանկութեանն Սիսիթար , և երկինք ինքնին յարեան նմին վրէժինդիր :

Արպէս ըմբիշ արի յետ երկայնժամանակեայ կրթութեանց 'ի վարժս արուեստին , և յամբութիւն ջղացն և ոսկերաց և 'ի պնդութիւն զիւրաշարժ անդամոցն , մատչի ապա յասարեզն ձայն տալ հակառակորդին . այսպէս և Սիսիթար 'ի կրթարան մենարանաց զօրացեալ 'ի գժուարին արուեստ առաքինաջան քարոզութեց , զիմէր 'ի քաղաքս և 'ի զիւզս վարդապետ և ա-

ուաջնորդ երկնաւոր հանդիսից : Առաջեցանք
քաղաքք քարոզութեանց նորա . կարճատեցան
հեռաւորութիւնք ճանապարհաց անվաստակ ըն-
թացից նորա . և համբաւ աւետարանին խաղա-
ղութեան հնէէր ընդ ամենայն սահմանս Հայոց :

Բստանօր դու ընդ իմ խօսեաց , եկեղեցի
Վրիստօսի . բաց զբերանքո , որ 'ի յաղթա-
նակս քո 'ի համար արկանես զբազում անզեղծս
'ի մեղաւորաց՝ բանիւ նորա յանձին բերեալ կը-
րօնս սրբութեան . բազում մտորականս 'ի ծոցոյ
քումնէ՝ դարձեալս առ քեզ . վարդապետք և ե-
պիսկոպոսք դիմեն 'ի գիրկս քո 'ի յորդոր բանի
բերանոյ նորա : Բայ և դժոխք խօսեսցին , յորոյ
'ի ժանեացն քաղաքս և գիւղս ողջոյն յափշտա-
կեաց Մխիթար , ո՞վ շքեղ կողոպուտ . քանզի
չիք ազգողագոյն գովութիւն յաղթականին քան
զգայրոյթս թշնամոյն :

Վաղցր է ինձ աստանօր յուշ ածել և զքեզ
քաղաք ծննդեան իմոյ , խորխոզ Վիւզանդիոն ,
որ յառաջնոց եղեր ունկնդրաց աստուածալուր
պատգամաց 'ի բերանոյն Մխիթարայ . զքեզ
նախ պատուեաց նա . 'ի քեզ կամեցաւ հաստա-
տել զայս ուխտ . ուխտ՝ որ տեսիլ եղեալ է հրեշ-
տակաց , մարդկան և դիւաց . զորոյ արդ ոչ դու
միայն , այլ և համօրէն ազգ հայկաճին ճաշակէ
զպտուղն քաղցրութեան : Բայ եղունկ , ոչ ծա-
նեար զփառս քո . և որ եկեալ էր ճոխացուցա-
նել զքեզ նորագործ ճոխութիւնք , և քան զյաղ-

Թական հիմնադիր քո զեղեցիկ ևս պերճացուցանել զբեզ, դու իբրև զմայր օտարախորթ վըտարանդի մերժեցեր զնա 'ի ծոցոյ բումմէ :

Մ. յլ չե 'ի դուրս ելեալ 'ի քաղաքէ աստի, տեսիլ հրաշալի յաչս իմ հարկանի : Յանդաստակս եկեղեցւոյն շոինդն իմն հարկանի, և Սըխիթար յախշտակեալ 'ի սեղանոյ Տեառն զխաղաղարար նշան իաչին, և իբրև զկայծակն Թուռնի առ նոսա . սաստէ ամպարշտաց ոմանց որդւոց Քելիարայ, որ սպառնային խռով հարկանել իաղաղաւէտ եկեղեցւոյն Մատուծոյ :

Մոր Մհարոն՝ սրբութեան զինուոն անջրպետ կացեալ ընդդէմ սաստանայական դաւաճանութեանցն, ինքնին արտոնէշ ապաւինի կանգնի անձամբն եկեղեցւոյն Քրիստոսի : Տեսիլ՝ արժանի աչաց հրեշտակաց : — Օհ խռովեալ էք, եղբարք . մեղապարտս ինդդէք, ահաւասիկ ես չեմ ես օտար 'ի նոցանէ, որոց բանտս սպառնայք և կոչկոճանս : Մ. յլ թէ արդարութիւն կամիք, ահաւասիկ իաղաղարարս տիեզերաց, որ ժառանգս եթող զմեզ իաղաղութեանն, զոր յերկնից առ մեզ եբեր . նա է արդարութիւն մեր . նուրա ոչ միայն կոչեսցուք, այլ և եղիցուք որդիք Մատուծոյ :

Մ. գաւազանն բազմարուեստ 'ի ձեռին Սըխիթարայ գետս արտասուաց ապաշխարութեան գնացոյց յապառաժացեալ սրտից նոցա . և ցածոց զալիս եղբայրազրաւ բարկութեանն : Ս. :

Եթէ Մխիթարք բազումք էին 'ի ժամուն, ոչ այսպէս դառնաղէտ այրիացեալ տեսանէի արդ զքեզ, երկիր հայրենեաց խնց, երկիր բազմապատիկ յիշատակաց :

Սակայն ընդէր, հայր. երբ 'ի կատարումն ածցեա զխորհուրդն մեծ և կարևոր, զոր ազգեաց և խոստացաւ քեզ Տիրամայրն : Ոչ տեսանես զի անթիւ պէտք սպասաւորութեան եկեղեցւոյ. և ո՞քան զքեզ քաջահասնձար 'ի հնարան : Թորչ նամիք Տեառն ոյժ առնուն տակաւ, և ծովացին ընդ ամենայն. հակառակամարտ բանակաց պէտք են. ո՞քան զքեզ արի զօրավար :

Եւ արդարեւ ձայն ետ Մխիթար, և ահա բանք նորա նոր աշխոյժս արութեան վառեն 'ի սիրտ իւրոց ունկնդրաց : Եւ որ թողու լքանէ զմթերս ընչիցն. է որ ուծացեալ գաղթի փախըստեաց յազգատոհմէն. է որ մոռանայ զխօսեցեալն իւր, զտուն, զհայրենիս. արհամարհէ լղհանգիստ մարմնոյ և զամենայն դիւրութիւն, և դիմեն զան առ նա զրիլ ախոյեանն դրանց դժոխոց : Ոչ բանք Մխիթարայ արձագանգք իցեն երանաւէտ վարդապետութեանցն, որով յատուածախօս բանա իւր խրախուսէր զմեզ Փրկկիչն յեզերաց ծովուն գալիլիացւոց 'ի վեր հրաւիրեալ յար երկնից՝ լինել նմանող հօր իւրոյ և մեր :

Եւ եր ծովք 'ի ճակատուն. ոչ այսմ ցանկայր՝ զունդ կազմել արի արանց, և նորօք

Հանդերձ գործ գործել 'ի վերայ փառաց անուան
 Ի մենակալին : Աւարդ Հիմ գուռն 'ի գրանն : 'ի
 ինդիր է իմիք , և մերժի յամենեցունց : — ԲՏա ,
 ասէ , ժողովարի զօրահանաց , այլ զօրավար չիք 'ի
 միջի : — Օրավար չիք 'ի միջի : — Առ ինքն
 նոցա զօրավար . դու ճահատայարդար . դու ա-
 ռաջնորդ նոցա 'ի նոր աշխարհակալութիւն վեհ
 քան զՄակեդոնացին զայն՝ յիշատակ դարուց :
 Ինդարձակութիւն տէրութեան քո նախանձ
 արկցէ ընթացից արփուոյն . ասպատակք քո 'ի
 Վանդիսէ մինչև 'ի Տիբերիս , 'ի խրոխան Տա-
 մեսեայ մինչև 'ի Ալեքոս : Ի զուր վճատեցու-
 ցանէն զքեզ յաստուածազգեցիկ խորհրդոցդ
 Խաչատուր վարդապետ և եպիսկոպոսն Սար-
 գար . չիք 'ի նոսա Հոգի Բնութոյ . չէն նոքա
 խորհրդազգածք կամաց Բարձրելոյն . զի վարա-
 նին միտք քո : Ի վերայ ամենայն քրտանցդ և
 վաստակոցդ՝ ահա քեզ տրիտուր փոխարինին :

Իցէ թէ տրիտուր փոխարինին . այլ նա հա-
 լածական վտարանդի , և եթէ չէր Տեառն զօ-
 րութեանց կալեալ զաչս ինդրակաց նորին , որ
 յայլակերպս ընդ սրողտայս Բիւզանդիոյ խու-
 ճապէին զինի շաւղաց նորա , այժմ 'ի դերև ե-
 լեալ էին նամակնկալութիւնք քո , եկեղեցի հայաս-
 տանեայց : — Փախիր , ապա , փախիր , Սիսի-
 թար , 'ի մարդադաւ ափանց այսի . առաքինու-
 թեց քոց անմարթ է յարկակից լինել զեղծմանց
 աւուրցն : Աւարհա Սիսիթար ամենայն հակա-

ուակ խոչընդակաց յաղթականն . արհամարհէ զամենայն մուրացիկ նմանութիւնս . ընթանայ ընդ ճանապարհ անկոխ 'ի մարդկանէ :

Յախշտակեաց զնա Տէր 'ի բարկաճնցթ ցասմանէ ամպարշտաց , յերկնասաստ և 'ի մրկաղից կատաղութենէ ալեաց , ած կացոյց 'ի Պեղաբանես . ընդ հովանեաւ թևատարած առիւծու սրբոյն Սարկոսի . անդ բացաւ առաջի նորա ճանապարհ ընդարձակ 'ի կատար փառաց : Ղարձոյց զաչն յամնն առաջինս , յորժամ բարգաւաճեալ պերճանայր Ղարարտտ ամենայն բարեղարդութեամբք . և ետես զի անհնարին է մեկնել 'ի միմեանց զաստուածսրաշտութիւն և զգիտութիւն . և զայս արտասուօք ուսուցանելին նմս դարբ համօրէն մերոյ պատմութիւն : Ղարձոյց զկորովարիբ աչն և յամնն՝ որ զկնի զալոյ էին . և հառաչէր սիրան հայրենասէր : Ղարբ խաւարային . տեսիլաղէտալի , յորում ինքնահաճոյ կամբ զաստուածսիրութեան փոխանակելոյ էին զտեղի . մտացածին առասպելք՝ զգիտութեանց : Ղարկառեաց զբազուկն , և զգարնն անցեալս բաժանեաց 'ի զարուց ապագայից . օրէնս եղ նոցին , և եկաց անաստան 'ի միջի :

Օսոյն խորհեցան երբեմն և Ղերսիսեանք և Սահակեանք և անուահն Սեսրուլս . այլ Տէր զՍիթար սահմանեալ էր յարդիւնս մեծի գործոյն և կարևորագունի : Մհ , թոյլ տուք ինձ հառաչել աստանօր հառաչանս արդարացի :

Յորմէ հետէ փակեցան զրախտին ցանկալի զըրունք ընդդէմ որդւոյն Այրարատայ, անարգասաւոր եղէն բարեհամ ջուրք Այրատայ 'ի բարգաւաճանս ծառոյն զխառթեան և կենաց . այլ աստեղս ընտրեցին ծառքն սքանդխտացեալք , և 'ի նժդեհութեան գաւառսն ըս և ս ուռճացան , եթէ այսպէս ներէք ինձ ասել , քան 'ի բնկանն : Աորագործ սքանչելիք են ձեռնն Տեառն , զի ուր ամենայն տունկք արուզանան ընդ օտար երկնիւք , այս տունկ բարգաւաճէ և աճունաճից բարունակս 'ի վեր առաքէ :

Օ արտուղի ընթանային շաւիղք յուղիղ սղոզոտայէ հաւատոց սրբութեան . ինքնակամ կըրծոք զրահետ վարէին զուամիկն և զդպիր . վարժոցք խաթարեալք . և փոշելիցք յանկեան ուրեք 'ի մոռացօնս մատնեալք վաստակք հարցն մերոց . զայս ամենայն ետես Ս'իթիթար և խորհեցաւ . և յետս ընդ կրունկն դարձան բարենշան աւուրք Այրարատայ : Ի մեռելութենէ 'ի նոր կենդանութի անմահացան բազմախաստակ հոյք հարանց մերոց . նորանոր անկապտելի ձօխութիւնք նախանձելի յօրինեցին զազգ մեր ազգաց օտարաց :

Վուք ինքնին վկայք բանիս , ո՛վ ժողով անխոնջելի խմաստնոց , որ նահատակիք 'ի վերայ խորհրդոց հօրն ձերոյ : Վուք երաշխաւոր ընտիր ձեմարանք խմաստնոյն Աբրուպայ , յորոց ոմանք ցանկացեալ և 'ի դերուս ելիք յակնկալու

Թե՛նէ՛ ձերմէ՛ կաճառորդս ունել ձեզ զորդիս
 Սիսիթարայ . այլք սլարծիբ նորօք իբրու սա-
 տուահանագոյն զարդուք կաճառաց ձերոց ,
 Ղուք մատեանք և օրագիրք ուսումնականք,
 դուք սուէք լեզու և բարբառեցարուք 'ի հաւա-
 տարմութիւն բանիցս , որ կըռէք արդարադատ
 զգովութեանց տոկոսիս զորդւոց Սիսիթարայ :
 Լյս ամենայն արդասիք են ուղղատես խորհրդոց
 հօրն մերոյ , այս ամենայն ստուղք անընկձե-
 լի արութեան նորա 'ի բազմածուփ ալիս վշտաց :

Սիսիթար անդ 'ի Պեղոսոնես իբրև զհրեշ-
 տակ Լստուծոյ եղև ընդունելի . մեծամեծք և
 փոքունք սքանչացեալ ընդ անմեղկելի առաքի-
 նութիւնսն՝ ցանկային բարեկամութեան նորա .
 և գանձ բազմաձոխ համարելին եթէ հանդիպե-
 ին միայն այնմ : Լնդ ետուն նմա , և իւրոյն տե-
 ղի բնակութեան . սարգևեցին գիւղս և ան-
 դաստանս . այլ ձեռին մշակութեան կարօտ : Լյ-
 վասն այնորիկ ջբաւորութի յառժամայն կարևո-
 լաց 'ի սանդխտութեան վայրսն տառապէր
 զՍիսիթար , և սրայմանեալ հարկ 'ի վերայ կայր
 նորա կառուցանել զշինուածն սակեալ :

Սակայն անձկութիւնք զրդիս են մեծամեծ
 ոգւոց 'ի մեծամեծ արութիւնս . և ո՛չ լէք
 զչառախն կռածոյ փողոց , և զԹնդիւն հրազէն
 անօթոց , որ անդ 'ի Սթոն զօղս հնչեցուցա-
 նեն : Լնդանօր Սիսիթար մեծահանդէս փառօք
 յամին 1706 արկ զհիմն մենաստանին իւրոյ . օր

յիշատակաց արժանի . որ ցաւոց տարտարոսա-
ղէն բանակաց և գործակցաց նոցա :

Մյուսհետեւ կարգեաց Մխիթար զմենաս-
տան իւր բոյն , յորում 'ի մի միաբանեաց զաղա-
նին միամիտ և զօճն խորագէտ . և քանզի ոչ կա-
մեցաւ Տէր բաժանել 'ի միմեանց զսրբութիւն
և զգիտութիւն , 'ի մի լծորդեաց զնոսին և Մխի-
թար : Քանզի կարի իսկ հեռի էին 'ի մտաց
նորա այն թիւր խորհուրդք՝ եթէ սրբութիւն 'ի
տգիտութեան իցէ բազում մասամբք . և համա-
րէր թէ ախաբ միայն են փուշքն , յորս ոչ դնէ
գիտութիւն զբոյն իւր . և ճարտար գիտէր թէ
յանհնարիցն է քաջ ևս զիպեցուցանել 'ի նպա-
տակն այնմ , որ 'ի մթան արձակիցէ զնեա յաղե-
ղանէ , քան զոր արձակեսցէ 'ի լոյս սպայծառ մի-
ջօրէի : Հաստատեաց Մխիթար ճեմարան սրբ-
բութեան և իմաստութեան . և անձանձրոյթ
վարժապետն ուղղութեան վարուց և ուսման
գիտութեանց , ինքնին դաս ասէր իւրոց որդւոցն
քան թէ աշակերտելոյ :

Մտանօր ցանկայի զի մի ոմն յաշակերտաց նո-
րա , որ բազում էին և մեծահամբաւք , ընդ իմ
պատմէր իմաստասէր կաճառիս , թէ որպէս ճիշ-
դըրտաբան 'ի խօսան , պարզ 'ի բացատրութիւնն ,
ինքնազարդ պաճուճաբան յիմաստան , անսպ-
թար 'ի դժուարիման : Մյլ փոխանակ բանից
նոցա՝ վարք նոցին և գործք մեզ անտերիւր առ-
հաւատչեայք . որք մտեալ յաշակերտութի նո-

րա անգէտք ամենեւին հեզե՛նայից իսկ լեզուիս , կատարեալ վարդապետք ապա սարսուռորե՛ին բանին 'ի քաղաքս քաղաքս , զորոց քահանայք և ժողովուրդք՝ անյազ ունկնդիրք՝ 'ի ինդիր էին ժողովել զճաղիկս շրթանցնս : 'Վառք հասէք վկայք բանիցս , դուք՝ Սերտին , Վաղատիա , Արդոկիա , Արտանդնուպօլիս , Աբաստիա , այլուքն հանդերձ , յորոց պարիսպսն հնչեն տակաւին փառաւոր անուանք աշակերտաց Սիսիթարայ : Այլ միմնայր ոխերիմ թշնամին , և զյետին ճիզն թափեալ ընկճել զարիութիւն Սիսիթարայ , զպետութիւն ընդ պետութեան զրգռէր , զի ընդ փլատակօքն ճմլեացէ և զնա ինքն , և վճիռ աւրասցէ իրացն ամենայնի :

Առ քանզի մտադիւր ունկնդրութիւն , զոր ընթեռնում 'ի դէմն իմաստուն ակմբիս , քաջալերէ զիս 'ի բանս , աղաչեմ վայր մի զմտաւ ածել թէ յամենայն կեանս Սիսիթարայ՝ յայնժամ առաւել դժուարակուուելի մարտս մղեաց ընդ նմս թշնամին , յորժամ ետես զնա մտադիւրագոյն 'ի ջանս ուսմանց : Տանջէր զնա 'ի ձեռն Սիբայելի եպիսկոպոսին , և հար դժուարին հիւանդութեամբք , զրգռեաց զՎատուկ , և զամենայն փաղանգս հալածչաց 'ի քաղաքս քաղաքս մղէր ընդդէմ , յորժամ ժողովէին առ նա քաղցեալքն իմաստից . և այժմ ջանայ հնարի 'ի կորկորձանել զվարժարանն նորակառոյց :

Առ ընդ այս մի զարմանայք . զի և դուք իսկ ,

նի Հարբ սուրբբ , վասն այն թշնամանիբ , զի
խնաստութիւն ձեր զէնք են , որ հիմն 'ի վեր տա
սրալէն զբնասկարութիւն գոթոց : Օ ի եթէ
վարժարանք Մխիթարայ լռէին , ո՞ յամօթ առ
նէր զանպատկառ հերձուածողն . եթէ վարժա-
րանք Մխիթարայ լռէին , ո՞ սանձ արկանէր ան-
դուն բերանոց սոխաց եկեղեցւոյն Վրիստո-
սի . եթէ վարժարանք Մխիթարայ լռէին , ո՞
զպարզամիտ տգէտն ածէր յուղիղ պողոտայն . ո՞
այսչափ մանկունս , ընդարձակ ակնկալութիւնս
եկեղեցւոյ և հայրենեաց , ո՞ պատրաստէր ծա-
ռայս Ղստուծոյ և փառաւորիչս անուան նորս ,
և անուանցն՝ զորոց երախտագէտ սրտիւ գովէն
նորս անլռելի զանզուգականն հայրենասիրու-
թիւն : Այ վասն այսորիկ զամենայն ինչ վեր 'ի
վայր առնէին գոթիք բնաջինջ առնել զձեռա-
կերտ Մխիթարայ :

Բարէ , գոռոզ խելք նաւայ մահմետականաց
ահա զարգարեալ յաղթողական ստակօք խրոխ-
տըս պատառեն զփրփրադէզ ալիս և մրմռեալ
զիմեն 'ի Պեղոպոնես : Բնդդէմ տասն բիւրուց
զազանաց զայրացելոց տկարացաւ մանչիւն վե-
հապանձ առիւծուն Մարկոսի :

Թուէր իմն թէ ծափս ծափի հարկանիցէ Բե-
լիար 'ի վերայ սպառսպուռ կործանման հօրս
մերոյ : Իսկ նա անլրդով ամենեւին ժողովէ
զիւրան 'ի տաճար Տեառն յոտս սրբոյ Արսին .
աղաչանս սրտառուչս առ նա առաքէ 'ի խորոց

սրտին . դառնայ առ որդիսն . — Ս'ի ինչ վճատիք . բռնիւնք սպառնալեաց զսիրտս վատթարս ընդ-
 ոստուցանիցեն . արիացիք դուք խարսխեալք
 յՄատուած . ահա մայր մեր ամենեցուն , առ նա . . .
 — Այ գելուին բանք 'ի բերան նորա : Ընկա
 զպարանոցաւ միոյ միոյ , ետ նոցա զճամբոյրն
 հայրենի , և պերճախօս լուծեամբ և բազմի-
 մնատ արտասուօքն մեկնեցաւ 'ի գրկաց զաւա-
 կացն , որպէս հոգի մեկնիցի 'ի մարմնոյ :

Ըրհամարհեաց միւսանգամ զպարանոսկալու-
 թիս խարուսիկ տարերն . լաստախայտ մի և և էթ
 հնտաի գտաւ 'ի նաւահանգստին . հարկ էր մը-
 տանել 'ի նա . աւուրք գարնայնոյ սպառնալիցք .
 այլ նա որչափ ուժգին իցեն վտանգք , այնչափ
 աներկևանութիւն ցուցանէ յանձին : Պարտ ինչ
 էր զի այսչափ ծանրագնի վնէկն բարերարու-
 թիք շնորհեալք քեզ 'ի Ս'ի թարայ , ո՛վ ազգ
 հայկածին : Ընամհ տէր , աջ քո հսկեսցէ 'ի
 վերաց նորա . ո՛վ հրեշտակք Մատուծոյ , պահ
 կարարութ շուրջ զնովաւ աներևոյթ բանակաւ
 ձերով , և դուք անխտանգ առաջնորդեցէք յան-
 քոյթն նաւահանգիստ այդմ լաստախայտի , քան
 զոր հրաշարի նաւ չեն տեսեալ ծովք :

Այ արդարև ձեռն Տեառն անմեկին 'ի հօ-
 տապետէն և 'ի հօտէ նորա , խուճապեցոյց 'ի
 միջոյ շկահեղոց սուսերաց բարբարոսաց , որ միշտ
 ոխերխմ գտան բախտին հայոց , և 'ի հեղեղաց
 արեանց : Ո՛վ պէտ և զսեղանակապուտ ձեռնն

արձակեցին 'ի վերայ զառանցն անմեղաց , այլ աջ Տեառն փրկեաց զնոսա , և աժ կացոյց և սրատսարեցոյց յայս կղզեակ աներկեան , զոր ընդ առաքինութեանց իւրոց եթող մեզ 'ի ժառանգութիւն հայրս մեր : Դառանգութի ճոխ , ոչ սպականացու սերձացեալ ոսկեղինօք կամ արծաթեղինօք . այլ քան զամենայն ինչ ցանկալի հայրասէր սրտից :

Չիք տեղի 'ի սմա՝ որ ոչ առաջի նկարեցեմեզ զառաքինութիւնս հօրն մերոյ . յեկեղեցւոջ կենդանի ոսկերք նորա աղերս արկանեն վասն մեր առաջի Տեառն և Տիրամօր կուսին . սենեակն քարոզէ զգաղտնի առաքինութիւնսն . որմք հնչեն տակաւին զարձագանգս ձաղկանայ նորա , զոր ճարտարահար սէր աշակերտացն հազիւ մարթացաւ զողանալ 'ի դժուարին անկողնոյ յետին հիւանդութեն . վարժոցք պատկառանս ազգեն . անդուստ հայրս մեր բանիւն և օրինակաւ ուսուցիչ լինէր դիտութեանց և առաքինութեանց : Ե՛հ , մի առ մի քարինքն եթէ առնուին լեզու՝ զանյողղողդ արիութիւն ոգւոյ նորա քարոզէին , որ ոչ յընդդիմակաց վճատէր և ոչ 'ի դարանակալաց երկնչէր :

Վերեցէք ինձ Ենտոն և Գասիղիտոս , Բենեդիկտոս , Գամինիկոս , Բեռնարդոս , Փրանկիսկոս , Բրունան և Հռոմուալտոս , և դասք անաստաւորաց , որովք միանգամ պանծային արիւնք Վեղոսի և հովանաւոր անասաք Վիտրիոյ . ներեցէք

էթէ հրաշարի ևս զրեմ ես զՄխիթար քան
զձեզ: Բայ՝ մարտեայք և դուք ընդդէմ ախտից
չարաժամ դարուցն. այլ սէր առաքինութեան ոչ
բնառ շիջանի 'ի սպառ յամենայն մահացու սրբ-
տից առհասարակ, այսպէս անօրինեալ՝ բարե-
խնամ աջոյ Վարձրերոյն. այլ ջահ առաքինութեց
ձերոց 'ի միջի համազգեաց փայլեալ յորդորա-
միտս առնէր սատար օգնականութեան լինել թէ
ոչ զամենեւեան, զոնեայ զբազումս, զոնեայ զո-
մանս՝ 'ի յառաջադէմ բարգաւաճանս խորհրդոց
ձերոց:

Իսկ Մխիթար հեռի յիւրոցն. 'ի միջի այլա-
լէզու ժողովրդոց. անձանօթ ամենայն ումեք.
ամայի յամենայն մարդկային օգնականութենէ,
ընկեր նմա և զօրավիզն Բստուած և արիութի
իւր աննուաճելի: Վրովն կանգնեաց միւսանգամ.
նովն բարգաւաճեցոյց, և նովն յանձնեաց մեզ
պահել անասան զայս իւր ձեռակերտ: Բայ
բարէ, միւսանգամ յառնէ սատանայ բանակօք
իւրովք, և մարդիկ՝ ախտի նախանձու՝ կործա-
նել զայն: — Մի վանմիտք, ո՞ ժպրհեցի խախտել
զվէմն, զոր արկ ամենակարող ձեռն Բստուծոյ:

Փուրջիչք ամբաստանութե կուտին զՄխի-
թարայ: Եւ առ ո՞ն — Բն քահանայապետն հոռլ
մայ Աղեմէս Ֆ. որ վեց ամօք յառաջ յորդո-
րէր զախոյանն հաւատոց ուղղափառութեան բա-
ջալերիլ 'ի սպասաւորութիւնն առաջարկեալ, և
պարզեօք և գովութեամբ և անուամբ պատուոց

մեծարէր զնա : Իսկ ամբաստանողքն ոյք . ան-
 հաւանոր արդեօք , հերետիկոսք , աշխարհասէրք ,
 Լղուկ զիս . ՚ի խորհել իմուամ հէրք իմ զիզա-
 նին , և սրաղ յերակս իմ զնայ : Ըմանէմ ասել ,
 զի մի ածից արհամարհանս ոչ միայն բրիտանեայ
 անուան , այլ և ուխտին սրբութեան : Վաճա-
 նայք ոմանք արկեալ զանձամբ զպատրուակ նա-
 խանձու բարեաց անդրու վար լինին բանասար-
 կուին , յաճախեն բարդեն բարուքս ամբաստա-
 նութեանց ՚ի վերայ Սիսիթարայ :

Հալածեցին զնա և այլափառք . զիտէք զհրո-
 վարաակն արբունի , զոր եհան Եփրեմ հակա-
 ոակ Սիսիթարայ . յիշէք զխորամանկ դաւա-
 ճանութիւնսն Ըլետիքի ՚ի ձեռս բերել զՍիսի-
 թար . շէք մոռացեալ , զի մինչև ՚ի Օմիւռնէ
 հասին արձագանգք աղաղակի կատաղութեան
 նոցա և խուճապեցին զՍիսիթար ձեպ ՚ի ձեպոց
 ՚ի թագստենէն փախչել մազապուրծ : Ըյլ այն
 փառք էին նմա , այս՝ խոց անդարմանելի :

Ըյլ յապիտի իմն կուտեն բաղբաղայս , որ անհա-
 մարձակելի պարտ էր ՚ի բամբաստղացն գոլ , և
 անհաւատարիմ դատաւորաց . այլոյ իրիք ամբաս-
 տանութեան թերևս էր տեղի : Որպէս . որ անդ
 ՚ի հայրենիսն անցողղողղ արութեամբ քարոզէր
 զճմարտութիւն՝ համբերեալ խոշտանգանաց և
 արհամարհանաց . վասն նորա առ ոտն կոխեալ
 զամենայն անցաւոր փառս , որով հրապուրել
 զնա կամէին . վասն նորա պանդուխտ վտարան .

զի 'ի հայրենեացն . և այժմ 'ի խողաղութեանս
ստերիւրեալ իցէ 'ի ճշմարտութենէ անտի :

Մ. յԼ չեն ինչ զանամնք . զի ուր չարութեանս
պարտ էր խորամանկ գոլ , բազում այն է զի ան-
մտանայ առ իւրոյ չարի , որպէս զի լուսաւոր ևս
ճառագայթեցէ նոյլ ճշմարտութեանս : Մ. ա-
ռաքինութիւն անփորձ , որ թերևս մնայր ան-
ճանօթ , ընդ հարուածովք յաչաղանայ փայլէ
իբրև զոսկի :

Մ. զէ , զիտիցէք դուք զանուանս նախանձո-
տացն Ս'իսիթարայ . խաւար մոռացութեան կա-
լեալ է զնոսա : Իսկ Ս'իսիթար ոչ միայն նա-
խանձորդացն և հարածչաց յաղթական , այլ և
'ի միջոյ ծանրաբեռն ամնայ 'ի վեր ամբառնայ
զգլուխ իւր վսեմն , և անուանս տայ դարուց-
կանգնեալ կայ վեհ , մեծապատիւ , միայնակ ,
որպէս 'ի լութեան և յընդարձակութեանս ա-
նասպատին բուրգնն վիթխարի 'ի վեր ամբառնայ
զանընկճելի գաղաթնն :

Օ այս ճակատագիր եթող և ձեզ 'ի ժառան-
գութիւն հայրն ձեր , ո՛վ ճշմարիտ որդիք Ս'իսի-
թարայ : Մ. յԼ եթէ անմեղութիւն զինուորեցէ
զմերկ լանջս ձեր , եթէ արդարութիւն պահ ու-
նիցի սրտի ձերոյ , դուք էք յաղթական ամենայն
խոչընդակաց : Մ. անց քրտանց ոչ բողբոջեն յաղ-
թողական դափնիք յանթաւամ ճակատս ձեր :
Ս'անաւանդ թէ ցորչափ չիցեն 'ի բաց դարձեալ
'ի ձէնջ զէնք թշնամոյն , ցորչափ բամբասիցիք

և թշնամանեսջիք, ուրախ լերուք . այդ ձեզ ան-
խաբեղի սպառնոյց է, եթէ չէք ստերխւրեալ 'ի
հետոյ հօրն ձերոյ : Սակայն, թէ չեմ վրիպակ 'ի
տեսութիւնս իմ, բարենշան ևս ծագեցցէ արե-
'ի վերայ զաւակաց մերոյ : Առաքինութեան և
խնաստութեան նոցա ցոյք շլացուցեն զաչս նա-
խանձոտաց . և զպտուղս քրտանց ձերոյ՝ նոքա
հնձեցեն : Արանի դարուն . . . սակայն ևս ոչ
նախանձիմ, այլ մանաւանդ ազօթեմ, զի մի զա-
ռանցեցուցէ զնոսա Աերեցէք ինձ, եթէ
թողեալ զհայրս մեր 'ի վերայ ճանապարհացն
Հոռիմայ, յայլ ինչ ընդ քարշ ածին զիս իղձք
որդոյ :

Անուտ Սիսիթար 'ի նախանձելին Հոռիմ
որպէս զձկնորան գալիլիացի անարգ և անձա-
նօթ . յորոյ սպա խոնարհեցան յոտս գաւա-
զանք արբունի, և թաղք արբայից գահոյից նո-
րին սիռեցան պատուանդան : Տեսանեմ հոգւոյ
աչօք, զի մուտք հօրս մերոյ 'ի Հոռիմ ոչ յան-
ցաւորի դատախազելոյ մուտք են, այլ մուտք
յաղթողական, որ առեալ բերէ ընդ իւր աւար
մեծագանձ՝ զսիրտ ուժացելոց որդոյ 'ի մօրէն առ
մայրն հասարակաց, մայր եկեղեցեաց :

Այ մտին ընդ դրունս Հոռիմայ պայծառագոյն
յաղթանակք . ոչ տեսին պատուարք Հոռիմայ
զարդ շքեղագոյն . ոչ որմք Ասպիտոլեայ ճօխա-
գոյն աւարօք պճնեցան . որպէս գահոյք ձկնոր-
սին աւարաւն Սիսիթարայ : Ակեղեցի Հայաս-

տանկայց բաց զաչա քո, ծանիր զմայր քո, որ
 [Թևատարած հառաչէ զկնի որդւոյդ: Սակայն
 ծաղեսցէ որ. յորում Ղարծրեան, ա՛հ ներեա
 Տէր, ե[թէ հայրենասէր գուշակու[թքս իշխեմ
 բանալ զմատեան քո՝ կնքեալ մահացու աչաց.
 յորում Ղարծրեան զիրկրնդխառն տեսցէ դար
 ձեալ զՍեղբէստրոս ընդ Ղարիզորի:

Ղու վկայեա ճնմարտու[թեան բանիս, նորա
 տունկ եկեղեցիդ Ղիւզանդիոյ. դու գրաւական
 բազմաչարչար վշտաց Սխի[թարայ. դու երաշ
 խաւոր փառաց նորա: Ի ցուրտ վիմէ* այտի
 ոտտիցէ միւսանդամ կայծակն, որ նոր բոց վա
 ոեսցէ սիրոյ աւետարանին և հայրենեաց ընդ
 ամենայն հայաստան:

Հազիւ լեւիւ եղեն բանք Սխի[թարայ յան
 խաբելի ատենի ծերակուտին Հոովմայ, և ահա
 ակներև յանդիմանի ոչ միայն արդարու[թիւն,
 այլ և փառք Սխի[թարայ. և խորհրդական իսկ
 բարեաց նստի մեծի ատենին, զորմէ կախեալ
 կան բախտք ժողովրդոց: Եւ այն շր[թունք որ
 զմեծամեծ վճիւռ Ղստուծոյ սովորեալ էին սրատ
 զամաւորել առ ազգս և առ ժողովուրդս, նորին
 արժանի համարեցան և զարդարու[թիւն Սխի
 [թարայ քարոզէլ: Ղարձ արար Սխի[թար ՚ի
 զիրկս որդւոյն բերկրեցէլոց. և փառք յաղ[թու

* Խօսեցաւ ներբողս ՚ի համբարանոցի մատենից սրբոյն
 Ղազարու առաջի մարմարիտնեայ սրտկերին Սխի[թարայ:

դակն կարապետ ընթացից նորա . և խորհուրդք մեծամեծք յուզէին ՚ի միտս նորա :

Թուի ինձ տեսանել երկուս քաջամարտիկ ըմբիշս ՚ի կրկէս կռուամարտի . և որչափ ոմն ՚ի նոցանէ ճարտար կռուէ զհարուածսն հակառակամարտ ոտխին , այնչափ հնարազէտս խորամանգէ միւսն զգիպող հարուածսն : Ղ'գնի Ս'ըխիթար ամենայն հանդամանօք ջլատել զգօրութիւնս բանտարկուին . նա յամենայնի դտանէ դարանս խուսափել ՚ի հաստոյր հարուածոցնորա :

Բայ զու թուեար երազընթաց ՚ի թիկունս Ս'խիթարաց , դու , ո՛վ ճշմարիտ սէր աստուածային , բազմահնար ՚ի գիւտս բարեաց . սէր , որ աւերազանցութեամբ դու միայն կոչիս առաքիւնութիւն . զի դու ես ճշմարիտ առաքիւնութիւն և կնիք առն քրիստոնէի : Եթեր դու յերկնից ընդ Յիսուսի . և յորժամ Փրկիչն մեր ել յաշխարհէ , զքեզ եթող ընկեր անմեկին իւրոյն և նկարագիր իւրոյ աշակերտութե : Գու ճանապարհորդակից առաքելոց , դու յուզի անկար ընդ նոսա յաշխարհակալութիւն տիեզերաց . խորտակեցեր զըթայս . միսիթարեցեր զվշտացեալս : Ս'եծ ևս ինչ գործեցեր . ուսուցեր մարդկան ներել անիրաւութեանց . ուսուցեր նոցա զքաղցր հաշտութիւն և զներումն թշնամեաց :

Մերեաց և Ս'խիթար . և ոչ միայն ներեաց հալածչացն իւրոց և զրպարտչաց , այլ և իմացաւ զհնարս ազգողագոյնս ևս բարերարելոյ առ նո-

սա 'ի հալածելն իսկ և 'ի թշնամանել : Խոչք խտրանարարք ելին ընթացից աշակերտացն , որ բարձեալ բերելին յանձին զճոխութիւնս երկնաւոր զանձուց . տկարացան ոտք նոցա հասանել ցծագս սահմանաց թշնամեաց իւրոց՝ շուայլել առ նոսա զբարերարութիւնս հօրն : Ընխարեւի հնարս իմացաւ իրացն սէր ամենահնար . հորդեաց ճանապարհ ճշմարտութեան ամենայն ուրեք . ահաղձեաց զմատեանս իւր նորահրաշ ճոխութեամբք , և իբրև զնաւս թռուցիկս՝ արձակեաց ընդ ամենայն ծագս տիեզերաց . և դրօշակք Ս'իսիթարայ ծածանին 'ի վերայ ամենայն ամբութեանց թշնամոյն :

Ըրդարև իրաւունք էին ինձ զաշխարհակալութիւնս Ս'իսիթարայ վեհ կոչելէքան զՎ'ղեքսանդրի . կործանեցան գահոյք նորա , գարձք աւանց սակաւուց չափեցին զսահման իշխանութեանորին . այլ ճշմարտութիւն յաղթող է ամենայնի , այլ ճշմարտութիւն անմահ է : Ս'իսիթար 'ի վարժոցս ուսուցիչ մանկանց , որում զհաւատոյ անստերիւր վարդապետութիւնս , որում զհայրենի բարբառոյն զսկզբունս , որում զաստուածայնոց մատենից զխորս իմաստից : Ըշակերտք նովաուսանին . վարդապետք նովաւ պերճաբանեն . նա առաջնորդ հոգևոր ճանապարհին փտիաբողաց անձկագոյն շաղաց քրիստոնէական կատարելութեան :

Ըյլ ընդէր է ինձ այսուհետև ձգել երկայ-

նել զբանս իմ, որ որչափ 'ի կատարած կոյս փու-
 թայ, այնչափ դժուարաբառնալի ևս հանդիպի:
 Առես անմեղկելին Վ'իսիթար զի միսսանգամ
 կանգնեցաւ վարժարանն սրբութեան և գիտու-
 թէ. ետես զի առնուին բարգաւաճանս տունկբ
 քրտնաջան 'ի նմանէ մշակեալք: Այրկեաւ մի
 գուցէ չարահար թշնամին այլ ևս հնարս ինչ
 իմասցի, թերևս խորամանկագոյն քան զառա-
 ջրնան՝ գողանալ 'ի նմանէ զպսակ ճգանցն օղա-
 բան գովութեամբք:

Վանգի ամենայն ուրեք այնուհետև հնչէր
 անուն Վ'իսիթարայ, և փառք անմեղկին 'ի նմանէ:
 Հնարագէտն՝ զճարտարմութիւն նորա, մեծա-
 տունն՝ զանրնչասէր արհամարհութիւն ճօխու-
 թեանց, աղքատն՝ զգթութիւնն, որ բազում
 անգամ կերակրեալ էր սրատառով բերանոյ նո-
 թին. քաղաքավարն՝ զխորագնին տեսութիւնս մը-
 տացն լիաբերան գովէին: Օայս ամենայն որո-
 գայթս համարէր ըստեալս կանգաղեալ խրոց ա-
 ռաբինութեանց: Վմբարձ զաչան յերկինս, և
 ցանկայր թռանել տատրակն ամբիժ առ բաղձա-
 լին իւր, զի մի հաղբ որսողին շաղէցին յոտս
 նորա:

Հառաչանք ըսելի լինէին յամենայն անկիւնս
 սրահիցն, ընդ որս շրջիմբ զօրհանասաղ. թախ-
 ծագին որդիքն զիմեն յանկողին ծերութեան
 հօր իւրեանց ոչ խորակօք որսահանաց, այլ ա-
 ռաբինութեանց պերճացեալ ծաղկամանն սրտ-

կօք : Հայր նորոյ ազգատոհմիս շուրջ հայեցաւ ,
 և [Թնդաց սիրան ուրախութիւն . հայեցաւ յեր-
 կինս , և յողւոց Եհանն . տարածեաց զբազուկսն
 և ոչ խտիր արկեալ տէրութեան կամ ծառայ-
 ութեան ընդ երէցն և ընդ կրտսեր , հայրակա-
 նայն օրհնութեանց առ հասարակ առնէր զնո-
 սա Ժառանգորդս : Ընդ Եթող նոցա զեղբայր
 սիրութեան քաղցր առաքինութիւն . յանձն ա-
 բար նոցա զերկս քրտանց իւրոց . կախոց զաչն
 և [Թռեաւ առ անձկալին իւր Վրիտառս :

Ընդ մի , Հարք իմ , մի արտասուք 'ի ծնօտս
 ձեր . նորին օրհնութեանցն և մեք եղաք հա-
 զորդակից . զնորին աւանդ տեսանեմ 'ի միում
 միում 'ի ձեզ , որ արհամարհեալ զամենայն զիւր
 անձին , 'ի վերայ սիրոց եղբարց արեամբ չափ
 նահատակիք : Սի ևս արտասուք 'ի ծնօտս ձեր ,
 զի Միսիթար ոչ մեռաւ , ոչ մեռանի Միսիթար :
 Միսիթար կենդանի է 'ի մատանս իւր . կեն-
 դանի 'ի ձեզ , ո՛վ Հարք սուրբք , նախանձաւորք
 նորին առաքինութեց . կենդանի յաստուածաշէն
 յայս մենաստան , զորոց զպատուարս կանգնեցին
 առաքինութիւնք նորա քան [Թէ հանձար : Ըն-
 զործած առաքինութեան Միսիթարայ ետես
 անաստան զկրկին մեծամեծ սկտութեանց զկոր-
 ծանումն առ իւրե , և ոչ ինչ յերկուացաւ : Ա-
 տես շուրջ զիւրե , ո՛վ տեսիլ արտասուաց ար-
 Ժանի , [Թաւալեալս 'ի տղմի զքարինս մեծակա-
 ոցց մենաստանաց , որ ընդերկար ապաւէն եղեն .

փախստեաց առարինու թեանց, և ինքն անասան կայ. և իբրու ՚ի միջոց համայնաջինջ հեղեղաց ջուրց խրոխտս ՚ի վեր ամբարձեալ ունի զգլուխ իւր, յորոյ վերայ հովանի է աջն ամենազօր:

Վ՛ի Հարբ, ոչ անծանօթս ինչ ձեզ յիշատակեմ. բազուկք ՚ի ձէնջ ոչ միայն աեսողք եղէք ահաւոր դիպացն, այլ և հառաչողք. այն հառաչանք արձագանդք էին հառաչանաց հօրն ձերոյ, դուք և վաստակողք եղէք յանլուի աղօթս՝ ճողոպրել ՚ի տիեզերասաստ սպառնալեացն. դուք և զբազուկս ձեր, զչնորհակալու բազուկս ձեր ամբարձիք ՚ի վեր, և իջուցիք յերկնից զօճանս առատութեան շնորհաց: Առլաւ յամօթ եղեն սպառնալիք ինքնակալաց. տկարացաւ զէն նախանձու. խորտակեցան ալիք մըրկայոյզ ամաց, և կանգուն կայ շինուածս Ս՛խիթարայ:

Վ՛ի հայր մեր, ճշմարիտ փառք սպարծանաց մերոց. դու և այսօր աեսեր յերկնից ՚ի գահոյիցդ զորդիս քո առ սեղանով Մանահին, որ երեսք ՚ի խոնարհ և բազուկք յերկինս տարածք միւսանդամ տօնեցին ՚ի տօն մեծահանդէս զփառս քո յանհատ շնորհակալութիւն առատապարգև բարերարին. տօնեցին զերկայն և զփառաւոր շրջան գարու միոյ*, յորմէ հետէ անկան հիմունք այսր

* Ա՛ն 1840, յորում ամի խօսեցաւ Արքեպիս, շրջան էր հարիւրեման շինութեան մենաստանի սրբոյն Ազգարու:

տաճարի փառաց քոյ , և տակաւին լոյս առաքի-
նու թէց քոյ շողայ 'ի սմն : Ո՛հ , ներեա , հայր ,
յանդզնու թեան բանիս , և թէ համարձակեցայց
ասել՝ թէ դոքա որդիքդ քո ոչ միայն չաղօտա-
ցուցին զփառս անուան քո , այլ մանաւանդ փա-
ռաւոր ևս բացափայլեցին : Այ խնայեցին ոչ 'ի
քիրան և ոչ 'ի տառապանս քեզ հանգոյն , զի
անաղօտ պահեսցեն զջահ փառաց քոյ . և այս
փառք , ո՛հ , իցէ՛ թէ ոչ մէջօրեայ իցէ կէտ բարձ-
րու թեան տան քո , այլ աղօտ լոյս արշալուսոյ .
և ծաղք ժամանակաց երեկոյ բազմարդիւն ծե-
րու թեան նորա :

Ղառ յերկնից 'ի վերուստ հովանացիր 'ի վե-
րայ մեր . մի արկածք ժամանակի , մի խորաման
կու թիւնք թնամոյն ստնանիցեն ինչ : Ղառ բա-
նակ պահպանու թեան մերոյ . դու կառք զօրու-
թեանց մերոց : Մի խրամատեսցեն ախար զան
սասանելի սրատուարս բարեկարգու թեանց 'ի
քէն հաստատելոց , զի մի կինճն վայրենի
սոնակոխ արասցէ զգեղեցկատունկ զբախտ քո :
Բարգաւաճեցին 'ի սմն անուշահոտ ծաղիկք
առաքինու թեանց 'ի զարդ փառաց տան Ղստու-
ծոյ :

Ղառ յերկնից 'ի բարձանց այսօր միւսանգամ
կարկառեա զձեռն քո և լեր զօրավիզն նմա , որ
ճշգրիտ կերպարանէ մեզ յանձին զպատկերս ա-
ռաքինու թեանց քոյ : Տուր անվրդով արիու թի
ատենի ալեաց . հանձար զգաստու թեան բաջա-

գօտի երկտասարդաց . օրհնեա և զտխեղծ մանկըտին , որ իբրև զգառինս անմեղս զրդին յանկերկեան փարախ քօ , զի մի կուր անկցին զաւաճանող [Թնամեոյն , և կամ խորամանկ աշխարհ գողացի 'ի նոցանէ զաստուածապարզ և չնորհան . ընտրեա զնոսա որդիս քեզ արժանիս :

Արձակեա , հայր , զձեռն քօ , օրհնեա և զայս նոր ազգատոհմ մանկուոյ , որ խոնեալ կան զքե , փափաքողք հայրականաց քոյոց զուարթ ակնարկութեանց : Վժուարակոխ և ստուերամած են ճանապարհք կենցաղոյս . զիմեցին առ քեզ , զի 'ի լուսոյ վարդապետութեան քօ լուցցեն ջահս առաքինութեան և իմաստութեան՝ անխտանգ ուղևորել յերկնային դիտաւորութիւնն , յոր քաղցր հրաւիրեցեր զհամազգիս քօ առ հասարակ :

Վու , հայր , սրահեա յակաստանի զայս քոյինակերտ վարժարան կրկնակի իմաստութեան . 'ի վշտաց ոչ երկնչիմք . զիմագրաւ եմք ահա անձկութեանց . միայն զերկնատուր խաղաղութիւն՝ զանդրանիկ սարգեւացն և զյետին աւանդն : Յետուսի՝ ծաղկեցօ 'ի մեզ , և բեռինք դարուց ոչ ընկձեացեն զհաստատութիւն օրաձեմ սեանց սորա :

ՄԱՆԿՏՒՈՅՆ

Ի ՏԱՆԴԻՍԻ ԲԱՅՄԱՆ ՌԱՓԱՅԵԼԵԱՆ ՎԱՐԺԱՐԱՆԻՆ

ՊԱՐՏ էր, ո՛ր Մըհապետ և պատկառելի առեան, պարտ էր յայս բեմ՝ երանել առն, որ ճարտար բանիւք և խորհրդովքն հարուստ՝ լսելի առնէր համաշխարհի զաւուրս ցնծութիւնս։ Ո՛վ որ բարեպատեհ՝ որ նախանձելի հարցն մերոց․ յորոց յիղձնն մեզ պահեաց Տէր վայելել․ որ՝ զոր ՚ի հեռուստ նկատեալ աստուածամերձ ծերունին Սեբաստիոց և խայտայր ցնծալով՝ քաջալերեալ խրախուսանօք ՚ի տաժառնական կիրան իւր առ գեղեցիկ գործոյս կատարումն․ որ բազմաբեղուն շահաւետ արդասեաց տառապելոյ աղգիս մերոց։ Պարձ առնեն առ մեզ միւսանգամ գեղեցկանսիհ աւուրք՝ Սերսիսեանցն և Սահակեանց, յորում ընդ հոտանա ի մաստութեան՝ յամենայն կողմանց ծառալէին ՚ի մեզ հեղեղք բարեաց և քաղաքական գովելի կարգաց։

Օ երանաւետ զարուն այնմիկ նորոգեալ առ-

սանեմ միւսանգամ զպատկեր մտաց աչօք . զարիագունդ պատանիս կրթեալ 'ի վարժոցս խմաստութեան և վարուց բարեաց՝ թուցեալս ընդ ամենայն անկիւնս կործանելոյ հայրենեայն մերոց՝ կանգնել զերկայնժամանակեայ բեկումն նորա : Սմանք 'ի նոցանէ զանձանօթ աշխարհաց զկապուտ մեծահարուստ լցուցանեն 'ի դատարկացեալ գոգս համադրեաց իւրեանց . այլք զչարագոյն աղքատութիւն զխմաստութեան հայրենակցացն ճոխացուցանեն լիաբաժին աւարօք ժողովելովք ընդ օտար աստեղօք . ոմն զանանց ճանապարհ ծովուց արահետ կազմեալ, և այլք ընդ ցամաք հատանեն դաշտս և լերինս 'ի գլխտ փառաց հարցն իւրեանց թաղելոց ընդ ծանր աւերակօք դարուց վայրագութեան :

Օ այս ամենայն այժմէն տեսեալ մտաց աչօք, իբր հանդարտեցից սանձել ունել զբարբառ ուրախութեան : Մտայր ինձ լսելի առնել զմեծութիւն շնորհիս ընդ ծագս տիեզերաց . և ընդ շնորհիս 'ի հիացումն կրթել զամենայն երկիր ընդ փառս այնորիկ, զոր համարձակիմ սկզբնապատճառ անուանել բարեաց մերոց : Վիտէք ապաքէն զի զաւուրս ցնծութիւն պատրաստեաց մեզ ազգասէրն Արուարդ Ասֆայէլ Վարամեան . այր՝ որ երախտագէտ առաքինութեամբն ձեռն սատարութեան կարկառեաց որոց ոգի 'ի բռին ճգնէին կանգնել զկործանումն ազգիս : Վննեաց սուր տեսութեամբ, խորհեցաւ ազնը-

ւական բարոյիւք, և հաստատեաց գովելի ազա-
տամտութեամբն՝ և թէ չիք դեղ դարմանոց նա-
րոգութեան ազգիս բաց ՚ի դաստիարակութենէ
մանկուոյն :

Օ այս գեղեցիկ խորհուրդ, աւանդ, բարեացն
խախնարարք ՚ի բազում ժամանակաց հետէ
անգործ թողացուցին : Այլ զի է ինձ տխուր
յիշատակօք մնայլ արկանել ՚ի լուստիայլ ճա-
կատս բերկրաւէտս սրատկառելի ակմբիս : Յայն-
ժամ այնպէս թոյլ ետուն խորհուրդք երկնից
անհետազօտելիք մահացու աչաց, և այժմ գե-
ղեցկահասնդէս առուրբս կամի տոկոսեօք իմն զյա-
սպաղմանն բժշկել զվնաս :

Արժան էր արդեօք այսօր հիւսել գովեստ
ներբողինի անմահական բարերարիս . սակայն
ոչ միայն խիթամ՝ մի գուցէ նուաստ բանիւք ի-
մովք աղօտացուցից զվեճութիւն առնն, այլ զի
և թուի ինձ թէ տեսանել միայն զօգուտս խոր-
հրդոց նորա շատ իսկ գովութիւն իցէ նմա :

Օ նորա զքաջ ընտրութեանն ՚ի միտ էտո
զկշիւ և վեհ ոգին Ահրաշի Սանուելի Սուրա-
տեան, և գովեաց : Այլ առաւելագունի նախան-
ձաւոր փառաց՝ ընդ գանձու իմաստութեան փո-
խանակեաց մտնն ինչ հարուստ ՚ի բազմազանձ
ճոխութեանցն իւրոց : Օ որոյ և զնուիրական
կամնն ՚ի զլուխ տարեալ արք արդարև բարեաց
ազգին վրէժիմնդիրք, այժմ և անուանն նորին
վարժարան գեղեցիկ կարգօք ընդ իմաստուն

տեսչութեամբ վարժողաց ակնկալիք են ազգին մեծամեծ բարեաց :

Արիղբեան սոքա բարերարք անկան ընդ անաղղբելի մանգաղաւ մահուն չժամանեալք տեսանել զքաղցր պտուղս բրտանց իւրեանց, զկնի իւրեանց զբարերարութիւնն իւրաքանչիւր անմահ յիշատակ արձանացուցեալ յաշխարհի : Այլ երանի, և բիւր երանի որդւոց նոցին և թոռանց և ընտիր ազգատոհմին*, որ ՚ի բիւրաւորացն բերանոց լեն օրհնութիւնս սրտառուչս . և ՚ի մութում ժամու ծնողս լեալ բարենշան մանկանց հաղարաց, ՚ի գեղեցիկ պտուղս վաստակոց հարցն իւրեանց զուարճանան :

Արանի և ինձ, որում եհաս բախտ գեղեցիկ ՚ի լուր նախաձեռն ակմբիս զաւուրս հանդէս հըրչակ հարկանել : Աղաչեմ և եթ, ո՛ր Աբհիապետ և դուք ազգիս բարեացապարտք, և ատեան պատկառելի, չնորհել սուղ բանիս ունկնդրութիւն ներողամիտ երկայնամտութեամբ :

ՎԻՏԷ քաջ կաճառս այս խմաստնոց, որոց կէտ առաջի եղեալ է զազնուական խմաստն ազգասէր՝ զբարգաւաճանս ազգիս, եթէ բարեկարգ երջանկութիւն ազգի իրիք կախեալ կայ միայն զգեղեցիկ դաստիարակութիւն մանկուոյն :

* Ընդ ունկնդիրս բանիս կին և տնայք յազգականութենէ բարերարացն :

Այս արդեօք յայս սակս 'ի սկզբանէ հետէ և այսր ազգք իւրաքանչիւր ջան 'ի մտի եղին մեծապէս զբարեկրօն կրթութենէ մանկանց : Ազէ՛ դարձուցուք միանգամ զաչս 'ի դարս ժամանակացն սուաջնոց, և ահա տեսանեմք զի ճշմարտութիւն բանիս՝ իբրև զանաղօտ ջահ՝ ցորանայ յաչս մեր անդուստ 'ի նսեմ ժամանակաց սրտմութեան :

Ազիսպտոս սուաջին վարժապետ ամենայն մեծամեծ իրաց, որչափ աւանդեն մեզ հնապատում մատեննք մինչև առ մեզ ժամանեալք, թող զանսուտ վկայութիւն աստուածազիր տառիցն, Ազիսպտոս սուաջին լեալ է վարժապետ և դաստիարակութեան մանկանց : Այսու ապաքէն Աեսոստր և այլք 'ի նոցին մեծամեծ ինքնակալաց զգաւառն հայրենի յայն ծագ բարեմասնութեան հասուցանելին, որ և ցայսօր զկնի հողվելոյ հազարաւորացն ամաց տակաւին 'ի հիացումն կրթեն զմիտս տեսանելեաց հրաշալեացն այնոցիկ : Այսու և զձայթիւն ահաւոր զինուց իւրեանց մինչև ցհեռաւոր սահմանս անձանօթ աշխարհաց առնելին լսելի :

Ինձ աւերորդ է յիշեցուցանել իմաստութեան բազմահմուտ ժողովոյս զօրէնս Պարսից, և զամբոխ մոզաց նոցա վարժապետաց 'ի դաստիարակութիւն միոյ մանկան :

Յոյնք, ծնողք վերստին ծննդեան ազգաց 'ի վէ՛ խուժադուժ վայրագութեան, և արդարև

« մայր և դայեակ իմաստութեան », անաչառ ձեռքն յախշակէին յորդեսէր զրկաց մարցն զմատաղէրամ մանկտին, մի գուցէ ծնողական սիրոյն առաւելութիւն թերի արասցէ զլրումն բովանդակութե՛զ գեղեցիկ դաստիարակութե՛ն : Մոցին նախանձաւոր վառեալ է արդ և Վերմանիա, որպէս թէ առաւել իմն հսկեալ պահպանութեան օրինաց դաստիարակութե՛ մանկրաւոյն, քան խստութեան քաղաքական հրամանաց : Եւ ընդէր այսչափ ճիգն և անլրէս ստուգութիւն 'ի կիրթս մանկաւոյն առ ազգսն համօրէն : — Բայց եթէ զի արքն այնօրիկ իմաստութեան ասպնջականք ճարտար գիտէին՝ թէ 'ի պահել զբարգաւաճանս ազգին, կամ ևս 'ի յառաջադէմն մղել պէտք են ստոյգ դաստիարակութեան աղկաղկ հասակին :

Եւ այժմ իսկ ազգք, որ զնախանձ այլոցն շարժեն յիւրեանց նմանողութիւն, ոչ սպարէն ընդ այս աստիճան ելին ժամանեցին 'ի ծայրն այն աւագութեան՝ յոր բարձրացեալ բազմին :

Օ այս ամենայն մի առ մի ճոխագոյն բանիւք ճգնէի յանդիման առնել ատենիս, եթէ ոչ խիթայի զի տաղտուկ իմաստութեան ձերոյ, և զինև կշտամբանս ածէի յանդգնութեան :

Ի կարևորագոյն հոգոց տեսչութեան ազգաց առաջին է մանկանցն պիտանի վարժութիւն : Ի սոյն սակս զգաստ օրէնադիրք ժողովրդոց, և մեծախորհուրդ իմաստասէրք համօրէն՝ յանու

րեք անկեան ամփոփեալ իւրաքանչիւր , և խո-
րատես գիտութեան իւրեանց առեալ օգնական
զփորձ անցերոց ժամանակաց , տքնին քրտնաջան
'ի գիւտ գեղեցիկ և գիւրին կարգաց , որոց ան-
խաբելի իցէ յաջողութիւն :

Մատենիցն և եթ համար , որ զգատտխարա-
կութի մանկանց ճատիցեն 'ի սկզբանէ և այսր ,
յապուշ կրթէ զմիտս . որք և միոյ միոյ մեծա-
րոյ մատենադրաց պերճանան անուամբ : Առ
րոց զքաղաքական իրաց ծանունց հոգ յանձն ա-
ռեալ իցէ , իրբու յանտեսս լեալ այլոցն ամե-
նեցուն , զկարևորագոյն ջանան 'ի կիր արկանեն
յընտրութիւն մանկածուացն և վարժապետաց ,
զի զնոցանէ առաւել քան թէ զայլմէ ամենայնէ
կախեալ կայ բարեկեցիկ երջանկութի ազգաց :

Այլ և զձեզ , ո՛ր իրաւատես առեան , յիւրա-
քանչիւր 'ի կենցաղօգուտ և յանհրաժարելի
զըազանաց ած ձգեաց այսր 'ի լուր աղքատիմաց
բանիս կարևորութիւն առաջարկեալս խնդրոյ :

Վանզի 'ի կիրթ ուսմանց անկանել զբարուցն
ամբէ զխիստ վայրագութիւն , և ուղղէ զան-
կարգ բերմունս յախտս անառակ շուայտութեց ,
և 'ի գործս անգթութեան , որ մոլորութիւնք
են արգարև վայրենի ազգաց ընդ ծանր լծով գե-
րերոց անկարգ ախորժակաց : Արպէս և վենու-
սեանն երգէ քնար .

Ի կիրթ ակնիւ արուեստից ջան մշտադիր

Ըմբէ զբարս , դրնէ զվայրագն անբասիր :

Այժմէ կամիցիմք ունկնդիր լինել վայր մի խօսից ուղղատես առնն Տակիտեսայ, լեւմք՝ զի կայսրըն Մգրիկողայոս ոչ խիք յաջողեցաւ նուաձել զխուժադուժ բարս զնախնի բնակչայն Նրիտանիոյ, բայց եժմէ վարժեալ զնոսա ՚ի ջանս զիտուժեանց և արուեստից :

Այս այնուհետև բառնին ամենայն ուստեր խառլուժիւնք ՚ի միջոյ զայսօրինակ կրժեւոց, և տիրէ խաղաղութիւն . բարերարն մարդկութենս խաղաղութիւն, անհատ աղբիւրն ամենայն բարեաց :

Այ կրժեւլ զմանկտին ՚ի գեղեցիկ կարգս ըզգաստութեան, լցցի երկիր յեա այնորիկ զգօն մարդկաւ : Օյ այնպիսի ելանէ մանուկն, որպէս ՚ի տղայ տիան դաստիարակեցի : Այ աղգ ժամանակին՝ ապառնի աղղին լեալ վարժապետ, զգանձն խնաստութեան, զոր ժառանգեալ է ՚ի հարցն առաջնոց աւանդեացն յետնոյն իւրեանց . և այսպէս ամենայն խնաստնոց ելցն ժառանգորդք :

Այ մեկնել խնաստուն քաղաքաւարին ՚ի ղեկաւ վարութենէ ազգայ, ոչ ևս սարսապօրդ մնայ տեղի նորա . և ՚ի լեւլ արևորեոյ ճարտարախօսին՝ որոյ բերանոյն կարգէր ամենայն, հնէ տակաւին բեմն նորին զկնի նորա . զօրավար ըզզօրավար յաջորդեացէ, և խորհրդական զխորհրդական : Սովին վարէին օրինօք աղղքն, որոյ ցարդ հնէն սարժանք ընդ ծագս տիեզերաց :

Մ. յայէս և դու, դու դաւառ հայրենեաց իմոց, ո՛հ այրիացեալդ Մ. յրարատ, որ երբեմն նախանձելի էիր սարագայ ազգաց, այսու կարգօք և դու ճոխանայիր: Ս'ի՞ծէ չէ՛ն յայնժամ յամենայն խորչս հայաստանեացյ աթոռք հաստատեալ իմաստուն վարժապետաց: Արոց և այնչափ էին սու մեզ յաճախութիւնք, մինչև յունաստանի անդամ, ամբարտաւանին յունաստանի առատաձեռնել մեզ վարժապետս ճարտարխօսութեան: Մ'նկաւ արդեօք 'ի միտս ձեր Պարոյր, հայկազնն Պարոյր՝ այնպիսի այր, զոր նա ինքն յունաստան անմխիթար սղջայր՝ խիթացեալ մի գուցէ 'ի բառնիլ նորա յերկրէ, և ճարտարաբանութեան անհետացի յիշատակ:

Մ. Եւ աւանդ. որչափ զՏին սարձանն յիշատակեմ զհայրենեացն մերոց, այնչափ ընդ այժմու հիբութիւնն աղբիւքս հոսեցուցանեմ արտասուաց: Այլ զինչ այլ իցեն այնմ պատճառք, բայց ե՞ծէ թերութիւն հոգոց դաստիարակութեան մանկուոյն, և փակել վարժարանացն իմաստութեան և առաքինութեան: Մ. Եւ ահա սկիզբն հիբութեանս մերոց, և այս ծագ նորին գերելոցս մտօք և մարմնով:

Ի սկզբանէ և այսր չեն անտես մնացեալ աղէտք յանհրահանգ մնալոյ մանկուոյն: Չիք մնաստակարագոյն թշնամի ազգի ուրուք քան որ զվարժարանացն դնիցէ դրունս ընդդէմ անտիական հասակին:

Յաչազկոտն քրիստոնէական բարդաւաճա-
նաց՝ Յուլիանոս ուրացոյն՝ նախատ կամեցեալ
կացուցանել ամենայն ազգաց զանուն քրիստո-
նէութեան, զայս խորհեցաւ զիւահնար չարու-
թիւն : Ատես զի հալածչացն մտչեցան տանջա-
նարանք, և քրիստոնէայ անուն օր ըստ օր : Ի
յառաջադէմն նկրտէր : (1) Այլէտ և մեծամեծ
հայրապետաց և հոյակապ արանց իբրև զհեղեղս
զնային արիւնք ընդ հրապարակս քաղաքաց և
ընդ դաշտս, այլ ոչ պակասէին ՚ի քրիստոնէից
արք անուանիք՝ զօրաւորք բանիւք և արդեամբք .
մանաւանդ թէ մի մի ՚ի քրիստոնէից արք էին
պատկառելիք : Օրնչ հնարեցաւ ուրեմն չարի-
մանցն : — Արդեւ զի մի ՚ի դպրոցս դաստիարա-
կեսցին մանկունք քրիստոնէից . ետես՝ զի ան-
դուստ ելանէին արք, որ յամօթ առնէին զհե-
թանոսութիւն :

Աւարդարև շնասս բազումն կրէր եկեղեցի՝
եթէ հեառն զօրութեանց չէր հոգացեալ յամբի
պահել զտուն փառաց անուան իւրոյ :

Այսպէս դպրոցք նեցուկք են և աստուած-
պաշտութիւն . որոյ վասն իսկ հայրապետք սուրբք
կանոնօք սահմանէին՝ դպրոցս հաստատել ամե-
նայն ուրեք և վարժել զմանկափն առանց ինչ
ակնկալութեան ՚ի մարդկանէ փոխարինի վաս-
տակոցն :

(2) Երինակ առաջի կալան նորա զգործն մեծին
Յովհաննու սիրելոյ աշակերտին, որ վարժարան

մանկուոյն կարդեալ Ասիեսոս , ինքնին վարժէր զնոսա 'ի գիտութիւնս սրբոց , զորոյ զխորութենէն զատի ինքն միայն , և որ առատաձեւնեացն զայն նմին գիտէր ստուգութեամբ : Օհետ օրինակի վարդապետին թեւակոխէր 'ի Օմիւռնէ և Պօղիկարսոս երանելին :

Ըր բարեկիրթ և ճօխ գիտութեամբ ոչ ան նըշան ինչ է յազգի ուրէք : Իբրև զլուսաւորութիւն 'ի հաստատութեան ծագեցէն իմաստունք , ասէ Ղանիէլ : Սաչ է իմաստունն լուսաւորիչ խարխափելոցն 'ի խաւարի : Ըսող է 'ի հաստատութեան , առաջնորդել 'ի ճշմարտութիւն անդր ոչ միայն իւրոյ ժամանակի որերոյն , այլ և ապագայ ազգաց բաղմաց :

Վաղար մի անդ 'ի Պաղեստին փակեալ սաշարեալ կայր 'ի կատաղի զօրականէ : Ըբ և կանայք , ծերք և մանկունք յարհաւիրս մահու ըմբռնեալք՝ յաչս նկարէին զմօտալուս զօրհաս իւրեանց : Ըանք չորք կնոջ իմաստնոյ փոխէն միանգամայն զկերպարանս իրացն : Յիշէք ապաքէն զկինն իմաստուն . իմաստուն մի որ 'ի զինուորական ցասմանէն Յովաբայ ապրեցուցանէր զբաղար իւր բովանդակ : Արոց ապա բարեաց չիցէ ակնկալել ազգի 'ի յաճախութենէ իմաստնոց 'ի միջի իւրում :

Իմաստութիւն 'ի միջոյ անտառաց հաւաքեալ զվայրենի մարդիկ 'ի քաղաքաժողով միաբանութիւն հանձարիմաց կարգօր՝ մեծամեծ սկտու-

Թեանց արկ հիմունս : Այլ զցանեարն լերանց և դաշտաց յորս էրէոց՝ ժողովեաց ՚ի ճեմարանս իմաստութեանց , տալ անդուստ ազգաց սրտդանս գիտութեանց : Այլ այսպէս ճեմարանք ապաւէն լեալ վտարանդի իմաստութե՝ ամենայն օճանօք արգասեաց ՚ի գլուխս բազմեցան բարեկիրթ ազգաց , պերճացուցեալ զնոսա հոյակապ արամբք և ճոխացուցեալ ամենայն բարեմանութեամբք :

Այլ քանզի երջանկութեանս ազգաց հիմն և հաստատութիւն աստուածաբաշտութիւն է , ընդ խարխալել նորին , սպառնալիք կործանման ՚ի վերայ կայ և բովանդակ ազգին : Օչսր աղիտից և ՚ի հպոյ զփորձ առին ազգք , և ցարդ ողորմելի հառաչեն ընդ ահագին կործանումն չարաժամ աւուրցն անաստուածաբաշտութեանս :

Ազգք իւրաքանչիւր ՚ի միոյ միոյ ազգայնոցն բովանդակին . և ուրուք ուրուք բարեկիրթն գով զբովանդակ ամբոխութիւն ազգին բարեկիրթ կացուցանէ : Սորին վասն ՚ի սոյն կրթի և առաջին փոյթ ընտիր վարժապետաց ՚ի դաստիարակել զտխեղճ հասակն . անկել ՚ի նոսա զերմանս բարեկրօն առաքինութեանց , և զանհաստատ և զդողդօջուն զարշապարսն հաստատել յուղիղ ճանապարհ աստուածաբաշտութեան :

Այլ հաճի իմն բանս ասել , թէ ՚ի սոյն՝ քան թէ մարմնոց ծնողացն՝ առաւելագոյն սարտք են վարժապետաց . զի հոգւոց աշակերտելոցն իւրեանց

պատշաճեալ են սորա ծնողք : Այնպիսի ուսուցանել զզգաստութիւն արտաբնոյն իմնատասիրաց , այլ մանաւանդ տպաւորել 'ի նոսա զարտակեր Խաչեցեւոյն . ուսուցանել նոցա ոչ միայն անկորուստ պահել զտաղանդն , այլ և յարգել . զի և առ անպտուղ ծառ մերձ է սպառնալից տսպարն : Ընտրեալ զպահել 'ի նոսա զսպիտակ պատմութեանն անմեղութեան , և արժանիս գրքկայն և սիրոյն Յիսուսի . որով առաւել իմն 'ի նոսա վառեալ Տէրն , քան թէ զողջես 'ի համբըն մարդկութիւնս , յայտնի իմն օրինակաւ 'նոցա ասաց լինել զարքայութիւնն Ըստուծոյ , զամենեսեան 'ի նոցին հրաւիրեալ նմանողութիւն : Եւ 'ի մերձենալ նոցա առ նա՝ զկարեորագոյն վարդապետութեան զբանն հատեալ , կոչել մի մի առ ինքն , և տիեզերաստեղծ ձեռօքն օրհնել զնոսա , և աւանդել 'ի ձեռս վարժողացն :

Ըն ձեզ , և 'ի ձեռս ձեր աւանդեաց Տէր զայս աւանդ իւր սիրելի , սլ ահումբ վարժողաց . աւանդ արդարեւ դժուարապահ , այլ ըստ նմին չտից և ծանրագին , զորոյ՝ այնքանոց աւանդողին իսկ ինամբ ծանր ևս առնեն զգինան : Պարտ է ձեզ հաստատութեամբ ունել զայս յուշի , զի յամենատես առնինն ոչ միայնակ զտանիցիք յահաւոր ընարութեն . քանզի աշակերտեալքն ձեր կամ ձեզ 'ի պարծանս , և կամ , ս՛հ , յամթ լինիցին :

Դժուարին և բրանաջան է յոյժ զործդ ,

այլ արժանաւոր բրտանց ձերոց և տքնութեան ,
 Չերով ջանիւք լլուցանէք զերկինս ամբօխի
 երկնաքաղաքացեաց . 'ի ձեզ են ակնկառոց ոչ
 մարդիկ միայն , զի բարեաց յաճախութեամբ քա
 ղաքացեաց լլցի երկիր , այլ և հրեշտակք ինքնին
 յերկնից 'ի լլուսն սրահասութեան համարոյ
 իւրեանց : Ս'եծութիւն գործոյն մի ինչ վհատե
 ցուցէ զձեզ , օգնական ձեզ յերկնից այն կամք
 ամենազօր , որոյ ակնարկութիւն գործ է կա
 տարեալ : Օ ինչ ոչ կարասջիք առնել միացեալք
 ընդ Մատուծոյ :

Հայրա և դուք , բախտաւորագոյն մանկունք ,
 որ 'ի բազմախուռն ամբօխէ հազարաւորաց ա
 ռաջին հրախրեցայք 'ի վայելումն այսքան բա
 րեաց : Տեսէք որքանեաց մեծամեծ իրաց ակնն
 կալութիւն է 'ի ձէնջ . մի յամօթ առնէք զկս
 չողն . կալարուք միշտ յանդիման մտաց ձերոց
 զբարեբարն ձեր զվերածնութեան ձերոց զհայր :
 Մուրք ձգանց սակաւք են , այլ արդասիք բա
 րեացն յաւիտենից : Վասմանակն զանձ է ան
 զուգական , կորուսան անդիւտ . մի յումպէտս
 վասնիցէք զնա . զին է ժամանակն երջանկու
 թեան ձերոց յայժմուս և յանանցանելի յաւի
 տեանսն , մի 'ի վատթարն 'ի վար արկանիցէք
 զնա : Հայրա վառեցարուք 'ի ջանս բարեաց , և
 ամենայն ինչ առցէ յաջողութիւն :

Սակայն ընդունայն են ջանք վարժողաց և
 ճիզն վարժերոց , եթէ զբո , արհիտպատիւ Տէր ,

խնայեացես 'ի նոցանէ զօրհնութիւնն հայրենի . զայն օրհնութիւն , որ առատաառուն է ամենայն բարեաց . նովաւ դնին պարզախօսք լեզուք որ վարդապետեն . այնու և ունկնդրայն դիւրանաաց գտանին միաք 'ի կիրթս վարժից : Այս պարտէզ է , զոր տնկեաց տաժանակիր աջքո , և զեղաղէշ զարդարեաց ծաղկօք . թէ ոչ դարմանեացես ստէպ , հողմոց լինին անդին քրտունք քո . թառամին ծաղկունք , և ընդ ակնկալութեան արգասաւոր պտղոց՝ փուշք փոխանակեն և դաղձունք զդարաստանս քո : Հայրագութ շունչ փոխանակ ջերմութեան արփւոյն լիցի կենդանատու , և խնամք անխոնջ սիրոյդ՝ անձրև շայեկան և աղբիւր զովարար և ամէցուցիչ :

Գառնիք են սոքա արօտի քո , և հովիւքս ակնարկութեամբ գաւառապետիդ արածեմք զսոսա առ հանգստարար ջրովք . ցուպ և գաւազան հսկողութեան քո մի հեռացի 'ի վայրէս՝ 'ի բաց առնել զգայլս սպականարարս գառանց քոց :

Գիտեմք զի ծանունք և դժուարակիրք են հոգք հաւատացեալք առաքինութեան քո , սակայն և սոքա որդիք են քեզ դժուարին երկանց և ուժգին հառաչանաց : Արտսերք 'ի կարգաբազմութիւ եղբարց իւրեանց . և վասն այնորիկ խկ առաւել իմն քան զայլնս պահանջեն զսերդ հայրական : Մըրարձ 'ի վեր զհայրենի բազուկսդ 'ի զլուխս սոյա , և դարձցին և եղիցին որպիսիս ցանկաց սիրտ քո՝ բարեաց ցանկացող :

Հայրականօք քոյին բազկօք մաստ զտաս յոր-
դիւն [Թին երկնաւօր (Սաղուհայն, մի որդիս
վշտաց . և կոչեցի անուն փառաց նորա 'ի վե-
րայ սոցա :

1836 • Յաւուր տնի անուան հրաշափառ Տիրուհայն :

ՍԷՐ Հայրենի, ամենապատիւ Տէր, և իմա-
անախորհ առեան, սէր Հայրենի ամենայն տա-
ժանական կրից դիմադրաւ նահատակ վառեալ
զակումբս սրտակառելի, նոյն ինքն և արդ ած-
ձգեաց այսր 'ի մի ժողով միաբանութեան 'ի
կարևորացն խոհականութիւն: Նոյն ինքն սէր
Հայրենի ամբարձ և զիս յայս բեմ, թէպէտ
և տկարութեան անձինս գիտակից. և նոյն շար-
ժէ զշրթունս իմ 'ի լուր ներողամիտ ակմբիս,
որոց կորովատես աչացն ոչ անձահ թուեցաւ ինձ
առնել յանդիման՝ եթէ ոչինչ առաւել օգտա-
կարագոյն ազգի և Հայրենեաց բան զունիկ Հայ-
րենի բարբառոյն ուսումն կանխաժաման. մա-
նուանդ մեղ, և յայտմ ժամանակիս, յորում
յայլոց ամենայն անցելոց բարեմասնութեանց
վերջացեալ եմք:

Մինչ դեռ թաղին փայլէր ճաճանչ 'ի գլուխ
որդւոց լիտրդոմայ, և արքունի ծիրանւոյն գեղ
չրացուցանէր զազգս, ոչ կարևոր ինչ փաստա-
լութեան կասկածք էին 'ի միջի եթէ զդոյզն

Թերութիւն հայրենի դարութեան մտքացածոյ յայլոց ազգաց 'ի փոխ առնուին մերքն :

Յայնժամ մինչև 'ի մուտս արևու պարթեւա-
կան սրոյն բռնութիւն գողացուցանելը զսէգ հը-
ռովմայեցին : Աւել թէ շառնուին զազգ դիւցազնա-
կան բարբառոյն , այլ հայ քաջութի այլագունելը
զդէմն սէգ ժողովրդեանն : Բնդ ամենայն արևելք
հայկազն բարբառոյն հնչէին արձագանգք : Աւ-
աշխարհահալքն մեր հայրենասէրք հայերէնա-
խօսս զնուաճեալն յազգաց դնէին : Բւանդ ,
անցին գնացին այն աւուրք բարենշանք :

Սաւայն նոյն սէր հայրենի տակաւին ջեռու-
ցանէ զհայրենասէր սիրտս միոյ միոյ երկայնա-
միտ ախմբելոցս , որ ոգի 'ի բռին առեալ ձգնին
զանցելոցն դարուց յետս դարձուցանել զչրջան :
Աւ ոչինչ յերկարութենէն վհատեալ , զգու-
շաւորագունին և եթ ճանապարհի , անստերիւր
դաստիարակութեան մանկանց՝ ուշ ունին , կա-
րևորագոյն , մանաւանդ թէ անհրաժարելի զու-
սումն հայրենի բարբառոյն նոցա համարեալ ,
որով թէ մտացն խոհականութեան , և թէ յօ-
ժարութեանց սրտին ուղղին գնացք :

Աւ քանզի ուշ նպատակի 'ի կարգաւոր դաս-
տիարակութեան այս է զմիտան և զսիրտ միան-
զամայն ամբէլ . կրթել զմիտս յուղիղն մտածու-
թիւն , և զսիրտ 'ի բարւոյն յօժարութիւն , չիք
ինչ քան զուսումն բնիկ լեզուին անխրեւ պ առաջ-
նորդ 'ի սոյն դիտաւորութիւն : Աւ եթէ վեր-

Ղասցուք աստի յայամանէ, թերի առնեմք, ներեացի ինձ ասել, թերի առնեմք զղաստիարակութիւն մեր յերկոցունց կողմանց :

Թէպէտ և աւելորդ իցէ արդեօք առ Հայրենասէրսդ շատխօսութիւնս իմ, սակայն զի արհամարհեալ տեսանեմ յոմանց զճմարտութիւն խորհրդոյս, աղաչեմ երկայնամիտ ունկնդրութիւն շնորհել սակաւ բանիցս : Տկարութիւն իմ 'ի բան՝ վճատեցուցանէ զիս, այլ զի առ Հայրենասէրս են բանք իմ, քաջալերեալ խրախուսիմ յանձին : Իցէ՛ թէ այլ ևս կենցաղօղտակաւ բազոյն ինչ առաջի առնէի ուղղատեսս ակմբիս : Իայց և սորայս կարևորութիւն ոչ ինչ զանխուէ 'ի Հայրենասիրացդ : Օ՛ի զամանէ կախեալ կայ կամ տակաւ յառաջադիմութիւն Հայրենեաց, կամ 'ի սպառ եղծումն ընդ անողորբելի Հարուածովք նախանձոտ ժամանակին :

Ո՛հ, զիարդ ժուժկալեցից ևս ունել աստանօր զլեզու 'ի գովութեանց խրաքանչիւր ձեր, որ վասն Հայրենեաց բազմապատիկ նահատակեալ, արդ հազարաւոր մղոնօք տարագիր 'ի նլմանէ՝ զնորին բախտ խորհիք և զնորին բարեզարդութիւն : Ի՛կն ունիմ զի դոյն իսկ նախանձելի առաքինութիւն ձեր զտաղտկութիւն բանիցս թեթևացուցէ :

Ի ԿԱՐԵՒՈՐԱԳՈՅՆ նկարագրաց կրթականի առն մի և այս է, զի ուղիղ ճշգրիտ օխաբ իրաց

իցեն 'ի միտսն , զի ըստ նոցա և զխորհրդածու-
 թիւնսն կերպարանեսցէ թէ յոր գործէն , և
 թէ 'ի քննութիւնս իրաց իրաց : Այսպէս ահա
 անսայթաք բովանդակի խոհականութեանն 'ի
 մեզ հանդէս : Իսկ արդ խոհականութիւն մեր
 յոյժ անձուկ կապանօք լծորդեալ է ընդ բառից-
 և տիպք իրաց 'ի միտս մեր պատկերք են բա-
 ռիցն յողերոց լեզուաւ : Այս եթէ վրիպական ի-
 ցեն այս նկարք մտաց , և օտար 'ի հեզերոյ բա-
 ռիցն , որպիսի թիւր դատաստանք աստի , և ո՞ր
 չափ մոլորութիւնք : Յայսմանէ բազում անգամ
 և այնպիսի կատաղի բանակոուութիւնք , որ 'ի
 վեր և 'ի վայր արարին զաշխարհ . 'ի սմանէ ձա-
 կատամարտք ահեղ բանակաց , քանդմունք քա-
 ղաքաց և զաւառաց աւերմունք : Այսպէս զի
 ոչ ոք անկարեկիր աչօք զէջս պատմութեանց
 դիպացն այնոցիկ կարասցէ ընթեռնուլ :

Ահա և մեր տակաւին ջերմ են աղի արտա-
 սուք 'ի վերայ ծնօտից 'ի պատճառս հիբութեց
 այսպիսի վրիպակատես դատախարակութեան :

Մանուկ հայկազն վարժեալ 'ի սովորութիւնս
 ազգին իւրոյ 'ի տղայ տիոց , և ընդ կաթին 'ի
 մօրէն արբեալ զօրէնսն հայրենի կարգաց , զի-
 սորդ մարթիցի յօտար լեզու դատախարակեալ՝
 ջնջել զնախատիպ նկարսն 'ի մտաց , և այս
 ընդ նոսին փոխանակել ըստ ազգացն , յորոց 'ի
 լեզուն կրթեսցի . մանաւանդ զի և ուսմամբն
 ոչ եթէ արտաքսի ինչ 'ի հայրենեացն : Այսպէս

մարթիցի մանկան տղայոյ 'ի բարս ազգի օտարի բնաւորել, եթէ և զամենայն կենացն ասպարէզ առ նոսա բովանդակեսցէ . լիցի հնար զկարեւորացն 'ի նոցայոցն անտի հարկանել զսպասաւորութիւն : Մայց թէ 'ի ծոց դարձցի հայրենի , զխորդ մարթիցի գաղղիացի և խտաբացի խօսիւք վարժելոց առնուլ 'ի միտն զճշգրիտ տիպս հայրենի իրաց :

Եթէ զանջատեալքս 'ի միջոց ազգին հեռաւորութիւն վայրաց և ժամանակաց , և սովորութեանցն փոփոխութիւն՝ է երբէք զի այնպէս վարանեցուցանէ . զի եղիցի սպա եթէ և օտարութով որ վարիցի լեզուաւ : Առինտիլիանոս մեծ , որ կամէր զիւրն ասանջականս ամենայն բանաւորական և իմացական ճոխութեցն Նլազայ , խիթայ մի գուցէ յանջատել զընիկ բարբառոյն ուսումն 'ի յունէն զեան ինչ հայրենի դարութեանն լինիցի : Մյն զի երկոցունց այնոցիկ լեզուաց և ազգաց այնչափ է ընդ իրեարս միաբանութիւն , որչափ է շմաբանութիւն մերոյն ընդ այժմու ազգաց :

Իւերանամք ուրեմն 'ի պարտս ուղիղ դաստիարակութեան մտաց եթէ յայլոց լեզուացն հրեատութենէ անջատեսցուք զմերն : Մազմաց 'ի մերոց աստի լեալ են գեղեցիկ դաստիարակութիւնք յօտարոտի լեզուս ընդ օտար ստակօք , սակայն ո՞ 'ի հայոցս և զանուն իսկ գիտէ զնոցին : Ար օգտակարութիւն սպա որբացելոյն 'ի

նոցանէ Վախրաստայ . զոնեայ զինչ պարծանք շիջեւտիտա ազգիս : Պարծի Համլմ'ի Տիրան առաջին զբապեա յաշխարհի առ Վուկուլեա . և հայաստան զոնեայ ոչ միսիթարի յաւեախ որդւոյն իւրոց ուծացելոց :

Վախ զի է ինձ զհինան յիշատակել : Ոչ բազում անգամ 'ի ազիտութենէ բառից կասեա ծառայ թուեցեալ են խնատք աստուածխնատ հարցն մերոց : Այ ուր առ այլ ազգս 'ի լուծումն աստուածարանական խնդրոց հարցն առաջնոց քննին մնաեանք . մերոցն աստուածարանական երկրայութեանց բազում անգամ , ամաչեմ ա սեւ , բազում անգամ բառազիրք նստին դատաւոր : Օ բազմոց 'ի ձենջ լեւմ աստանօր , սիլ պատկառելի ակումբ , զհատաչանա : Ս աստուցէք ասրա դարմանն անհանդուրժելի վիրաւնութեա . զի 'ի ձեռս ձեր է : Ի ձեզ յանձնեալ է ջահ շիջելոց փառաց հայրենեայն մերոց . լուցէք , զի լուսաւորեցին նովա որդիքն հայկայ , և նախանձորդք հայրենի փառաց , միւսանգամ անցցեն 'ի տեսիլ ազանց և ազգաց :

Ոչ ինչ ազնուազոյն է 'ի կիրս սրտին քան ըզ սէր . և ոչ ինչ հրաշալեայ զործօն քան զհայրենասիրութի : Այ ինքն զինուորէ հայրենասէր վաղակաւորաւ զաջ քաջամարտիկ զօրականին ասնուլ զվրէժ փառաց հայրենեայ , կամ անկասգուտ աւարաւ ճոխացուցանել զնա : Արլին առաջնորդեալ սիրով և նաւուզիդ 'ի ծանօթ

յեզերաց արձակէ զառազատատալիր նաւն մարտինչէլ ընդ ահեղասատա ալիս և անձանօթ ափանցն ճօխութեամբք շքեղազարդէլ զտուն հայրենի :

Հայրենիք քաղաքաժողով միաբանութիւն է մարդկան . և այնմ Պղատոն զօղ եղ զերկիւզ զազանաց . և Տիւֆէնտորֆ զմարդկան սպառնալիս . այլ ինձ սիրելի են Ղրխատակէաց կարծիք որ զընկերսիրութիւն բնութեանս շողկաց եղ միաբանութեան մարդկան , և հիմն հաստատութեան հայրենեաց իւրաքանչիւր : Այս այսոցիկ աղատատանաց բնութեանս զինչ իցէ յայտարար , որով փարին հարք զօրդուլք , և սորա զնորօր , առաւել քան զտարփանս որթոյ զկրնննեալ : Օ ինչ . բայց եթէ լեզու յայտարար իմաստից մտաց , և անխարդախ թարգման իսնդազանաց սրտին : Ալ լեզու սորա կտուլ է և ամբութիւն հայրենեաց . լեզու արմատ ամենայն յառաջադիմութեան հիզացելոց ազգիս :

Ահ հեշտութիւն մեծ մարդկութեանս , հեշտութիւն ոչ ախտաւոր , այլ իմանալի , այլ ՚ի հողւոյն յառաջ բղխեալ . ծագումն բանի և ծնունդ մտաց . հեշտութիւն զորոց զփորձ առնումք իւրաքանչիւր , յորժամ փոխանակեմք իրերաց զտրամախոհութիւնս մտաց հեղիւք բառից իրան իմն և մարմին նիւթական աննիւթիցն տալով մտածութեանց :

Օ անկշռելի հեշտութեանս առեալ զփորձ

գեղեցկարանն Տուղ զիտս , որ և ինքնին չէր ան-
 ճաշակ քաղցրութեանց միայնութեան , վճիռ
 այսպիսի ոչ ինչ երկբայէր հատանել : Այլ թէ ի-
 մաստունն գերմարդկային իմն զօրութի յան-
 կարծ փոխադրեալ 'ի միջոյ բազմամարդոց 'ի մի-
 այնութիւն անմարդի ուրեք անապատի , և անդ
 նեկտարաւ և անմահական ճաշակօք երկնից դար-
 մանեալ , ոչ հանդուրժէր թերակատար երանու-
 թեանն . խուսափէր փախչէր 'ի միայնութենէ
 անտի 'ի հրապարակս իւրոյ բնութեանն կցոր-
 դելոց՝ վայելէլ անդ 'ի քաղցրութիւն տուրեա-
 ռիկ վաճառաշահութեանց խորհրդոց մտաց :
 Վեղեցիկս ապա նա ինքն Տուղ զիտս առ կուի-
 թինեանն իւր ասէր . Աչ ինչ առաւել , ոչ ինչ
 առաւել սիրելի քան զհայրենիս :

Արդարեւ ապա քաղցր են հայրենիք , ուր միոյ
 հօր որդիք հանդէս առնեն սկզբնական եղբայ-
 րութեան իւրեանց : Այլ հայրենիք ոչ օդք են
 միայն կամ հող կամ ջուր , այլ առաւել լեզուն ,
 որով և եղբարք՝ ընդ օտար երկնիւք թափառա-
 կանք՝ յեղակարծում 'ի ծայրից տիեզերաց 'ի
 մի վայր եկեալք ճանաչեն զիրեարս , ընդ մի-
 մեանս ոգեխառնին , և 'ի բերանոց իրերաց զհայ-
 րենին լուեալ արձագանգս այնպէս հեշտանան
 միմեանք :

Ար սիրէ զհայրենիսն , սիրէ զլեզու նորին . զի
 նուիրական ինչ է նմա և ամենայն ակնաձու-
 յարգանաց արժանաւոր լեզուն , զոր խօսեցեալ

են նորա, որ իւրեանց առարկնու թիւն սկզբնա-
 հայր լեալ են ազգին: Աթէ սիւնը, վէմբ և
 կոթողք, հայրենի առարկնու թէցն անկորուստ
 յիշատակք, շեն համբ առ սիրտ բարեզգած, ոչ
 սպարէն առաւել ազդողազոյն իցէ լեզուն, որով
 նոցին փառաց արժանաւորքն զմեծախոհ հմաստս
 դիւցազուն ոգւոցն յայտ արարին:

Աթէ յանկարծ փոխեցուք յափունա Արաս
 խայ, որոյ ալիք անխօս ակննատես լեալ են հայ-
 րենի մերոց փառաց, զհարդ ընդ լանջիւք մե-
 րովք բարախեն սիրտք մեր, և ՚ի մշտնջենահոս
 ալեաց նորա ցանկամբ լսել զվէսս մեր: Այլ մի
 թէ չիցէն նոյնպէս ստուգապատում գեղեցկա-
 խօս պատճէնք պատմազրաց մերոց: Այլ և նա
 քա իբրև զալինն Արասխայ անխօս հանդիպե-
 ցին մեզ, եթէ ոչ խնամով զուն գործեցուք ՚ի
 տղայ տիոց ընդ լեզու հարցն մերոց ընդելանել:

Յոյնք զհոմերոն յափշտակէին յիրերաց՝ նա
 րին քաղաքակցութեանն պերճացեալ պանծա-
 նօք. ահ, միթէ այնչափ վերջացեալ իցէ ՚ի մեզ
 հայրենասիրութիւն, զի անկարեկիր աչօք հայ-
 եցուք ՚ի հարսն մեր ՚ի Աերսիսեանս և ՚ի Սահա
 կեանս այլովքն հանդերձ: Բարէ, յորժամ
 զմտաւ ածեմ եթէ նոցին բառիւքն զբանս իմ
 յօդեմ, և այն խօսք, որ զչրթունս նոցա շար-
 ժեցին, շարժեն և զխնս, այլ յայլմէ լինիմ, և
 յանձնէ արտաքս ելեալ իբրու յայլ իմն տարազ
 էութեան յեղաչրջեալ զանձն համարիմ:

{ Այս է ուրեմն եթէ ուսումն եւեթ լեզուին բարոսք արծարծէ 'ի մեզ զկարի շիջեալն , զանցեալն բոց հայրենի : Այլ եթէ սակաւն ամենայն որդիք Հայկոց խօսիւք հօր խրեանց 'ի վեր բերելն զխնատոս սրաին , այն խօսք կայծակունացայտեցուցանելն սիրոյ . ե 'ի բոցոյ անտի հայրենասիրութեան անմեղանալի նորողէր մանկութի կենդանութեան աղջկն : Այլ հեռացեալքս 'ի մեծամեծար հարց մերոց երկայն վայրօք ե ժամանակօք՝ անբակ մնայսք 'ի նոցանէ որդիք սիրոյն : Բակ սցսօք , աւանդ վերսրանացս , զեզածիծաղ հայ չթ ունք շարժին 'ի հնչիւն խաժագուժ անուանց , լքեալ անյիշատակ զանուանան , որ մի մի կերպարանք են հրաշալի առարկնութեանց :

Այլ արարէն խրարանցիւր յանձնա նկատելք զերաշխաւօր բանիցս հաստատութեան , Արոյ լեզուի վարժիւքն հրահանգ իցէ որ , ընդ նորին ազգի ե սիրոյն կասլի կասանօք , ե ախօրժէ իմն փառաւորագոյն ե ճոխագոյն գող զազգն զայն բառ ամենայն տեսութեանց առ հաւասարութեան սյրոց ազգաց : Այլ այս , թէ ոչ խարխալ , անձնասիրութիւնն ինքնին՝ անմեղին 'ի բուսոց բարուց խրարանցիւր , յորդորէ զմեղիբբու այն թէ լեզուան հազորգս լեալ նոցին , որ ճոխացեալ իցեն բարեմանութեանքն : Այլ թէպէտ չիցեն արդեամբք , սակայն սիրելի է մեզ այնպիսիս գող նոցա : Այլ ո՞ր խալիր իցէ ընդ

այս սեր ազգի օտարի, և ընդ խնատս հայրենասիրութեան, որով ճշմարիտ հայրենասէրք փառաց ազգին ըզձանան:

Մշտնապէս այս խորհուրդ հայրենասէր թեւ յաւել երազընթացն Սեփարայ սրանալ ծագաց 'ի ծագս հայաստանեաց, հասանել զերանց և զգաշաց հեռաւորութիւն, խոյանալ և յօտարայն խնատուն խորհրդարան 'ի զիւս զբարութեանս մերոյ, յորոյ մեք արդ զիւրաջան 'ի քրտունան վայելիւք: և վաստակարեկ ձեռքն կանգնեաց անթիւ վարժարանս հայ մանկաւոյն:

Ալ թերի էին և առնտա վարժք յոյն և լատին լեզուաց, զի 'ի թագաւորէն մերմէ և 'ի հայրապետէն խրախուսեալք զիւրազործ էր հարցն մերոյ ճանանկարհորդել յխնատասէրն Միքայիլայի, 'ի ճառարանս Մթնա, և 'ի յաղթականն Հոսիմ, որպէս և իրացն հանդէս վկայէ մեզ վնոյն: Սակայն կորովարիք ծերունին ետես՝ զի տակաւ սասանէր իմն դահն արքունի, և ուղղագատ մտօքն կռեաց եթէ 'ի համազգի վարժարանաց ելցեն, որ զփառս ազգին կազցին յսկաստանի:

Այլ արդարեւ 'ի դարս ծաղկելոյ զեղեցիկ մտանազրութեանն մերոյ, և հայրենասիրութեն ծաղկելն առաւելապէս արդասիք: Առեմ զանընկձեղի արութիւն զօրավարացն մերոյ, որ ոգի 'ի բռին եզեալ 'ի վերաց հայրենեաց նահատակին: այլ աւսոյ, 'ի գերես: Սակայն անմահ

Թիւն և եթ մերոյն ճգնեցայ ցուցանել . եթէ միայն յաջողեցայ 'ի նոյն 'ի ներողամտութենէդ ձերմէ . զի հզօր հակառակախօհք վարանեցուցին զիս՝ մի գուցէ օտարոտի ինչ կարծեօք հեռացեալ գտանիցիմք 'ի շաղաց ուղղատես հարցն մերոց : Մար թէ ոչ զիտեմ և ես զյիշատակաց արժանին զայն մեծաբանութիւն արքայի ուրումն դարութեանց սիրելոյ , որ՝ որքանեօք խօսիցի որ , ասեր , լեզուօք , այնքան մարդ է :

() տարք հինաբար յարձակեցան 'ի տառապեալ հայրենիսն մեր յաւարի առնուլ զբազմաժամանակեայ շքեղութիւնս ակրղձեալս առ մեզ յաշխարհակալացն մերոց : Սեղ արդ ժամ է գեղեցիկ ասպատակութեամբ զիմանալի նոցայն կողոպտել ճոխութիւն , և նոքօք զպէտս կարօտութեան մերոյ լրացուցանել : Վողացուք յիտալացւոյն զկորովամիտ հնարագիտութի . յանգղիացւոյն յափշտակեցուք զանխոնջ և զվաստակատէր բարս . 'ի գերմանացւոյն զուղղատես խոհականութիւն . 'ի գաղղիացւոյն զյանկուցիչ ճարտարմտութիւն . և այսու լիաբաժին աւարօք ճոխացուցուք զբազմակարօտ հայրենիսն մեր :

Հայքս առանց յայլազգութիւն դառնալոյ՝ զայլազգի ճոխութիւնսն յինքնաբուն 'ի մերն համբարեցուք : Սովին այսու և զմեծախօհքաբերարաց կրկին վարժարանայն մերոց գտցուք կտտարեալ զհայրենասէր ուշ նպատակին , որ ընդ հիզութիւն ազգին ողորմելի հառաչեալ 'ի

Թիւն և եթ մերոյն ճգնեցայ ցուցանել . եթէ միայն յաջողեցայ 'ի նոյն 'ի ներողամտութենէդ ձերմէ . զի հզօր հակառակախօսք վարանեցուցին զիս՝ մի գուցէ օտարոտի ինչ կարծեօք հեռացեալ գտանիցիմք 'ի շաղաց ուղղատես հարցն մերոց : Ապա թէ ոչ զիտեմ և ես զյիշատակաց արժանին զայն մեծաբանութիւն արքայի ուրումն դարութեանց սիրելոյ , որ՝ որքանեօք խօսիցի որ , ասեր , լեզուօք , այնքան մարդ է :

() տարք հինաբար յարձակեցան 'ի տառապեալ հայրենիսն մեր յաւարի առնուլ զբազմաժամանակեայ շքեղութիւնս ակրղձեալս առ մեզ յաշխարհակալացն մերոց : Անդ արդ ժամ է գեղեցիկ ասպատակութեամբ զիմանալի նոցայն կողոպտել ճոխութիւն , և նոքօք զպէտս կարօտութեան մերոյ լրացուցանել : Աողացուք յիտալացւոյն զկորովամիտ հնարագիտութի . յանգղիացւոյն յափշտակեցուք զանխոնջ և զվաստակատէր բարս . 'ի գերմանացւոյն զուղղատես խոհանութիւն . 'ի գաղղիացւոյն զյանկուցիչ ճարտարմտութիւն . և այսու լիաբաժին աւարօք ճոխացուցուք զբազմակարօտ հայրենիսն մեր :

Հայքս առանց յայլազգութիւն դառնալոյ՝ զայլազգի ճոխութիւնսն յինքնաբուն 'ի մերն համբարեցուք : Սովին այսու և զմեծախօսքաբերարաց կրկին վարժարանայն մերոց գտցուք կտտարեալ զհայրենասէր ուշ նպատակին , որ ընդ հիզութիւն ազգին ողորմելի հառաչեալ 'ի

վարժոցաց աստի հայ որեարս բարեկիրթս, 'ի տիրուս հայոց ցանկային հասուցանել, 'ի նորո գումն անհնարին բեկմանս մերոյ :

Բ.Ձ 'ի վեր 'ի բազմամեայ փոշեաց տապանիդ, առ 'ի վեր զգլուխդ բարեաց յիշատակաց արժա նիդ, արդարև բարեացստպարտդ Աշուարդ. տես զորդիացեալնն քո զժիր սատանեակս, որ ըստ քոյոց արդարադատ խորհրդոց կամացդ զօտար աշխարհաց յափշտակեալ զճոխութիւնն՝ զքոյդ հայաստան նորօք բարգաւաճեն, զփառս ա նուանդ տարեալ ամ ուրեք : Ուր արև ծագէ, և ուր արև ամիտի արդասիք քոյոց խորհրդոցդ դովին : Բոյին հայրենակիցք յօճանս բարեացն վայելեալք մինչև 'ի ծմակային ձորսն Կովկասու զանտն քո հնչեցուցանեն. և օտարաց 'ի շողոյ նշուից փառացդ շանանս աչք :

Եւ այս ամենայն բազմաբաղձ դարուց դուք նորոգիք, ո՛ հարք, ուղղատես խորհրդովքդ ձերովք. 'ի ձեզ համբարեալ կան ակնկալիք թորգոմական զաւակին : Ի ձէնջ ակն ունի Լ. յրարատ պճ'նել միւսանգամ 'ի գեղ հարսնաւ պաճոյճ. զսիրասուն որդիսն, զակնկալութիւնս իւր, աւանդ տուեալ 'ի ձեռս ձեր՝ ոչինչ երկմտի ընդ գեղեցիկ արդիւնս իրացն : Ի ձեր ժրաջան ձեռս հաւատացեալ զանդս իւր՝ ոչ ինչ յերկուս նայ 'ի տոհմականացն յուսոյ :

Վեղեցիկ սպա 'ի նախադրունս ուսմանց վարժարանիս օրինադրեցան հայրենի բարբառոյս

մերոյ հրահանգք. և եթէ այսօր տեսիք ինչ զուք, ո՛ր մեծիմաստ ստեան, ձեզ արժանի ՚ի հարցափորձ հանդիսիս, ձեր ևն արգասիքն. մանաւանդ քո, ո՛ր արհիական Պետ, քոյոց հայրենի շնորհաբաշխ օրհնութեանցն ևն արդիւնքն: Ըստ եղևի, զի ոչ քեզ և քոյոցդ արժանի մշակիս հանդիպեցաւ ճարտարութիւն. որոյ և թերութիւնք չեն ինչ ծածուկ յումբէ համախմբելոցն յակմբիս: Ըստ թէ ոչ՝ արդ զուարթ ևս ժպիտ ընթանայր ՚ի դէմս քո՝ յակնարկել ՚ի ջովացեալ բարգաւաճանս քոյոց զրախտիդ:

Սակայն զայս մի ինչ հարկ համարիմ չթողուլ անյիշատակ, ո՛ր անարգամեծար Տէր, զի թերութեանց ամենայնի՝ զոր տեսանիցես, ոչ եթէ թիւրութիւն սրտի իցէ չարեացապարտ, այլ արկարութիւն ուժոյ առ հաւատարութիւն մեծի այսր և կարևորագունիս իրի: Արում և զօրավիզն սատարութե՛հ հանապազ զհայրենի օրհնութիւնդ ծանուցեալ աներկբայ, զնոյն մահութեմ՝ առնել աննուազ ՚ի տնկոցդ քոյոց և ՚ի նոցին մշակողաց:

ՈՒՍՄԱՆ ՊԱՏՄ ՈՒԹԵՒՆ

Ինչ երանի է, ո՛ր աստուածարեալ Հայրապետ, և պատկառելի կաճառ խնստուն ունկընդրաց, ինձ երանի է, զի ՚ի շրջան սահա ժամանակաց այս երկոցս շնորհի զձեզ ունել ունկնդիրս : Եւ այց և այս զիջական լեւեացոյ մանաւանդ փառք են քաղցր մարդասիրութեան, քան շնորհք խնոյ նուաստ բանախօսութեանս . որ ոչ միայն չգիտէ շարեւ զգեղ ճշմարտութեան ՚ի զօրտել զաչա և գողանալ զլեւիս, այլ և մերկ իսկ վերջացեալ գտանի տպաւորագոյնս առնել զայն առաջի :

Սակայն ես ընդ ձեր մեծապէս զարմանամ ընդ ներողամտութի, որ ՚ի դուզնաբեայս յայտ սիկ իբրև ՚ի կարեւորագոյնս ճիգն ծախէք և ժամանակ, և երկայնամտէք ՚ի լուր մանկական թոթովախօսութեանց : Յուշանէք այսու թէ ոչ եթէ յառժամացքս զկայ առեալ դադարէք, այլ կորովատես բբօք կըռեալ ՚ի հեռուստ զգալոց դարսն, այրիացելոյն Մարտատայ մանկունս պատրաստէք ազնուախոհոս, որ զսգոյն տիրու-

Թիւն 'ի բայ մերկասցին 'ի գեղաղէշ զխնայ մօր որդեսիրի :

Այլ զի գիտաւ որու թիւն ժողովոյս այս է , ներեսցի ինձ եթէ զարդարակչիւ միտս ձեր առեալ դարձուցից յայն ինչ , որ 'ի կարևորագունիցն է առ 'ի հասանել յուշ նպատակին : Այլ զայս ահա 'ի նմին իսկ 'ի պատմութեանց ճգնեցայց ցուցանել , յոր բանքս իմ այսօր ուղղեսցին :

Վանդի հասարակաց փոյթ 'ի գեղեցիկ դատարակութիւն մանկուոյն բռնադատէ և զիս զայս ևս նուազ զհակիրճ բանքս իմ 'ի նոյն նուիրել , և սղաբար առաջի առնել զմեծ կարևորութիւն ուսման պատմութեան : Պատմութեան , զոր ընդ քաջի հռետորին հռոմայեցւոյ ախորժեմ հոչել ջահ ճշմարտութեան , և առաջնորդ կենաց : Պատմութեան , որ ըստ ծերունոյն Արդնոյ խնաստնացուցանէ զմեզ ըստ աշխարհօրէն կարգաց , և քաղաքականս ուսուցանէ կարգըս : Արու և արդարև գովութեան արժանի այնք 'ի Թագաւորաց , որք զրու և պատմութիւն զիւրեանցն հաստատեալ կարգեցին զժամանակըս : Օ 'ի իբրու այն թէ պինդ կալեալ խախտնիցեն գերագաթ և թռիչս ժամանակին , և կամ 'ի խաւարային ծոցոյ յախտենից յետս ընդ կրունկն վերջոսնիցեն զմուացիտս հոսանս դարուց՝ ամենապայտուշ կենցաղօգտութեանց խորհեցեալ օձանս :

Վանդի մարդ՝ անոք անօգնական եղեալ յաշ

խարհիս , անկարող առ ամենայն , զուրկ 'ի բնաւորականացն զինուորութեանց , տկար ըստ միտացն բազմապատիր տեսութեան առաւել քան զմարմնոյն տեսաւորութիւն , թափուր յազդեցութեանց անտի , զոր բնութիւնն՝ դայեակ որդեսէր՝ առատաձեռնեաց անասնոց անբանից , զամենայն ժամ մասն և տուր լինէր մոլորութեանց , եթէ չէր նմա որ առաջնորդ 'ի դժուարին և 'ի տաժանակիր շաւիղս կենցաղոյս :

Մարդ , ճշգրիտ պատկեր ինքնաբաւ իւրոյ Մարդին , ինքնին ճարտարէ զՏնարս հայթայթանաց դժուարագունի իրիս : Օխաւար մտացն՝ հասանէ 'ի վերայ բարերար ջահ հայրենի խրատուց լուսաւորս յարդարել , և ընդ ուղիղն առաջնորդել դիւրապատիր քայլափոխից զաւակացն : Օայն ամենայն խրատ պիտանի , զի մի հողմոց ցնդեցին , ձեռն բարերար ամբարեաց 'ի շտեմարան մատենից , մերձ եղեալ առ նմին զօրինակ իւրաքանչիւր , որոց անատերիւր հետեւեալ ընդ ուղիղ շաւիղն՝ տարան զբարեմասնութեցն մրցանակ . և որոց անտիյթ եղեն՝ զապագովութեանց այսպանա :

Օայս ուսումն , որ ոչ միայն օգտակար , այլ և կարևոր իսկ է մերոյ պայմանիս , ցանկալի է մեծապէս առաւել ևս իննամօք զարգացոյցանել 'ի վարժարանս մեր . զի , եթէ չիցեն յանդրգնութեան բանքս , հիմն է գեղեցիկ դատախարակութեան և անհրաժարելի մասն նորին :

Ընդարկուած ին կարևորագունի իրիս ինքնին սրահանջէ զանխաբելի դատաստան իրաւակչիտ ակմբիս . զոր և , եթէ չնորհչիցէք ինձ երկայնամիտ ունկնդրուած ին ըստ ընտանի ձերոյին քաղցրուածէ , սուղ բանիւք ճգնեցայց աունել յանդիման :

ՅԱՄԵՆԱՅՆ դարս ոչ վրիպեցին մարդիկ 'ի գեղեցիկ յայսմ ծանօթուած ենէս՝ քան զամենայն կարևորագոյն համարել զգաստիարակուած ին ապագայ դարուն : Այլեղեցի գուն գործեալ է ցանդ 'ի ձեռն անխոնջ իւրոց մշակաց արգասաւոր մարդատնկովք զաստուածային բուրաստանն զուարճացուցանել : Օ յոյս իւրեանց միօրինակ ազգք նուաճեալք և աշխարհակալք յառաջակայ դարն աունեն ապաստան թօթափել զուծն , և կամ զհայրենի սուսերին փայլ յաղթական ցհեռաւոր սահմանս շողացուցանել : Վարդաբք իւրաքանչիւր յորդւոյն ակն ունին ոչ միայն ըզժառանգեալն անկորուստ սրահել զըքեղուած ին , այլ եկամուտ ևս փառօք ճոխանալ : Հայր ընդ բեռամբ ամացն յորդին հայի , զի 'ի վեր կանգնեսցէ զնուաճեալ ձերուծիւնն . այլ և զտունն համօրէն , զսիրելագոյն 'ի հոգս իւր , նորին լաւութեանն հաւատայ սրահել յակաստանի :

Ըստ ամենայն՝ յառաջնոց անտի և 'ի մեծամեծաց մինչև ցլետին նկունան՝ երաշխաւոր է կարևորութեան քաջի դաստիարակութեանն :

Մինչև նշան մեծ աստուածային հաշտութեան համարել ամենեցուն զայր այնպիսի, որ օրինակաւ խիբ լիցի օժանդակ լուսադոյն ևս յարդարել զզալոց դարսն մարդասէր խորհրդովք կամ 'ի դիւրութիւն դժուարագունի իրիս ճարտարեալ հնարս, և կամ սրատրաստեալ տեղի ապաւինի բազմալտանոց հասակին:

Մ. Է՛, դարձուցէք միանգամ զաչս 'ի սպառնալից ալիս անդր, 'ի սահանակարկաջ և 'ի փրբ փրադէզ ջուրսն մահազոյժ, որ 'ի վերուստ և 'ի ներքուստ մարտ յարդարեն ընդ բնութեանս: Տեսէք զկապուտակեալ դիակունս՝ խաղալիս լեալ ժպիրհ կոհակաց, զուեր և զկողոպուտ համայն բնութեան: Մ. Ը տապան մի 'ի մէջ համակործան աղէտիցն՝ արհամարհեալ զամ սպառնալիս՝ սիգաճեմ սահմամբ երթայ խաղաղ և անլտանոց ապաւինի 'ի զլուխ Մասեաց: Մ. Կ երկրորդի հօր մարդկութեանս երդումն կռէ, և նշան հաստատութեան կնքէ անստելի բերանն:

Չիցէ ապաբէն յանդրգնութիւն զնան զայն՝ աներկիւղ 'ի բարկացայտ ալեաց՝ տպաւորել 'ի վարժարան առաքինութեանց, յոր խուճապեալ ապաւինի երկչոտ հասակն 'ի ծովածուփ ալեաց կենցաղոյս. և զեղեցիկն 'ի նմա դաստիարակութիւն, նշան հաշտութեան երկնից ընդ երկրիս:

Մ. Ը աղէ, զինչ խմանայցեմք դաստիարակութեն անուամբ: — Օ ինչ այլ, եթէ ոչ զան-

սողիւտ քաղաքավարու թի՛րի կենցաղակից միաբանութեան մարդկան : Այս խորհուրդ հիմնարկ վարժարանաց յամենայն դարս . ոչ և քիւտրն մարդասէր անխոնջ վարժապետաց յայն և եթ ճգնի՛ զի յառաջագէտ զարդասցի՛րի գեղպերձութեան կենցաղասէր ընկերութիւն մարդկան :

Այլ եթէ՛ ՚ի բարեմասնութիւն մարդոցս չէին պիտանի նաւարկութիւն , շինութիւն , քանդակաց և նկարուց գեղ , լեւեաց բերկրութիւն ՚ի քաղցրաձայնութիւնս , էր ջան ամենայնի այսորիկ և ուսումն ՚ի վարժարանս : Բնդէր աստեղագէտն անխոնջ առ արուեստագործ ասլակեօք շլացուցանիցէ զաչն : Բնդէր բնագէտն և բնալոյծ ՚ի քիրան և ՚ի մոխիր միջոտիցին : Բնդէր հրաշալին՝ Աեմոսթեն ՚ի ծովափունան զօդս կոծիցէ , և զլեզու և զատամունս :

Օ՛րի անասունք , որոց չեն օրէնք միաբանութեան , յիւրաքանչիւր կաղաղս միայնացեալ զարանին : Այլ որչափ առաւել արիւնրուշաքիցեն , նովին չափով և ՚ի համաբնութիւն ընկերայն մեկուսի : Այլ յայս խկ սակս ոչ պաշտի առ նոսա և ոչ մի ինչ յայսցանէ :

Մարդ միայն վասն միաբան ընկերասէր կենաց հաստեալ յԱրարէն , հեզահամբոյր բնութեանն հպատակեալ՝ ՚ի նովին միաբանութեան կայ : Այլ որ օգտակարագոյն հանդիսացի բարւոյ հասարակաց՝ զնա ամենեքեան զովեն , զնա ա-

մենեքեան սիրեն , զնա ամենեքեան 'ի նկարս
և 'ի վէմն բազմացուցանեն :

Այս զխառորագոյն ջանք են գաստխարակու-
թեան . վարել ընդ նմանիս ըստ սրատշաճ արժա-
նեաց . եղբայր լինել բարերար , քաղաքացի ազ-
նուամիտ : Աւ արդ որ իցէ տղագոյն ճանապարհ
ստ այս կէտ նպատակի : — Այց եթէ զմանկը-
տին վաղագոյն ընտանեցուցանել ընդ մարդկու-
թեան : Աւ զայս ահա աներկմիտ ընձեռէ մեզ
պատմութիւն , ազդողագոյն նկար քաջ և վատ
թար խորհրդոց , զինչպէտ կրից և չարաշահու-
թեանց մարդկան , ժամանակաց և հանգամա-
նաց իրաց :

Օի զինչ այլ նկատեմք 'ի պատմութեան ,
այլ զմարդ նկարեալ ընդ ընտանի գերանօք . այլ
զմարդ՝ որ ուրախութիւն է ծնողաց , որ ապաւէն
է ընտանեացն , որ պարծանք է հայրենեաց :
Վկատեմք 'ի նմա զործս մեծամեծս . կործանին
տէրութիւնք , և յաւերակս նոցին այլք յառ-
նեն . 'ի բեկորաց քարանց միոյ քաղաքի ամբառ-
նան բարձրագլուխ սէզ աշտարակք այլոյ : և
այսմ ամենայնի գործօն ո՞ այլ , բայց եթէ մարդն .
կամ հայրենասէր առաքինութեամբք 'ի բարե-
վայելութիւն հոմազգեաց , և կամ չարագուշակ
ախտիւք և ամենակործան հակառակութեամբք՝
արտասուաց չարեացապարտ :

Ո՛հ գաւառդ իմ հայրենի , որ նստիս արդ
յընդարձակածաւալ լուծեան . ո՞չ ապարէն

մահացող ձեռն հակառակութեանց ծանրացաւ
 և ՚ի վերայ բարձրակամար ապարանից և հոյա-
 կապ շինուածոց քոց, զնէլ արդ զքեզ ասպնջա-
 կան ճիւղաց և որդւոց դազանաց :

Վեղեցիկս արդեօք առակաբանեաց որ ասացն՝
 եթէ խօսեաց ընդ որում կենցաղաւարեցիս և
 ասացից քեզ թէ որպիսի դք իցես : Այլ զինչ քան
 զայս դիւրագոյն հնարս իցէ խմանալ ՚ի վերանո-
 բողէլ զազգ մի վատթարացեալ . որպիսի, ա՛հ,
 սխերիմ ժամանակն կամեցաւ արդ և զմերս :

Քանզի մանուկն վաղ քաջ ՚ի պատմութեան՝
 դիւցազանց գտեալ կենցաղակից, և նոցին նա-
 խանձաւոր վառեալ առաքինութեանց՝ ձգնեցի
 անմահ յիշատակարանաց և ինքն գոլ արժանա-
 ւոր . և զիւրն ընդ հոյակապ անուանս նոցա հիւ-
 սել : Այլ յայնմ հետէ ո՞ր ակնկալութիւն բարւոց
 ոչ ծաւալեցի ՚ի հայրենիս :

Այսու օրինակաւ անցեալ ժամանակք դա-
 տիարակեալ զասպագայն, ձեռն ՚ի ձեռն տան
 քորք երեքին՝ այժմու ժամանակն միով ձեռամբ
 զանցելոյն և միւսոյն զասպագայիւ գրկախառ-
 նեալ ՚ի լաւազոյնն զարգացուցանել զազգս, և
 ՚ի մի կէտ դիտաւորութեան միաբանեալ՝ զգան-
 դազ դարս վարժապետ կացուցանել դիւրասա-
 զապ ժամուց : Արով և առոյգ գանգուբք արևոր
 խմաստութեան հարցն առաջնոց գտանին ասպրն
 ջական :

Քանզի քննութեամբ անցելոց ժամանակայն

'ի դուրս ելանէ յանձուկ սահմանաց անտիու-
կան հասակին . և այնուհետև ոչ որ մանուկ .
այլ ամենեքեան կանխեալ ժամանեալ քան ըզ-
հասակն , ալիք խնաստութեան նախաթու բազ-
մին 'ի խորհուրդս : Այս յորմէ եղևն՝ խրատեալ
զայն զոր պարան իցէ առնել , ոչ ինչ վեհերտօի
յօգտակարայն ձեռնարկութենէ : Օ՛ր եթէ
ազգոզագոյն բնաւորեցան զոլ աչք քան զուր , և
հակիրճ՝ օրինակաց քան խրատուց ճանապարհ ,
որո՞վ իւրք քան թէ պատմութեամբ նկարի յաչս
մանկուոյն զիւցազանցն հանդէս :

Կողցես բնութիւնն ինքնին քաջ գիտակ ի-
րացս օգտակարութեան զազգոզագոյն լեզու ,
զլեզուն բնաւորագոյն կրից , զյանկուցիչ լեզուն
քերդողութեան յառաջինան 'ի փոխ ետ պատ-
մութե , զի տպաւորագոյնս ամբարեցցին դէպք
անցելոց ժամանակաց 'ի միտս և 'ի սրտի զիւրա-
մուսաց մահացուաց : Քերդողութիւն , որ գեղա-
զարդեաց զբնութիւնս քար 'ի քարի վերայ յա-
րուցեալ 'ի շինութիւնս քաղաքաց , և զանկոց օ-
րինադրեալ պար գեղեցիկ , նոյն ինքն շքեղա-
զարդէ զմիտս , վառէ զսիրտս , նուագեալ յերգս
իւր զազգաց ազգաց քաջազունան :

Յառաջնոյ անտի ծերունուոյն դէմ առցուք , որ
զցատումն երգեաց Մքիլեայ և զայրն բազմա-
հնար , և տեսանեմք զի կարգ ըստ կարգէ ամենայն
բնարք նախ քաղցր հնչեցուցին զանուանս զիւ-
ցազանց ազգաց իւրաքանչիւր : Ընդուստ 'ի ծայ-

րից Միտի Էրզնէցին Պիրմանք զառոյզն և զգե-
ղնցիկ Ռամա, և 'ի Մահատարապ բազմաբան-
դակ տողիք աւանդեցին զգիւցախառն սրատմու-
թիւն ծագման ազգին: Յերտուտի 'ի Շահ
'Նամէ նոր փառս յաւել թագաւորաց Պար-
սից քաղցրախօս քնարաւն: Լըզիչ բարեպաշտին
Ննեայ զո՞ դք չիցէ կախարդեալ 'ի ձայն ոսկե-
թել քնարին: Վերմանայիք յակճիռս կան ընդ
գիւցազնականն իւրեանց 'Նիէպէլունի: Լա 'ի
զողարական թրթռումն ըրիցն Ռսիանայ կալե-
տոնեան Պարտեայն արդարեւ անազան այլ ծայ-
րից 'ի ծայր Լարտայ լեւի լինին արձագանդք
անուան Ֆինկարայ և Ռսիարայ: Վանդաղիմ
յիշէլ մի մի զյեթինան, որոց շէն զանխուլ առ 'ի
ձէնջ մեծաձայն անուանք:

Ոչ և Վողթնացի բամբուանցն երբեմն երգք
քաղցրաձայն, որ, ա՛հ, լուեալ են այժմ 'ի լու-
թիւն մահու, իրախ առնելին զէրինան չայոց
անուամբ մերոց աշխարհաշէն գիւցազանց, և
ոսուցանելին բնիկ և օտար անատաց զքաջու-
թիւնա Մրամեանց, Տիգրանեանց, Մարտաշի-
սեանց և այլոց:

Ո՛վ երաժշտութիւն, հոգի երկնային, որ բա-
րեյեղանակ ներգաշնակութեամբ կարգեցեր բզ-
աիեզերս ամենայն, որ գեղեցկայարմար յօրի-
նուածով թաւալեալ 'ի վերայ գլխոց մերոց
գունտս վիթխարիս, մեծաձայնագոյն լուծի՞
ուսուցեր երկնից սրատմել մեզ զփառս Մարտին,

դու 'ի վերայ թեթե թեոյ քաղցրաձայնութիւն բարձրացուցանես 'ի վեր յերկինս և գհոգի մարդոյ, դու յախշտակեալ իմն արտաքս յանձնէ զմարդ մահացու՝ անխոցելի յարգարես զրահիւք առարինութեան, և յաղթական նախանձոտ դարուց. դու ազգողագոյն քոյին լեզուադ 'ի նմանողութի հարց գիւցազանց վառես զգանգաղ թոռունս, երկնային իմն տուեալ զօրութիւն ալևոր սրատմութեան:

Բայց սակայն անդ 'ի գրունս բանիս կարծէի իմն զլացեալ մեզ բնութեան զընդածին զայն ազգ, որով անբանիցն հարկանին սկաք կարեաց. այլ արդ 'ի միտ առնում զի վրիպեցայ 'ի խորհուրդս իմ: Բանգի աղէ զիջուք խոնարհեցուք վայր մի առ անտիական հասակն. մահաւանդ թէ զմտաւ ածցուք զնախկի հասակս մեր: Այլ արդէօք քան զամենայն ինչ՝ անցեղոց իրաց յիշատակք քաղցր էին մեզ. և առ ոտս հարեալ զամենայն զբօսանա խաղալիաց, ոչ ժամք երկայնք յանգղատոս անցանէին մինչդեռ սրատմութիւն բացեալ զրեքան իւր բազմահմուտ՝ առաջի մեր նկարէր զգարնն սահեալս 'ի լուծիւն յախտենից:

Հետաքննութիւն, բնութեանս պարզ և ծանրադին, յառաջ քան զամենայն յօժարեցուցանէ զմեզ 'ի ծանօթութիւնս մերոց նմանեաց, Արտ ոչ միայն խրատիմք մի սպախտ առնել զտուրնն բնութեան, այլ և այնու գիւրագործ

Ճանապարհ հորդի 'ի սիրտ մանկուոյն՝ զհոյա-
կապ օրինակս առաքինութեանց ակրղձել վաղ 'ի
նովին : Ինձ հաճոյ է մանաւանդ ասել թէ ամե-
նայն կեանք մեր ուսումն է պատմութեան :

Վանդի սեր զիտելոյ զանցեալն ոչ սահմանի
ընդ տիա մանկութեան , այլ մինչև 'ի գերեզման
կենցաղակից է մեզ անմեկին : Այլ թէ երկուք յան-
կարծ 'ի վայրի միջ հանդիպեսցին իրերաց ,
հարցուածք խիտ առ խիտ զիրեարս փոխանակեն ,
խոնին զմիմեանց կնի յերկոցունց կողմանց՝ խմա-
նալ ինչ 'ի չգիտելոց : Այլ ոչ վրիպեմ ասել թէ
յանցեալն կեցցեմք մանաւանդ՝ քան թէ 'ի ներ-
կայն : Թէպէտ և սպառնեացն իսկ գիտութիւն
ոչ նուազ բռնաւորագոյն իցէ 'ի մեզ :

Ինքն իսկ Ղարտարապետ արարուածոյ բնու-
թեանս ուսոյց զայս բնատուր պարզ և մարդոյս
չառնել անտես , այլ մանաւանդ յօգուտ 'ի կիր-
արկանել , ընդ այն ճանապարհ գործելով 'ի հօ-
զին պիտանի և կարևորագոյն կանոնաց բարե-
չաւիղ կենաց : Այլ զնորին ինքնին եցոյց մեզ
զօրինակն համբ դարուցն անցելոց բարբառս
տուեալ 'ի լուր ծառային իւրոյ :

Վանդի 'ի հոլովել երկայն ամաց , ըստ հեռա-
նալ մարդոյն 'ի ծայրէ անտի մարդկութեանս ,
և նախնի տպաւորութիւնք և սկզբունք դողցես
'ի սպառ եղձան 'ի միտս և 'ի սիրտ մարդոյ :
Արպէս եթէ առու յստակ , որ 'ի կարկաջ հե-
ղաձայն քերիցի առ վրանաւ հովուին , անձանօթ

և անհամբաւ , այլ ականակիտ և քաղցրահամ հիւթովն զպատուք հովուին և զարօտական խաշինն բուժէ . իսկ ըստ հեռանալ յաղբերականց ստուարացեալ յօժանդակութիւն վտակաց բազմաց մեծահոգակ անուամբն և արհաւորաձայն խոխոջանօք , որ ՚ի մի ձուլէ զվէմն և զաւազ ալէսատտ պղտոր թաւալմամբ , կորուսանիցէ զարծաթափայլ գեղն :

Ըստպէս և ազգ մարդկան , իբրև հեռացեալ ՚ի ծագմանէ անտի իւրոյ կարաւ զարչաբհս , մուսացօնք եղեն նմա առաջին անատղիտ վարք , և յամենայն այլանդակ մոլորութիւնս անկղիտացեալ , և զանհաղորդական անունն իսկ շուայլեալ առ ամենայն , զամենայն ինչ աստուածացոյց բայ ՚ի ճշմարտէն Ըստուծոյ . զի ընդ գաղղիացոյ մեծի ճարտարաբանին * խօսեցայց :

Եւ զի՛նչ առ այս արհազին վիրաւնութիւնս դարմանս իմանայցէ ամենաբուժիչ Հնարագէտն : — Եւս ՚ի ձեռս մարդկան զպատմութիւնս դարուց անցելոյ : Օտղայութիւնս նոցա գեղեցիկ վիպօքն զբօսեցուցեալ , անազգէլի ճարտարութիւն ՚ի բայ դարձոյց ՚ի մոլորութեանս յերկայն ճանապարհէն : Ըստպէս առաջին մատեանս ստուար ծային , որ երէց է և ամենայն մատենագրութեանս մարդկան , եղև պատմութիւնս անցեալ ժամանակաց :

Ըստ Եթէ ընդ հողով իցէ ոսկի ոչ մի ինչ

* Պլատին :

զախտանեաց հարկանէ զսպասաւորութիւն . այսպէս զի մի մտացութեան փոշի թանձրացի 'ի պատմութիւնն յայնտիկ , ոչ միանգամ կամ երկիցս , այլ բազում անգամ հայրն անմահից և մահացուաց պատուէր հրամանի 'ի վերայ կատէ ժողովրդեան իւրոյ յորոտաձայն ամբոյն Սինայ՝ ընթեռնուլ զցայգ և զցերեկ զորանչելիս աւուրցն առաջնոց , հեղուլ և յահանջս նորատի զաւակաց : Առիւ և եթ դիւրապատիր գարշապարաց արահետ հորդեալ ճանապարհ 'ի բազմահրատոյր կենցաղումն :

Աթէ միանգամ յանձն առցուք և յընտանի մեր մատեննս ակն յառել , նախկին յաչս մեր հարկանի քաջափառ անուն արչակունեանն Ազարչակայ , որ յառաջին քայլախօս 'ի բաղաբական կցորդութիւն կենաց՝ զպատմութիւն հարց մերոց անհրաժարելի համարեալ , զայն նախ պատրաստեաց իւր և զաւակացն իւրոց ուսումն կարևոր : Արով և բարձրագլուխ խրոխտանամք մեք արդ առ այլովք ազգօք ուղիղ ազգաբանութեամբ զինի սրբագիր մատենիցն : Ըզխտեմ զոր 'ի մեծախոհութեանց բազմահանձար առնն 'ի զովեստ առից , Մնուն՝ որ բազմախօս է 'ի սիրտ ամենայն հայ սրերոյ . այլ այնու առաւել զի բարբառ ետ պատմութեանն : Առ եթէ համբ էր առ մեզ պատմութիւն , զարմանայիք դուք ընդ մեծագործութիւնն վեհազին ձերոյ Աղարչակայ : Այդ զարմանք ձեր , այդ զովութիւնք

խրատոյս տան ինձ տակաւին 'ի խոնջել բանից իմոց :

Այդ մեր թերևս քան զայլ ամենայն ազգս բաջ իմացաւ յառաջին դարսն բարեղարգութե զպիտանութիւն այսր ուսման : Օ պատմութիւն թագաւորացն 'ի մեհեանս և յանառիկ ամուրս ընդ մեհեանական իրաց յամբի պահեալ, անմեղձենալի գործէր անուրբ ձեռաց : Անուշտ ցուցանել իմն կամելով թէ որպէս անհրաժարելի է ամենեցուն ուսումն կրօնից իւրաքանչիւր, զոյգ նմին և պատմութիւն զիւցազանց ազգին : Այս աւանդոյք նոցին՝ ոչ սինքորք ոմանք կամ վարկարարազի մարդիկ, այլ արք նուիրականք, օտարացեալք յամենայն կենցաղականաց : Քանզի բուրմբ մեր և քրմապետք ոչ միայն աւանդապահ էին նոցին հաւատարիմ, այլ և ինքեանք մատենագիրք :

Այսո պսու թագաւորք մեր իբրու այն թէ հարկաւ իմն դուն գործէին անընդհատ պահել զկարգ ժամանակաց : Այս օրէնս իմն դնէին անձանց՝ հայրենասէր վաստակօքն զամս արքայութեան իւրեանց նուրագեղ ցոլացուցանել 'ի միջոց խաւարային դարուց : Քանզի եթէ 'ի կամս իւրաքանչիւր մնայր սպաստանս, ըստ մտաց թելադրութեան կարգել զպատմութիւնս զիպաց, զայր թերևս ժամանակ, զի անպարսպութիւն և կամ այլ ինչ 'ի խախտարարաց զրկէր զազգն 'ի կարեւորագոյն ուսմանէն :

Մյս խորհուրդ օգտակար ունանց այժմու թա-
գաւորաց անմահ կանգնեաց յիշատակ . զոր
մերք , արդարեւ անմահութեան արժանաւորք ,
ոչ միայն խորհեցան այնչափ դարուք յառաջ ,
այլ և յարդիւնս իսկ անձին : Փառք և կորանք
միանգամայն յետնոցս . զի բախտ նախանձոտ , ա-
ւանդ , զղջացեալ ընդ նախկի առատատուր պար-
գեան , ձախողակի իմն այնչափ 'ի խոնարհ նուա-
ճեաց արդ զմեզ , օրչափ երբեմն ամբարձեալ
էր 'ի վեր : Այլ հարբ մեր մոռացկոտք փառաց
և պատուոյ անձին շիջուցին զամենայն իմաստ ազ-
նուական , և 'ի սպառ եղծին զամենայն գեղ
բարեվայելութեան :

Ս'ի , ո՛ սրատկառելի ատեան , մի աղաչեմ
յանդուզն համարեցի ձեզ այս ցասումն նախան-
ձու ազգասիրութեան : Վանդի ընդ արհամար-
հանաց սրատմութեան , տակաւ եղծան և ապա-
կանեցան և այլ ամենայն բարեզարդութիւնք
մերոց հայրենեաց , և խրթնեցան ամենայն գե-
ղեցկայարմար վայելութիւնք : Վանդի սրատ-
մութիւն ոչ միայն վարժապետ է կենաց , որ ա-
ռանց աչառանաց իրիք կամ վրիպանաց զգաս-
տիարակեալն իրատէ , այլ և հիմն և աղբիւր
ամենայն կարեւորագոյն գիտութեանց և արուես-
տից կենցաղոյս : Ասան այնորիկ եթէ անտես
լիցի գիտութիւն իրաց գործեցելոց՝ նկուն լինին
և այլ ամենայն գիտութիւնք :

Յայս ապարէն , եթէ շխտելցեմ , ունի ակ-

նորկումն և այն, զի քաջախոհն յունաստան, որ ախորժէր զամենայն խնաստ կարևոր առասպելեացն գեղեցկանկար քողով առազատել, մայր Սուսայից, որով զամենայն գիտելիս բովանդակէր, զՍնեմոսինէ ասաց, զոր յիշատակարան սիրեմ կոչել անցելոց: Վանզի պատմութեամբ արդեօք ընդարձակածաւալ գեղարուեստիցն տարածանի առաջի ասպարէզ: Ոչ ասպարէն 'ի հրաշալեաց անտի 'ի Պիթիայ և 'ի Տրասիդեայ մինչև 'ի Անտոլայ, փառք առուրց մերոց, զբիչ քանդակագործին պատմութեամբ խրատեսաց 'ի զարմանալեացն ձեռակերտութիւն: Ոչ պատմութիւն զՎիցիանեայ և զՍաֆայելի երկնային իմն հրով վառեաց զողիս լինել հիացուցիչս դարուց բազմաց: Ոչ և ինքնին աստեղագիտութի, բնագիտութիւն, հնարիմաց մենքենականութիւն, 'ի պատմութեանէ խրատոյս ստին 'ի Թոլիս յանդրգունս խոյանալ:

Ղեքսանդր Ղազիականէն Հովերոնի, որ առաջին պատմութիւն է դիւցազանցն Յունաց, ոչ միայն ուսաւ զկարևոր առաքինութիւնա առն կարգելոյ առաջնորդ ազգաց, այլ և զկեղակարծ արուեստ պատերազմի, որով առաւել յաղթանակս կանգնեաց քան քայլս փոխեաց: Վմին եղև նախանձաւոր և մեծն այն, որ իբրև վարսամ նորանշան փայլեալ յառուրս մեր, յակճիւս կացոյց զազգս նուաճեալս և զնախանձաւորսն իւր: Փառացն նորա կապուտակ ակն նախանձոտ սահ

մանն եղ զանձուկ սպառաժ սեաւ , որ աննկուն
'ի լեռնաստատ արեաց ցասկոտն Ուլկիանու՝ ան-
երկիւղ յամնս ամբառնայ զմնայլ գաղաթնն ,
ճշգրիտ սրտիկեր զիւցազինն , որում անկշռելի
փառօք գտաւ աստնջական :

Ո՞րնդ Արինկիննատեայ անցեալ ընդ վէտնն ,
որ զարօր ընդ ծիրանեաց , և զծիրանիս ընդ ա-
րօրոյ բաղում անգամ փոխանակեաց անլրդով ,
և արհամարհիցէ զմշակութիւն :

Անցաղաղէտ քաղաքաւարն յամենայն կա-
րեորագոյն սէտս ազգաց և պետութեանց 'ի
պատմութենէ խորհուրդս հարցանէ : Վրանդի
յորժամ պարտ իցէ գործել ինչ , 'ի գործեալնն
արժան է զակն յառել : Օ՞րի հանդէսք գործոյ՝
զճմարտութիւն ուսուցանեն . խորհուրդք՝ վրե-
պականք են կամ զանգիտողք :

Պատմութիւն և յատուածայնոցն գիտու-
թիւն անատերիւր առաջնորդեաց մարդկան : Ենձ
չատ է յուշարկանել ձեզ զայրն հոյակապ . նե-
րեցէք ինձ անուանել զնա նոր հայր եկեղեցւոյ ,
որ ծագեաց 'ի Վաղղիոյ լուսազարդել զարեմը-
տակողմնն առ հասարակ : Վրանդի ոչ սպարէն
պատմութիւնն ինքնին եբաց առաջի ընդարձա-
կաժաւալ մտաց Պոսիւէի ասպարէզ անհուն՝ 'ի
բազմամբոխ գործս մարդկան նկատել զանփոփո-
խելի տեսչութիւնն աստուածային , որ 'ի մի ուշ
նպատակի ուղղէ զամենայն : Ըրդարե գեղեց-
կայանդուզն զրչի նորա նկար անմահական՝ ոչ

միայն նախանձ արկանէ հրաշատեսիլ գեղեր-
փնութեանց Վիցիանեանց և Սարֆայելեանց և
այլոց համօրէն ճարտարաց, այլ և սրատկառէն
խակ գալ ընդ նմա ՚ի կշիռ հաւատարութեան :

Վիտեմ գի անցազ եղէն բանք իմ քան զարյ-
ման, և սարտ է ինձ ՚ի կատարած կոյս խուճա-
պել խօսիցս. սակայն աղաչեմ և զմի ինչ կա-
րեորագոյն քան զամենայն յուշ ածել կարճ ՚ի
կարճոյ :

Վանգի ստամութիւն յոյս է անմահութեան
աղնուական հոգւոյն, և խրախոյս ՚ի կենցաղօ-
գուտ մեծագործութիւնս : Մ. Ես բնաւորական
իղձք են մարդոց անմոռանալի գոլ՝ ոչ միայն ժա-
մանակակցաց, այլ մանաւանդ և որոց յղկնի
դարսն գալոց իցեն : Սինչև եղեւնաւորի ումեմն
Լըոսարադայ, որ չէ անծանօթ բազմահանձար
կաճառիս, յանդուզն ձեռօք հրձիգ լինել ՚ի մե-
ծահամբաւ տաճար Մրտեմեայ եփեսացւոց, զի
թէ ոչ քաջագործութեամբ ինչ, գոնեայ չարու-
թեամբն լիցի անմոռաց առ սորագայս :

Սոյն այս իղձ արդեօք անմահութեան զօրա-
ցոյց զմիտս և զձեռս դիւցազանցն Մսիոյ, Մփրի-
կեայ և Լարոսայ և նորին իսկ Մերիկայ յան-
ցեալ ժամանակաց անտի ամբատնալ ՚ի վեր նա-
խանձաւորս լերանց յաւիտենականաց կոթողս,
բրդունա, և շիրիմս դամբարանաց, յաղթականս
ամենակործան բռնութեց ժամանակին : Մ. Եւք
պճնեցին սրատկերս բարեչափս և նկարս զօշո-

ախչա, զի գոնեայ անզուգական գեղեցկութիւնք նոցա հրասուրենցին անազան թուուիք պահել զայնտիկ անդրժելի նախանձաւորութեամբ յիշատակ անմահ :

Ընդ անազգելի և լուռ են յիշատակարանք . լուռ պատկերք և նկարք, եթէ լուս պատմութիւնն : Եւ եթէ ՚ի վարժս նորին որ կիրթ իցէ, ահ, մի մի քարինք փողոցաց, օդն և ջուր, լերինք և գետք ճարտարաստ են առ այնպիսին, և ամենայն քայլախոխ խրախուսէ զնա ՚ի ճանապարհ փառաց հայրենեաց : Արակն մարթ իցի անկարեկիր տեսանել զտաճար փառաց հայրենեաց, և անընդոստ սրտիւ ՚ի նա հայել :

Ընդ զարի նահատակն խրախուսէ ժուժկալել խիտ երկանց պատերազմի, յաչա դնել զմահ, յոյս և եթ անմահանալոյ յէջս պատմութեանց : Եւ սէք ապաքէն զհառաչանս մեծին այն մահկեղոնացոյ որ կայ առ շիրմուն Ընդիւայ : Ան կարծիցէք, ոչ ցաւոյ հեծութիւնք են, ոչ արտասուք սրտին անձկութեան, այլ նախանձաւորութիւն մեծ, զի ոչ նմին հանգոյն և իւրոց արութեանց իցէ որ հռչակող :

Ընդ սէքէն այսու նուրբ տեսութեամբ սիրելի էր բազմահանձարն յունաստանի, զի ընդ ողիմպիականացն և այլոց բազմահանգէս խաղուց ՚ի վէզ եկեցեան և քաջ նոցին մատենագիրք, վառել յոգիս մանկուոյն զանձախելի բոց հայրենասիրութեան : Ընդ սու ահա որչափ որդիս հա-

մարէր բարեբախտն 'ի մարս յունաստան, նոյն-
չափ և զիւցազունս : Վանդի ամենեցուն այս
մի էին իղձք՝ փառաց թողուլ յիշատակ երկայն
և անանցանելի, անդր քան զանձուկ սահման հա-
մառօտ կենացս :

Տպաւորազոյնս ևս արդեօք տեսանեմք զիրացս
արգասիս առ սինէացիսն, որ նմ կենցաղօգուտ
բարեզարդութեանց անդրանիկք և արժանիք ար-
դարև գոլ օրինակ : Սոցա ատեան առանձին հաս-
տատեալ արանց իմաստնոց և առաքինեաց, սրա-
տուիրանաւ յանձն առնեն զամենայն գործս թաւ-
զաւորաց ժամանակին անխարդախ աւանդել
յեանոց : Վանդաղիմ յիշատակել 'ի նոցին խկ
մատենիցն՝ եթէ որպէս այս կարգ, ամենայն գո-
վութեանց արժանի, ոչ միայն յորդորեաց զինք-
նակալս նոցին 'ի պիտանեացն ձեռնարկութիւն,
այլ և զյանդրդունսն ձեռնասրահ առնէր 'ի վնա-
սակարաց :

Եթէ այսչափ օճանք օգտակարութեան իցեն
ուսման պատմութեան ազգաց, ո՞ մարթիցի մի
մի թուել զբարենշան արգասիս՝ եթէ որ զիւրոյ
զաւատին միշտ ընթեռնուցու և ուսցի և խօհաս-
ցի զպատմութիւն : Վկասէ 'ի նմին թէ ոչ վեր
'ի վերոյ դուքնաբեայ ինչ որ, այլ շառաւիղ է
զիւցազանց . այլ այնպիսի խաղայ արիւն յե-
րակսն, որ բազում անգամ ռոտգեաց զհայրենիս,
որ բազում յաղթութեամբք ձօխացոյց զնա, և
բարձր 'ի զլուխ սրանձացոյց 'ի վերայ ոտխաց և

աւարառուաց նորա : Բ. յնպիսեաց որդի է հարց , որ զամենայն ինչ , և զկեանա անգամ եղին 'ի վերայ հայրենեաց :

Բ. յսու այր ազնուախոհ գուն գործեսցէ արդեօք ոգւով չափ չաղարտել զանունն փառաւոր , որ կօչեցեալ է 'ի վերայ նորին : Բ. թե նացի որ լուեալ զանցսն Աողրոսի արքայի իւրեանց , յոր ինչ ոչ խրախուսեսցէ :

Հերակլեանք , ազգ հզօր և միշտ յաղթական , պատեալ պաշարեալ պահէին զքաղաքն աթենացոց : Եւր եհաս յունկն արքայի՝ եթէ պատգամախօսն այնմ կողմանն խոստանայցէ զյաղթութիւն , որոյ նախ մեռանիցի զօրաւար : Հայրենասէր սիրտն արի խորհեցաւ և հաստատեաց զարժանն : Ի բաց մերկացաւ զզարդս և զծիրանսին արքայական , և առ յանձն ոչ եթէ զհանդերձս դոյզն զօրականի՝ խառնել յառաջին դասականսն . քանզի խիթայր թէ գուցէ ինայեսցեն 'ի նա սլաքք թշնամոյն և վրիպեսցի 'ի ցանկալոյն իւրմէ 'ի մահուանէ : Բ. յլ ընդ ճանապարհ անբոյթ խորհեցաւ ելանել ընդ առաջ մահու : Բ. ըկ զանձամբ զրզլեակ աղքատի և զնաց 'ի բանակ ոսոխին գողանալ անտի զմահ քան խռիւս քանի մի : Բ. նկաւ Աողրոս քաջութեամբ անծանօթ յայլոց ամենեցունց , անձին և եթ ծանօթ . այլ մեռանէր ուրախութեամբ , զի մահուամբ իւրով շահէր ժողովրդեան իւրոյ ազատութիւն և փառս :

Ընդհանուր , միթե և մերոց պատմութեանց էջք ազատեցն մեզ այսպիսի օրինակս հայրենասիրութեան , և այլ բազմաչոյլ առարինութեանց : Ընդհանուր իցեն ՚ի մտաց մերոց Ըրամ , այր աշխատասէր և հայրենասէր , որ անմահ փառս համարէր զմեռանել ՚ի վերայ հայրենեաց : Ար ընդ մեօք նուաճեալ ազգս և թագաւորութիւն հրաման տայր ընդ քաղաքական կենաց , ուսանել և զխօսս և զէզուս հայկական :

Ըրայ գեղեցկագոյն հոգւոյն քան զմարմնոյն գեղ , վեհ առարինացեալ քան գերբայեցին գեղեցիկ , կորանս անհնարինս ածէր ՚ի վերայ բորբորիտոն աշխարհածուհոյն :

Տիգրան թագաւորացն մերոց խոհեմագոյն և ամենեցուն քաջ , կացեալ առ Արասխաւ , և յունական կղզեաց տայր հրաման : Աւ նորին համարուն աշխատ առնէր զեզ հոլմայեցին զամբազումն :

Ըրտաշէս , յորոց հիացեալ ՚ի համբաւոյն՝ առ հասարակ Ալլաղայ զահն մատուցանէր : Աւ միւսն Ըրտաշէս ամենայն առարինութեանց և զործոց պարսպեալ ուղղութեանց , նախանձաւոր իւր յարգարէր զխորիտ գահակալ պարսկականի պետութեանն :

Աղարշակ կորովաբան և հանձարեղ , որ ամենայն կենցաղական կարգօք զաշխարհս մեր բարեզարդեալ , միւսանգամ նախանձելի յարգարէր զնա ազգաց հեռաւորաց և մերձաւորաց :

Խտարով, որ յափանցն Լըրասխայ յաղթականն դրօշակօքն անցեալ զանցեալ զազգօք և զթագաւորութեամբք, մինչև առ Վանդիսիւ լեւի արար զճայթիւն լայնալիճ՝ աղեղանց հոյ բանակաց :

Վմենայն առաքինութեամբք բացափայլեալն Տրդատ, որ մարմնոյն արութեամբ յակճիւս կացուցեալ զհելլենականն, զհուլմնայեցին, ըզՎութս, զՊարսս, զասորեստանեայս, այլովքն հանդերձ, հոգւոյն առաքինութեամբ ծայր 'ի ծայր լցուցանէր զհայաստան աջակցեալ հոգւոյս Լուսատուին :

Վանդաղիմ յիշատակել զԱ արդանեանս և զԱ ահանեանս, որ առաւել հայրենասէր առաքինութեամբ, քան թէ մեծաձեռն բանակօք զգողի հարին 'ի դահոյսն իւր զարբայից արքայ :

Ո՞ թուեսցէ զվաստակարէկ քայլափոխան, զոր առնէին 'ի սէր հայրենեաց Վերսէս, Սահակ, Սեսորոպ և հոյք նոցին զաւակաց :

Տեսէք ահա զթուոյց սլաքի, որ ճայթէ 'ի լայնալիճ՝ աղեղանէ նախահօրս մերոյ Հայկայ, և թափ անցեալ ընդ երկաթապատ լանջնսն դիցուրտ տապաստ յերկիր արկանէ զհսկայն որսորդ : Ո՞րպէս հաստաբազուկ և զեղապատչաճ՝ դիւցազունն թումբ կանգնեցաւ ընդդէմ յորձանաց յաւերժից քաջաց : Ո՞ զօրացոյց զկարչնեղ բազուկան նահատակին : Ո՞ ուղիղ առաջնորդեաց ընդ ծայրս ակրնջաց քաջաղինն անվրիպելի ե-

րէք թեւեան երկաթոյն : Ենքնին ահա առնէ պատասխանի ողին վեհազուն : — Այլ հայրենեաց :

Այլ յայնժամ տակաւին չէին հայրենիք , տակաւին չէին ճոխացեալ այնչափ փառօք , որ պէս այժմն . այլ յայնժամ յոյս եւեթ հանդերձելոց քաջալերեաց զարի նահատակն :

Ենձ մարթ էր յիշատակել տակաւին զանձառամելի փառս հայրենեաց մերոց , որովք մարթին անկասարելի շքեղազարդել ստուարակարկատ մատենիք : Այլ յաճախութիւնն նոցին միայն եղև ինձ խափանարար : Ահ երջանիկ խափանարար :

Այսօրիկ ամենայն չիցէն բաւական քաջալերել զմեզ 'ի ըստագունիցն թեւակոխութիւնն : Ահ , առ մեզ հարք մեր , առ մեզ աղաղակէն 'ի վճէ դամբարանաց իւրեանց : Ի մեզ , ո՞ ազգասիրաց ակումբ , սպաստան արարին զէր հայրենեաց , և զփառս անձանց : Ահ յեծամեծաց ակնունին 'ի քրտանց մերոց . և յոյս անխաբելի ահա նոյրս ուրախութեան ցոլացուցանէ 'ի բազմամեայ կնձիւն ճակատուց նոցա :

Հայպա , մանկունք ուսումնասէրք , անվրիպելի յոյս հայրենեաց , հայպա խրախոյս առէք անվեհեր սրաիւ նմանել առաքինութեանց հարց ձերոց : Այլ 'ի լուր նոցին առաքինութեանց լցան աչք ձեր քաղցր արտաստուօք , եթէ ուժգին ևս ընդ անընկճելի լանջօք ձերովք տրոփէ սիրտ

ձեր, եթէ հոր սրբութեան արծարծեցաւ 'ի ձեզ և ծածուկ բռնութիւն զօրանայ 'ի վերայ ձեր, անխաբելի են ակնկալութիւնք հայրենեաց 'ի ձեզ:

Հայաքաջալերեցարուք նմանել նոցին. բուն հարէք տպաւորել 'ի ձեզ զճշգրիտ պատկեր նոցին առաքինութեանց: Օ 'ի առաջին փառք նորովքն և եթ մնան անեղծանելի: Վարինութիւնք հարց ժառանգութիւնք են ձեզ ծանրագին. զանձ անկշռելի ընդ ամենայն մեծութեց. Զահ լուսապայծառ: Վ. Մ. յուշ լիցի ձեզ՝ զի որպէս այն Զահ անշիջանելի նշողիւքն լուսաւորէ զփառս ձեր, նոյնպէս յայտնի արատի և զթութութիւնսդ, եթէ 'ի նոցին նմանողութենէ վերջացեալ օտարաջիւր:

Հայսմ անձուկ ասպարիզի ուջիւր զհանդէս արիանալոյ յընդարձակ ասպարէզ փառաց. 'ի սին ամենայն ինչ օժանդակէ ձերոց բարգաւաւանաց: Հայա առէք քաջալեր. զի ահա և ձեռն օգնականութեան Հօր հասարակաց ամբարձեալ է 'ի վեր՝ հոսել 'ի զլուխս ձեր զառատաձիր պարզեան երկնից:

Մ Բ Յ Լ՝Ն Լ՝Կ Լ՝Յ

() Ը բարենշան ինձ օրս այս յաւուրս տարւոյն , որ իննդու[թեան մեծի , յորում , ո՛ւ առաքինի պատանեակք , հասանէ ինձ հռչակել ըզհանդէս քաջու[թեան ձերոյ :

(Ս) Էպէս և նախանձոտ ժամանակն , որսերիմք ճշմարտութե , գողացան յինէն զցանկաղի վայրկեանան , կարուստ աննորողելի , զոր ոչ այնչափ ՚ի սովորութենէ , որչափ ՚ի յօժարութենէ սրտի ամ ըստ ամէ նուիրէի ՚ի շքեղազարդել զհանդէս ձեր . [Թէպէտ և բազմածուփ յուզմունք մտաց՝ զսիրան անգորբութեան ցանկացող՝ մնաւ նեցին յալիս տաղտկութեանոյ , այլ ձեր առաջի , այլ ՚ի տես քրտանոց ձերոց՝ ոչ կարեմ լուել համբուն , և ահա այսու սուղ բանիւքս ցանկամ արտայայտել ձեզ զիղձս սրտիս՝ անբովանդակելի ՚ի զիր և ՚ի բան :

() Ը է իննդու[թեան այսօր և պատկառելի աղբիւս , որ զմի մի ՚ի ձէնջ դառնավիշտ երկամբք , [Թոյլ տացի ինձ այսպէս զծանրատաղտուկ հոգս և զկիրս նորին ՚ի դէմն ածել , դառ

նաովիշտ երկամբք ծնանի 'ի բարւոք կեանն :
 Արդ և զայլ ամենայն կարևորան 'ի մոռացմա
 արկեալ՝ ժողովեալ է այսր լինել ձեզ խրատա-
 կից , և քաջութեանց ձերոց հանդիսադիր և
 պարգևաբաշխ :

Տեսէք ահա , զի աչք ամենեցուն 'ի դէմն ձեր
 խնդրեն զախնահաճոյ ականակետդ տեսութեան
 խրեանց : Այսպէս մեծ համարիմք զբարւոք
 ձերոյին դատտիարակութիւն , և առ նովաւ երկ-
 րորդ զամենայն զմնացեալն . քանզի քաջ զի-
 տեմք թէ այնու միայն եղիջիք դուք ընտիր զարգբ
 եկեղեցւոյն Վրիստոսի , և արք հայրենասէրք ,
 արժանի մեծամեծար հարցն մերոց :

Ապա երանի՛ ձեզ՝ որ անխոնջ վաստակօք ու
 ոռոգեցիք և զայս ամ քրտամբք ձերովք զփառաց
 ասպարէզն , յոր բուռն հարէք ընթանալ :

Ի հեռաւոր ափանց զրկատարած բազուկս սի-
 րոյ կարկառեալ փարիլ զձեօք՝ ընդ մեզ ուրա-
 խակից լինին ձեզ և անձկայրեաց ծնողք ձեր
 սրտատրոփ բերկրութեամբ , որոց 'ի ձեզ հաս-
 տատեալ է ակնկալութիւն :

Աւրախակից ձեզ և ամենայն ուղղատես որ-
 զիք հայկայ , զի ձեօք յուսան զխրթնացեալ
 փառս խրեանց նորանշոյլ գեղազարդել վերըս-
 տին :

Աւրախակից ձեզ և հայրենիք մեր առ հասա-
 րակ , զոր տեսանեմ հոգւոյ աչօք , զի առաւել
 քան զյաղթանակս զիւցազանց խրոց Արտաշի-

սեանց , Տիգրանեանց , Տրդատեացն , այլովքն
 Հանդերձ , ընդ ձերս այս ճոխացեալ սրանծայ :
 Որչափ պերճագոյն իցեն իմանալիք , որովք դուքդ
 ճոխանայք , քան զճոխութիւնն կորստականս ,
 զոր նորայն ամբարեցին 'ի ծոց Հայրենեաց : Այս
 ուրախ լերուք և դուք , դուք որ արիարար նա-
 Հատակեալք , այսչափ խնդութեանց եղերուք
 պատճառք :

Սակայն զայս ցանկամ քաջ ձեզ 'ի միտ առ-
 նուլ , ո՛վ սիրեցեալ պատանեակք , զի այս ուրա-
 խութիւն , այս հանդէս , որ զօշոտէ զաչս ձեր ,
 ոչ այնչափ մրցանակ է վաստակոց ձերոց , որ հա-
 զիւ ընդ սեամն կոխեցէք դժուարագնայի ճանա-
 պարհի կենցաղոյս , որչափ խրախոյս յառաջա-
 դէմ ևս բարգաւաճելոյ 'ի ջանս առաքինութեց ,
 և 'ի փոյթ ուսմանց :

Որ խառն 'ի խուռն կացեալ իցէ ընդ ամբո-
 խին , ոչ ձգէ յանձն զաչս հանդիսականաց : Այլ
 որ միանգամ յատպարեզ քաջութեանց խրախու-
 սէ , միապիչ առնէ յինքն զաչս և զսիրտ ամենե-
 ցուն առհասարակ : Այս ամօթ անհարին՝ էթէ
 'ի սկզբանն արիացեալ , և ապա 'ի վատթարու-
 թիւն հատանիցիք : Այդո՛ւկ այնպիսոյն :

Այլ մեք , այլ այս ժողով հայրախնամ , այլ
 որդեսէր զութք Հօրս հասարակաց փառս ձեզ
 ըղձան և զուշակեն . և երանութիւն և էթ զուն
 զործեն պատրաստել ծափաձայն խրախուսա-
 նօքն թէ յաղցաւոր կենցաղումն , և թէ առա-

ւել 'ի յարկսն յաւիտենականս : Այս ժամանկացջիք 'ի կէտն ցանկալի , եթէ ոչ սկսանել միայն , այլ զխտասջիք և ցանկորդել 'ի փառաւոր ասպարիզիդ :

Վիտէք արդեօք զի 'ի յաւիտենիս յայսմիկ պէտք կարեաց մարդկան բազմասպատիկ են : Այս ցորչափ տազնապիցիմք 'ի կարեաց անտի , չիք որ եղկելի քան զմեզ : Այլ , շնորհք Ամանհին , զի տեսչութիւն նորա , որ կամի զմեզ անանց և անցաւորաւս ճոխացեալ միանգամայն երանութիք , շնորհեաց մեզ զիմացողականն , զպատկեր նմանութեան իւրոյ : Օյլն ամենայն զլացաւ մեզ , որով անբանականքն հարկանեն զպէտս կարեաց իւրեանց . զայս միայն առատաձեռնեաց , և 'ի նմա գերօրինակ զայլն ամենայն :

Փոխանակ ամենայնի ած ձգեաց ժողովեաց զձեզ 'ի վարժարան այսր առաքինութեանց և իմաստութեան , որպէս զի անստերիւր դաստիարակութեամբդ ձերով՝ բարւոր յարգարեալ զսիրտ և զմիտս , զկէսս 'ի կարեաց պիտոյից անտի ուսջիք անտեսել . զայլս յանհրաժարելեացն ընդ լծով իմաստութեան նուաճել . և 'ի դարման մնացելոցն ուսելովքն զհնարս պաճարանաց հայթայթել :

Այս ահա ձեզ ճանապարհ երանութեանն , առ որ պատրաստեաց հայրախնամն Աստուած զամենայն սիրտ մարդկեղէն : Սակայն ձեր երանութիւնդ ոչ ստասպատիր ինչ եղիցի և վաղանցուկ ,

եթէ հրամանաց իմնատու թեանն պատկառ կայ-
ցէք . այլ ճշմարիտ , և այնու իսկ անանցանելի :

Օ այս ճշմարտութիւն ընդ այլոցն ամի յա-
ռաջնոց օրէ անտի , յորում շնորհեցաւ ինձ և
իմում բազմավաստակ գործակցիս տեսանել
զձեզ , գուն գործեցաք ազդողագոյնս տպաւորել
'ի սիրտ և 'ի միտս ձեր : Աւ երանի մեզ՝ եթէ
յաջողեցաք 'ի նոյն :

Աւ եթէ յաջողեցաք , ձեզ արդ պարտ է ձե-
րով բարեկիրթ քաղաքավարութեամբ և ու-
սումնասէր ջանիւք սրբել զքիրան ճակատուց մե-
րոց , զոր քրտնեցաք յոռոգանել զսերմանիս ա-
ռաքինութեան զարկեալս 'ի սիրտ ձեր :

Այլ թէ յանկարծ գուցէ որ 'ի ձեզ , ո՛ առա-
քինի պատանեակք , առ որ չիցեն ազդեցեալ
բանք մեր . և խիթամ , աւանդ , թէ գուցեն , դուք
որ 'ի ճշմարտութեան կացեալ էք 'ի վերայ , դուք
օրինակօք և բանիւք զայնպիսի տառապեալն ա-
ծէք յուղիղ պողոտայն , ընդ որ դուք ինքնին
բուռն հարեալ էք ընթանալ : Ախտանձաւոր
ձեզ արարէք զայնպիսին . նախանձաւոր գործե-
ցէք եղբարց ձերոց այնոցիկ , որ 'ի միջոյ ձերմէ
թուան կոխել զերկնաչու ճանապարհն : Այլ
յանձն առնուցուք զի այնպիսիք ոմանք ձեզ ան-
նմանիք կեղտ ինչ վատ անուան և զձեօք շփես-
ցեն :

Սակայն այս բանք ոչ եթէ կշտամբողականք
ինչ իցեն առ այնպիսիս , զի և ոչ բազմազուարճ

Հանդէս թոյլ տայ ինձ զայն, մանաւանդ թէ սիրան հայրագութ, որ զձեօք զայ զախւ և զգիշերայլ ցոյց են նախանձաւորութե յառաջագիմութեան և փառաց նոցին, և յորդոր 'ի լաւագոյնան թեւակոխելոյ : Օ՛ր դուք և նոքա առ հասարակ զրաւեալ ունիք գողցես միայնակ զիղձս և զցաւս այսր սրախ :

Առաջեմ զձեզ զայս բան քաջ 'ի միտ առնուլ զի վարժարանս այս առաքինութեան ոչ 'ի վեր բարձրանայ կորստական զանձու արծաթոյ, որ շնախանձոտ անյագութիւն ազահուցութե զրգուէ մարդկան . երանի թէ զօտարաց և եթ . այլ հաստահիմն խարսխեսցի 'ի վերայ ձերոյ ուսումնասէր առաքինութեան :

Անուանք ձեր յաւերժական յիշատակ եղիցին . ո՛հ, իցէ՛ թէ յիշատակ փառաց, և յորդոր խրախուսանաց ամենեցուն, որոց թեւակոխեսցեն զկնի ձեր 'ի նոյն աշակերտակցութիւն : Ի մեծ ինչ կոչեցեալ էք 'ի Տեառնէ . մի ապախտ զկոչումն ձեր առնիցէք : Հայրենիք բազմաուտ շայեկանութեան 'ի ձէնջ ակն ունին . մի անշնորհակալու ինչ գործ՝ ունայնաձեռն զտառապեալն վրիպեցուցեն և յակնկալութենէ աստի :

Թերևս հայեցեալ յանձին տկարութի վճաւիցիք . և առ հաւասարութիւն մեծի գործոյս անբաւականս խոստովանեսցիք զանձինս : Ա՛րդար են բանքդ . սակայն սնտախ երկիւղդ . 'ի սիրտ ազնուական չէ հիւր արժանաւոր այդ երկիւղ փոքրոզի :

Վիտեմ և ես զի դուք տկարք էք . ապիկար
 'ի գործ այդպիսի : Ըլ մի թէ ձեզ նման տկար
 իցէ , որ զձեռնն օգնականութեան յերկնից կար-
 կառէ առ ձեզ : Ըլ տեսէք զսրբանուէր պաշտօ-
 նեայս Նարձրելոյն , զհարս ձեր զպէզարդ ծե-
 րունիս և զառաքինի երիտասարդս , զի փոքր մի
 յառաջ զսուրբ բաղուկն 'ի վեր ամբարձեալ
 առաջի Վառինն անմահի մաղթէին 'ի բարձանց
 զաննահանջելի օգնականութիւն երկնից իջու-
 ցանել առ ձեզ : Հնչեն անշուշտ ականջք ձեր ,
 հնչեն տակաւին որմք վարժարանիս գոհացողա-
 կան բանիւքն , զոր 'ի խորոց սրտին կաթոզին
 ձայնիւ 'ի վեր առաքէին առ Մտուած , գրաւա-
 կան նորանոր շնորհաց առ 'ի նմանէ :

Ըրդ թէ այսպիսի բարեխօսք են ձեր . թէ
 այնպիսի հեշտալուր և հզօր օգնական , զի ևս
 վհատել ձեզ : Վուն գործեցէք լինել արժանի
 երկնաւոր օգնականութեանն ձերով հլու անսա-
 ցողութեամբ , խոնարհ պարկեշտութեամբ և
 առաքինի վաստակասիրութեամբ , և այնուհետե
 քայլ թուեցիք հսկայից յասպարիզի ձերում :

Օտոյն 'ի ձէնջ պահանջէ ժողովս առհասա-
 րակ . զոյն և Հայրս աստուածապատիւ , որ զի-
 ջեալ այսր առ ձեզ , զայ ինքեան ձեռօք ստակել
 զբրտնաթոր ճակատս ձեր . և առհաւատչեայ
 երկնատուր ձրիցն ահա բաշխէ ձեզ զաստուա-
 ծապարգև օրհնութիւնն հայրենի :

The first part of the paper is devoted to a general
 consideration of the subject. It is shown that the
 strength of a material is not a constant property,
 but varies with the rate of loading, the temperature,
 and the time of exposure to the load. The
 effect of these factors is discussed in detail, and
 it is shown that the strength of a material is
 a function of the rate of loading, the temperature,
 and the time of exposure to the load. The
 effect of these factors is discussed in detail, and
 it is shown that the strength of a material is
 a function of the rate of loading, the temperature,
 and the time of exposure to the load.



ԳՐԱԶԵ ԵՆՔԱՐ ԿՎԵԼ Է ԱՐՄԱՆՆԱԿԱՆՔԱՆ

1/1 43 թ.

« Ազգային գրադարան



NL0104889

